

БТ  
ЖИ 36

Й. ТУРСУНОВ, З. ШОИМХОНОВ

# ИЖТИМОЙ ТАЪМИНОТ ҲУҚУҚИ

Дарслик

**ЎЗБЕКИСТОН РЕСПУБЛИКАСИ АДЛИЯ  
ВАЗИРЛИГИ**

**ТОШКЕНТ ДАВЛАТ ЙОРИДИК ИСТИТУТИ**

**Й. ТУРСУНОВ, З. ШОИМХОНОВ**

**ИЖТИМОИЙ ТАЪМИНОТ  
ХУҚУҚИ**

*Ўзбекистон Республикаси Олий ва ўрта маҳсус таълим вазирлиги  
томонидан ўқув юртлари учун дарслик сифатида тавсия этилган*

**ТОШКЕНТ – 2003**

Й. Турсунов, З. Шоимхонов. Ижтимоий таъминот хуқуқи. Т.: 2003 йил. 246–б.

Ушбу дарслик 380100 «хуқуқшунослик» ихтисоси бўйича бакалаврият босқичида таълим олуви талабалар учун тайёрланган бўлиб, унда ахолини ижтимоий таъминлашга оид давлат сиёсатининг хуқуқий асослари, пенсиялар ва нафақалар тайинлаш ҳамда тўлаш, бошқа ижтимоий ёрдамларни кўрсатиш, ахолини ижтимоий қўллаб-қувватлашнинг хуқуқий жихатлари ёритилган.

Дарсликдан касб-хунар коллежларининг ўқувчилари, амалиётчи мутахассислар, ижтимоий таъминот хуқуки масалаларига қизиқувчи кенг китобхонлар фойдала – нишлари мумкин.

Тақризчилар: ю.ф.н. доц. Б. Жонбоқиев  
ю.ф.н. доц. М.А. Усмонова  
Тошкент ижтимоий  
таъминот юридик  
техникумининг олий  
малакали ўқитувчиси  
Р.У. Мамажонова



## КИРИШ

Барча замонларда ва жамиятларда қарияларга, бева – бечора, етим – есир, ожизу нотавонларга ғам – хўрлик қилиш, уларга кўмак қўлини чўзиш яхши инсоний фазилатлардан бўлиб келган ва бебаҳо қадрият саналган.

Кишилик тараққиётининг кейинги бир неча юз ийлilikларида ер юзида гуманистик ғояларнинг кучайиши, демократияга ва инсонга чуқур ҳурмат руҳи билан суғорилган дунёвий жамиятлар, давлатлар тарих саҳнасида пайдо бўлди. Шунинг натижаси ўлароқ, демократик ва гуманистик қадриятлар билан бирга, инсон ҳақида, айниқса, ёши, жисмоний аҳволи ёки бошқа хусусиятларига кўра бошқалардан заифроқ, ожизроқ бўлган жамият аъзолари тўғрисида алоҳида ғамхўрлик қўрсатиш, уларга меҳр – оқибат билан муносабатда бўлиш кўпчилик давлатлар юритаётган сиёsatнинг эътиборга сазовор жиҳатларидан бири сифатида намоён бўла бошлади.

Инсон ҳуқуқлари, уларнинг ҳимоя қилиниши ва амалда кафолатланиши юзасидан халқаро ҳамкорлик, мамлакатлараро ҳамда давлатлараро муносабатларнинг тобора кўпроқ уйғунлаштирилиши туфайли ушбу соҳада стандартлар яратилди, бу фаолиятнинг халқаро – ҳуқуқий асослари юзага келтирилди. Бунда «Инсон ҳуқуқлари умумжаҳон Декларацияси», БМТнинг «Ижтимоий – иқтисодий ва маданий ҳуқуқлар ҳақида»ги Пакти, бошқа бир қатор халқаро конвенциялар муҳим аҳамият касб этди.

Бугунги кунда болалар, хотин – қизлар, ногиронлар ҳимоясини таъминлашга қаратилган кўплаб халқаро конвенциялар амал қилиб турганлигини мамнуният билан қайд этиб ўтиш лозим.

Ўзбекистон Республикаси томонидан 1991 йил 30 сентябрда ратификация қилинган «Инсон ҳуқуқлари умумжаҳон Декларацияси»нинг 25 – моддасида айтилишича: «ҳар бир инсон ўзининг ҳамда оиласининг саломатлиги ва фаровонлигини таъминлаш учун зарур бўлган турмуш даражасига эга бўлиш, жумладан, кийим – кечак, озиқ – овқат, тиббий хизмат ва зарур ижтимоий хизматга эга бўлишга ҳамда ишсизлик, касаллик, ногиронлик, бевалик, қариллик ёки унга боғлиқ бўлмаган

шароитларга кўра тирикчилик учун маблағ бўлмай қолган бошқа ҳолларда таъминланиш ҳуқуқига эга.

Оналик ва болалиқ алоҳида ғамхўрлик ва ёрдам ҳуқуқини беради»<sup>1</sup>.

Ўзбекистон Республикаси томонидан 1995 йил 31 августда ратификацияланган БМТнинг «Иқтисодий – ижтимоий ва маданий ҳуқуқлар тўғрисида»ги халқаро Пактининг 9 – моддасига кўра: «Ушбу Пактда иштирок этувчи давлатлар ҳар бир инсоннинг ижтимоий таъминланиши, жумладан, ижтимоий суғурта ҳуқуқини эътироф этади»<sup>2</sup>. Жаҳон миқёсида очликка, қалишоқ – ликка, касалликларга қарши қаратилган кенг ҳамровли дастурлар амалга ошириб келинмоқда, ривожланган давлатлар томонидан кам тараққий топган давлатлар халқарига моддий ёрдам кўрсатиш чоралари кўрилмоқда, инсоният олдида турган долзарб ва глобал миқёсли масалаларни ўзаро ҳамкорликда ҳал этиш чоралари қидирилмоқда. Буларнинг барчаси моҳият жиҳатдан инсонни ижтимоий жиҳатдан ҳимоя қилишга, унинг яшаш ҳуқуқини таъминлашга қаратилгандир.

Бизнинг мамлакатимизда ҳам мустақиллик қарор топганидан кейинги йилларда инсонларни ижтимоий жиҳатдан ҳимоялаш, уларнинг жамиятдаги мавқеини янада мустаҳкамлашга йўналтирилган муайян ишлар амалга оширилди. Бунда энг аввало, фуқароларни ижтимоий ҳимоялаш ва ижтимоий қўллаб – қувватлаш – нинг ҳуқуқий пойдевори барпо этилганлиги, Ўзбекистон Республикаси Конституциясининг 39 – моддасида белги – лаб қўйилганидек: "Ҳар ким қариганида, меҳнатга яроқ – сиз бўлиб қолганида, шунингдек, бокувчисидан жудо бўлганида ҳамда қонунда кўзда тутилган бошқа ҳолларда ижтимоий таъминот олишга ҳақли", деган қоидага мувофиқ, кундалик қонунларимизга асосан фуқаро – ларимизга хилма – хил шакллардаги ижтимоий ёрдам олишнинг кафолатлаб қўйилганилиги, диққатга сазовор. Шу ўринда болалар, хотин – қизлар, ногиронлар, қариялар давлат ва жамиятнинг алоҳида эътибори ҳамда ғамхўрлиги остида эканликлари, Республикамиз Президенти И.А.Каримовнинг

<sup>1</sup> Инсон ҳуқуқлари. Ўкув қўлланмаси. Т., «Ўзбекистон», 1997, 188–189 бетлар.

<sup>2</sup> Ўзбекистоннинг янги қонунлари, №11. Т., «Адолат», 1996, 167 – бет.

ташаббуси билан «Оила йили», «Аёллар йили», «Софлом авлод йили», «Қарияларни қадрлаш йили» шиорлари остида ижтимоий заиф аҳоли қатламларига алоҳида эътибор берилгаётганлиги, ушбу йилларда тегишли ташкилий—ҳуқуқий, молиявий—иқтисодий тадбирлар дастури ишлаб чиқилаётганлиги ва уларнинг ҳаётга татбиқ этилаётганлиги каби жиҳатларни алоҳида қайд этиб ўтиш лозим.

Шунингдек, давлат ва жамият томонидан аҳолига кўрсатилаётган ижтимоий таъминот ва ижтимоий ёрдам самарадорлигини ошириш, бу ёрдамларнинг ёрдамга муҳтоҷ табақаларга аниқ йўналтирилган бўлишини таъминлаш, бундай ёрдам кўрсатилиш механизмлари одамлар учун тушунарли, содда тизимларда бўлишига эришиш мақсадида кейинги йиллар давомида қабул қилинган Ўзбекистон Республикаси ҳукумати қарорлари ҳам диққатга сазовордир. Бу соҳада айниқса Ўзбекистон Республикаси Вазирлар Маҳкамасининг 1999 йил 7 декабрдаги «2000—2005 йилларда ёлғиз кексаларни, пенсионерлар ва ногиронларни ижтимоий ҳимоя қилишни кучайтиришга қаратилган чора—тадбирлар дастури тўғрисида»ги, Ўзбекистон Республикаси Олий Мажлисининг 2001 йил 6 декабрдаги қарори ва Ўзбекистон Республикаси Президентининг 2002 йил 25 январдаги Фармони, Ўзбекистон Республикаси ҳукуматининг 2002 йил 25 январдаги «Аҳолининг ижтимоий ҳимояга муҳтоҷ қатламларини аниқ йўналтирилган тарзда қўллаб—қувватлашни кучай—тириш тўғрисида»ги қарори қабул қилингач, салмоқли ўзгаришлар амалга оширилмоқда. Шуни айтиш лозим — ки, юқоридаги тадбирлар туфайли ижтимоий ҳимоялаш мақсадлари учун 91,3 миллиард сўм, шундан 8 миллиарддан ортиғи давлат бюджетидан, 79 миллиард сўмдан ортиғи пенсия жамғармаси ҳисобидан маблағ сарфлаш кўзда тутилди<sup>3</sup>.

Мамлакатимизда бозор муносабатлари ривож—ланиб бориши шароитида давлат ижтимоий сиёсати, хусусан, унинг муҳим йўналишларидан бири бўлган аҳолини ижтимоий таъминлаш, унинг заиф қатламларини аниқ йўналтирилган ҳолда ижтимоий—иқтисодий жиҳатдан

<sup>3</sup> ҳаралиг: Ўзбекистон Республикаси Вазирлар Маҳкамасининг 2002 йил 24 январдаги 30-сонли қарорларни қадрлаш йили» давлат дастури тўғрисида»ги қарори шархи. «Халқ сўзи» газетаси. 2002 йил 25 январь.

ҳимоялашнинг амалга ошири—лаётганлиги бу соҳадаги қонунчилик тизимларини бўлғуси мутахассис кадрлар томонидан мукаммал ўрганиш—ўзлаштириш, уларни кундалик турмушда қўллаш борасидаги вазифаларни долзарб қилиб қўймоқда. Бундан ташқари, ижтимоий таъминот тизимларининг замон талабларига мос равишда ислоҳ қилинаётганлиги мазкур соҳага оид бўлган қонунчиликни ҳам янада мукаммаллаштириш лозимлитетини, мавжуд муаммоларнинг янгича ҳуқуқий ечимларини қидириб топиш лозимлигини тақозо этмоқда.

Бизнинг назаримизда, ушбу вазифаларни муваф—фақиятли тарзда бажаришга фақат замонавий билим—лар билан етарли қуролланган мутахассис ёшларгина қодирдирлар.

Мазкур дарсликда юқоридағи долзарб вазифалар ҳисобга олинди, шунингдек, у Кадрлар тайёрлаш Миллий дастурида ўкув адабиётларининг чоп этилиши улкан ижтимоий аҳамиятта эга бўлган ишлардан эканлигини кўзда тутган ҳолда тайёрланди.

## УМУМИЙ ҚИСМ

### I БОБ. ИЖТИМОИЙ ТАЪМИНОТ ҲУҚУҚИ ФАНИНИНГ ТУШУНЧАСИ, ПРЕДМЕТИ ВА УНИНГ АСОСИЙ ВАЗИФАЛАРИ

#### 1–§. Ижтимоий таъминот тизимларининг вужудга келиши, ривожланиши тарихи. Ўзбекистон Республикасида ижтимоий таъминотнинг тараққий этиш bosқичлари

Хар қандай давлат ва жамият юритадиган ижтимоий сиёсат ҳамда иқтисодий сиёсат ўзаро боғлиқ бўлиб, иқтисодий сиёсатнинг бош мақсади – ушбу жамиятда яшаётган фуқаролар турмуш фаровонлигини таъминлаш, яъни ижтимоий сиёсатга хизмат қилишдан иборатdir ва шу нуқтаи назардан қараганда ушбу икки сиёсат ўртасидаги мувозанатни, уларнинг ўзаро тўғри нисбатининг белгиланиши жамиятда ижтимоий адолат ўрнатилишининг муҳим шароитларидан бўлиб саналади.)

Давлат ижтимоий сиёсати деганда аҳоли ҳаёт кечириш даражасини шакллантириш, инсон капиталини қайта яратиш, ижтимоий хизматлар кўрсатиш, ижтимоий инфрагузилмаларни барпо этиш, уларнинг бир маромда фаолият юритишини таъминлаш соҳасида муайян давлат томонидан олиб борилаётган ички сиёсат йўналиши назарда тутилади. Фуқароларнинг асосий инсоний ҳуқуқлари, Конституциявий ҳуқуқлари давлат ижтимоий сиёсати орқали рӯёбга чиқарилади. Бунда давлат турли ижтимоий дастурлар ишлаб чиқиш ва амалга ошириш, молиялаштириш нормативларини белгилаш, ижтимоий – иқтисодий андозалар, қонунлар, бошқа меъёрий ҳужжатлар қабул қилиш каби воситалардан кенг фойдаланади.

Шуни қайд этиб ўтиш лозимки, давлат иқтисодий ва ижтимоий сиёсатида ўзаро нисбатнинг бузилиши, яъни аҳоли турмуш даражасининг пасайтирилиши ҳисобига жамғаришга зўр берилиши, иқтисодий сиёсатни кучайтиришга уриниш кўпчилик ҳолларда салбий натижаларга олиб келаётганлиги, бунда ҳам ижтимоий аҳвол ёмонлашиб

кетаётганлиги ва айни пайтда давлат иқтисодий тараққиёти ҳам орқага кетаётганлиги собиқ СССР таркибига кирган мустақил давлатларнинг айримлари тажрибасидан аён бўлмоқда.

Бундай ривожланиш анъанаси тарих учун янгилик эмас, индустрисал цивилизациянинг сўнгти 200 йил давомидаги тараққиёти даврида иқтисодий ва ижтимоий сиёсат нисбатларининг тўғри белгиланмаганлиги туфайли салбий оқибатлар келиб чиқсанлиги бизга маълум. Шу туфайли XIX аср охири ва XX аср бошларида ривожланган мамлакатларда ижтимоий сиёсатта катта эътибор берила бошланди. Уларда иқтисодий тараққиёт юксак кўрсаткичларга эришгани ҳолда аҳоли турмуш даражаси ҳам юқори эканлиги, кафолатланган ҳолда ижтимоий жиҳатдан ҳимояланганликлари сабабларидан бири ҳам ана шунда бўлса керак.

Бугунги кунга келиб жамият иқтисодий ҳаёти ва ижтимоий ҳаёти ўртасида энг мақбул нисбат белгиланишининг икки асосий усули қарор топди. **Улардан бириничиси** – радикал усул бўлиб, бунда ижтимоий сиёсатнинг барча йўналишлари давлат томонидан марказлаштирилган тарзда амалга оширилади. Ижтимоий сиёсат бу усуlda амалга оширилишининг афзал томони сифатида одамларнинг кўпроқ, тўлиқроқ ҳимояланганлиги, давлат бу соҳадаги масъулиятни асосан ўз зиммасига олганлиги, кафолатлар даражаси бирмунча юқори эканлиги кўрсатиб ўтилса – да, аммо у ўзининг серхаржлиги, сунъий тенглаштиришга қаратилганлиги ва шу туфайли ижтимоий адолат тамойилларининг бузилишига олиб келиши, солиқлар шаклидаги оғирликни иқтисодий фаол аҳоли қатламлари зиммасига юклаб қўйилиши каби салбий жиҳатлари билан ажralиб турари ва шу туфайли бозор муносабатлари қарор топган жамиятларда бу усулдан фойдаланиш қийин кечади.

**Иккинчи усул** – ҳаётий мушкулотлар учун давлат масъулияти соқит қилинмагани ҳолда аҳоли турмуш даражаси, ижтимоий жиҳатдан ҳимояланганлиги, инсоний ҳуқуқларнинг кафолатланишида ижтимоий бирдамликка, адолатга, ижтимоий таъминот ва қўллаб – қувватлашнинг муайян муҳтож табақаларга аниқ йўналтирилганлиги, ижтимоий сиёсатнинг амалга оширилишида давлат

маблағлари билан бир қаторда, жамият маблағларига, ўзаро ёрдам, хайрия маблағларига ҳам таянилиши каби хусусиятлари билан тавсифланиши мүмкін.

Ўзбекистон Республикаси давлат мустақиллигини қўлга киритганидан кейинги йиллар давомида юритиб келинаётган ижтимоий сиёsat ривожига эътибор берилса, ана шу радикал усулдан ижтимоий усулага аста – секин ўтилаётганлигини, биринчи усулага хос бўлган ижобий жиҳатлар имкон даражасида сақлаб қолинаётганлигини кузатиш мүмкін бўлади.

Ҳар қандай жамиятда ижтимоий ҳимоя тизимларининг барпо этилиши маълум ишлар амалга оширилишини кўзда тутади. Бунда қуйидагилар амалга оширилиши лозим бўлади:

1) Оилавий ва шахсий даромадларни назорат қилиш ҳамда баҳолаш механизmlаридан фойдаланган ҳолда аҳолининг ижтимоий ҳимоя ва кўмакка муҳтож гурухлари ажратиб олинади;

2) Оиланинг пул ва натура ҳолида оладиган даромадлари ҳисобга олиниб, оила бюджетини аниқлаш, шу орқали турмуш даражасини, ёрдамга муҳтожлигини аниқлаш амалга оширилади.

Бунда ижтимоий ёрдамнинг аниқ йўналтирил – ганлигини таъминлаш мақсадида энг кам истеъмол даражаси – истеъмол дастурхони аниқланади. Минимал турмуш кечириш даражаси аниқланишида энг кам таъминланган оилаларнинг озиқ – овқат, ижтимоий хизматлар ва бошқа буюмларга бўлган кундалик энг зарур талаблари асос қилиб олинади.

Собиқ Иттифоқ таркибиға киравчи баъзи мустақил давлатларда турмуш кечиришнинг энг кам даражаси, зарурй истеъмол дастурхони нотўғри, ҳақиқий аҳволга мос келмайдиган тарзда аниқланаётганлиги ёки бу кўрсаткич умуман ишлаб чиқилмаганлиги туфайли одамлар реал турмуш даражасини холис баҳолаш имкони мавжуд эмас:

3) Ижтимоий ёрдам ва таъминот бериш усулининг тўғри белгиланиши, яъни бундай ёрдамларнинг пул ҳолида, натура кўринишида ёки ижтимоий имтиёзлар ва афзалликлар шаклида берилишининг тўғри танланиши муҳим аҳамиятта эга.

XXI асрдаги ижтимоий тараққиётнинг асосий хусусиятлари муҳокама қилинган 1995 йил Копенгагенда бўлиб ўтган Олий даражадаги учрашувлар юзасидан қабул қилинган Умумжаҳон Декларациясида қайд этиб ўтилганидек, XXI аср иқтисодиёт инсон манфаатларига йўналтирилганлиги таълимотига таяниши билан ажralиб туради.

Стратегик жиҳатдан олганда, инсон омилига таянилиши, унга капитал сарфланиши – капитал сарфлашнинг энг сермаҳсул, энг рационал усули саналади. Чунки инсонга, унинг моддий турмуш даражасига эътибор берилаётган давлатларгина иқтисодий юксалишга эришмоқда, уларда меҳнат унумдорлиги юқори бўлмоқда, жамият фаровонликка эришмоқда. Аксинча, инсон аҳамияти пасайтирилаётган, унинг турмуш кечириш даражаси паст бўлган давлатлар, қашшоқлар яшайдиган давлат қашшоқ давлатлигича қолмоқда ва бу ҳамма нарсани одамлар ҳал қиласи деган қадимий қоиданинг тўғри эканлигини, инсон омили ҳисобга олинмайдиган давлатнинг тараққий топа олмаслигини исботламоқда.

1 Ўзбекистон Республикаси сиёсий ва иқтисодий мустақиллигини қўлга киритганидан кейин давлат ва жамиятнинг муҳим функционал фаолият олиб бориш соҳаларидан бири сифатида ижтимоий таъминот тизимлари аста – секинлик билан шакллантирила бошланди. Мустақилликнинг дастлабки йилларида ижтимоий таъминот сиёсати ҳуқуқий асослари сифатида собиқ иттифоқ даврида қабул қилинган қонунлардан фойда – ланилган бўлсада<sup>4</sup>, аммо аста – секинлик билан, босқич – ма – босқич тарзда бу соҳадаги ўз миллий қонунчили – гимиз шакллантирила бошланди. Дастлабки давларда бу Ўзбекистон Республикаси Президенти Фармонлари, Вазирлар Маҳкамасининг қарорлари шаклида амалга оширилган бўлса<sup>5</sup>, кейинчалик ушбу масалаларга оид маҳсус қонунлар қабул қилинди ва ижтимоий таъминот тизимлари миллий қонунчилик асосида ривожлантирила бошланди<sup>6</sup>.

<sup>4</sup> қаранг: «Давлат пенсиялари түргисида»ги 1956 йилги ва «Кохозчиларга пенсия ва пафақалар тайинлаш тўғрисида»ги 1964 йилги қонун ва х.к.

<sup>5</sup> қаранг: Ўзбекистон Республикаси Президентининг 1994 йил 16 июндаги «Болали оиласаларга давлат ижтимоий ёрдами тизимини тақомиллаштирип тўғрисида»ги Фармони ва болқалар.

<sup>6</sup> қаранг: Ўзбекистон Республикаси Олий Конғашида 1993 йил 3 сентябрда қабул қилинган «Фуқароларийнг давлат пенсия таъминоти тўғрисида»ги қонун, Ўзбекистон Республикаси Президентининг 2000 – 2002 йиллардаги Фармонлари ва бошқалар.

Республикамизда ижтимоий таъминот ва унинг ҳуқуқий тизимлари барпо этилиши шартли равища бир неча босқичларга бўлинниши мумкин ҳамда бу босқичлар мамлакатимизнинг мустақиллик йилларидағи тараққиёти даври хусусиятларини ўзида объектив тарзда акс эттиради.

Бу босқичлар қуидаги тақсимланади:

**Биринчи босқич.** Мамлакат мустақил деб эълон қилинган – 1991 йил 31 августдан Ўзбекистон Республикасининг Конституцияси қабул қилинган – 1992 йил 8 декабргача бўлган даврни ўз ичига олади.

Бу давр мустақил давлат органлари, шу жумладан ижтимоий таъминотни амалга ошириш соҳасидаги давлат органлари, улар кундалик фаолиятининг ҳуқуқий асослари шакллантирилиши даври эканлиги билан, собиқ Иттифоқ давридаги давлат тузилмалари ўз фаолиятини амалга оширишда давом этаётган, собиқ иттифоқ қонунчилик ҳужжатлари амал қилиб турганлиги билан, айни пайтда давлатчиликнинг миллий тизимлари тез суръатлар билан барпо этилаётган, янги – янги фармонлар, қарорлар қабул қилинаётган давр эканлиги билан тавсифланади.

**Иккинчи босқич.** Ўзбекистон Республикасининг 1992 йил 8 декабрдаги янги – мустақил давлат сифатидаги Конституцияси қабул қилинган санадан бошланган ва тахминан 1994 йилнинг ўрталаригача давом этган. Иккинчи босқич янги конституциявий заминга таянилган ҳолда давлат ва ҳуқуқ тизимлари қайтадан шакллантирила бошланганлиги, пенсия таъминоти соҳасида миллий қонуннинг қабул қилиниши, ижтимоий таъминотни сунъий тенглаштирилган ҳолда амалга оширилишидан тобора аниқ йўналтирилган кўринишга эга бўлиб бораётганлиги, заиф аҳоли қатламлари ижтимоий ҳимоясини аста – секин кучайтирила бориши билан диққатга сазовордир.

**Учинчи босқич.** 1994 йилнинг иккинчи ярмидан 2001 йилгача бўлган вақт оралигини қамраб олган. Бу даврда ижтимоий таъминот соҳасидаги қонунчилик тизимлари асосан барпо этиб бўлинди; аниқ йўналтирилган ижтимоий ҳимоялаш тизимлари ва механизмлари яратилди; ижтимоий таъминотни амалга ошириш манбалари саналувчи молиявий маблағлар, уларнинг шакллантирилиши, сарфланиши соҳасидаги давлат ва жамият

тизимлари юзага келтирилди ҳамда уларни бир маромда ишлашлиги таъминланди.

*Тўртинчи босқич.* Бу босқич 2000 йил охирларидан бошланган бўлиб, бугунги кунда ҳам давом этиб келмоқда.

Ўзбекистон Республикаси Вазирлар Маҳкамасининг 2000 йил 15 ноябрдаги «Ўзбекистон Республикасида пенсия таъминоти тизимларини такомиллаштиришга оид чора – тадбирлар ҳақида»<sup>7</sup>ги қарорининг қабул қилиниши ва шу асосда пенсия жамғармасининг тизимлари қайта ташкил этилиши, якка тадбиркорлар ва якка деҳқон хўжаликлари пенсия таъминоти масалаларининг содда – лаштирилиши<sup>8</sup>, аҳолини ижтимоий ҳимояга муҳтож қатламларини аниқ йўналтирилган тарзда қўллаб – қувватлашнинг 2002 – 2003 йилларга мўлжалланган ҳукумат дастурининг қабул қилиниши ва рӯёбга чиқа – рилишига қаратилган қонун ҳужжатларининг қабул қилиниши, ижтимоий ёрдам олувчи фуқаролар доирасининг кенгайтирилиши ҳамда моддий ёрдам миқдорларининг кўпайтира борилиши кабилар ушбу босқичнинг ўзига хос хусусиятларидан саналади.

## **2–§. Ижтимоий таъминот ҳуқуқи фани, унинг предмети, асосий тамойиллари ва вазифалари**

Давлатнинг ижтимоий сиёсати йўналишларидан бири бўлган аҳолини ижтимоий таъминлаш, ўз жисмоний ва бошқа хусусиятларига кўра жамият ёрдамига муҳтож бўлган заиф қатламларни ижтимоий ҳамда иқтисодий жиҳатдан ҳимоялашни амалга ошириш масалаларига таалуқли бўлган қонунчилик соҳаси ижтимоий таъминот ҳуқуқи деб юритилади.

Ижтимоий таъминот ҳуқуқининг конституциявий асослари Ўзбекистон Республикаси Конституциясининг 39 – моддаси билан белгилаб қўйилган. Унда: «ҳар ким қариганда, меҳнат лаёқатини йўқотганда, шунингдек, боқувчисидан маҳрум бўлганда ва қонунда назарда тутилган бошқа ҳолларда ижтимоий таъминот олиш ҳуқуқига эга», дейилади. Ушбу конституциявий

<sup>7</sup> қаранг: Ўзбекистон Республикаси Вазирлар Маҳкамасининг 2001 йил 24 августдаги қарори ва унинг иловалари.

<sup>8</sup> қаранг: «Халқ сўзи» газетаси. 2002 йил 26 январь.

ҳуқуқларнинг реал амалга оширилиш шакллари, усуллари ва воситалари Конституция асосида қабул қилинган Ўзбекистон Республикаси қонунлари, Ўзбекистон Республикаси Президенти Фармонлари, ҳукумат қарорлари ва бошқа меъёрий ҳуқуқий ҳужжатлар билан белгилаб қўйилган бўлиб, улар ўзаро қўшилгани ҳолда ижтимоий таъминот ҳуқуқи ягона ҳуқуқ соҳасини ташкил қиласди.

Ижтимоий таъминот ҳуқуқи фан соҳаси сифатида фуқароларни турли шаклларда ижтимоий таъминлаш, ижтимоий таъминотнинг амалга оширилиши билан машғул бўлган давлат органлари тизими, уларнинг ишлаш режими, аҳолини ижтимоий таъминлаш масалаларини ҳуқуқий тартибга солиш жараёнининг хусусиятлари, бу жараённинг ривожланиш тенденциялари, муаммолари, бу муаммоларни ҳал этилиш масалалари, ижтимоий таъминот ва ёрдам шакллари, уларнинг янада такомиллаштирилиши, ижтимоий таъминотнинг амалга оширилиш усулларини ҳаётнинг ўзгарувчан шароитларига мослаштириш каби назарий масалалар ҳамда уларнинг амалиётга татбиқ этиш муаммолари билан шугулланади.

Аввало, «ижтимоий таъминот» ва «ижтимоий таъминот ҳуқуқи» тушунчалари тўғри англаб олинмоғи лозим.

И.Т. Тультеевнинг фикрича: «Ижтимоий таъминот» тушунчаси давлат томонидан фуқароларнинг ижтимоий кам таъминланган қатламларига уларнинг асосий моддий эҳтиёжларини қондириш, уларга пенсиялар, нафақа ва бошқа кўринишдаги моддий ёрдам ва бошқа турдаги ижтимоий ёрдам кўрсатиш йўли билан кишиларнинг нормал ҳаёт қечиришлари учун зарур шароитлар яратиб беришдир»<sup>9</sup>.

Бизнинг назаримизда, «ижтимоий таъминот» тушунчасига бу муаллиф берган тариф Ўзбекистон Республикаси Конституцияси 39 – моддасини кенгайтириб талқин этишдан иборатдир. Чунки на Конституциянинг ўзида ва унинг асосида қабул қилинган бошқа қонунларда фуқаронинг ижтимоий таъминот олишининг зарурий шарти сифатида унинг кам таъминланган бўлиши лозимлиги назарда тутилган эмас. Фуқаро муайян миқдордаги меҳнат стажига эга бўлса ва бошқа бир қатор шартлар (маълум

<sup>9</sup> Ўзбекистон Республикаси Конституциясига шарх. Т., «Ўзбекистон», 2001 йил, 233-бет.

ёшга етган ёки ногирон деб эътироф этилган ва ҳоказо) мавжуд бўлса, таъминланганлик даражасидан қатъий назар, ижтимоий таъминот олишга ҳақли бўладилар, яъни унинг моддий жиҳатдан яхши таъминланган аҳволда эканлиги, айтайлик, ёшга доир пенсия тайинланишига ҳеч бир монелик қилмайди. Шу туфайли И.Т. Тультеевнинг «Бошқача қилиб айтганда, ижтимоий таъминот – ижтимоий ҳимоя ва қўллаб – қувватлашга муҳтоҷ фуқароларни моддий жиҳатдан таъминлашнинг давлат тизими», деган фикрига ҳам унчалик қўшилиб бўлмайди<sup>10</sup>.

Тўғри, ижтимоий таъминотнинг муайян шакллари амалга оширилишида аниқ йўналтирилганлик тамойиллари ҳамда хусусиятлари мавжуд ва бу хусусиятлар кучайиб бормоқда. Бироқ бу хусусиятлар нафақа таъминотининг айрим турларига, натурал ҳолда кўрсатиладиган ижтимоий ёрдам, имтиёз ва енгилликларга хосдир. Шу туфайли ижтимоий таъминотни фуқаролар моддий аҳволига, кам таъминланган бўлишлигига боғлаб қўйиш аҳолининг муайян қатламлари ижтимоий таъминот ҳуқуқларйни шубҳа остига қўйилишига ва шу туфайли конституциявий ҳуқуқлар бузилиши учун шарт – шароит яратилишига сабаб бўлган бўлар эди.

Ижтимоий таъминот деганда асосан давлат йўли билан фуқароларни таъминлаш ва қўллаб – қувватлаш, давлат ижтимоий таъминот тизимлари назарда тутилади. Аммо бутунги кунда ижтимоий таъминотнинг бошқа кўринишлари ҳам юзага кела бошлади. Хусусан, Ўзбекистонда «Нуроний», «Софлом авлод учун», «Маҳалла», Болалар ва бошқа ижтимоий жамғармаларнинг ташкил этилганлиги; турли корхоналар, ташкилотлар, айрим фуқаролар томонидан хайр – эҳсон тарзида турли ёрдамлар, тадбирлар ўюштирилаётганлиги нодавлат ижтимоий таъминот тизимларини ҳам аста – секин шаклантириб борилаётганлигидан, аҳолининг ёрдамга муҳтоҷ, заиф қатламларини ижтимоий ҳимоя қилишда уларнинг ўрни, салмоғи ортиб бораётганлигидан дарак беради.

Буларнинг барчаси «ижтимоий таъминот» тушунчаси мазмунан кенгайиб ва бойиб бораётганлигидан, ўзида бозор

<sup>10</sup> қаранг: Ўша манба.

муносабатларидан келиб чиқувчи хусусиятларни тұлароқ акс эттираёттанлигидан нишонадир.

«Ижтимоий таъминот ҳуқуқи» түшунчасига келсак, бу түшунча «ижтимоий таъминот» түшунчаси билан бевосита боғлиқ бўлиб, унинг бир қиррасини, яъни ижтимоий таъминотнинг амалга оширилишига оид ташкилий – ҳуқуқий шакларни, қонунчилик тизимини, ижтимоий таъминотни амалга оширувчи давлат, тегишли ҳолларда эса жамоат органлари тизимини ўзида акс эттиради.

Ижтимоий таъминотни амалга оширилиши соҳасида юз берувчи ижтимоий муносабатлар ижтимоий таъминот ҳуқуқи фанининг предмети саналади. Аммо бунинг учун ушбу ижтимоий муносабатлар ижтимоий таъминот соҳасидаги қонунчилик актлари билан тартибга солиниши, яъни қонун ҳужжатларининг «таъсир доираси»га кириши лозим.

Ижтимоий таъминот ҳуқуқи фани предмети саналувчи ижтимоий муносабатлар таснифи ва тавсифи, уларнинг юзага келиш, барҳам топиш хусусиятлари, бу муносабат иштирокчилари, уларнинг ҳуқуқий ҳолати, ижтимоий таъминот соҳасидаги ҳуқуқларни ҳимояланиш усуллари ва воситаларига оид масалалар тегишли бобларда атрофлича ёритилиши боис, уларга бу ўринда батафсил тұхтаб ўтириш мақсадга мувофиқ эмас. Шундай бўлса – да, фуқароларни пенсиялар, нафақалар, моддий ёрдамлар билан таъминлаш, уларга турли ижтимоий натурал ёрдамлар кўрсатиши, ижтимоий имтиёзлар бериш пайтида ижтимоий таъминот олиш ҳуқуқига эга шахслар билан бундай ёрдамни кўрсатиш вазифаси юклатилган давлат ёки бошқа жамоат органлари ўртасида вужудга келувчи ҳуқуқий муносабатлар; фуқаролар, корхона ва ташкилотлар, ижтимоий таъминот органлари ҳуқуқий мақомининг белгиланиши, ижтимоий таъминот шаклларининг амалга оширилиши асослари, шартлари, тартибларининг белгиланиши кабилар ижтимоий таъминот ҳуқуқи предмети саналади.

Ижтимоий таъминот ҳуқуқи фанининг тамойиллари – яъни бу таъминотни амалга оширилишига оид ғоялар, энг аввало, умумэътироф этган универсал халқаро ҳуқуқий стандартлар саналмиш БМТнинг «Инсон ҳуқуқлари Умумжаҳон Декларацияси», Иқтисодий – ижтимоий ва

маданий ҳуқуқлар тұғрисидаги пактта, бошқа етакчи халқаро ҳуқуқий ҳужжатларга таянади.

Ўзбекистон Республикаси Конституцияси, унинг асосидаги миллий қонунчилік тизимимизга мансуб бўлган қонунларда ва бошқа қонун ҳужжатларида ҳам ижтимоий таъминот тамойиллари назарда тутиб қўйилган.

Ижтимоий таъминотни амалга оширишнинг энг етакчи тамойиллари Республикамиз Президенти И. А. Каримовнинг ижтимоий – иқтисодий ислоҳотларни амалга оширишга, мамлакатимизда бозор иқтисодига асосланган ҳуқуқий давлат, фуқаролик жамияти барпо этишга бағишиланган илмий – назарий қарапшларида баён этилган.

Жумладан, «...демография соҳасидаги реал аҳволни, аҳолининг мавжуд турмуш даражасини ҳисобга олган ҳолда бозор муносабатларига ўтиш билан бир қаторда одамларни ижтимоий ҳимоялаш соҳасида кучли чора – тадбирларни олдиндан амалга ошириш керак. Ижтимоий ҳимоялаш ва кафолатларнинг кучли, таъсирчан механизми мавжуд бўлгандагина ижтимоий – сиёсий барқарорликни сақлаб қолган ҳолда бозор иқтисодиёти сари тинимсиз ривожланиб боришни таъминлаш мумкин»лиги ҳақида Республикамиз Президенти И. А. Каримовнинг foялари<sup>11</sup> мамлакатимизда ижтимоий таъминотнинг амалга оширилишидаги туб тамойилни ташкил қилди.

Ижтимоий таъминот ҳуқуқининг тамойиллари умумҳуқуқий тамойиллардан ҳамда турли шакллардаги ижтимоий таъминотнинг амалга оширилишига бевосита тааллуқли бўлган ўзига хос тамойиллардан иборатdir.

Ижтимоий таъминотнинг амалга оширилишида қонунийликка амал қилиш, камситишга йўл қўйилмаслик, инсонпарварлик, демократизм каби умумҳуқуқий тамойиллар сўзсиз амал қиласди. Бу тамойилларнинг рўёбга чиқарилиши Республикамиз Конституцияси ва бошқа қонунлар билан тўла кафолатланган бўлиб, улардан қандайдир тарзда чекиниш инсон ҳуқуқларини поймол этилиши сифатида баҳоланади ҳамда қонун ҳужжатларида назарда тутилган ҳуқуқий жавобгарликларни келтириб чиқаради.

Юқоридагилардан ташқари ижтимоий таъминот ҳуқуқининг ўзига хос, маҳсус тамойиллари ҳам мавжуд

<sup>11</sup> қаранг: Ислом Каримов. Ўзбекистон иқтисодий ислоҳотларни чуқурлаштириш йулида. Т., «Ўзбекистон», 1995 йил, 11-бет.

бўлиб, бу тамойиллар ижтимоий таъминотнинг амалга оширилишига, у ёки бу шаклдаги ижтимоий ёрдам хусусиятларига ва бошқаларга тааллуқли бўлади.

Ижтимоий таъминот ҳуқуқининг маҳсус тамойиллари жумласига қўйидагиларни киритиш мумкин:

1) *Ижтимоий таъминотнинг умумийлиги ва кенг қамровли тусла эга эканлиги.* Бунда фуқароларни миллати, жинси, ижтимоий мавқеи ва бошқа фарқларидан қатъи назар муайян кўрсаткичлар мавжуд бўлгани тақдирда тенг асосларда ижтимоий таъминот олишлари тушунилади. Шуни айтиш кифояки, бугунги кунда икки ярим миллион нафардан ортиқ фуқаролар пенсиялар, юз минглаб оиласлар нафақалар ва бошқа моддий ёрдамлар олмоқдалар, ана шу мақсадлар учун давлат бюджетидан юз миллиардлаб сўм маблағ сарфланмоқда.

2) *Ижтимоий таъминот учун ажратиладиган маблағнинг етарли даражадалиги.* Яъни: пенсиялар ва нафақалар миқдори белгиланиш пайтида турмуш кечириш учун зарур бўлган энг кам маблағ кўрсаткичи, истеъмол дастурхони таркибига кирувчи энг зарур маҳсулотлар ва хизматлар тўплами учун зарур бўлган маблағнинг энг кам даражаси эътиборга олиниши ушбу тамойил моҳиятини ташкил этади. Пенсияларнинг энг кам миқдорлари, нафақалар ва уларнинг энг кам миқдорлари қонун ҳужжатлари билан белгилаб қўйилиши ҳамда ушбу энг кам миқдордан кам бўлишига йўл қўйилмаслиги, ушбу энг кам миқдорларни вақти – вақти билан қайта кўрилиб, индексация қилиб турилиши орқали мазкур тамойил рӯёбга чиқарилади<sup>12</sup>.

Ижтимоий таъминотнинг етарли даражада бўлиши тамойили БМТнинг 1966 йил 19 декабрдаги «Иқтисодий – ижтимоий ва маданий ҳукуқлар тўғрисидаги халқаро пактнинг 11 – моддаси, 1 – бандида назарда тутилган: «Ушбу Пактда иштирок этувчи давлатлар ҳар бир киши ўзи ва оиласи учун етарли озиқ – овқат, кийим – кечак ва уй – жой ҳамда турмуш шароити тўхтовсиз яхшиланиб боришини ўз ичига оладиган етарли турмуш даражаси бўлиши ҳуқуқини эътироф этади» деган Бош қоидага асосланади.

<sup>12</sup> Сўнгти бор пенсиялар ва нафақалар миқдори Узбекистон Республикаси Президентининг 2002 йил 26 марта даги Фармони билан оширилди.



4099

3) Ижтимоий таъминотнинг амалга оширилишида фуқароларнинг ўзини – ўзи бошқариш органлари, корхона ва ташкилотлар, жамоат бирлашмаларининг бевосита иштирок этишлари тамойили. Мамлакатимизда фуқаролик жамияти барпо этилайдётганлиги, кучли давлатчиликдан кучли жамиятта томон ривожланиб борилаётганлик кўринишларидан бири – давлатта хос функциялар жамиятга ўтказа борилаётганлигига, аввал давлат органлари бажариб келган вазифалар босқичма – босқич фуқаролар йиғинлари, бошқа жамоат органлари зиммасига юкланаётганлигига кўзга ташланади.

Республикамиз Президенти И.А. Каримов ўзининг дипломатия корпуси раҳбарлари, ҳалқаро ташкилотлар ва хорижий оммавий ахборот воситалари вакиллари билан 1996 йил 27 декабрда бўлиб ўтган учрашувда сўзлаган нутқида таъкидлаб ўтганидек: «Давлат, жамият ва шахс ўртасидаги муносабатлар демократик тус олмоқда. Давлатга қарашли бўлмаган тузилмаларнинг ваколатлари кенгаймоқда. Уларнинг ижтимоий муносабатларни ривожлантиришда, жамиятни бошқаришда тутган ўрни тобора салмоқди ва фаол бўлиб бормоқда»<sup>13</sup>.

Ўзбекистон Республикаси Президентининг 1999 йил 13 январдаги «Аҳолини аниқ йўналтирилган ижтимоий мадад билан таъминлашда фуқароларнинг ўзини – ўзи бошқариш органлари ролини ошириш тўғрисида»ги Фармони қабул қилинди<sup>14</sup>.

Бугунги кунда ижтимоий таъминотнинг амалга оширилишида корхона ва ташкилотлар, уларнинг меҳнат жамоалари, турли нодавлат – ноҳукумат жамғармалари, хайрия ташкилотлари, тадбиркор фуқаролар ва бошқа шахслар ҳам иштирок этиб келмоқдалар. Бу анъананинг тобора кучайиб бориши башорат қилинмоқда. Бинобарин ожизларга раҳм – шафқат қилиш, ёрдам қўлини чўзиш, саҳоватпешалик, бағрикенглик ўзбек ҳалқининг миллий хусусияти бўлиб, авлоддан – авлодга ўтиб келаётган бебаҳо анъаналаримиздан, қадимий қадриятларимиздан саналади.

4) Мамлакатимизда ижтимоий таъминот хилма – хил шаклларда амалга оширилиши тамойили. Ижтимоий

<sup>13</sup> Ислом Каримов. «Янгича фикрлаш ва ишлаш – давр талаби». 5-китоб, Т., «Ўзбекистон», 1997 йил, 288-бет.

<sup>14</sup> қаранг: «Ишонч» газетаси, 1999 йил 15 январь.

таъминотга оид қонунчилик ҳужжатларида таъминот ҳар хил шаклларда, хусусан, пенсиялар, нафақалар, бир марталик моддий ёрдамлар, ижтимоий хизматлар кўрсатиши, муайян имтиёзлар ва енгилликлар кўринишида амалга оширилиши назарда тутилган. Келгусида ижтимоий ёрдам кўрсатиши шакллари янада хилма – хиллашуви шаклан мукаммаллашиб бориши кутилмоқда.

Ижтимоий таъминотнинг қайси шаклда амалга оширилиши масаласи аниқ шарт – шароитлар ҳисобга олингани ҳолда қонун ҳужжатлари билан белгилаб қўйилади.

Ижтимоий таъминотнинг асосий шакли, пенсиялар ва нафақалар беришдан иборат эканлиги шубҳасиз ҳамда ижтимоий таъминотнинг ушбу икки шакли етакчи мавқеини сақлаб қолиши аниқ, аммо пенсия ва нафақалар ҳам шаклан такомиллаштириб борилиши табиий ҳолдир.

5) *Ижтимоий таъминотни давлат ва жамият маблағлари ҳисобидан амалга оширилиши.* Одатда фуқаролар ижтимоий таъминот учун олдиндан бадаллар тўламайдилар (қонунда кўзда тутилган ҳоллардан, якка тадбиркор ва деҳқон хўжалиги аъзоси бўлган фуқаролардан ташқари) ва ижтимоий таъминот бюджет маблағлари, бюджетдан ташқари пенсия жамғармаси маблағлари ҳисобидан амалга оширилади. Аммо келгусида пенсия таъминоти тизимларида ислоҳотлар қилиниши натижасида фуқароларнинг шахсий маблағлари ҳисобига параллел пенсия таъминоти тизимлари ҳам вужудга келтирилиши мумкин. Жаҳоннинг айrim ривожланган мамлакатларида ана шундай нодавлат ижтимоий таъминот тизимларининг мавжудлиги ва амал қилиб турганлиги, ҳозирда мустақил бўлган ҳамдўстлик давлатларининг баъзиларида ҳам шундай нодавлат пенсия таъминоти тизимларини барпо этилаётганлиги бизнинг мамлакатимизда ҳам келгусида ана шундай ўзгаришлар бўлиши мумкинлигини истисно этмайди.

6) *Ижтимоий таъминотни амалга оширилиши устидан давлат ва жамоат назоратининг ўрнатилганлиги тамойили.*

Ижтимоий таъминотга оид маблағларни ўз вақтида ва тўлиқ ҳажмда тўланиши мақсадга мувофиқ ва тўғри сарфланиши, ижтимоий таъминотни амалга оширувчи давлат ҳамда жамоат органлари, уларнинг мансабдор

шахслари фаолиятининг қонунийлиги устидан умумий назоратни Ўзбекистон Республикаси прокуратура органлари амалга оширади.

Ўзбекистон Республикасининг «Прокуратура тўғрисида»ги Қонунининг 4 – моддасига мувофиқ: «Вазирликлар, давлат қўмиталари, идоралар, фуқароларнинг ўзини – ўзи бошқариш органлари, жамоат бирлашмалари, корхоналар, муассасалар, ташкилотлар, ҳокимлар ва бошқа мансабдор шахслар томонидан қонунларнинг ижро этилиши устидан назорат қилиш;

фуқаронинг ҳуқуқ ҳамда эркинликларини таъминлашга қаратилган қонунлар ижроси устидан назорат қилиш» прокуратура органлари фаолияти йўналишларидан саналади<sup>15</sup>.

Прокуратура органлари томонидан амалга ошириладиган назорат шакллари, усуллари ва воситалари юқорида эслатилган «Прокуратура тўғрисида»ги қонунда назарда тутилган.

Ўзбекистон Республикаси Вазирлар Маҳкамасининг 2000 йил 15 ноябрдаги қарорига кўра (қарорнинг 8 – банди) ҳамда Ўзбекистон Республикаси Вазирлар Маҳкамасининг 2001 йил 6 апрелдаги қарори билан тасдиқланган «Ўзбекистон Республикаси Мехнат ва аҳолини ижтимоий муҳофаза қилиш вазирлиги тўғрисидаги Низомга кўра (Низомнинг 9.4 – банди), Ўзбекистон Республикаси Мехнат ва аҳолини ижтимоий муҳофаза қилиш вазирлиги бюджетдан ташқари пенсия жамғармаси маблағларидан мақсадли фойдаланишини назорат қиласи, ижтимоий таъминот бўлимлари томонидан пенсиялар ва ижтимоий суғурта бўйича нафақалар тўғри тайинланганилиги ва тўланганлитини текшириш бўйича назорат – тафтиш ишларини амалга оширади ва ташкил этади.

Мехнат ва аҳолини ижтимоий муҳофаза қилиш вазирлиги назорат қилиш функциясини амалга ошириш механизмлари идоравий меъёрий ҳужжатлар билан белгилаб қўйилади.

Вазирлар Маҳкамасининг 2000 йил 15 ноябрдаги қарорида бюджетдан ташқари Пенсия жамғармасига маблағлар келиб тушиши ва сарфланиши устидан жамоат назоратини олиб бориш «Нуроний» жамғармасининг

<sup>15</sup> қаранг: Ўзбекистон Республикаси қонун ҳужжатлари тўплами. 2001 йил, №20, 139 – модда.

«Назорат кенгаши» жамоатчилик комиссияси томонидан амалга оширилиши назарда тутилган (қарорнинг 11 – банди).

Ижтимоий таъминотнинг тўғри амалга оширилиши устидан таъсирчан ва самарали назорат ўрнатилиши бу соҳада қонунийликни таъминлаш, маблағларни ўз эгаларига етиб боришини таъминлашнинг асосий кафолатларидан саналади.

Ижтимоий таъминот ҳуқуқида бошқа бир қатор тамойиллар ҳам амал қиласди. Ижтимоий таъминот ҳуқуқи қонунчилик тармоғи ва Ўзбекистон Республикаси Миллий қонунчилик тизими таркибий қисми сифатида қуидаги вазифаларни бажаради:

а) фуқароларнинг Ўзбекистон Республикаси Конституциясида кафолатлаб қўйилган ижтимоий таъминот олиш ҳуқуқларини рўёбга чиқариш механизmlарини белгилайди;

б) ижтимоий таъминотнинг амалга оширилишида ижтимоий адолат тамойилларининг қарор топишини таъминлади ва бу тамойилнинг бузилишига йўл қўймайди;

в) ижтимоий таъминот соҳасида фуқароларга бериладиган ҳуқуқлар ҳажми ва мазмунини назарда тутади;

г) ижтимоий таъминотни амалга ошириш вазифаси юклатилган давлат ва жамоат органлари, корхона ҳамда ташкилотлар ҳуқуқий мақомини, вазифаларини, ваколатлари ва мажбуриятларини белгилайди;

д) ижтимоий таъминот учун зарур бўлган молиявий маблағларнинг қонун ҳужжатларида белгиланган тартибда тўпланиши, мақсадга мувофиқ сарфланиши йўлларини кўзда тутади;

е) ижтимоий таъминот соҳасида ҳуқуқбузарликка йўл қўйган мансабдор шахслар ва айрим фуқаролар учун ҳуқуқий жавобгарлик чораларини, юридик шахслар учун эса молиявий жазо чораларини белгилайди ва бошқа вазифаларни бажаради.

Ижтимоий таъминот ҳуқуқи ҳуқуқнинг бир соҳаси, ҳуқуқий фан тармоғи сифатида қуидаги вазифаларни бажаради:

а) бозор иқтисодиёти муносабатлари қарор топаётган шароитда аҳолини самарали ижтимоий ҳимоя қилиш ва

ижтимоий таъминлаш йўлларини такомиллаштириш ҳамда ривожлантириш;

б) ижтимоий таъминотни амалга оширишнинг ҳуқуқий жиҳатларига тааллуқли бўлган муаммоларни аниқлаш, уларнинг ечимини излаб топиш;

в) аҳолини ижтимоий таъминлашга оид ижтимоий жараёнларни тадқиқ этиш ва шу асосда бу жараёнлар истиқболи ҳақида илмий асосланган прогнозлар бериш;

г) ижтимоий таъминотта оид қонунларни кундалик амалиётда қўлланилиши, бунда юзага келаётган камчиликларни аниқлаш, уларни бартараф этиш, қонунчиликнинг янада такомиллаштирилиши юзасидан таклиф ва тавсиялар бериш;

д) ижтимоий таъминот органлари учун малакали, замон талабларига мос мутахассис кадрлар тайёрлаш учун зарур бўлган чора – тадбирларни амалга ошириш кабилар.

Ижтимоий таъминот ҳуқуқи фан соҳаси сифатида бошқа кўплаб фундаментал ва назарий – илмий вазифаларни ҳам бажаради. Ижтимоий таъминот ҳуқуқи услублари деганда бу соҳадаги ҳуқуқий муносабатларни тартибга солиш пайтида қўлланиладиган таъсир ўтказиш шакллари ва воситалари ийғиндиси тушунилади.

Ижтимоий таъминот муносабатлари асосан, бир томондан, давлат органи, иккинчи томондан, айрим фуқаролар қатнашувчи оммавий ҳуқуқий муносабат бўлганлиги сабабли маъмурӣ – ҳуқуқий воситалардан фойдаланилгани ҳолда тартибга солинади. Бунда ҳуқуқий муносабат томонлар келишувига кўра эмас, балки қонун ҳужжатларида кўзда туттилган асосга кўра юзага келади. Томонларнинг ҳуқуқ ва мажбуриятлари мазмuni ва ҳажми ҳам уларнинг ўзаро келишувига кўра белгиланмай, қонун ҳужжатларида олдиндан белгилаб қўйилган бўлади. Шу туфайли ижтимоий таъминот муносабатларида давлат зўрлиги, императив қоидалар ҳукмрон мавқеига эга бўлади.

Ижтимоий таъминот ҳуқуқи тарихан таркиб топган ўз тизимиға, яъни ушбу ҳуқуқ соҳаси институтлари ва категорияларининг мунтазам боғлиқлиги, ягоналигига эга. Ижтимоий таъминот ҳуқуқи тизими умумий қисмдан (фанинг тушунчаси, предмети, манбаалари, тамойиллари ва бошқалар) ҳамда маҳсус қисмдан (ижтимоий

таъминотнинг айрим шакллари, уларнинг берилиш шартлари, тартиблари ва ҳоказолар) ташкил топгандир.

### **3-§. Ижтимоий таъминот ҳуқуқи фанининг бошقا ҳуқуқий ва иқтисодий фанлар билан алоқадорлиги**

Ижтимоий таъминот ҳуқуқи фан соҳаси сифатида бошقا бир қатор ҳуқуқий ҳамда иқтисодий фанлар билан чамбарчас боғлиқ бўлиб, уларнинг ютуқларидан фойдаланади ҳамда умумий тушунчаларга эга бўлади.

Ижтимоий таъминот ҳуқуқи, энг аввало, меҳнат ҳуқуқи фани билан боғлиқдир. Фуқароларда ижтимоий таъминот олишга бўлган ҳуқуқ кўпчилик ҳолларда унинг аввалги даврларда меҳнат фаолияти билан шуғулланганлиги фактига асосланади. Ижтимоий таъминот олиш ҳуқуқининг юзага келишигина эмас, балки унинг миқдори ҳам аввалги меҳнат фаолиятига боғлиқ бўлади. Ижтимоий таъминот ҳуқуқи фани ҳам меҳнат ҳуқуқи фани фойдаланаидиган меҳнат стажи, ўртacha иш ҳақи миқдори, ишлаб чиқаришда соғлиққа зарар етказилиши, касб касалликлари каби бир қатор умумий тушунчалардан фойдаланади. Ижтимоий таъминот олиш ҳуқуқи ходим меҳнат фаолияти юритган даврда давлат ижтимоий суғуртаси фондига бадал тўланганлиги билан боғланган.

Меҳнат ҳуқуқи ва ижтимоий таъминот умумий норматив – ҳуқуқий ҳужжатлар асосида ижтимоий муносабатларни тартибга солади. Масалан, меҳнатта оид қонун ҳужжатлари ижтимоий таъминот муносабатларига ва ижтимоий таъминотга оид мөъёрий ҳужжатлар меҳнат муносабатларига нисбатан қўлланиладиган ҳол тез – тез учраб туради.

Шу билан бирга, ушбу икки ҳуқуқ соҳаси ўзига хос хусусиятларга ҳам эга бўлиб, уларни алоҳида ҳуқуқий фан эканлигини тавсифлайди. Хусусан, меҳнат ҳуқуқининг предмети ходим ва иш берувчи ўртасидаги меҳнат муносабатлари бўлса, ижтимоий таъминот ҳуқуқининг предмети, одатда ўтган даврда меҳнат муносабатида бўлган, зарур меҳнат стажига эга бўлган фуқаро билан давлат ёки жамоат ижтимоий таъминот органлари ўртасидаги муносабат саналади. Меҳнат ҳуқуқий муносабатлари

ихтиёрийликка, томонлар тенглигига асосланган ҳолда юзага келса, ижтимоий таъминот муносабатлари зарур юридик таркиб мавжуд бўлганида ижтимоий таъминот органи хоҳишига боғлиқ бўлмаган тарзда юзага келаверади аммо унинг иштирокчилари тенг ҳуқуқди бўлмайди.

Ушбу икки ҳуқуқ соҳаси қўллайдиган усуллар ҳам турличадир. Меҳнат ҳуқуқий муносабатлари ихтиёрийлик ва тенгликка асосланиши туфайли кўпроқ хусусий ҳуқуқий усулларда тартибга солинса, ижтимоий таъминот ҳуқуқи давлат иштирокидаги муносабатлар бўлганлиги туфайли маъмурий – ҳуқуқий усуллардан, яъни давлат мажбурловидан фойдаланган ҳолда тартибга солинади. Меҳнат ҳуқуқи ва ижтимоий таъминот ҳуқуқи ўз мақсадлари, олдидаги вазифалари, қўллайдиган ҳуқуқий – ташкилий воситалари бошқа кўплаб жиҳатлари билан ҳам ўзаро фарқланадилар ҳамда алоҳида, мустақил фан сифатида намоён бўлади.

Ижтимоий таъминот ҳуқуқи фуқаролик ҳуқуқи билан кўргина умумий хусусиятларга эга. Хусусан, ҳуқуқ ва муомала лаёқати, унинг пайдо бўлиши, чекланиши, муомалага лаёқатсиз деб топиш, етказилган зарар ва унинг қопланиши, юридик шахс ва унинг мақоми масалаларида фуқаролик қонунчилиги тушунчаларидан ҳамда қоидаларидан кенг фойдаланилди. Айниқса ҳозирги пайтда пайдо бўлаётган ва кенг тарқала бошлаган хайр – эҳсон қилиш йўли билан ижтимоий таъминотда иштирок этиш масалалари фуқаролик қонунлари билан тартибга солинади. Турли юридик ва жисмоний шахслар кўрсатадиган инсонпарварлик ёрдамларининг ҳуқуқий асослари фуқаролик қонунчилиги саналади.


Ижтимоий таъминот ҳуқуқи оила ҳуқуқи билан яқиндан боғлиқ ва ижтимоий таъминот ҳуқуқида кенг қўлланиладиган қариндош – уруғлар, ҳомийлик ва васийлик органлари, қарамоғда бўлганлик каби қатор юридик тушунчалар оила қонунчилиги нормалари билан назарда тутилган. Муайян ижтимоий таъминот турларидан фуқаро фойдалана олиши учун унинг моддий таъминлашга мажбур бўлган яқин қариндошлари мавжуд бўлмаслиги талаб этилади. Моддий таъминлашга мажбур бўлган яқин қариндошлар тушунчаси ва доираси оила қонунчилиги нормаларига биноан белгиланади.

Ижтимоий таъминот ҳуқуқи маъмурий ҳуқуқ билан ўзаро ўхшаш, чунки ижтимоий таъминот соҳасини бошқариш ва ижтимоий таъминотнинг амалга оширилишида маъмурий ҳуқуқий усуллардан фойдаланилади. Ижтимоий таъминот ҳуқуқи фани молия ҳуқуқи фани билан боғлиқ бўлиб, давлат бюджети харажат қисмига кирувчи фаолиятнинг бир туридан иборат бўлади. Аммо молия ҳуқуқи умуман давлат молиявий фаолиятига тааллуқли бўлса, ижтимоий таъминот ҳуқуқи фақат унинг бир кичик тармоғигина тааллуқли бўлади.

Ижтимоий таъминот ҳуқуқи мамлакат миллий бойлиги бир қисмини қайта тақсимланишида қатнашувчи фан соҳаси сифатида фундаментал иқтисодий фанлар – иқтисодиёт назарияси, давлат ва маҳаллий органлар молияси кабилар билан чамбарчас боғлиқдир ва ушбу иқтисодий фанлар эришган ютуқлардан, улар ишлаб чиқсан назарий ва амалий тушунчалар, воситалардан фойдаланади. Иқтисодиёт назарияси, давлат ва маҳаллий органлар молиясини билиш – ижтимоий таъминот манбалари моҳиятини чуқур англаб етишга, унинг вазифаларини англаб олишга ёрдам беради.

Фан ва техника тараққиёти туфайли ижтимоий таъминот ҳуқуқининг бошқа ҳуқуқий фанлар билан алоқадорлиги кучайиб боравериши кузатилмоқда.

## *1 – чизма*



## *I боб юзасидан тест саволлари*

№1. Фуқароларнинг пенсия таъминотига бўлган ҳуқуқлари Узбекистон Республикаси Конституциясининг қайси моддасида назарда тутилганлигини топинг:

- а) 5 — моддасида;  
б) 39 — моддасида;  
в) 53 — моддасида;  
г) 37 — моддасида.

№2. Ижтимоий таъминот ҳуқуки фани қайси ҳуқуқ соҳаси билан бевосита боғлиқ?

- а) маъмурӣ ҳуқуқ билан; в) меҳнат ҳуқуқи билан;  
б) молия ҳуқуқи билан; г) фуқаролик ҳуқуқи билан.

№3. Ижтимоий таъминотга оид тамойилни аникланг.

- а) мажбурий меҳнатнинг тақиқланганлиги;
  - б) жазонинг муқаррарлиги;
  - в) ижтимоий ҳимоянинг умумийлиги;
  - г) томонларнинг тенглиги.

№4. Аҳолини аниқ йўналтирилган ижтимоий ҳимоялаши деганда:

- а) пенсиянаның ижтимоий ҳимоялаш;
  - б) хотин – қызларни ижтимоий ҳимоялаш;
  - в) болаларни ҳимоялаш;
  - г) ижтимоий заиф барча ақоли қатламларини ҳимоялаш түшүнләди.

№5. Ижтимоий таъминотнинг асосий мақсади нима?

- а) аҳолини пенсия билан таъминлаш;
  - б) нафақалар тайинлаш;
  - в) аҳолини ижтимоий ҳимоя қилиш;
  - г) кўп болали оиласарга ёрдам кўрсатишдан иборат.

## *Билимлар ингизни текшириб күринг*

1. Ижтимоий таъминот ҳуқуқи фани нимани ўрганади?
  2. Ижтимоий таъминот ҳуқуқи фанининг ривожланиш тарихини сўзлаб беринг.
  3. Ижтимоий таъминот ҳуқуқи мамлакатимизда амалга оширилаётган ижтимоий ислохотларда қандай ўрин тутади?

4. Мамлакатимизда амалга оширилаётган аниқ йўналтирилган ижтимоий ёрдам сиёсати моҳиятини сўзлаб беринг.

5. Аҳолининг ижтимоий таъминоти қандай шаклларда амалга оширилади?

6. Ижтимоий таъминот ҳуқуқи тизимлари қандай?

7. Ижтимоий таъминот ҳуқуқи тамойиллари ҳақида нималарни биласиз?

8. Ижтимоий таъминот ҳуқуқи қайси ҳуқуқий ва иқтисодий фанлар билан яқиндан боғлиқ?

### *Тавсия қилинадиган адабиётлар*

1. Каримов И. А. Ўзбекистон иқтисодий ислоҳотларни чуқурлаштириш йўлида. Т., «Ўзбекистон», 1995 йил, 246 – 257 – бетлар.

2. Каримов И. А. Биздан озод ва обод Ватан қолсин. Т., «Ўзбекистон», 1994 йил, 94 – бет.

3. Ўзбекистон Республикасининг Конституцияси, 39 – модда. Т., «Адолат», 2001 йил.

4. Сайдов А., Тожихонов У. Давлат ва ҳуқуқ назарияси. Т., «Адолат», 2001 йил, 47 – 72 – бетлар.

5. Турсунов Й. ва бошқалар. Ижтимоий таъминот ҳуқуқи, ўқув қўлланмаси. Т., «Молия», 2001 йил.

6. Ўзбекистон Республикаси Вазирлар Маҳкамасининг 1999 йил 7 декабрдаги «2000 – 2005 йилларда ёлғиз кексаларни, пенсионерлар ва ногиронларни ижтимоий ҳимоя қилишни кучайтиришга қаратилган чора – тадбирлар Дастури тўғрисида»ги қарори.

7. Ўзбекистон Республикаси Президентининг 1999 йил 13 январдаги «Аҳолини аниқ йўналтирилган ижтимоий мадад билан таъминлашда фуқароларнинг ўзини ўзи бошқариш органлари ролини ошириш тўғрисида»ги Фармони.

8. Европа мамлакатларида ижтимоий сиёсат, «Банк ахборотномаси» ҳафталиги, 2001 йил, 3 –сон.

## II БОБ. ИЖТИМОЙ ТАЪМИНОТ ҲУҚУҚИННИГ МАНБАЛАРИ

### 1–§. Ижтимоий таъминот ҳуқуқининг манбалари тушунчаси ва уларнинг таснифи

«Ҳуқуқ манбай» тушунчасини англаш учун фалсафада асосий ўрин эгаллаган «шакл» категорияси хусусида қисман тўхталиш лозим. Унинг эгизак категорияси «мазмун» бўлиб, у обьектнинг умумий таркибий қисми бирлиги сифатида намоён бўлувчи яхлитлик, унинг хусусиятлари, алоқалари, ҳолати, ривожланиш жараёнларини ифодалайди. «Шакл» тушунчаси бу ўринда мазмуннинг мавжудлиги ифодаланиши ва қайта тузилишини билдиради<sup>16</sup>. ҳуқуқ манбайнинг фалсафий моҳиятига берилган ушбу баҳо мукаммал эканлигини қайд этган ҳолда, айтиш мумкинки, унинг шакли ва мазмуни ўзаро алоқадордир. Яхлит ҳолда ҳуқуқнинг давлат билан, унинг ҳуқуқ ижодкорлиги фаолияти билан боғлиқлиги ҳам кўрсатиб ўтилмоғи лозим.

О.О. ҳусанбоевнинг таъкидлашича: «Агар ҳуқуқнинг мазмуни бўлиб, унинг юриш – туриш қоидалари йиғиндиси ҳисобланса, унинг ички шакли ҳар бир алоҳида ҳуқуқ нормасининг ташкил топиш усуллари ва барча ҳуқуқ нормаларининг бир тизимга бирлашишидир. Унинг ташки шакли ёки ҳуқуқнинг манбай эса давлат эркини ўзига хос ҳужжатлаштириш, шакллантириш усуллари йиғиндисидир. ҳуқуқнинг манбай тушунчасини уни ташки ифодалаш шакли нуқтаи назаридан таҳлил қилганда, нормалар ҳокимият тепасида турган, халқнинг, бирор – бир синфнинг ёки гуруҳнинг манфаатларини ифодаловчи маълум бир сиёсий кучнинг эркини қонун даражасига кўтарилган ифодасидир»<sup>17</sup>.

Кенг маънода ҳуқуқ манбай давлат, жамиятнинг иқтисодий ва сиёсий тузуми, халқнинг ёки муайян сиёсий гуруҳларнинг эрки, хоҳиши саналади.

Тор маънода эса муайян мақсад – мазмунга эга бўлган давлат ҳуқуқ ижодкорлиги фаолияти маҳсули сифатида

<sup>16</sup> А. Сайдов, У. Тожихонов. Давлат ва ҳуқуқ назарияси. II жилд. Т., «Адолат», 2001 йил, 121–бет.

<sup>17</sup> Муаллифлар жамоаси, Давлат ва ҳуқуқ назарияси. Т., 2000 йил, 276–бет.

юзага келган ҳуқуқий актлар тушунилади. Улар қонунлар, қонуности ҳужжатлари, халқаро ҳуқуқнинг умумэтироф этган нормалари ва Ўзбекистон иштирок этган халқаро шартномалар кўринишида намоён бўлиши мумкин.

Ижтимоий таъминот ҳуқуқи фанининг манбалари ўрганилаётган пайтда ҳам ҳуқуқ манбаига оид юқоридаги умумий қоидалар тўлиқ эътиборга олинмоғи лозим.

Ижтимоий таъминот ҳуқуқи манбай саналадиган қонунлар қуидаги турларга ажратилиши мумкин:

- 1) Ўзбекистон Республикасининг Конституцияси;
- 2) конституциявий қонунлар;
- 3) қонунлар;
- 4) Қорақалпоғистон Республикаси Конституцияси;
- 5) Қорақалпоғистон Республикаси қонунлари.

Қонун ҳужжатлари шаклидаги ижтимоий таъминот ҳуқуқи манбалари қуидаги кўринишларда мавжуд бўлади:

а) Ўзбекистон Республикаси Президентининг Фармонлари ва фармойишлари;

б) Ўзбекистон Республикаси Вазирлар Маҳкамасининг қарорлари ва фармойишлари;

в) Ўзбекистон Республикаси вазирликлари, давлат қўмиталари ва идораларининг меъёрий – ҳуқуқий ҳужжатлари;

г) маҳаллий (туман, шаҳар, вилоят) давлат ҳокимияти органларининг норматив – ҳуқуқий актлари;

д) тегишли ҳолларда корхона, ташкилотларда, минтақа, тармоқ ходимлар вакиллик органлари ва иш берувчилар биргалиқда қабул қилган локал меъёрий ҳужжатлар.

Умумэтироф этган халқаро ҳуқуқий нормалар ва Ўзбекистон Республикаси томонидан ратификация қилинган икки томонлама ва кўп томонлама шартномалар ҳам Ўзбекистон Республикаси миллий ҳуқуқ тизими таркибига киради ва ҳуқуқнинг манбай бўлиб ҳисобланади.

Бизнинг мамлакатимизда судларнинг қарорлари ва суд амалиёти (прецеденти) ҳуқуқ манбай бўлиши кўзда тутилмаган, аммо қонун мазмун – моҳиятини чуқур англаб этиш ва уни тўғри татбиқ этилишида уларнинг катта аҳамияти борлиги шубҳасизdir.

## **2-§. Ижтимоий таъминот ҳуқуқининг манбай сифатида қонунлар ва уларнинг аҳамияти**

Қонун – қонун чиқарувчи орган томонидан маҳсус тартибида чиқариладиган, ижтимоий муносабатларнинг энг муҳимларини тартибга соладиган ва олий юридик кучга эга бўлган норматив – ҳуқуқий ҳужжатdir».

Мамлакатимизнинг бош қонуни – Ўзбекистон Республикаси Конституцияси бўлиб, у «Қонунлар қонуни» саналади ва миллий ҳуқуқ тизими ривожланиши учун юридик база бўлиб хизмат қиласди. Жумладан, ижтимоий таъминот ҳуқуқи фанининг бош қоидалари ҳам Ўзбекистон Республикаси Конституциясида (7, 14, 18, 32, 35 – моддалар) белгилаб қўйилган. Айниқса, Конституциямизнинг 39 – моддаси ижтимоий таъминот ҳуқуқининг манбай сифатида муҳим роль ўйнайди. Ушбу моддада ижтимоий таъминот олиш ҳуқуқининг кафолатлари, ижтимоий таъминотнинг асосий шакллари белгилаб берилгандир.

Ўзбекистон Республикаси Конституцияси қабул қилинган дастлабки дамларданоқ, унга мос келувчи ўз миллий қонунчилик тизимимизни бунёд этишга зътибор қаратилди. Жумладан, 1993 йил 3 сентябрда янгича ғояларга, чет мамлакатлар қонунчилик амалиёти илфор йўналишларига мос келувчи ижтимоий таъминот соҳасидаги энг етакчи қонун – «Фуқароларни давлат пенсия таъминоти тўғрисида»ги Ўзбекистон Республикаси Қонуни қабул қилинди ва уни 1994 йил 1 июлдан амалга киритиш кўзда тутилди. Мазкур қонун ўз мазмун – моҳияти ҳамда аҳамиятига кўра кодификацияловчи хусусиятга эга бўлиб, у таркибий жиҳатдан муқаддима тўққиз боб ва олтмиш еттита моддани ўз ичига олади. Ушбу қонуннинг боблари фуқароларнинг пенсия таъминоти асослари, шартлари, пенсияларнинг асосий турлари, уларни тайинланиш ва тўланиш тартибларини акс эттирувчи қоидаларни назарда тутади.

«Ҳарбий хизматчиларнинг пенсия таъминоти тўғрисида»ги собиқ иттифоқ Қонуни 1990 йил 28 апрелда қабул қилинган ва 1991 йил 1 январдан бошлаб кучга киритилган бўлиб, ҳарбий хизматчилар ҳамда уларнинг оила аъзоларини пенсия таъминоти масалалари ушбу

қонунга биноан тартибга солинган. Қонун кириш қисм, саккиз бўлим ва олтмиш олти моддани ўз ичига олган.

Ушбу қонун умумий қоидалар, узоқ йиллик хизмат пенсияси, ногиронлик пенсияси, боқувчисини йўқотганлик учун пенсия, пенсияни ҳисоблаш, пенсия тайинлаш, пенсияни қайта ҳисоблаш деб номланувчи бўлимлардан иборат бўлиб, ҳарбий хизматчиларга (Мудофаа вазирлиги чегара қўшинлари, фавқулодда вазиятлар вазирлиги, Ички ишлар вазирлиги, Миллий хавфсизлик хизмати ҳарбий хизматчиларига), уларнинг оила аъзоларига пенсия тайинлаш ушбу қонун асосида амалга оширилиши назарда тутилган.

Ижтимоий таъминот ҳуқуқи манбалари сифатида 1991 йил 18 ноябрдаги «Ногиронларни ижтимоий ҳимоя қилиш тўғрисида»ги, 1996 йил 29 августдаги «Фуқаролар соғлигини саклаш тўғрисида»ги ва бошқа қонунлар ҳам муҳим аҳамиятта эга.

### **3-§. Қонуности ҳужжатлари ижтимоий таъминот ҳуқуқининг манбаи сифатида**

Қонуности ҳужжатлари деганда Узбекистон Республикаси Конституцияси ва унинг асосидаги қонунлар ижросини таъминлаш мақсадида давлат ҳокимияти ижроия ҳамда бошқаруви органлари томонидан қабул қилинадиган норматив – ҳуқуқий ҳужжатларнинг йирик қатлами назарда тутилади.

Қонуности ҳужжатларини тайёрлаш ва қабул қилиш, уларга қўйиладиган асосий талаблар Узбекистон Республикасининг 2000 йил 14 декабрда қабул қилинган ва 2001 йил 4 январдан амалга киритилган «Норматив – ҳуқуқий ҳужжатлар тўғрисида»ги Қонунида белгилаб қўйилган<sup>18</sup>.

Ушбу қонуннинг 18 – моддасига мувофиқ:

Норматив – ҳуқуқий ҳужжатларнинг лойиҳалари ҳуқуқий экспертизадан ўтказилиши шарт. Ҳуқуқий экспертиза давомида норматив – ҳуқуқий ҳужжатнинг лойиҳаси Узбекистон Республикасининг Конституцияси ва қонун

 қаранг: «Халқ сузи» газетаси, 2001 йил 4 январь.

ҳужжатларига, шунингдек, қонунчилик техникаси қоида – ларига мувофиқлиги текширилади.

Ҳуқуқий экспертиза норматив – ҳуқуқий ҳужжат лойиҳасини тайёрлаган органнинг ёки норматив – ҳуқуқий ҳужжатни қабул қиласидаган органнинг юридик хизмати, шунингдек, Ўзбекистон Республикаси Адлия вазирлиги томонидан амалга оширилиши мумкин.

Киритилган лойиҳанинг сифатига баҳо бериш учун норматив – ҳуқуқий ҳужжатни қабул қилувчи органнинг қарорига биноан, норматив – ҳуқуқий ҳужжатнинг лойиҳаси бошқа хил (иқтисодий, молиявий, илмий – техникавий, экология ва ўзга) экспертизадан ҳам ўтказилиши мумкин. Экспертлар сифатида тегишли лойиҳани тайёрлашда илгари бевосита иштирок этмаган ташкилотлар ва шахслар жалб этилади. Экспертиза ўтказиш учун бошқа давлатлар ва ҳалқаро ташкилотлардан олимлар ва мутахассислар таклиф этилиши мумкин. Экспертлар норматив – ҳуқуқий ҳужжатнинг лойиҳасига баҳо беришда мустақиллар ҳамда экспертиза ўтказишни топширган органнинг нуқтаи назари билан боғлиқ эмаслар.

Ижтимоий таъминот ҳуқуқи манбалари саналувчи норматив – ҳуқуқий ҳужжатлар қўйидаги шаклларда мавжуд бўлиши мумкин:

1. *Ўзбекистон Республикаси Президентининг Фармонлари ва фармойишлари*. Ижтимоий – иқтисодий ҳаётнинг энг муҳим соҳаларига оид муносабатлар, қонунчилиқдаги туб бурилишлар, муҳим ўзгаришларни акс эттирувчи воқеалар Республика Президентининг фармонлари шаклида ҳуқуқий ифодаланади.

Ўзбекистон Республикаси Конституциясининг 94 – моддасига кўра: «Ўзбекистон Республикасининг Президенти Конституция ва қонунларга асосланиб ҳамда уларни ижро этиш юзасидан Республиканинг бутун ҳудудида мажбурий кучга эга бўлган фармонлар, қарорлар ва фармойишлар чиқаради».

Ижтимоий таъминот соҳасида жуда катта аҳамиятга эга бўлган Ўзбекистон Республикаси Президенти фармонлари жумласига 1996 йил 10 декабрдаги «Болали оиласаларни давлат томонидан қўллаб – қувватлашни янада кучайтириш тўғрисида»ги, 1996 йил 4 декабрдаги «Ўзбекистон фахрийларни ижтимоий қўллаб – қувватлаш

«Нуроний» жамғармаси тұғрисида»ги; 2002 йил 25 январдаги «Ақолининг ижтимоий ҳимояга мұхтож қатламларини аниқ йұналтирилган тарзда құллаб – қувватлашни күчайтириш тұғрисида»ги; 2002 йил 26 мартағи «2002 йил 1 апреддан бошлаб иш ҳақи, пенсиялар, стипендиялар ва ижтимоий нафақалар миқдорини ошириш тұғрисида»ги ва бошқа фармонлар киритилиши мумкин.

2. *Ўзбекистон Республикаси Вазирлар Маҳкамаси (хукумати) қарорлари ва фармойишлари*. Ўзбекистон Республикаси Конституциясининг 98 – моддасига кўра: «Вазирлар Маҳкамаси амалдаги қонунларга мувофиқ, Ўзбекистон Республикаси ҳудудидаги барча органлар, корхоналар, муассасалар, ташкилотлар, мансабдор шахслар ва фуқаролар томонидан бажарилиши мажбурий бўлган қарорлар ва фармонлар чиқаради».

Ўзбекистон Республикаси Вазирлар Маҳкамасининг қарор ва фармойишлари ижтимоий таъминот ҳуқуқида ижтимоий таъминот давлат ва жамоат бошқарув тизимларини такомиллаштириш, ижтимоий таъминотнинг тури ва шаклларини ўзgartириш, имтиёзлар жорий этиш ҳамда бошқа масалаларга тааллуқли бўлиши мумкин. Ижтимоий таъминот ҳуқуқи соҳасидаги ҳукумат қарорлари жумласига 1994 йил 23 июндан «ТМЭКлар ҳақидағи Низомни тасдиқлаш тұғрисида»ги; 2000 йил 15 ноябрдаги «Ўзбекистон Республикасида пенсия таъминоти тизимларини такомиллаштириш чора – тадбирлари тұғрисида»ги; 2002 йил 25 январдаги «Ақолини ижтимоий ҳимояга мұхтож қатламларини аниқ йұналтирилган тарзда құллаб – қувватлашнинг 2002 – 2003 йилларга мўлжалланган чора – тадбирлари тұғрисида»ги қарорлар ва бошқа қарорлар киритилиши мумкин.

3. *Ўзбекистон Республикаси вазирликлари, давлат қўмиталари ва идораларининг норматив ҳужжатлари*. Ўзбекистон Республикасининг 2000 йил 14 декабрда қабул қилинган «Норматив – ҳуқуқий ҳужжатлар тұғрисида»ги Қонунининг 12 – моддасида айтилишича:

«Вазирликлар, давлат қўмиталари ва идоралари ўз ваколатлари доирасида буйруқлар ва қарорлар шаклида норматив – ҳуқуқий ҳужжатлар қабул қиласи. Низомлар, қоидалар ва йўриқномалар тарзида қабул қилинадиган

норматив – ҳуқуқий ҳужжатлар буйруқ ҳамда қарорлар билан тасдиқланади.

Вазирликлар, давлат қўмиталари ва идораларининг норматив – ҳуқуқий ҳужжатлари Ўзбекистон Республика – сининг Конституцияси ва қонунлари, Ўзбекистон Республикаси Олий Мажлисинга, Ўзбекистон Республикаси Президенти ва Ўзбекистон Республикаси Вазирлар Маҳкамасининг қарорлари асосида ҳамда уларни ижро этиш учун қабул қилинади.

Вазирликлар, давлат қўмиталари ва идораларининг норматив – ҳуқуқий ҳужжатлари бир неча вазирликлар, давлат қўмиталари ва идоралари томонидан биргалиқда ёки улардан бири томонидан бошқалари билан келишилгани ҳолда қабул қилиниши мумкин. Вазирликлар, давлат қўмиталари, идораларининг таркибий бўлимлари ва ҳудудий органлари қонун ҳужжатларида бевосита назарда тутиб қўйилган ҳоллардан ташқари норматив – ҳуқуқий йўсингдаги ҳужжатлар қабул қилишга ҳақли эмаслар».

Ижтимоий таъминот масалаларига оид норматив – ҳуқуқий ҳужжатлар Ўзбекистон Республикаси Меҳнат ва аҳолини ижтимоий муҳофаза қилиш вазирлиги томонидан Ўзбекистон Республикаси вазирликлари ва идоралари билан бирга ёки келишилгани ҳолда (Молия вазирлиги, Соғлиқни сақлаш вазирлиги, Давлат солиқ қўмитаси, Ўзбекистон Республикаси Марказий банки ва ҳоказолар билан бирга ёки келишилиб) қабул қилиниши мумкин. Бундай норматив – ҳуқуқий ҳужжатларга мисол тариқасида Ўзбекистон Республикаси Адлия вазирлиги томонидан 2001 йил 16 марта рўйхатга олинган «Мажбурий бадалларни ҳисоблаш ва тўлаш ҳамда бюджетдан ташқари Пенсия жамғармасига давлат ижтимоий суғуртаси бўйича ажратмалар ажратиш тўғрисидаги йўриқномани тасдиқлаш тўғрисида»ги қарори; 1999 йил 4 июнда рўйхатга олинган ...16 ёшга етмаган болали оиласаларга нафақа тайинлаш ҳамда тўлаш тартиби юзасидан услубий йўриқнома ва бошқалар кўрсатилиши мумкин.

*4. Маҳаллий давлат ҳокимият органларининг норматив – ҳуқуқий ҳужжатлари.* Ўзбекистон Республикаси Конституциясининг 99 – моддасида айтилишича: «Вилоятлар, туманлар ва шаҳарларда (туманга бўйсунадиган шаҳарлардан, шунингдек, шаҳар таркибига кирувчи туманлардан ташқари)

ҳокимлар бошчилик қиладиган ҳалқ депутатлари Кенгашлари ҳокимиятнинг вакиллик органлари бўлиб, улар давлат ва фуқароларнинг манфаатларини кўзлаб, ўз ваколатларига таалуқли масалаларни ҳал этадилар».

Конституциянинг 100 – моддаси, 2 – қисмига кўра «Норматив ҳужжатларни қабул қилиш ҳамда Ўзбекистон Республикаси Конституциясига ва Ўзбекистон Республикаси қонунларига зид келмайдиган бошқа ваколатларни амалга оширадилар».

Давлат ҳокимияти маҳаллий органлари ижтимоий таъминот ҳуқуки масалаларида маҳаллий аҳамиятта эга бўлган меъёрий ҳужжатлар қабул қилиши мумкин.

*5. Корхоналар ва ташкилотлар, тармоқ, ҳудуд қасаба уюшмаси органлари иш берувчилар билан ўзаро келишган ҳолда локал ҳужжатлар* (жамоа шартномаси? жамоа келишуви) қабул қилислари ва уларда ижтимоий таъминотга оид масалаларни ҳам ҳал этишлари мумкин.

*6. Ҳалқаро ҳуқуқий ҳужжатлар.* Булардан энг муҳимлари – Ўзбекистон Республикаси томонидан қабул қилинган (ратификацияланган) умумэътироф этган декларация ва конвенциялардир.

«Фуқароларнинг давлат пенсия таъминоти тўғрисида»ги Қонуннинг 6 – моддасида айтилишича: «Ўзбекистон Республикаси билан бошқа давлатлар ўртасидаги ижтимоий таъминот тўғрисидаги битимлар (шартномалар)да ушбу қонундагидан бошқача қоидалар назарда тутилган ҳолларда, ана шу битимлар (шартномалар)да белгиланган қоидалар тегишли равишда уланилади».

Ижтимоий таъминот ҳуқуки манбалари саналувчи ҳалқаро – ҳуқуқий ҳужжатлар қаторига «Инсон ҳуқуқлари умумжаҳон Декларацияси»; «Иқтисодий – ижтимоий ва маданий ҳуқуқлар тўғрисидаги ҳалқаро Пакт», МДҳ давлатлари томонидан 1992 йил 13 январда имзоланган «МДҳ аъзоси бўлган давлатларнинг пенсия таъминоти соҳасида фуқаролар ҳуқуқлари қафолатлари тўғрисида»ги аҳдлашуви ва бошқалар киритилиши мумкин.

#### **4-ғ. Ижтимоий таъминот ҳуқуқи манбалари саналувчи норматив – ҳуқуқий ҳужжатларни вақт, фазо ва шахслар ўртасида амал қилиши**

Ижтимоий таъминот соҳасидаги норматив – ҳуқуқий ҳужжатлар вақт, ҳудуд (фазо) ва шахслар орасида қўлланилади ҳамда ушбу муҳитларда амал қилиш хусусиятларини тўғри тушуниб етиш уларни тўғри татбиқ этилиши, қонунчиликнинг мустаҳкамланиши, хатолар олдининг олинишида муҳим аҳамиятга эга бўлади.

Ижтимоий таъминот соҳасидаги қонун ҳужжатлари вақт доирасида кучга кирган пайтидан бошлаб бекор қилингунига қадар ёки унинг ўрнига бошқа норматив – ҳуқуқий ҳужжат қабул қилингунига қадар амалда бўлади. Уларнинг вақт доирасида амалда бўлиши, кучга кириш вақти, бекор қилиниши ёки амал қилишининг тутатилиши масалалари Ўзбекистон Республикасининг «Норматив – ҳуқуқий ҳужжатлар тўғрисида»ги Қонунида (26 – модда) белгилаб қўйилган.

Ижтимоий таъминотга оид норматив – ҳуқуқий ҳужжатлар одатда Ўзбекистоннинг бутун ҳудудида амал қиласи. Аммо унинг бевосита ўзида ёки норматив – ҳуқуқий ҳужжатни амалга киритиш тўғрисидаги қарорда унинг ҳудуд бўйича таъсири чекланиши мумкин (масалан, район коэффициенти қўшиб бериш ҳақидаги актлар фақат тегишли ҳудудларда қўлланилиши ва ҳоказо).

Ижтимоий таъминот муносабатларига тааллуқли бўлган қонун ҳужжатлари шахслар ўртасида амал қиласи ва бунда улар одатда барча юридик ва жисмоний шахслар учун мажбурий кучга эга бўлади.

«Норматив – ҳуқуқий ҳужжатлар тўғрисида»ги Қонуннинг 29 – моддасида:

«Норматив – ҳуқуқий ҳужжатларнинг амал қилиши Ўзбекистон Республикасининг фуқаролари ва юридик шахсларига, агар Ўзбекистон Республикасининг халқаро шартномасида бошқа қоида белгиланмаган бўлса, шунингдек, Ўзбекистон Республикаси ҳудудидаги хорижий юридик шахсларга, ажнабий фуқаролар ва фуқаролиги бўлмаган шахсларга татбиқ этилади», дейилади.

Норматив – ҳуқуқий ҳужжатнинг ўзида у қўлланиладиган шахслар доираси чеклаб қўйилиши мумкин.


Масалан, «Фуқароларниң давлат пенсия таъминоти тўғрисида»ги Қонунда белгиланган пенсия олиш ҳуқуки фақат жисмоний шахсларгагина тааллуқли, ёки бўлмаса, пенсия жамғармасига иш ҳақи фондидан бадаллар тўлаши мажбурияти фақат юридик шахсларгагина қўлланилади ва ҳоказо.

*Ижтимоий – таъминотга оид қонун ҳужжатларини шарҳлаш* – унинг мазмунини очиб бериш, ноаниқликлар юзасидан тушунтириш беришдан иборат. Уларни расмий шарҳлаш ва илмий шарҳлаш ўзаро фарқланади.

Ижтимоий таъминот соҳасидаги қонун ҳужжатларини расмий шарҳлаш «Норматив – ҳуқуқий ҳужжатлар тўғрисида»ги Қонуннинг 31 – моддасида баён этилган. Расмий шарҳлаш Ўзбекистон Республикаси Конституциявий суди томонидан ёки қонун ҳужжатини қабул қилган давлат органи томонидан амалга оширилиши мумкин<sup>19</sup>.

Қонун ҳужжатларини илмий шарҳлаш айрим олимлар, мутахассислар, илмий муассасалар томонидан амалга оширилиши мумкин. Расмий шарҳлашдан фарқ қилиб, илмий шарҳлаш қоидалари мажбурий юридик кучга эга бўлмайди ва қонун мазмунини тўғри тушуниш, тўғри қўллашга ёрдам беришга қаратиласди. Бундай норасмий шарҳлаш айрим ҳолларда суд органлари томонидан ҳам амалга оширилиши мумкин.

## 2 – ЧИЗМА



<sup>19</sup> Масалан, қаранг: «қарияларни қадрлаш йили» давлат дастурига шарх. «Халқ сўзи» газетаси, 2002 йил 25 январ.

## II – мавзу юзасидан тест саволлари

I. «Фуқароларнинг давлат пенсия таъминоти тўғрисида»ги Қонун қачон кучга кирган?

- а) 1991 йил 20 ноябрдан;
- б) 1999 йил 24 апрелдан;
- в) 1994 йил 1 июлдан;
- г) 2000 йил 6 декабрдан.

II. «Ҳарбий хизматчиларнинг пенсия таъминоти тўғрисида»ги Қонун қачон қабул қилинган?

- а) 1990 йил 28 апрелда;
- б) 2001 йил 26 августда;
- в) 1997 йил 4 декабрда;
- г) 1996 йил 10 апрелда.

III. Ижтимоий таъминот ҳуқуқига оид қонун ҳужжатларининг ҳаракат доирасини топинг.

- а) улар ҳудудда ҳаракат қиласди;
- б) улар вақт давомида амал қиласди;
- в) улар шахслар ўргасида амал қиласди;
- г) юқоридаги барча муҳитда ҳаракат қиласди.

IV. Ўзбекистон Меҳнат ва аҳолини ижтимоий муҳофиза қилиш вазирлиги норматив актлари қачон кучга киради?

- а) вазир имзолагач;
- б) Адлия вазирлигига давлат рўйхатига олингач;
- в) Ўзбекистон Республикаси Президенти тасдиқлагач;
- г) тўғри жавоб йўқ.

## *Билимларингизни текшириб кўринг*

1. Ижтимоий таъминот ҳуқуқи манбалари тушунчасини баён этинг.

2. Ижтимоий таъминот ҳуқуқи манбалари қандай таснифланади?

3. Ўзбекистон Республикаси Конституциясининг ижтимоий таъминот ҳуқуқи манбай сифатидаги аҳамияти қандай?

4. «Фуқароларнинг давлат пенсия таъминоти тўғрисида»ги Қонун ҳақида сўзлаб беринг.

5. Ижтимоий таъминот ҳуқуқида идоравий меъёрий ҳужжатларнинг қандай ўрни бор?

6. Ижтимоий таъминот ҳуқуқига оид қонун ҳужжатларини вақт, ҳудуд ва шахслар ўртасида амал қилиши қандай хусусиятларга эга?

7. Идоравий меъёрий ҳужжатларнинг Ўзбекистон Республикаси Адлия вазирлигига ҳуқуқий экспертиза қилиниши ва давлат рўйхатига олиниши тартиби ҳақида сўзлаб беринг.

### *Тавсия этиладиган адабиётлар:*

1. Каримов И. А. «Адолат – қонун устуворлигига». Т., «Ўзбекистон», 2001 йил.

2. Ўзбекистон Республикаси Конституцияси. Т., «Адолат», 2001 йил.

3. Ўзбекистон Республикасининг «Норматив – ҳуқуқий ҳужжатлар тўғрисида»ги Қонуни. «Халқ сўзи» газетаси, 2001 йил.

4. Ўзбекистон Республикаси Вазирлар Маҳкамасининг 1997 йил 9 октябрдаги «Вазирликлар, давлат қўмиталари ва идоралар меъёрий ҳужжатлари қонунийлигини таъминлаш тўғрисида»ги қарори (2000 йил 19 майдаги ўзгартиришлари билан).

5. Турсунов Й. ва бошқалар. Ижтимоий таъминот ҳуқуқи. Ўқув қўлланма. Т., «Молия», 2001 йил.

6. Турсунов Й. «Ёшга доир пенсиялар қандай тайинланади?». Т., «Меҳнат», 2002 йил.

7. Ўзбекистон Республикасининг имтиёзли пенсия таъминоти бўйича норматив ҳужжатлар тўплами Т. «Меҳнат», 1994 йил.

### **III БОБ. ИЖТИМОЙ ТАЪМИНОТГА ОИД ҲУҚУҚИЙ МУНОСАБАТЛАР**

#### **1-§. Ижтимоий таъминотга оид ҳуқуқий муносабат тушунчаси, турлари ва юзага келиши**

«Ҳуқуқий муносабатлар – давлат томонидан ҳимоя қилинадиган, одатда, қонун нормаларининг кишилар хатти – ҳаракатларига таъсири натижасида юзага келадиган ва унинг қатнашчиларида субъектив ҳуқуқлар, юридик мажбуриятлар мавжудлиги билан тавсифланадиган ижтимоий муносабатлардир»<sup>20</sup>. Ушбу таъриф ҳуқуқий муносабатларга хос бўлган барча асосий хусусиятларни акс эттиради.

Юқоридаги таърифдан ҳуқуқий муносабатларга хос қўйидаги хусусиятларни англаб олиш мумкин:

а) ҳуқуқий муносабат, бу – инсонлар фаолияти, ҳулқ – автори билан боғлиқ бўлган ижтимоий муносабатлардир;

б) ҳуқуқий муносабат – юридик ва жисмоний шахсларнинг субъктив ҳуқуқлари ва юридик мажбуриятларини рўёбга чиқариш натижасида юзага келувчи ижтимоий муносабатлардир;

в) ҳуқуқий муносабат – шахслар ўртасидаги иродавий, онгли муносабатдир;

г) ҳуқуқий муносабат – давлат томонидан қонунлар воситасида муҳофаза қилинадиган муносабатлардир.

Юридик адабиётларда ҳуқуқий муносабатлар турли хусусиятларига кўра гурухларга ажратилади. Улар: давлат – ҳуқуқий, фуқаролик – ҳуқуқий, молиявий – ҳуқуқий ва бошقا турларга бўлинади.

Ижтимоий таъминотга оид муносабатлар ҳам ҳуқуқий муносабатларнинг бир тармоғи бўлиб ҳисобланади. Ижтимоий таъминот муносабатлари моҳият жиҳатдан давлат – ҳуқуқий муносабатлардан иборат бўлиб, бу муносабатларнинг юзага келишида қонун ҳужжатларида назарда тутилган асослар етакчи ўринни эгаллайди, яъни ана шундай асослар мавжуд эмаслиги томонлар эрки –

<sup>20</sup> А. Саидов, У. Тожихонов. Давлат ва ҳуқуқ назарияси. Т., «Адолат», 2001 йил, 254-бет.

хоҳишидан қатъи назар ижтимоий таъминотга оид ҳуқуқий муносабатлар юзага келишига монелик қиласи.

Ижтимоий таъминотта оид ҳуқуқий муносабатлар – фуқароларни пенсиялар, нафақалар, бошқа ижтимоий ёрдамлар билан таъминлаш юзасидан қонун ҳужжатларида назарда тутилган асослар ҳамда тартибларга мувофиқ равишда, тегишли юридик фактлар (муайян ҳолларда эса – юридик таркиб) мавжуд бўлганида ижтимоий таъминотни амалга оширувчи органлар билан фуқаролар (айрим фуқаро, оила) орасида вужудга келувчи қонулар билан тартибга солинадиган ҳамда давлат томонидан қўриқланадиган ижтимоий муносабатлардан иборатdir.

Ижтимоий таъминот ҳуқуқига оид муносабатлар юзага келишига зарур юридик фактлар (юридик – фактик асос) мавжуд бўлганида таъминот олишга ҳақли бўлган шахснинг таъминот олишга қаратилган иродавий – онгли ҳаракати, ижтимоий таъминотни амалга оширувчи орган томонидан эса ушбу таъминотнинг берилишига қаратилган юридик актнинг содир этилиши сабаб бўлади.

Ижтимоий таъминотта оид ҳуқуқий муносабатлар юзага келишига асос бўладиган юридик фактлар – юридик оқибат кўлтириб чиқаришга лаёқатли бўлган иродавий – онгли ҳаракатлар ҳам, муайян воқеа – ҳодисалар ҳам бўлиши мумкин. Бундай юридик фактлар жумласига:

- а) муайян давр давомида меҳнат муносабатида бўлганлик – меҳнат стажига эгалик факти;
- б) ногирон бўлиб қолганлик факти;
- г) қарамоғида бўлганлик факти;
- д) меҳнаттага яроқсизлик факти;

е) касб касаллигига чалинганлик ёки ишлаб чиқаришда жароҳат олганлик факти ва бошқалар киритилиши мумкин.

Ижтимоий таъминотта оид ҳуқуқий муносабатлар ижтимоий жараён, воқеликнинг бир кўриниши сифатида ўз элементлари таркибий қисмларига эга бўлади ва бу элементлар қўйидагилардан иборат бўлади:

1) Ижтимоий таъминотта оид ҳуқуқий муносабатнинг объектлари. X.T. Одилқориевнинг таъкидлашига кўра: «ҳуқуқий муносабат таркибий тузилишининг зарурий қисмларидан бири – уларнинг объектидир. «Объект» – потинча сўз бўлиб, мавзу деган маънони англатади ва ҳар ҳандай ҳуқуқий муносабатнинг замирида ётган ҳаётий

ҳодисаларни, нарса ва жараёнларни тартибга солишга қаратилган муайян вазифани ўтайди. Шу боис, объектсиз, яъни ҳеч нарсага қаратилмаган, ҳеч нарсага таъсир кўрсатмайдиган ҳуқуқий муносабат бўлмайди»<sup>21</sup>.

Ҳуқуқий муносабат объектлари моддий бойликлар, номулкий – шахсий неъматлар, муайян мулкий ёки номулкий ҳуқуқлардан иборат бўлиши мумкин.

Ижтимоий таъминотга оид ҳуқуқий муносабат объекти бўлиб пенсиялар, нафақалар ва бошқа ижтимоий ёрдамлар, турли имтиёзларга нисбатан фуқароларда бўлган ҳуқуқлар саналади.

Ижтимоий таъминотга оид ҳуқуқий муносабат таркибининг иккинчи муҳим элементи – бу муносабатнинг субъектлари қатнашчиларидир. ҳуқуқий муносабатнинг субъектлари сифатида ҳар доим субъектив ҳуқуқлар, юридик мажбуриятларга эга бўлган жисмоний ва юридик шахслар ҳамда давлатнинг ўзи (ўз органлари ва муассасалари орқали) иштирок этади.

Шахс ҳуқуқ субъекти сифатида ҳуқуқий муносабатларда қатнаша олиши унинг ҳуқуқ субъектлилик лаёкатига эга эканлигига боғлиқ бўлади. «ҳуқуқий субъектлилик – ҳуқуқ субъекти бўла олиш қобилиятидир. ҳуқуқ нормаси, ҳуқуқий субъектлик ва юридик факт ҳуқуқий муносабатлар вужудга келишининг шарт – шароитлари ҳисобланади»<sup>22</sup>.

Ижтимоий таъминотта оид муносабатларда муносабат субъекти бўлиб қуйидагилар қатнашадилар:

1. Фуқаролар (тегишли ҳолларда чет эл фуқаролари, фуқаролиги бўлмаган шахслар);
2. Юридик шахслар (мулкчилик шакли, хўжалик юритиш усулидан қатъи назар);
3. Юридик шахс мақомига эга бўлмаган якка тартибдаги тадбиркорлар, деҳқон хўжалигининг аъзолари;
4. Давлат (ўзининг ижтимоий таъминотни амалга оширувчи, ижтимоий таъминот тизимини бошқарувчи органлари, муассасалари орқали);
5. Фуқароларнинг ўзини – ўзи бошқариш органлари;
6. Оила – яхлит, бир бутун ҳолда.

<sup>21</sup> Давлат ва ҳуқуқ назарияси. Т., 2000 йил, 303–бет.

<sup>22</sup> А. Сайдов, У. Тожихонов. Давлат ва ҳуқуқ назарияси. Т., «Адолат», 2001 йил, 264–бет.

Ижтимоий таъминот соҳасидаги ҳуқуқий муносабатларда қатнашувчи шахсларнинг ҳуқуқ лаёқатлари ва муомала лаёқатлари, ваколатлари, мажбуриятлари ҳамда жавобгарликлари ҳажми фуқаролик қонунларида; корхоналарнинг Устав ва низомларида ва бошқа қонунчилик актларида белгилаб қўйилади.

Ижтимоий таъминотта оид ҳуқуқий муносабат мазмуни учинчи элементни ташкил этади ва у муносабат иштирокчиларининг ҳуқуқлари ҳамда субъектив мажбуриятларидан ташкил топади. Ижтимоий таъминотта оид ҳуқуқий муносабат мазмуни қонун ҳужжатларига кўра, унинг субъектларига берилган ҳуқуқлар ҳамда ваколатлар, юқлатилган мажбуриятларга кўра белгиланади.

Ижтимоий таъминот ҳуқуқий муносабатлари қатнашчиларининг ҳуқуқлари ва манфаатлари қонунларга мувофиқ, маъмурий усулда (юқори турувчи давлат ёки жамоат органи орқали) ёки суд тартибида ҳимоя қилиниши мумкин.

Ижтимоий таъминотта оид ҳуқуқий муносабатлар мақсадга кўра:

- а) ҳуқуқларни амалга оширишга қаратилган;
- б) ҳуқуқларни ҳимоя қилишга қаратилган;
- в) ҳуқуқларни тан олишга – белгилашга қаратилган;
- г) процессуал муносабатлар;
- д) жавобгарлика оид муносабатларга бўлиниши мумкин.

Ижтимоий таъминотни амалга ошириш шаклларига кўра эса бу муносабатларни:

- 1) Меҳнат стажи ва узоқ йиллик хизмат муддатини белгилашга оид муносабатлар;
- 2) Пенсия тайинлаш, тўлаш соҳасидаги муносабатлар;
- 3) Нафақалар тайинлаш ва тўлашга оид муносабатлар;
- 4) Фуқароларга ижтимоий ёрдам кўрсатиш соҳасидаги муносабатлар;
- 5) Ёлғиз фуқароларни қариялар уйи ва ногиронлар уйларига жойлаштириш, у ерда сақлаш – таъминлашга оид муносабатлар;
- 6) Аҳолининг муайян табақаларига ижтимоий бериш билан боғлиқ муносабатлар;

7) Ижтимоий таъминот сифатини, ижтимоий таъминот берилишида қонунларга амал қилинишини назорат қилиш билан боғлиқ бўлган муносабатлар ва бошқа муносабатларга бўлиш мумкин.

Ижтимоий таъминотга оид муносабатларнинг ҳар бир турини ҳуқуқий тартибга солишга оид хусусиятлар тегишли қонун ҳужжатларида назарда тутиб қўйилган.

**2-§. Ижтимоий таъминот органлари – ижтимоий таъминотта оид ҳуқуқий муносабат субъектлари сифатида. Бюджетдан ташқари пенсия жамғармаси ва унинг ҳуқуқий мақоми. Давлат солиқ хизмати органлари ва уларнинг ижтимоий таъминот муносабатларида иштироки**

Ўзбекистон Республикаси Президентининг 2001 йил 13 февралдаги «Ўзбекистон Республикасининг Меҳнат ва аҳолини ижтимоий муҳофаза қилиш вазирлигини ташкил этиш тўғрисида»ги Фармонига мувофиқ<sup>23</sup> ижтимоий таъминот тизимини яхшилаш, эркинлаштириш ва иқтисодий ислоҳотларни янада чуқурлаштирилиши, шу асосда аҳоли турмуш даражасини барқарор юксалтириш мақсадида меҳнат вазирлиги ва Ижтимоий таъминот вазирликлари негизида Меҳнат ва аҳолини ижтимоий муҳофаза қилиш вазирлиги, вилоятларда меҳнат ва аҳолини ижтимоий муҳофаза қилиш бош бошқармалари тузилиши, туман ва шаҳарларда эса ижтимоий таъминот бўлимлари аввалги ҳолатида сақлаб қолиниши кўзда тутилди. Мамлакатда ижтимоий таъминотни ташкил этиш ва уни идора қилиш ушбу органларнинг асосий вазифаларидан эканлиги белгилаб қўйилди.

Мазкур Фармон асосида Ўзбекистон Республикаси Вазирлар Маҳкамасининг 2001 йил 6 апрелдаги қарори билан «Ўзбекистон Республикаси Меҳнат ва аҳолини ижтимоий муҳофаза қилиш вазирлиги тўғрисида»ги Низом тасдиқланди<sup>24</sup>.

Ушбу Низомга кўра ижтимоий таъминотни амалга ошириш соҳасида Меҳнат ва аҳолини ижтимоий муҳофаза

<sup>23</sup> Қаранг: Ўзбекистон Республикаси қонун ҳужжатлари тўплами. 2001 йил, 3-4 -сон, 9-модда.

<sup>24</sup> Қаранг: Ўзбекистон Республикаси қонун ҳужжатлари тўплами, 2001 йил, 7-сон, 36-модда.

қилиш вазирлиги ҳамда унинг ҳудудий органлари зиммасига пенсионерлар, ногиронлар, күп болали ва кам таъминланган оиласарни амалда ижтимоий муҳофаза қилишни таъминлаш чора – тадбирларини амалга ошириш, ижтимоий таъминотни ташкил этиш ва бошқариш, ногиронларни тибий – ижтимоий экспертизадан ўтиказиш ва соғломлаштириш хизматлари фаолиятига раҳбарлик қилиш, аҳолига протез – ортопедия ёрдами кўрсатишни ташкил этиш каби вазифалар юклатилган.

Юқоридаги вазифаларга мувофиқ, Меҳнат ва аҳолини ижтимоий муҳофаза қилиш вазирлиги белгилаб қўйилган функцияларни бажаради. Ўзбекистон Республикаси Вазирлар Маҳкамасининг 2001 йил 13 февралдаги «Ўзбекистон Республикаси Меҳнат ва аҳолини ижтимоий муҳофаза қилиш вазирлиги фаолиятини ташкил этиш тўғрисида»ги қарорига кўра вазирлик зиммасидаги вазифалар ва функцияларнинг бажарилишини таъминлаш учун унинг қуиидаги тузилмаси кўзда тутилган:

Вилоятлар ва Тошкент шаҳар ҳокимлари Меҳнат ва аҳолини ижтимоий муҳофаза қилиш бош бошқармасининг намунавий тузилмаси эса қуиидаги таркибда бўлиши белгиланган.

Ижтимоий таъминот тизимида Ўзбекистон Республикаси Пенсия жамғармаси мұхим ўрин тутади.

Ўзбекистон Республикасининг Пенсия жамғармаси Ўзбекистон Республикаси Вазирлар Маҳкамасининг 2000 йил 15 ноябрдаги «Ўзбекистон Республикаси пенсия таъминоти тизимларини такомиллаштириш чора – тадбирлари тўғрисида»ги қарорига кўра, аввалги Ижтимоий таъминот вазирлиги ҳузуридаги Пенсия жамғармаси негизида ташкил этилган бўлиб, унинг функциялари бир мунча ўзgartирилган.

2001 йил 1 январдан бошлаб, бюджетдан ташқари пенсия жамғармасига маблағлар тўлиқ тўпланишини таъминлаш ва тўлиқ миқдорда тушишини назорат қилиш билан боғлиқ вазифалар давлат солиқ хизмати органлари зиммасига юклатилди.

Ўзбекистон Республикаси Вазирлар Маҳкамасининг 2000 йил 23 декабрдаги қарори билан «Бюджетдан ташқари Пенсия жамғармаси маблағларини шакллантириш ва берфлаш тартиби тўғрисида»ги Низом тасдиқланди.

Бюджетдан ташқари Пенсия жамғармасига ҳисоб – китобларни тақдим этиш, бадаллар, ажратмалар ва тұловвларни тұлаш муддатлари ушбу Низом билан белгилаб қўйилди.

Низомта кўра, бюджетдан ташқари Пенсия жамғармаси маблағлари қўйидаги манбалар ҳисобига шакллантирилади:

1) Корхоналар, муассасалар ва ташкилотлар, якка тартибдаги тадбиркорлар томонидан мажбурий тарзда, юридик шахс бўлмаган деҳқон хўжалиги аъзолари томонидан ихтиёрий равишда тўланадиган суғурта бадаллари;

2) Фуқаролар томонидан мажбурий равишда тўланадиган суғурта бадаллари;

3) Корхона, муассаса ва ташкилотлар томонидан амалда сотилган маҳсулот (иш, хизмат) ҳажмидан белгилаб қўйилган миқдордаги мажбурий ажратмалар;

4) Муддатидан олдин ва имтиёзли пенсиялар тайинланиши муносабати билан ундириладиган маблағлар;

5) Суғурта бадаллари ва мажбурий ажратмаларни ўз вақтида тўламаганлик учун ундириладиган жарималар ҳамда пениялар;

6) Жисмоний ва юридик шахслар томонидан бюджетдан ташқари Пенсия жамғармасига ихтиёрий тұловлар тўланиши.


Юқоридаги ҳукумат қарорларига мувофиқ, Ўзбекистон Республикаси Давлат Солиқ қўмитаси, Марказий банки, Молия вазирлиги, Меҳнат ва аҳолини ижтимоий муҳофаза қилиш вазирлигининг 2001 йил 7 мартағи биргалиқдаги қарори билан «Бюджетдан ташқари Пенсия жамғармасига Мажбурий бадалларни ҳисоблаш ва тұлаш ҳамда давлат ижтимоий суғуртаси ажратмаларини ҳисоблаш ва тұлаш тартиби тўғрисида»ги Йўриқнома тасдиқланиб, 2001 йил 16 марта Ўзбекистон Республикаси Адлия вазирлигига рўйхатга олинди<sup>25</sup>.

Корхона ва ташкилотлар Пенсия жамғармасига амалда ҳисобланган корхона ходимлари иш ҳақи фондининг 35 фойзи миқдорида ёлланиб ишлаётган фуқаролар эса ҳисоблаб чиқарилган иш ҳақининг 2,5% фойзи миқдорида суғурта бадаллари тұлашлари назарда тутилган ихтисос –


<sup>25</sup> Қаранг: Ўзбекистон Республикаси вазирликлари, давлат қўмиталари ва идораларининг меъёрий хужжатлари Ахборотномаси, 2001 йил, 6-сон.

**Мехнат ва аҳолни ижтимоий мудофаза қилиш вазирлиги тузиласи**

ВАЗИП



**Лошкент шаҳар ҳокимликлари Мечнат ва аҳолини ижтимоий мухофаза қилиш бош бошқармасининг намунавий тузилмаси**



лаштирилган иш жойларида ногиронлар мөхнатидан фойдаланаётган корхоналарга ҳамда «Ўзбекистон чернобилчилари» уюшмаси, унинг таркибий бўлимларига суғурта бадаллари тўлашда имтиёз берилган бўлиб, улар иш ҳақи фондининг 4,7 фоизи миқдорида бадал тўлади.

Суғурта бадаллари тўлашда ҳисобга олинмайдган тўлов турлари «Йўриқнома»нинг 1 – иловасида санаб кўрсатилган (улар: компенсация тўловлари, ишдан бўшаш нафақаси, моддий ёрдам пуллари, бепул овқат қиймати ва бошқалар).

Юридик шахс ташкил этмасдан тадбиркорлик билан шуғулланаётган шахслар ва деҳқон хўжалигининг аъзолари томонидан бюджетдан ташқари Пенсия жамғармасига бадаллар тўлаш тартиби ва муддатлари Вазирлар Маҳкамаси томонидан 2001 йил 24 августдаги 351 – сонли қарор билан тасдиқланган шу ҳақдаги «Тартибда» белгиланган. Ушбу шахслар тўлайдиган суғурта бадаллари уларнинг ўзлари томонидан белгиланади, аммо энг кам ойлик иш ҳақидан кам бўлмаслиги лозим.

Вазирлар Маҳкамасининг 2001 йил 31 декабрдаги қарори билан мулкчилик шаклидан қатъи назар, барча корхона ва ташкилотлар амалда реализация қилинган маҳсулот (иш, хизмат) ҳажмининг 0,7 фоизи миқдорида Пенсия жамғармасига мажбурий ажратма ажратишлари белгилаб қўйилган.


Корхона, ташкилотлар, якка тартибдаги тадбиркорлар, деҳқон хўжалиги аъзолари, айрим фуқаролар томонидан суғурта бадалларини ва бошқа мажбурий тўловларни ҳисоблаб чиқиш ва тўлаш тартиблари, муддатлари «Йўриқнома»да ва бошқа тегишли меъёрий ҳужжатларда белгилаб қўйилган.

Пенсия жамғармаси маблаглари юзасидан кредит тақсимловчи (тасарруф этувчи) ваколатига Ўзбекистон Республикаси Меҳнат ва аҳолини ижтимоий муҳофаза қилиш вазирлиги, Қорақалпоғистон Республикаси Меҳнат ва аҳолини ижтимоий муҳофаза қилиш вазирлиги, вилоятлар, Тошкент шаҳар Меҳнат ва аҳолини ижтимоий муҳофаза қилиш бош бошқармалари эга бўлади.

Пенсия жамғармаси маблағларидан мақсадга мувофиқ фойдаланиш, маблағларнинг ўз вақтида тушиши устидан жамоат назоратини амалга ошириш вазифаси «Нуроний»

# Қоралғаныстон Республикаси Мәднен ва аҳолини ижтимоий мұхофаза қылыш

## Вазирлар түзілмаси



жамғармасининг «Назорат кенгаши» жамоатчилик комиссиясига юклатилган.

Мулкчилик шаклидан қатъи назар, барча корхона ва ташкилотлар йилнинг ҳар чорагида сұғурта бадаллари ва бошқа тұловларнинг ҳисоблаб чиқарилиши ҳамда тұланиши ҳақида үzlари жойлашты ердаги туман (шахар) давлат солиқ инспекцияларига ҳисобот тақдим этишлари лозим бўлади.

Ўз вақтида ҳисобот тақдим этмаганлик, бадал тұланадиган манбаларни яширганлик, бадал тұловларини кечикиб амалга оширганлик учун тұловчы саналадиган корхона ва ташкилотлар Ўзбекистон Республикаси «Солиқ кодекси»да ва бошқа қонун ҳужжатларида белгилаб қўйилган ҳажмда ҳамда тартибда молиявий жазога тортиладилар<sup>26</sup>.

### **3-§. Фуқароларни ўзини ўзи бошқариш органлари ижтимоий таъминот ҳуқуқининг субъекти сифатида**

Мамлакатимизда бозор муносабатлари ривожланиб – чуқурлашиб боргани сари иқтисодий – ижтимоий ислоҳотлар жараёни билан мутаносиб равишда давлат ҳаётида ҳам туб ўзгаришлар амалга ошириб борилмоқда. Бу нарса, энг аввало, давлат фаолиятининг демократлашуви, кучли давлатчиликдан кучли жамиятта ўта борилаётганлиги, давлат органларига хос бўлган бир қатор функцияларни жамоат органларига топширилаётганлигида, нодавлат ташкилотларининг жамиятни идора қилишдаги мавқеи ва ғаколати мунтазам равишда кучайиб бораётганлигида яққол кўзга ташланади. «Шуни алоҳида таъкидлаш керакки, – деган эди Ўзбекистон Республикаси Президенти И.А. Каримов – нодавлат ва жамоат ташкилотларининг ривожланган тизими жамиятда манфаатлар уйғунлигини қарор топтириш ва мустаҳкамлашга хизмат қилиши лозим. Бу тизим давлат тузилмалари фаолиятини муайян маънода тўлдириш, уларга нисбатан маълум бир мувозанатни таъминловчи восита вазифасини бажариши керак»<sup>27</sup>.

<sup>26</sup> қаранг: Ўзбекистон Республикасининг Солиқ кодекси. Т., «Адолат», 1999 йил, 234-бет.

<sup>27</sup> Каримов И. А. Озод ва обод Ватан, эркин ва фаровон хаёт – пировард мақсадимиз. Т., «Ўзбекистон», 2000 йил, 7–8-бетлар.

Ижтимоий таъминот соҳасида ҳам давлат фаолиятининг йўналишларидан бири сифатида жамият ролини кучайтиришга қаратилган катта ишлар амалга оширила бошланди ва бу тадбирлар ўтган асрнинг тўқсонинчи йиллари ўрталаридан бошлаб авж олдирилган ялписига ижтимоий таъминлашдан аниқ йўналтирилган, аҳолининг ижтимоий заиф, кам таъминланган, бева-бечора қатламларига ёрдам беришга қаратилган ижтимоий таъминотга ўта борилиши тенденцияси бу масалада нодавлат ташкилотлари, турли ижтимоий жамғармалар аҳамиятини кескин оширишга олиб келди.

Ўзбекистон Республикаси Президентининг 1996 йил 10 декабрдаги «Болали оиласарни давлат томонидан қўллаб-куватлашни янада кучайтириш тўғрисида»ги Фармони қабул қилиниши билан 1997 йил 1 январдан бошлаб, болали оиласарга нафақалар фуқароларни ўзини ўзи бошқариш органлари томонидан тайинланиши ва тўланиши тартиби жорий этилди. Кейинчалик фуқаролар ўзини ўзи бошқариш органлари ролининг, айниқса, аҳолини ижтимоий ҳимоялашдаги аҳамияти янада ошира борилди. Ўзбекистон Республикаси Президентининг 1999 йил 13 январдаги «Аҳолини аниқ йўналтирилган ижтимоий мадад билан таъминлашда фуқароларнинг ўзини – ўзи бошқариш органлари ролини ошириш тўғрисида»ги Фармонига кўра ишламайдиган оналарга боласи икки ёшга етгунига қадар уни парваришилаш нафақалари, ўзгалар парваришига муҳтож бўлган ёлғиз пенсионерларни асосий озиқ – овқат маҳсулотлари билан таъминлаш вазифалари ҳам фуқароларнинг ўзини ўзи бошқариш органлари зиммасига юклатилди. Уларга ёш оиласарга моддий мадад кўрсатиш вазифаси ҳам топширилди.

1999 йил 14 апрелда Ўзбекистон Республикасининг янги таҳрирдаги «Фуқароларнинг ўзини ўзи бошқариш органлари тўғрисида»ги Қонуни қабул қилиниши билан<sup>28</sup> уларнинг мавқеи янада оширилди. Ушбу қонунининг 1 – моддасига кўра:

Фуқароларнинг ўзини ўзи бошқариши – фуқароларнинг Ўзбекистон Республикаси Конституцияси ва қонунлари билан кафолатланадиган, уларнинг ўз

<sup>28</sup> Қаранг: Ўзбекистон Республикаси Олий Мажлисининг Ахборотномаси, 1999 йил, 5-сон, 110-модда.

манфаатларидан, ривожланишнинг тарихий хусусият – ларидан, шунингдек, миллий ва маънавий қадриялардан, маҳаллий урф – одатлар ва анъаналардан келиб чиқсан ҳолда маҳаллий аҳамиятта молик масалаларни ҳал қилиш борасидаги мустақил фаолиятидир.

Фуқароларнинг ўзини ўзи бошқариш органлари қуийдагилар саналади:

шашарча, қишлоқ, овул фуқароларининг, шунингдек, шашар, шашарча, қишлоқ ва овулдаги маҳалла фуқароларининг йифини (вакиллар йигилиши) (бундан буён матнда фуқаролар йифини деб юритилади);

фуқаролар йифинининг кенгаши;

фуқаролар йифини фаолиятининг асосий йўналишлари бўйича комиссиялар;

фуқаролар йифинининг тафтиш комиссияси;

туман марказидан олисда жойлашган ва бориш қийин бўлган шашарчалар, қишлоқлар ва овулларда қонун ҳужжатларида назарда тутилган ҳолларда тузиладиган маъмурий комиссия (бундан буён матнда маъмурий комиссия деб юритилади).

Фуқароларнинг ўзини ўзи бошқариш органлари маҳаллий давлат ҳокимияти органлари тизимига кирмайди.

Фуқароларнинг ўзини ўзи бошқариш органлари юридик шахс ҳуқуқларидан фойдаланади, белгиланган намунадаги муҳрга эга бўлади ва маҳаллий давлат ҳокимияти органларида рўйхатга олиниши керак.

Фуқаролар йифини тўғрисидаги намунавий низом Ўзбекистон Республикаси Вазирлар Маҳкамаси томонидан тасдиқланади.

Фуқаролар йифинининг ваколатлари Ўзбекистон Республикасининг «Фуқароларнинг ўзини ўзи бошқариш тўғрисида»ги Қонунининг 10 – моддасида белгиланган ва бу ваколатлар қаторига, шунингдек, шашардаги маҳалла фуқаролар йифини кам таъминланган оиласаларга моддий ёрдам кўрсатиш ва кўп болали муҳтож оиласаларга нафақалар тайинлаш масалаларини ҳал этади, оиласаларни давлат томонидан ижтимоий қўллаб – қувватлаш мақсадлари учун қонун ҳужжатларида белгиланган тартибда ажратиладиган маблағлардан ўз ўрнида ва самарали фойдаланишни таъминлайди.

Шаҳарча, қишлоқ ва овулдаги маҳалла фуқаролар йиғинига ҳам ана шундай ваколатлар берилган.

Кейинги пайтларда фуқароларнинг ўзини ўзи бошқариш органлари ваколатлари тобора кенгайтириб борилмоқда.

#### **4-§. Ҳарбий органлар ижтимоий таъминот ҳуқуқининг субъекти сифатида. Корхона ва ташкилотлар, касаба ўюшмаларининг ижтимоий таъминот муносабатларидаги иштироклари**

Ҳарбий хизматчиларга пенсиялар тайинлашда давлат ижтимоий таъминот органлари билан бир қаторда ҳарбий органлар ҳам иштирок этишлари назарда тутилган.

Ўзбекистон Республикасининг «Фуқароларнинг давлат пенсия таъминоти тўғрисида»ги Қонуни 5 – моддасига кўра: «ҳарбий хизматчиларни, шунингдек, ички ишлар органларининг бошлиқлар ва оддий ходимлар таркибидан бўлган шахсларни ҳамда уларнинг оила аъзоларини пенсия билан таъминлаш шартлари, нормалари ва тартиблари Ўзбекистон Республикаси қонун ҳужжатлари билан белгиланади». ҳарбий хизматчиларга, шунингдек, умумий асосларда фуқаролик пенсияси олишни танлаш ҳуқуқи ҳам берилган.

«Ҳарбий хизматчиларнинг пенсия таъминоти тўғрисида»ги 1990 йил 28 апрелдаги собиқ СССР Қонунига кўра (1991 йил 1 январдан амалга киритилган) муддатли ҳарбий хизматчи ва уларнинг оила аъзолари ўзлари яшаб турган туман (шаҳар) ижтимоий таъминот бўлимларига пенсия сўраб мурожаат қиласидар. Офицерлар, прaporshchiklar, мичманлар, муддатидан ташқари ҳарбий хизматчилар, Ички ишлар, Миллий хавфсизлик хизмати, четара қўшиллари давлат қўмитаси, Фавқулодда вазиятлар вазирлиги ҳарбий хизматчилари тегишли вазирлик ёки давлат қўмитасининг пенсия бўлимларига мурожаат қилишлари лозимлиги белгиланган. «Ҳарбий хизматчиларнинг пенсия таъминоти тўғрисида»ги Қонуннинг 52 – моддасига кўра, офицерлар, прaporshchiklar, мичманлар, муддатидан ташқари ҳарбий хизматни ўтаётган ҳарбий хизматчиларга пенсия тайинлаш

органи Мудофаа вазирлиги ёки бошқа вазирлик ва давлат қўмитаси пенсия бўлимлари ҳисобланадилар.

Ушбу Қонун асосида ҳарбий хизматчи хизматни ўтайдиган тегишли вазирликлар (Мудофаа, Ички ишлар, Фавқулодда вазиятлар вазирликлари), давлат қўмиталари (Чегара қўшинлари, божхона, Миллий хавфсизлик хизмати) томонидан ўз идоралари ходимларига пенсиялар тайинлаш ва тўлаш масалаларини белгилаб берувчи норматив – ҳуқуқий ҳужжатлар қабул қилинади ва шу асосда ушбу идоралар ҳарбий хизматчиларига пенсиялар тайинланади ҳамда тўланади<sup>29</sup>.

Ҳарбий органларнинг пенсия таъминоти бўлимларининг юридик мақоми, ваколатлари ва иш олиб бориш тартиби тегишли идоравий норматив ҳужжатларга биноан белгилаб қўйилади.

Мулкчилик шаклидан қатъи назар, корхона, муассаса ва ташкилотлар ўз ходимларини ижтимоий таъминлашда иштирок этадилар. Бундай иштирок этиши шакллари қонун ҳужжатлари билан белгилаб қўйилган бўлиб, улар қуидаги икки гурӯҳга ажратилиши мумкин:

1) Ижтимоий таъминот органларга фуқароларнинг ижтимоий таъминотини амалга оширилишида кўмаклашиш;

2) Ўз маблағлари ҳисобидан давлат ижтимоий таъминот тизимларида кўзда тутилганига қўшимча равишда ижтимоий ёрдам кўрсатиш.

Ижтимоий таъминот идораларига аҳолини ижтимоий таъминлашда кўмаклашиш турли шаклларда амалга оширилади ва улар:

а) пенсия ёшига етган ва пенсия тайинлашни сўраб мурожаат қилган ўз ходимларининг, уларнинг оила аъзоларининг ҳужжатларини тайёрлаш ва ижтимоий таъминот бўлимига тақдим этиш;

б) муддатидан аввал пенсия тайинланишига кўмаклашиш, бундай пенсияларни ўз маблағлари ҳисобидан қоплаб бориш;


в) ишлаётган пенсионерларга ўз ҳисобидан пенсияларни тўлаш;

<sup>29</sup> ҳарани: 1991 йил 3 январдаги «Ўзбекистон Республикаси Ички қўшинлар ҳарбий хизматчиларини ҳамда ички ишлар органлари бошлиқлари ва оддий ходимларини, уларнинг оила аъзоларини пенсия билан тайинлаш ишларини ташкил этиши тўғрисидаги йўриқнома. Ўзбекистон Республикаси Адлия вазирлигига 1999 йил 21 декабрда рўйхатта олинган «Ўзбекистон Республикаси Ички ишлар вазирлиги пенсионерларига пенсия тулашнинг вактинчалик тартиби».

г) ишләётган болали аёлларга нафақалар тайинлаш ва тўлаш қабилардан иборат бўлиши мумкин.

Корхона ва ташкилотлар ходимлар вакиллик органи (касаба уюшмалари) билан келишиб қабул қиласиган ички (локал) меъёрий ҳужжатларда (жамоа шартномаси, жамоа келишви, бошқа локал ҳужжатлар) ўз ходимларини ҳамда уларнинг оила аъзоларини имтиёзлироқ шартларда, давлат ижтимоий таъминот тизимларида кўзда тутилганидан яхшироқ ёки бу тизимларда кўзда тутилмаган таъминот турлари билан таъмин этилишини назарда тутишлари мумкин. Жумладан, Ўзбекистон Республикаси Меҳнат кодексининг 37 – моддасига кўра, жамоа шартномасида иш берувчи ва ходимларнинг ўзаро мажбуриятлари кўзда тутилиши мумкин ҳамда унда корхонанинг иқтисодий имкониятларини ҳисобга олган ҳолда бошқа шартлар, шу жумладан, қонунлар ва бошқа норматив ҳужжатлар билан белгиланган нормалар ва қоидаларда кўрсатилганига қара – ганда имтиёзлироқ меҳнат шартлари ва ижтимоий – иқти – содий шартлар (кўшимча таътиллар, пенсияга устамалар, муддатидан олдин пенсияга чиқиш ва бошқалар) киритилиши мумкин.

Корхона ва ташкилотлар ногиронлар учун қўшимча иш жойлари яратиш, уларни иш билан таъминлаш орқали ҳамда бошқа кўплаб шаклларда ижтимоий таъминотни амалга ошириш фаолиятида иштирок этади.



### *III бобга тест синови саволлари*

I. Ўзбекистон Республикаси Меҳнат ва аҳолини ижтимоий муҳофаза қилиш вазирлиги ижтимоий таъминот ҳуқуқи субъекти бўла оладими?

- а) йўқ;
- б) бўла олади;
- в) вазир бўла олади;
- г) тўғри жавоб йўқ.

II. Пенсиялар тайинлашга оид муносабатлар ижтимоий таъминот ҳуқуқининг:

- а) объекти саналади;
- б) субъекти саналади;
- в) объекти ҳам, субъекти ҳам бўла олмайди;
- г) ҳар учала жавоб ҳам тўғри.

III. Маҳалла қўмитаси ижтимоий таъминот ҳуқуқи субъекти бўладими?

- а) йўқ, у фуқароларнинг ўзини ўзи бошқариш органи;
- б) йўқ, у давлат органи эмас;
- в) йўқ, уларга ижтимоий таъминот бериш ҳуқуқи берилган эмас;
- г) тўғри жавоб йўқ.

IV. Ижтимоий таъминот ҳуқуқида юридик фактлар деганда:

- а) пенсия ёшига етганлик;
- б) маълум фактни юз бериши;
- в) ижтимоий таъминотга оид ҳуқуқий оқибат юз беришига оид ҳаракатлар ва ҳодисалар;
- г) ижтимоий таъминот олиш ҳуқуқининг юзага келиши тушунилади.

V. Корхоналар Пенсия жамғармасига қанча бадал тўлайди?

- а) даромадининг 20 фоизи миқдорида;
- б) иш ҳақи фондининг 37,3 фонди миқдорида;
- в) Корхонанинг ўзи мустақил тарзда белгилаган миқдорда;
- г) тўғри жавоб йўқ.

## *Билимларингизни текшириб кўринг*

1. Ижтимоий таъминотга оид ҳуқуқий муносабатлар нима ва улар қандай асосларга кўра юз беради?

2. Ижтимоий таъминотга оид ҳуқуқий муносабат объектларини санаб беринг.

3. Ижтимоий таъминот муносабатларида қатнашувчи субъектларни бирма – бир санаб беринг.

4. Ўзбекистон Республикаси Меҳнат ва аҳолини ижтимоий муҳофаза қилиш вазирлигининг ижтимоий таъминотта оид вазифаларини санаб беринг.

5. Туман (шаҳар) ижтимоий таъминот бўлимлари юридик мақоми қандай?

6. Ижтимоий таъминотнинг амалга оширилишида бюджетдан ташқари Пенсия жамғармаси қандай вазифаларни бажаради?

7. Корхона ва ташкилотлар томонидан Пенсия жамғармасига тўланадиган сугурга бадали ва бошқа мажбурий ажратмалар ҳақида сўзлаб беринг.

8. Фуқаролар йиғинларининг аҳолини ижтимоий таъминлашдаги ўрни қандай?

### *Тавсия этиладиган адабиётлар*

1. Каримов И. А. «Ўзбекистон иқтисодий юксалиш йўлида». Ўзбекистон Вазирлар Маҳкамаси мажлисида сўзланган нутқ. 1996 йил 25 июль.

2. Ўзбекистон Республикасининг «Фуқароларнинг давлат пенсия таъминоти тўғрисида»ги Қонуни.

3. Ўзбекистон Республикаси Президентининг «Меҳнат ва аҳолини ижтимоий муҳофаза қилиш вазирлигини ташкил этиш тўғрисида»ги 2001 йил 13 февралдаги Фармони.

4. Ўзбекистон Республикаси Вазирлар Маҳкамасининг 2001 йил 6 апрелдаги «Ўзбекистон Республикаси Меҳнат ва аҳолини ижтимоий муҳофаза қилиш вазирлиги ҳамда Тапқи меҳнат миграцияси масалалари агентлиги тўғрисидағи» Низомни тасдиқлаш ҳақидаги қарори.

5. Ўзбекистон Республикасининг «Фуқароларнинг ўзини ўзи бошқариш органлари ҳақида»ги Қонуни.

6. Турсунов Й. ва бошқалар. Ижтимоий таъмино тұхуқуқи. Ұқыв құлланма. Т., «Молия», 2001 йил.
7. Үзбекистон Республикаси Вазирлар Маҳкамасинин Г 2000 йил 15 науябрдаги «Үзбекистон Республикасида пенсия таъминоти тизимларини такомиллаштириш чора – тадбирлари түгрисида»ғи қарори.

## **IV БОБ. МЕҲНАТ СТАЖИ ВА УЗОҚ ЙИЛЛИК ХИЗМАТ ДАВРИ**

### **1–§. Меҳнат стажи тушунчаси, турлари ва аҳамияти**

Фуқароларни тўлақонли ижтимоий таъминлашда энг муҳим аҳамиятга эга бўлган шартлардан, омиллардан бири – уларнинг ижтимоий фойдали фаолият билан машғул бўлганликлари фактининг мавжудлиги ҳисобланади.

Фуқаронинг меҳнат стажи бундай ижтимоий фойдали, яъни давлат ва жамият учун аҳамиятли фаолиятни ўлчаш воситаси бўлиб хизмат қиласди.

Меҳнат стажи деганда фуқаронинг корхона ва ташкилотларда ёлланиш (меҳнат шартномаси тузиш) ёки аъзолик (жамоа хўжалиги, кооператив ёхуд бошқа жамоат бирлашмаси аъзоси сифатида иш ҳақи олган ҳолда) асосида меҳнат фаолияти билан шуғулланган даври (бевосита ишлаган даври ҳам), таътида, касал бўлгани, давлат ва жамоат ишларига жалб этилиши туфайли ёки бошқа узрли сабаблар билан ишламаган, аммо иш жойи (лавозими) сақлаб турилган вақт тушунилади. Меҳнат стажи йил, ой ва кунлар билан ўлчанади.

Ўзбекистон Республикасининг «Фуқароларни давлат пенсия таъминоти тўғрисида»ги Қонунининг 37 – моддасига кўра ходим бевосита меҳнат қилмаган бўлса – да, иш стажига ҳисобланадиган қўйидаги даврлар кўзда тутилган:

– ҳарбий хизмат ва партизан отрядлари ҳамда қўшилмаларида бўлиш, давлат хавфсизлиги органларида ва ички ишлар органларида хизмат қилиш;

– идоравий бўйсунувидан қатъи назар, ҳарбийлаштирилган соқчилиқдаги маҳсус алоқа органлари ва тоф – кон – қутқарув қисмларида хизмат;

– якка тартибдаги меҳнат фаолияти, шу жумладан якка (гуруҳли) ижара шароитидаги ёки шахсий ёрдамчи, деҳқон (фермер) хўжалигидаги фаолият – Ижтимоий суғурта жамғармасига суғурта бадаллари тўланган тақдирда;

– I – гуруҳ ногиронига ёки 16 ёшгacha бўлган ногирон болага, шунингдек, ўзгаларнинг парваришига муҳтоҷ бўлган (даволаш муассасасининг хуносасига кўра) 80 ёшга тўлган қарияларга қараб турилган вақт;

– олий ва ўрта махсус ўқув юртларида, билим юртларида, кадрлар тайёрлаш, малака ошириш ва янги ихтиносни ўрганиш мактаблари ва курсларида, аспирантурада, докторантурада ва клиник ординатурада кундузги ўқиш, шу жумладан, чет элда ўқиш;

– онанинг (ўгай онанинг) болаларини (ўгай болаларини) гўдаклик ёшида парваришлиган вақти, лекин кўпи билан ҳар бир бола З ёшга тўлгунича, ҳаммасини жамлагандан кўп бўлмаган вақт доирасида;

– офицерлар ва бошқа муддатидан ташқари ҳарбий хизматчилар хотинларининг уларни ишга жойлашиши имкони бўлмаган жойларда (узоқ чўл, тоғлар ва бошқа аҳоли яшамайдиган ерлар) эрлари билан яшаган вақт, лекин 10 йилдан ошмаган давр (бунда ҳарбий хизматчининг хотинида камида 5 йил ишлаганлик билан боғлиқ меҳнат стажи мавжуд бўлиши лозим);

– Ўзбекистон Республикаси муассасаси ва ҳалқаро ташкилотлари ходимлари хотинларининг эри билан чет элда яшаган, ишга жойлашиш имкони бўлмаган вақти, башарти камида 5 йил меҳнат стажига эга бўлса, 10 йил доирасида;

– чўпонларнинг хотинлари, эри билан яйловларда юрган ва ишга жойлашиш имконига эга бўлмаган 10 йилгача давр, башарти аёл камида 5 йиллик ҳақиқий иш стажига эга бўлса.

Меҳнатда майибланиш ёки касб касаллиги туфайли ногиронлиқда бўлган давр ёшга доир ва боқувчисини ўқотганлик пенсияси тайинлаш пайтида иш стажига қўшиб ҳисобланади. Ёшга доир пенсия тайинланганидан кейинги ишлаган давр иш стажига қўшиб ҳисобланмайди.

1965 йилдан кейинги давр учун жамоа хўжалигидағи иш стажини ҳисоблаб чиқаришда, агар жамоа хўжалиги аъзоси узрсиз сабабларга кўра жамоа хўжалигида белгиланган меҳнатда иштирок этиш минимумини бажармаган бўлса, ишланган вақтнинг амалда давом этган даври ҳисобга олинади.

Ижодий фаолият билан машғул ходимларнинг иш стажини, башарти улар Ижтимоий сугурта жамғармасига сугурта бадаллари тўлаган бўлсалар, ижодий ўюшмаларнинг бошқарувлари ана шу муаллифнинг асари эълон қилинган

ёки биринчи марта жамоат олдида ижро ёки намойиш этилган кундан эътиборан белгилайдилар.

Ишлаган даврни меҳнат стажига қўшиб ҳисоблашнинг асосий шарти ходим учун ижтимоий сугурта Пенсия жамғармасига сугурта бадаллари тұлаб борилган бўлиши саналади. Аммо юридик шахс саналувчи корхонанинг айбили равищда ушбу бадалларни ўз ходимлари учун тўламаганлиги ёки тўлиқ тўламаганлиги ходим иш даврини иш стажига қўшиб ҳисобланishiiga ва унинг ижтимоий таъминот олишига монелик қилмайди. Бу қоида Ўзбекистон Республикаси Меҳнат кодекси 283 – моддасининг иккинчи қисми билан белгиланган. Бироқ, юридик шахс бўлмасдан тадбиркорлик қилаёттан шахслар, деҳқон хўжалиги аъзолари томонидан ижтимоий сугурта Пенсия жамғармасига бадаллар мунтазам тўланмаганлиги уларга ижтимоий таъминот берилишига тўсқинлик қиласди.

Меҳнат стажи ходим учун пенсия, нафақа таъминотида, ижтимоий ёрдамнинг бошқа шаклларидан фойдаланишида муайян ҳуқуқлар, ижтимоий таъминот органлари учун эса мажбуриятлар келтириб чиқарадиган юридик фактлар жумласига киради.

Меҳнат стажининг мавжудлигини аниқлаш, ҳисоблаб чиқариш, қўллаш билан боғлиқ бўлган муносабатларни ҳуқуқий тартибга солувчи қонун ҳужжатлари қаторига қўйидагилар киритилиши мумкин:

1) Ўзбекистон Республикасининг «Фуқароларнинг давлат пенсия таъминоти тўғрисида»ги Қонун (қонуннинг VI боби, 37 – 42 – моддалар);

2) Ўзбекистон Республикаси Меҳнат кодекси (142, 289 – моддалар);

3) Ўзбекистон Республикаси Вазирлар Маҳкамасининг 1994 йил 11 майдаги қарори билан тасдиқланган «Пенсия тайинлаш учун меҳнат стажини тасдиқлаш тартиби тўғрисида»ги Низом<sup>30</sup>;

4) Ўзбекистон Республикаси Вазирлар Маҳкамасининг 1994 йил 12 майдаги «Имтиёзли пенсияяга чиқиш ҳуқуқини берувчи касблар рўйхатини тасдиқлаш тўғрисида»ги қарори;

30 ҳаранг: Ўзбекистон Республикаси имтиёзли пенсия таъминоти бўйича норматив ҳужжатлар тўплами. Т., «Мехнат», 1994 йил, 61 –бет.

5) Ўзбекистон Республикаси Вазирлар Маҳкамасининг 1994 йил 11 майдаги қарори билан тасдиқланган «Учувчилар ва синовчи учувчилар таркибига кирувчи ходимларга пенсия тайинлаш учун белгиланган хизмат муддатини ҳисоблаш тартиби»<sup>31</sup>;

6) Вазирлар Маҳкамасининг 1994 йил 11 майдаги қарори билан тасдиқланган пенсияни ҳисоблаб чиқариш пайтида тўлиқ бир мавсум ишлаш бир йил меҳнат стажига қўшиладиган мавсумий ишлар ва саноатнинг мавсумий тармоқлари рўйхати<sup>32</sup>;

7) Ўзбекистон Республикаси Вазирлар Маҳкамасининг 2001 йил 24 августидаги қарори билан тасдиқланган «Юридик шахс бўлмасдан тадбиркорлик фаолияти билан шугууланувчи жисмоний шахслар ва деҳқон хўжаликлари аъзоларини давлат томонидан ижтимоий суғурталаш тўғрисида»ги қарори ва бошқа қонунчилик ҳужжатлари.

Юридик аҳамиятига кўра меҳнат стажи қўйидаги икки турга бўлиниши мумкин:

- а) умумий меҳнат стажи;
- б) маҳсус меҳнат стажи.

Умумий меҳнат стажи, бу – шахснинг ижтимоий давлат суғуртаси билан суғурталанган ва суғурта бадаллари тўланган ҳар қандай меҳнат фаолияти ёки суғурта бадаллари тўланмаган бўлса – да, қонунда назарда тутилган бошқа фаолиятидан иборатдир. Умумий меҳнат стажи меҳнат фаолияти давридан ташқари ҳарбий хизмат, ўқиш ва бошқа даврларни ҳам ўз ичига қамраб олди.

Маҳсус меҳнат стажига эса муайян турдаги имтиёз ва афзалликларнинг берилишига сабаб бўладиган, алоҳида ноқулай, оғир ёки зарарли меҳнат шароитларида амалга оширилган меҳнат фаолияти ёки ҳарбий хизмат муддати киритилади.

Шахснинг маҳсус меҳнат стажига эга бўлиши унга қўйидаги имтиёзлар берилишига сабаб бўлиши мумкин:

1. *Мавжуд меҳнат стажи вақтини карралаб (бир неча баробар ошириб) ҳисобга олиннишига асос бўлиши*<sup>33</sup>;

<sup>31</sup> Ўша манба, 39-бет.

<sup>32</sup> Ўша манба, 60-бет.

<sup>33</sup> Ҳаранг: Ўзбекистон Республикасининг «Фуқароларнинг давлат пенсия таъминоти тўғрисида»ги қонунининг 38-моддасида иш стажиги карралаб хисобланниш холлари курсатиб қўйилган.

2. Ёшга доир пенсияни белгиланган умумий кўрсаткичдан пастроқ бўлишига, талаб этилган умумий кўрсаткичдан камроқ меҳнат стажи билан пенсия тайинланишига олиб келиши<sup>34</sup>;

3. Пенсия миқдорини одатдагидан кўпроқ белгиланишига, устамаларнинг турларини қўшиб берилишига сабаб бўлиши<sup>35</sup>;

4. Қонунда назарда тутилган бошқа имтиёз ва енгилликлардан фойдаланишига имкон бериши мумкин<sup>36</sup>.

Фуқароларни ижтимоий таъминлаш чоғида меҳнат стажини тасдиқловчи энг асосий ҳужжат, бу меҳнат дафтарчаси ҳисобланниб унда шахснинг бутун умр давомидаги меҳнат фаолияти, иш даврлари, меҳнат қилган шароитлари бошқа муҳим ҳолатлар батафсил қайд этилади.

Меҳнат дафтарчасининг расмийлаштирилиши ва юритилиш тартиби қонун ҳужжатлари билан белгилаб қўйилади.

Ўзбекистон Республикасининг «Фуқароларнинг давлат пенсия таъминоти тўғрисида»ги Қонунининг 42 – моддасида айтилишича: «Меҳнат дафтарчаси иш стажини тасдиқловчи асосий ҳужжат ҳисобланади. Меҳнат дафтарчаси ёки унда тегишли ёзувлар бўлмаган тақдирда иш стажини тасдиқлаш тартиби Ўзбекистон Республикаси Вазирлар Маҳкамаси томонидан белгиланади».

Меҳнат дафтарчасида иш стажига оид маълумотлар иш, ўқиши, хизмат жойидан ёки архив муассасалар томонидан берилган ҳоужжатлар асосида белгиланади. Мабодо ана шундай маълумотларни топиш имкони бўлмаганда, белгилаб қўйилган ҳолларда ва тартибларда меҳнат стажи ижтимоий таъминот органлари томонидан камида икки гувоҳ, кўрсатуви асосида тасдиқланиши мумкин.

Иш вақтини ҳисобга олиш мумкин бўлмаган ходимларнинг меҳнат стажи «Пенсия» жамғармаси органлари томонидан бериладиган маълумотномалар асосида аниқланади (масалан, деҳқон – фермер хўжалиги аъзолари асосида аниқланади (масалан, деҳқон – фермер

<sup>34</sup> қаралсан: Ўзбекистон Республикаси Вазирлар Маҳкамасининг 1994 йил 12 майдаги қарори билан тасдиқланган «Имтиёзи пенсияга чиқиши ҳуқуқини берувчи касблар рўйхатини тасдиқлаш тўғрисида»ги қарори ва унга №1, 2, 3 рўйхатлар иловалари.

<sup>35</sup> қарант: «Давлат пенсия таъминоти тўғрисида»ги Қонунининг 27 – моддаси.

<sup>36</sup> қарант: «Хотин – қиззарга қушимча имтиёзлар тўғрисида»ги қонун, 1999 йил 14 апрел.

хўжалиги аъзолари, якка тартибдаги тадбиркорлар, ижодий эркин фаолият билан машғул шахслар ва бошқалар).

Бевосита корхона ва ташкилотлардаги меҳнат фаолиятидан ташқари меҳнат стажига қўшиб ҳисобланадиган ижтимоий фаолият турлари (ҳарбий хизмат, ўқиш даври ва бошқалар) қонун ҳужжатларида муфассал кўрсатиб қўйилган.

## 2-§. Меҳнат стажини ҳисоблаш ва тасдиқлаш тартиби

Меҳнат стажининг миқдори фуқарога ижтимоий таъминот масалаларида имтиёз берилишида муҳим аҳамиятга эга ва шу сабабли унинг тўғри ҳисобланиши ғоят муҳим роль ўйнайди. Меҳнат стажини ҳисоблаш пайтида унинг мавжудлиги ва миқдорини тасдиқловчи ҳужжатлар доирасини тўғри белгилаб олиш лозим. Меҳнат стажини тасдиқловчи ҳужжатлар қаторига қўйидагилар киради:

а) белгиланган тартибда расмийлаштирилган меҳнат дафтарчаси;

б) ижтимоий суғурта органлари томонидан берилган ижтимоий суғурта жамғармасига (пенсия жамғармасига) бадаллар тўланганлигини тасдиқловчи маълумотнома;

в) меҳнат дафтарчаси бўлмаган ҳолларда, шунингдек, меҳнат дафтарчасида зарур ёзувлар бўлмагани ёки ноаниқ ва хато ёзувлар бўлса, бу ҳолда меҳнат стажининг мавжуд эканлиги факти ишлаганлик ҳақидаги маълумотномалар, буйруқлардан кўчирмалар, иш ҳақи бериш бўйича щахсий счетлар, тўлов ведомостлари, ишлар бажарилганлиги ҳақидаги ёзма меҳнат шартнома (контракт)лари, иш даври тўғрисидаги маълумотларни ўзида акс эттирувчи бошқа ёзма ҳужжатлар, башарти иш фаолияти ҳақида санаб ўтилган ҳужжатлар ҳам мавжуд бўлмаса, у ҳолда касаба уюшмаси билан (аъзолик бадаллари тўланганлиги ҳақида белги (марка ёпиштирилган бўлса), иш ҳақи тўланганлигини кўзда тутувчи ҳисоб – китоб дафтарчаси асосида ҳам меҳнат стажи аниқланиши мумкин;

г) иш вақтини ҳисобга олиб бўлмайдиган шахсларнинг иш даври (меҳнат стажи) Ўзбекистон Республикаси Пенсия жамғармасининг суғурта бадаллари тўланганлиги ҳақидаги маълумотномалари асосида аниқланади.

Иш вақтини ҳисобга олиб бўлмайдиган ходимларнинг рўйхати Ўзбекистон Республикаси Вазирлар Маҳкамасининг 1994 йил 11 майдаги 249 – сонли қарори, 8 – иловасида кўзда тутилган бўлиб, улар қаторига:

- 1) юридик шахс бўлмасдан тадбиркорлик билан шуғулланувчи шахслар;
- 2) дехқон (фермер) хўжалиги аъзолари;
- 3) меҳнат шартномаси бўйича хусусий шахсларга хизмат кўрсатиш билан шуғулланувчи фуқаролар фаолияти киритилган.

Ижодий уюшмалар аъзолари (ёзувчилар, шоирлар, рассомлар ва бошқа ижодий уюшмалар аъзолари)нинг ҳамда ижодий уюшмаларга аъзо бўлмаган ижодий ходимларнинг ижодий фаолияти Пенсия жамғармаси томонидан берилган ижтимоий сугурта бадаллари тўланганлиги тўгрисида берилган маълумотномалар асосида меҳнат стажига қўшиб ҳисобланади. Ушбу шахсларнинг 1991 йил 1 январга қадар бўлган даврдаги, яъни ижтимоий сугурта бадаллари тўланиши қайд этилиши тартиби жорий этилгунига қадар бўлган даврдаги ижодий фаолияти ижодий уюшмалар томонидан берилган маълумотномага кўра (дастлабки асари эълон қилинган, омма олдида ижро этилган пайтдан бошлаб) меҳнат стажига қўшиб ҳисобланиши мумкин.

Фуқаро ҳарбий хизматни ўтаган (миллий хавфсизлик, ички ишлар ва бошқа ҳарбий органлар таркибида ҳарбий хизмат қилган) вақтлар ҳарбий билетлар, қизил аскар дафтарчаси, ҳарбий штаблар ва муассасалар, ҳарбий архивлар, ҳарбий – даволаш муассасалари берган ёзма маълумотномалар ёки ушбу маълумотномалар асосида меҳнат дафтарчасига киритилган ёзувларга кўра меҳнат стажига қўшиб ҳисобланади.

Олий, ўрга маҳсус, касб – ҳунар ўқув юртларининг кундузги бўлимларида, кундузги аспирантура ва докторантурда клиник ординатура, кадрлар тайёрлаш марказларида ўқиган давр диплом, шаҳодатнома, гувоҳнома, маълумотнома, архив маълумотномалари, ўқиш даври тўгрисидаги бошқа ёзма ҳужжатлар билан тасдиқлангани ҳолда меҳнат стажига қўшиб ҳисобланиши мумкин.

Фуқаронинг I гуруҳ ногирони, 16 ёшгача бўлган ногирон болани, 80 ёшдан ошган кекса кишиларни парваришилаш билан банд бўлган даври парваришилаш

ҳақиқатда амалга оширилганлиги ҳақида тузилган далолатнома; парвариш қилинган шахс I гуруҳ ногирони ёки 16 ёшга етмаган ногирон бола эканлигини ёхуд 80 ёшга кирган шахс эканлигини тасдиқловчи ёзма ҳужжатлар, ўзгалар парваришига муҳтоҷ эканликни тасдиқлаб, даволаш муассасаси берган хulosса (кексалар учун) асосида меҳнат стажига қўшиб ҳисобланиши мумкин.

Фуқаронинг тиббий – меҳнат эксперт комиссиясидан ўтганлиги ҳақидаги далолатномадан кўчирма, тиббий хulosса, пенсия гувоҳномаси (ногиронлик пенсияси), ногиронлик нафақаси иш ҳақидаги гувоҳномаси, ижтимоий таъминот бўлимларининг гувоҳномаси шахснинг ўзгалар парваришига муҳтоҷ I гуруҳ ногирони эканлигини тасдиқловчи ҳужжатлар сифатида қабул қилиниши мумкин.

80 ёшдан ошган шахс ёшини тасдиқловчи ҳужжат сифатида паспорт ёки туғилганлик гувоҳномасидан кўчирма эътиборга олиниши мумкин.

Ўгай она томонидан ўгай тўдак болаларни (8 ёшгача, ногирон бола – 16 ёшгача) тарбиялаш амалга оширилган давр боланинг туғилганлик гувоҳномаси, унинг онаси вафот этгани ҳақидаги ўлим гувоҳномаси, паспортдан кўчирма, қишлоқ (овул, маҳалла) фуқаролар йигини берган маълумотнома асосида меҳнат стажига қўшиб ҳисобланиши мумкин.

Қамоқда, озодликдан маҳрум қилиш жойларида, сургунда бўлган вақтлар ахлоқ тузатиш (жазони ижро қилиш) органлари, дастлабки тергов органлари, ички ишлар органлари берган ёзма маълумотномага кўра ҳамда шахсни оқланган (реабилитация қилинган)лиги тўғрисидаги ҳужжатта мувофиқ (суд ҳукми ёки ажрими) жиноят ишини ҳаракатдан ётқизиш ҳақидаги дастлабки тергов, прокуратура органининг қарори мавжуд бўлган тақдирда меҳнат стажига қўшиб ҳисобланиши мумкин.

Офицерлар ва бошқа муддатидан ташқари ҳарбий хизматчиларнинг хотинлари, чўпонларнинг хотинлари, Ўзбекистон Республикасининг хорижий ваколатхоналарида, халқаро муассасаларда ишловчи шахсларнинг хотинлари эрлари билан бирга бўлган ҳамда ишлаш имконига эга бўлмаган даврлар тегишлилигича юқори ҳарбий қисмларнинг белгиланган тартибда ва намунада берган маълумотномасига, Ўзбекистон Республикаси Ташқи ишлар

вазирлигининг тегишли муассасаси берган маълумотномага, чўпон ишлаган хўжалик (колхоз ёки совхоз, ширкат хўжалиги, фермер хўжалиги ва бошқалар) томонидан берилган маълумотномага кўра 10 йилдан ортиқ бўлмаган ҳажмда меҳнат стажига қўшиб ҳисобланиши мумкин.

Айрим тоифадаги ходимлар меҳнат стажини имтиёзли тартибда ҳисобга олишнинг маҳсус қоидалари тегишли қонун ҳужжатлари билан белгилаб қўйилган<sup>37</sup>.

Меҳнат стажини гувоҳларнинг кўрсатмалари билан тасдиқлашга мавжуд иш стажи тўғрисидаги маълумотлар ҳарбий ҳаракат, табиий офат, ҳалокат, фалокат ва бошقا фавқулодда вазиятлар муносабати билан йўқ бўлиб кетганда уларни олиш мумкин бўлмасагина йўл қўйилади. Бунда меҳнат стажи гувоҳлар кўрсатуви асосида тасдиқланиши учун манфаатдор шахс ёки унинг вакили томонидан ижтимоий таъминот бўлимига берган ёзма аризаси асосида, ариза берувчи билан бир корхонада бирга ишлаган ва уни шахсан билган камида икки гувоҳ кўрсатмасига мувофиқ белгиланиши мумкин.

Гувоҳлар кўрсатуви асосида фақат пенсия тайинлаш учун зарур бўлган иш стажининг ярмигача бўлган қисмигина тасдиқланиши ва белгиланиши мумкин.

Юридик шахс бўлмасдан тадбиркорлик билан шуғулланилган давр, деҳқон хўжалиги аъзоси сифатида, диний ташкилотларда ишланган вақтлар фақат Пенсия жамғармасига тегишли бадаллар тўланганлиги тўғрисидаги маълумотномаларга мувофиқ тасдиқланади ва бу даврларни гувоҳларнинг кўрсатмалари билан белгиланишига йўл қўйилмайди.

Меҳнат стажини тасдиқлаш қоидалари юқорида эслатиб ўтилган Меҳнат стажини тасдиқлаш ҳақидаги Низомнинг 25 –, 31 – баандарида белгилаб қўйилган.

Иш стажини тасдиқлаш ҳақида тақдим этилган ҳужжатлар ваколатли шахслар имзоси билан тасдиқланган ва корхона муҳри билан гувоҳлантирилган бўлиши лозим.

Меҳнат дафтарчаларидағи ёзувлар улар ёзилган пайтда амалда бўлган меҳнат дафтарчаларини юритиш тўғрисидаги йўриқнома талабларига тўла мос бўлиши, мансабдор шахс имзоси ҳамда корхона муҳри билан тасдиқланган бўлиши

<sup>37</sup> қаранг: Ўзбекистон Республикаси Вазирлар Махкамасининг 1994 йил 11 майдаги қарори, 12-илюваси (Меҳнат стажини тасдиқлаш ҳақидаги Низомнинг 16–21-баандлари).

лозим. Меҳнат стажи ҳақидағи ҳужжатлар, шу жумладан меҳнат дафтарчаси белгиланған қоидаларга хилоф тарзда расмийлаштирилған ҳолларда бу ҳужжатлар асосида иш стажини аниқлаш ижтимоий таъминот бўлимлари томонидан тегишли тартибда ҳал этилади.

Иш даврлари гувоҳлар кўрсатувлари асосида ижтимоий таъминот органлари томонидан аниқланади. Бунда камида икки гувоҳ шахсан чақирилиб, сўроқ қилиниши ва тегишли баённома тузилиши йўли билан ёки уларнинг нотариал тартибда гувоҳлантирилган ёзма кўрсатмалари кўриб чиқилиши орқали меҳнат стажи тасдиқланиши мумкин. Гувоҳлар иш стажи белгиланаётган шахс меҳнат фаолияти даври тўғрисида турлича (бири кўпроқ, бошқаси эса озроқ давр ҳақида гувоҳлик берганида) кўрсатма берганида ҳар иккаласининг кўрсатмалари эътиборга олинади.

Меҳнат стажини тасдиқловчи ҳужжатларда кўрсатилган исм – шариф ёки фамилия паспорт ёхуд туғилганлик гувоҳномасидаги исм – шариф, фамилиядан бошқача бўлса (фарқ қиласа), ушбу ҳужжатларнинг мазкур шахстга тегишлилиги факти уларни биринчи бўлиб берган ташкилот томонидан бирламчи ҳужжатлар (паспорт, туғилганлик гувоҳномаси) асосида белгиланиши мумкин. Бунинг иложи бўлмаса ва бошқа барча чалкашликлар аниқланған ҳолларда ҳужжатнинг муайян шахстга тегишли эканлиги суд тартибида тасдиқланиши мумкин<sup>38</sup>.

Меҳнат стажи тўғрисидаги ҳужжатларда фақат уларнинг йилигина кўрсатилган ҳолларда иш стажи тегишли йилнинг 1 июлидан бошлаб ҳисобга олинади. Башарти ой кўрсатилиб, число кўрсатилмаган бўлса, у ҳолда тегишли ойнинг 15 чисолосидан бошлаб стаж ҳисобга олинади.

Меҳнат стажини ҳисоблаб чиқариш, гувоҳлар кўрсатуви асосида белгилаш юзасидан келиб чиқсан низолар Ўзбекистон Республикаси фуқаролик процессуал қонунчилигига мувофиқ суд тартибида кўриб ҳал этилади.

Меҳнат стажини имтиёзли (карралаб) ҳисобга олиш асослари ва қоидалари Ўзбекистон Республикаси

<sup>38</sup> Қаранг: Ўзбекистон Республикаси Фуқаролик процессуал кодексининг 301-, 302-моддалари; шунингдек, Ўзбекистон Республикаси Олий суди Пленумининг «Тақдим этувчига деб берилган ҳужжатлар йўқолганида уларга бўлган ҳуқуқларни тиклаш ҳақидағи аризаларнинг судлар томонидан кўрилиши тўғрисида»ги 1992 йил 13 ноябрдаги қарори.

«Фүқароларнинг давлат пенсия таъминоти тўғрисида»ги Қонуннинг 38 – моддасида белгиланган, унга кўра стажга қўйидагилар имтиёзли тарзда қўшиб ҳисобланади:

а) ҳаракатдаги армия таркибига кирувчи ҳарбий қисм, штаб ва муассасалардаги, жанговар ҳаракатлар даврида партизан отрядлари ва қўшилмаларида хизмат ва эркин ёлланганлар таркибидаги иш, байналмилал бурчни бажарища жанговар ҳаракатларда иштирок этиш – уч ҳисса баробарида;

б) Йккинчи жаҳон уруши йилларида (1941 йил 22 июндан 1945 йил 9 майга қадар) мамлакат ичкарисида ишлаш, шу жумладан, ҳарбий қисмлардаги эркин ёлланганлар таркибидаги иш ва ушбу модданинг «а» бандида назарда тутилган хизматдан ташқари ҳарбий хизмат – икки ҳисса баробарида;

в) ушбу Қонун 10 – моддасининг «а» ва «б» бандларига ҳамда 11 – моддасининг «а» бандига мувофиқ, имтиёзли шартларда пенсия олиш ҳуқуқини берадиган – эркакларда 10 йилдан ортиқ ва аёлларда 7 йилу 6 ойдан ортиқ ишланган ҳар бир тўлиқ йил – икки ҳисса баробарида;

г) моховхоналарда, вабога қарши муассасаларда, иммунодефицит вируси билан касалланган шахслар даволанадиган юқумли касалликлар муассасаларида ишлаш – икки ҳисса баробарида;

д) патологоанатомия муассасалари ва суд – тиббий экспертиза муассасаларининг тиббий ходимларидан айрим тоифаларининг иши – бир ярим ҳисса баробарида;

е) асоссиз равишда жиноий жавобгарликка тортилган, асоссиз равишда қатағон қилинган, кейинчалик оқланган фуқароларнинг қамоқда бўлиш ва ҳибсда сақлаш жойларида турган вақти – бир ярим ҳисса баробарида.

Мавсумий ишларда банд бўлган ходимларнинг иш стажини ҳисобга олиш тартиби «Фүқароларнинг давлат пенсия таъминоти тўғрисида»ги Қонуннинг 39 – моддасида белгиланган, унга кўра:

Саноатнинг мавсумий тармоқларига оид корхоналар ва ташкилотларда банд бўлган ходимларнинг тўлиқ мавсум мобайнидаги иши бир йил ишлаган деб, тўлиқ мавсум давомида ишламаган бўлса, ҳақиқий ишлаган даври ҳисобга олинади.

Тўлиқ бир мавсум ишлаш пенсия тайинлаш учун бир йил меҳнат стажига ўтадиган мавсумий ишлар ва саноатнинг мавсумий тармоқлари рўйхати Ўзбекистон Республикаси Вазирлар Маҳкамасининг 1994 йил 11 майдаги қарори 11 – иловасида белгилаб қўйилган бўлиб, улар жумласига:

1. Пахта тозалаш саноати корхоналаридағи мавсумий ишлар:

- а) пахтани қуритиш;
- б) пахтани тозалаш;
- в) пахтани юклаш, тушириш;
- г) пахтани пневмотранспортга ортиш;

Д) қуритиш – тозалаш цехини йиғиштириш ва иситиш, ишлаб чиқариш чиқиндилирини чиқариб ташлаш.

2. Саноатнинг қанд – шакар ва консерва ишлаб чиқариш тармоқлари корхоналаридағи ишлар киритилган.

Чет элда ишлаган вақтни меҳнат стажига қўшиш тартиби «Фуқароларнинг давлат пенсия таъминоти тўғрисида»ги Қонуннинг 40 – моддасида белгиланган бўлиб, чет элда ишланган даврлар Ижтимоий суғурта жамғармасига белгиланган суғурта бадаллари тўланган тақдирда, агар давлатлараро битимларда ўзгача қоидалар назарда тутилмаган бўлса, меҳнат стажига қўшиб ҳисобланади.

Ўзбекистон Республикаси фуқароларининг ёлланма асосда (битим) чет элда ишлаганилиги Ўзбекистон Республикаси Вазирлар Маҳкамаси ваколат берган органлар меҳнат дафтарчасига киритган қайдномаларга қараб аниқланади.

Чет эл фуқ ароларига ва фуқаролиги бўлмаган шахсларга чет элдаги иши Ўзбекистон Республикасида ишлаганига тўғри келадиган стажнинг 1F3 ҳиссасидан ошмаган миқдорда, агар давлатлараро битимларда (шартномаларда) ўзгача қоидалар назарда тутилмаган бўлса, стажга қўшилади.

Ёшга доир пенсияга чиқишида имтиёз берадиган ишлар, касблар, корхоналарнинг 1, 2 ва 3 – рўйхатларида кўрсатилган ишларда ишлаган вақтлар белгиланган тартибда ўзаро ҳисобга олинади.

### **3-§. Узоқ йиллик хизмат даври ва уни ҳисобга олишининг хусусиятлари**

Узоқ йиллик хизмат даври шахснинг муайян имтиёзлар берилишига асос бўладиган мансаб, вазифа, корхоналар, касблардаги узлуксиз меҳнат ёки хизмат фаолиятидан иборат бўлади.

Узоқ йиллик хизмат даври меҳнат ҳуқуқида мансаб маоши, ойлик иш ҳақига устамалар қўшиб берилишига, меҳнат таътили муддатининг узайтирилишига, маҳсус унвонларининг узоқ йиллик хизмат даврига мутаносиб равишда кўтарилишига ва бошқа имтиёзлар берилишига асос бўлса<sup>39</sup>, ижтимоий таъминот ҳуқуқида узоқ йиллик хизмат даври имтиёзли шартларда, одатдагидан эртароқ пенсия тайинланишига ва ижтимоий таъминотта оид бошқа айrim имтиёзлар берилишига сабаб бўлиши мумкин.

Узоқ йиллик хизмат даври энг кўп аҳамият касб этадиган соҳалардан бири – ҳарбий хизматдир. «Ҳарбий хизматчиларнинг пенсия таъминоти тўғрисида»ги Қонуннинг 1 – моддасига кўра, қонунда белгиланган узоқ йиллик хизмат муддатига эга бўлган ҳарбий хизматчилар, Ички ишлар вазирлиги, Миллий хавфсизлик хизмати, Чегара қўшиллари давлат қўмиталари, Фавқулодда вазиятлар вазирлигида хизмат қилган бошлиқ ва оддий ҳарбий хизматчилар умрбод тайинланадиган узоқ йиллик хизмат пенсиясини олишга ҳақли бўладилар.

Ҳарбий хизматчиларнинг узоқ йиллик хизмат даврини ҳисоблаш тартиби қонун ҳужжатларига мувофиқ белгиланади<sup>40</sup>.

«Ҳарбий хизматчиларнинг пенсия таъминоти тўғрисида»ги Қонуннинг 13 – моддасига мувофиқ, хизматдан бўшатилган пайтида камида 20 йил Мудофаа вазирлиги, ички ишлар вазирлиги ва бошқа тегишли идоралар таркибида офицер ёки бошқа муддатидан ташқари ҳарбий хизматни ўтаган шахслар ёшидан қатъи назар, узоқ йиллик хизмат пенсиясига чиқишилари мумкинлиги кўзда тутилган.

<sup>39</sup> Масалан, қаранг: Ўзбекистон Республикасининг Прокуратура тўғрисида»ги қонуннинг 50 – моддаси.


<sup>40</sup> қаранг: Ўзбекистон Республикасининг 1992 йил 3 июлдаги «Умумий ҳарбий мажбурият ва ҳарбий хизмат тўғрисида»ги қонуни; тегишли вазирлик ва идораларнинг ҳарбий хизматни утанига оид идоравий меъёрий ҳужжатлари.

Узоқ йиллик хизмат даври муносабати билан суд, прокуратура ва бошқа айрим давлат хизматчиларининг ҳам имтиёзли шартларда ижтимоий ҳимояланишлари назарда тутиб қўйилган.

Ижтимоий таъминот соҳасидаги, айниқса, пенсияга чиқиш соҳасидаги имтиёзлар маориф, соғлиқни саклаш, қишлоқ хўжалиги, жисмоний тарбия ва спорт, ижтимоий таъминот, театр – концерт ташкилотлари ҳамда бошқа соҳа ходимлари учун ҳам белгиланган бўлиб, ушбу имтиёзларнинг берилиши мазкур шахсларни тегишли тармоқлардаги касб ва лавозимлардаги узоқ йиллик хизмат даври билан боғлиқ қилиб қўйилган.

Узоқ йиллик хизмат даврини ҳисобга олиш, бир турдаги узоқ йиллик хизмат даврининг иккинчи турдаги хизмат даврини ҳисоблашда эътиборга олиниши шартлари ҳамда тартиблари қонун ҳужжатларига биноан белгилаб қўйилган.

#### 4 – ЧИЗМА



#### IV – бобга тест синови саволлари

##### I. Меҳнат стажи деганда:

- корхоналарда ёлланиб ишланган давр тушунилади;
- ҳарбий хизмат даври тушунилади;
- пенсия жамғармасига бадаллар тўланган давр тушунилади;
- тўғри жавоб йўқ.

## II. Махсус меҳнат стажи деганда:

- а) заарли иш шароитларида меҳнат қилинган давр тушунилади;
- б) алоҳида тусга эга бўлган ишларда ишланган давр тушунилади;
- в) ижтимоий таъминот олишда имтиёз берадиган ҳар қандай меҳнат стажи тушунилади.
- г) тўғри жавоб йўқ.

## III. Қатагон туфайли қамоқда бўлган давр меҳнат стажига:

- а) уч ҳисса миқдорида қўшилади;
- б) икки ҳисса миқдорида қўшилади;
- в) бир ярим ҳисса миқдорида қўшилади;
- г) тўғри жавоб йўқ.

## IV. Меҳнат стажини тасдиқловчи ҳужжат, бу:

- а) меҳнат дафтарчаси;
- б) меҳнат фаолиятига оид бошқа ёзма ҳужжатлар;
- в) белгиланган тартибдаги гувоҳлар кўрсатмаси;
- г) юқоридагиларнинг барчаси.

### *Билимларингизни синааб кўринг*

1.Меҳнат стажи нима ва ижтимоий таъминотда унинг аҳамияти қандай?

2.Меҳнат стажининг қандай турлари бор?

3.Махсус меҳнат стажи нима?

4.Меҳнат стажини ҳисоблаб чиқариш тартиби қандай?

5.Якка тартибдаги тадбиркорлар, деҳқон хўжалиги аъзолари иш вақтини ҳисобга олиб бўлмайдиган бошқа ишларда меҳнат стажини ҳисоблаш тартиби қандай?

6.Иш вақтини имтиёзли тарзда ҳисобга олиш асослари қандай?

7.Иш стажини тасдиқлаш тартибини айтиб беринг.

8.Узоқ йиллик хизмат стажи нима ва у қандай ҳисобга олинади?

## *Тавсия этиладиган адабиётлар*

1. Ўзбекистон Республикасининг Конституцияси. Т., «Адолат», 2001 йил.

2. Ўзбекистон Республикасининг «Фуқароларнинг давлат пенсия таъминоти тўғрисида»ги Қонуни.

3. Ўзбекистон Республикаси Вазирлар Маҳкамасининг 1994 йил 11 майдаги қарори (12 – илова: «Пенсия тайинлаш учун меҳнат стажини тасдиқлаш тартиби тўғрисида»ги Низом; 11 – илова: мавсумий ишлар рўйхати;).

4. Ўзбекистон Республикаси Вазирлар Маҳкамасининг 2001 йил 24 августдаги «Юридик шахс бўлмасдан тадбиркорлик фаолияти билан шуғулланувчи жисмоний шахслар ва деҳқон хўжалиги аъзоларини давлат томонидан ижтимоий сугурталаш тўғрисида»ги қарори.

5. Турсунов Й. ва бошқалар. Ижтимоий таъминот ҳуқуқи. Ўқув қўлланма. Т., «Молия», 2001 йил.

6. Ўзбекистон Республикасининг «Фуқароларнинг давлат пенсия таъминоти тўғрисида»ги Қонунига шарҳлар. Т., 1996 йил. Ўзбекистон Республикаси ижтимоий таъминот вазирлиги нашри.

## МАХСУС ҚИСМ

### ЎЗБЕКИСТОНДА ФУҚАРОЛАРНИНГ ПЕНСИЯ БИЛАН ТАЪМИНЛАНИШИ

#### В БОБ. ФУҚАРОЛАРГА ЁШГА ДОИР ПЕНСИЯЛАР ТАЙИНЛАШ

##### 1–§. Ёшга доир пенсиялар тушунчаси ва уларнинг фуқаролар ижтимоий таъминотида тутган ўрни

«Биз туб иқтисодий ислоҳотларни амалга оширишга киришар эканмиз, — деган эди Ўзбекистон Республикаси – нинг Президенти И.А.Каримов, — бозор муносабатларига асосланган иқтисодиётни барпо этиш қуруқ мақсад эмас, деган аниқ хуносага келдик. Барча ислоҳотларнинг – иқтисодий, демократик, сиёсий ислоҳотларнинг асл мақсади инсонга муносаб турмуш ва фаолият шароитларини вужудга келтиришдан иборат»<sup>41</sup>.

Мамлакатимиздаги ўзгаришларнинг бош мақсадини акс эттирувчи ушбу тамоилга изчиллик билан амал қилиб келинмоқда ва аҳолининг заиф қатламларини, шу жумладан, кекса ёшдаги фуқароларни ижтимоий ҳимоялашнинг зарур чора – тадбирлари кўрилмоқда.

Республикамиз Президенти И. А. Каримовнинг ташаббуси билан 2002 йилни «Қарияларни қадрлаш йили» деб эълон қилиниши<sup>42</sup> жамиятимизнинг файзи бўлган кекса ёшдаги отахонлар ва онахонларимизга нисбатан ғамхўрлик ва эътиборнинг янада кучайишига сабаб бўлди.

Шу муносабат билан Ўзбекистон Республикаси Олий Мажлисининг 2001 йил 6 декабрдаги «Аҳолини ижтимоий ҳимояга муҳтоҷ қатламларини аниқ йўналтирилган тарзда қўллаб – қувватлашнинг 2002 – 2003 йилларга мўлжалланган дастури тўғрисида»ги қарори билан ушбу соҳага оид давлат дастури тасдиқланди<sup>43</sup> ва бу дастурни рўёбга чиқаришга қаратилган ҳукуматнинг бир қатор қарорлари қабул

<sup>41</sup> Ислом Каримов. Ўзбекистон иқтисодий ислоҳотларни чуқурлаштириш йўлида. Т., «Ўзбекистон», 1995 йил, 119-бет.

<sup>42</sup> қаранг: И. Каримов. Ўзбекистон Республикаси Конституциясининг 9 йиллигига бағишлаб «Туркестон» саройида сузланган нутқ. «Халқ сўзи», 2001 йил 8 декабрь.

<sup>43</sup> қаранг: Узбекистон Республикаси қонуни ҳуҗжатларни тўплами. 2001 йил, 22–24-сон, 152-модда.

қилинди<sup>44</sup>. Мазкур давлат дастури ва унинг ижроси юзасидан қабул қилинган бошқа қонун ҳужжатларида кекса авлодни қўллаб – қувватлашга оид чора – тадбирлар марказий ўринни эгаллади.

Кекса ёшдаги фуқароларни ижтимоий таъминлашнинг асосий шаклларидан бири – ёшга доир пенсиялар саналади. Шуни айтиб ўтиш кифояки, 2002 йил 1 январга келиб Ўзбекистонда 2718 минг пенсионер бўлган ва уларнинг 2 миллиондан ортигини ёшга доир пенсия олувчи шахслар ташкил этган. ҳар ойда республика бўйича 28 миллиард сўм, бир йилда эса 340 миллиард сўмга яқин маблағ фуқароларга пенсия сифатида тўланган<sup>45</sup>. Бу кўрсаткич халқаро кўрсаткичларга бирмунча яқин келади. Жумладан, Европадаги оиласлар умумий даромадида давлат томонидан бериладиган ижтимоий тўловлар 25,7 фоизни, унинг 2/3 қисмини эса пенсия шаклидаги тўловлар ташкил этади. Европа Иттифоқи аъзоси бўлган давлатларда эса 30 фоиздан ортиқ оиласлар қариллик нафақалари олиб келганлар. Бу кўрсаткич турли давлатларда турлича бўлса – да, аммо харид қилиш қуввати стандартлари (Standart de Pouvoir d'achat)га умуман олганда мос келади<sup>46</sup>.

Бизнинг республикамизда ҳам ижтимоий таъми – нотнинг амалга оширилишида ушбу халқаро стандартларга мослашиб мақсади илгари сурилган.

«Ёшга доир пенсия» тушунчаси қонунчилигимизда нисбатан янги бўлиб, даставвал Ўзбекистон Республикаси – нинг «Фуқароларнинг давлат пенсия таъминоти тўғрисида»ги 1993 йил 3 сентябрда қабул қилинган Қонунида муомалага киритилди. Бунга сабаб қариллик ва ёшга доир пенсия тайинлаш тушунчалари ўртасида жиҳдий тафовут борлиги бўлди. Қонунчилик 50 ёш, 45 ёш ва ҳатто 40 ёшдан пенсияга чиқиш мумкинлигини назарда тутади. Ваҳоланки 40 ёшли, 50 ёшли ва ҳатто 60 ёшли шахсни қария деб аташ кўпчилик ҳолларда файриоддий туюлади.

Э. Фозиевнинг 1994 йилги тадқиқотларига қараганда 61 ёшдан 74 ёшгача бўлган шахслар кексайиш даврини

<sup>44</sup> қаранг: Ўзбекистон Республикаси Президентининг 2002 йил 25 январдаги «Ахолни ижтимоий хизояга мухтож қатламларини аниқ йўналтирилган тарзда қўллаб – қувватлашни кутайтириш тўғрисида»ги Фармони; Ўзбекистон Республикаси Вазирлар Махкамасининг «қарияларни қадрлаш мили» давлат дастури тўғрисида»ги қарори.

<sup>45</sup> қаранг: «Саховат» газетаси, 2001 йил 23 декабрь.

<sup>46</sup> қаранг: «Банковские ведомости» хафтапомаси, 2001 йил, 3-сон.

бошдан кечираётган шахслар деб, 75—99 ёшдаги шахслар кекса шахслар деб эътироф этилмоғи лозим<sup>47</sup>. Тұрмуш кечириш даражасининг яхшиланиб бориши, соғлиқни сақлашы ва ижтимоий хизматлар сифатининг ортиб бориши туфайли ўртача умр кечириш ёшининг узайиши, кексалик чегарасининг янада ортиши күзатилади. Ёшга доир пенсия фуқаронинг меҳнат қобилияты йўқолиши ёки пасайиши билан боғланган бўлиб, муайян ёшга етиши ва қонунда назарда тутилган ҳажмдаги иш стажи мавжудлиги асосида бутун умрга тайин этиладиган давлат таъминоти турларидан бири ҳисобланади. Ёшга доир пенсия аслида фуқаронинг ўтган даврлардаги меҳнат фаолияти, жамият бойликлари қўпайишига қўшган ҳиссаси учун жамият унга берадиган моддий таъминот, мамлакат миллий даромадининг тақсимланишидан иборатadir.

Ҳозирги пайтда амалда бўлган «Фуқароларнинг давлат пенсия таъминоти тўғрисида»ги ҳамда «ҳарбий хизматчи – ларнинг пенсия таъминоти тўғрисида»ги Қонунларга мувофиқ, ёшга доир пенсияларнинг қўйидаги турлари назарда тутилган:

- 1) умумий асослардаги ёшга доир пенсия;
- 2) имтиёзли шартлар билан тайинланадиган ёшга доир пенсия;
- 3) тўлиқсиз иш стажи билан тайинланадиган ёшга доир пенсия;
- 4) муддатидан олдин тайинланадиган ёшга доир пенсия;
- 5) ҳарбий хизматчиларнинг узоқ йиллик хизмат учун пенсиялари.

Ушбу пенсиялар умумий жиҳатлар билан бир қаторда бўрмунча ўзига хос жиҳатларга ҳам эга бўлиб, пенсияга оид қонунчилик амалиётда қўлланилаётганида ушбу жиҳатлар эътиборга олинмоғи лозим бўлади.

<sup>47</sup> қаранг: «Саховат» газетаси, 2001 йил.

## **2-§. Умумий асосларга кўра ёшга доир пенсия тайинлаш ва унинг шартлари**

Ўзбекистон Республикасининг «Фуқароларнинг давлат пенсия таъминоти тўғрисида»ги Қонунининг 1 – маддасига кўра: «Ўзбекистон Республикаси фуқаролари ушбу Қонунда назарда тутилган тартибда давлат томонидан пенсия билан таъминланиш ҳуқуқига эгадирлар.

Республика ҳудудидан ташқарида яшаб турган Ўзбекистон Республикасининг фуқароларини пенсия билан таъминлаш давлатлараро битимлар (шартномалар) асосида амалга оширилади.

Ўзбекистон Республикасида доимий яшаб турган чет эл фуқаролари ва фуқаролиги бўлмаган шахслар, башарти давлатлараро битимлар (шартномалар)да ўзгача қоидалар назарда тутилмаган бўлса, Ўзбекистон Республикаси фуқаролари билан teng равишда пенсия олиш ҳуқуқига эгадирлар.

Иш стажига эга бўлмаган фуқаролар ва уларнинг оиласлари Қонунга биноан давлат пенсиялари олиш ҳуқуқига эга эмаслар. Уларнинг ижтимоий таъминланиш тартибини Ўзбекистон Республикаси Вазирлар Маҳкамаси белгилаб қўяди».

Демак, корхона ва ташкилотларда ёлланиб (меҳнат шартномаси тузиб) ишлаган ёки бўлмаса бошқача тарзда ижтимоий фойдали фаолият (жамоа хўжалиги, ширкат хўжалиги, фермер – деҳқон хўжалиги, кооперативлар аъзоси сифатида, якка тартиbdаги тадбиркор сифатида, эркин ижодкор тарзида ва ҳоказо) билан шуғулланган шахслар, башарти улар учун иш берувчилар томонидан (кооперативлар томонидан, якка тартиbdаги тадбиркорларнинг ўзи томонидан) бюджетдан ташқари Пенсия жамғармасига давлат ижтимоий суғурта бадаллари тўлаб келинган бўлса ёшга доир пенсия олишга ҳақли бўладилар. Башарти иш берувчининг айби билан (бўйин товлани ёки тўловга қобилиятсизлиги сабабли) суғурта бадаллари тўланмаган бўлса – да, Ўзбекистон Республикаси Меҳнат кодексининг 283 – маддасида ходимларнинг ёшга доир пенсияларни ва бошқа пенсияларни олиш ҳуқуқлари кафолатланавериши кўрсатиб қўйилган.

Фаолиятнинг муайян турлари билан машфул бўлган шахсларнинг (масалан, ҳарбий хизматчилар, ички ишлар органи ходимлари, бошқа баъзи давлат хизматчилари) улар учун бюджетдан ташқари Пенсия жамғармасига суғурта бадаллари тўланган тўланмаганлигидан қатъи назар, умумий асосларда ёшга доир пенсия олиш ҳуқуқига эга эканликлари белгилаб қўйилган.

Ўзбекистон ҳудудидан ташқарида яшаётган фуқароларнинг пенсия таъминоти масалалари умумий қоидага кўра улар яшаётган мамлакатнинг миллий қонунчилиги билан тартибга солинади.

Фуқароларни пенсия таъминоти соҳасидаги икки томонлама ва кўп томонлама давлатлараро ёки ҳукуматлараро халқаро шартномалар тузилиши йўли билан ўзаро ҳамкорлик амалга оширилади, ушбу асосда бир давлат фуқароларини бошқа бир давлатда ижтимоий ҳимоялаш, шу жумладан, ёшга доир пенсиялар билан таъминлаш амалга оширилади. Бугунги кунда ана шундай ўзаро ёрдам кўрсатиш масаласи юзасидан Ўзбекистон Республикасининг бир қатор давлатлар билан икки томонлама ва кўп томонлама аҳдлашувлари мавжуд бўлиб, амал қилиб келмоқда<sup>48</sup>.

Фуқароларга пенсия олиш ҳуқуқи пайдо бўлганида (муайян ёшга етган ва иш стажига эга бўлганда) пенсия сўраб мурожаат қилиш ҳуқуқи берилган ёки бу ҳукуқдан воз кечганлари ҳолда ўзлари хоҳлаган вақтгача меҳнат фаолиятларини давом эттиришлари мумкин.

Фуқаро қонунга кўра бир неча пенсия турини олишга айни пайтда ҳақли бўлиб қолган тақдирда (масалан, ногиронлик пенсияси ёки узоқ йиллик хизмат пенсиясини олиб келган шахс қарилек пенсияси олиш ёшига етса), бу пенсиялардан фақат биттасини олишга ҳақли бўлади ва пенсия турини танлаш ҳуқуқи фуқарога берилган.

«Фуқароларнинг давлат пенсия таъминоти тўғрисида»ги Қонуннинг 7 – моддасига кўра: ёшга доир пенсия олиш ҳуқуқига:

эркаклар – 60 ёшга тўлганда ва иш стажлари камида 25 йил бўлган тақдирда;

<sup>48</sup> қаранг: Мустақил давлатлар Ҳамдўстлиги аъзоси бўлган мамлакатлар ўртасида 1992 йил 13 январдаги ҳукуматлараро битим ва бошқалар.

аёллар – 55 ёшга тўлганда ва иш стажлари камида 20 йил бўлган тақдирда эга бўладилар.

Ёшга доир пенсия тайинлаш пайтида Ўзбекистон Республикаси «Фуқароларнинг давлат пенсия таъминоти тўғрисида»ги Қонунининг 37 – мoddасида санаб кўрсатилган барча фаолият турлари меҳнат стажига қўшиб ҳисобланади. Аммо бунда ҳақиқий ишлаган даврга кўра ҳисобланадиган меҳнат стажи билан шартли равишда эътиборга олинадиган меҳнат стажи (болалар парвариши билан машғул бўлган давр, амалда ишламаган бўлса – да, қонун ҳужжатларига кўра иш стажига қўшиб ҳисобланадиган бошқа даврлар) ўртасидаги ўзаро нисбат назарда тутилган.

Хуллас фуқароларга умумий асосларда ёшга доир пенсия тайинланишининг асосий шартлари:

- а) фуқаронинг белгиланган ёшга етганлиги;
- б) муайян ҳажмдаги иш стажига эга эканлиги;

в) фуқаронинг ёшга доир пенсия тайинлашликни сўраб ариза билан мурожаат қилиши саналади.

### **3–§. Имтиёзли шартларда ёшга доир пенсия тайинлаш асослари**

Фуқароларга уларнинг касби, меҳнат шароитларининг хусусиятлари ва бошқа омиллар эътиборга олингани ҳолда одатдагидан афзалроқ шартларда ёшга доир пенсия тайинлаш назарда тутилган. Имтиёзли шартларда ёшга доир пенсия тайинланиши аслида шахс ноқулай, зарарли ёки руҳий – физиологик жиҳатдан танг шароитларда ишлаганлиги, шу орқали ўз соғлиғи ва ҳаётини хавф остида қолдиргани ҳолда жамиятга кўпроқ фойда келтирувчи фаолият тури билан шуғулланганлиги учун жамият томонидан товон тўланишидан иборатdir.

Имтиёзли шартларда пенсия тайинланиши натижасида фуқаро ёшга доир пенсияга чиқиш пайтида қуйидаги имтиёзларни қўлга киритиши мумкин:

1) пенсияга чиқиш учун белгиланган ёшнинг одатдагидан камроқ бўлиши;

2) талаб этиладиганидан камроқ меҳнат стажига эга бўлган ҳолларда ҳам пенсия тайинланиши;

3) пенсия миқдорини ҳисоблаш пайтида афзаллик берилиши;

4) пенсионер ишни давом эттиргани тақдирда ҳам афзаллик берилиши ва бошқалар.

Имтиёзли шартларда ёшга доир пенсия тайинлашнинг умумий асослари «Фуқароларнинг давлат пенсия таъминоти тўғрисида»ги Қонуннинг 9 – моддасида назарда тутилган. Унга кўра:

Ўзбекистон Республикаси Вазирлар Маҳкамаси тасдиқлайдиган рўйхатларга мувофиқ, фуқароларнинг айrim тоифалари имтиёзли шартларда пенсия олиш ҳуқуқига эга бўладилар, чунончи:

ёшидан қатъи назар пенсия олиш ҳуқуқини берадиган ишлаб чиқаришлар, муассасалар, ишлар, касблар ва лавозимларнинг 1 – рўйхати;

умумий белгиланган ёшни 10 йилга қисқартирган ҳолда пенсия олиш ҳуқуқини берадиган ишлаб чиқаришлар, муассасалар, ишлар, касблар, лавозимлар ва кўрсаткичларнинг 2 – рўйхати;

умумий белгиланган ёшни 5 йилга қисқартирган ҳолда пенсия олиш ҳуқуқини берадиган ишлаб чиқаришлар, муассасалар, ишлар, касблар, вазифалар ва кўрсаткичларнинг 3 – рўйхати.

Шунингдек, уруш ногиронлари, болалиқдан ногирон болаларнинг оналари, лилипутлар, паканалар ва экология фалокати минтақасида ишлаган фуқаролар имтиёзли шартларда пенсия олиш ҳуқуқига эгадирлар.

Ўзбекистон Республикаси Вазирлар Маҳкамасининг 1994 йил 12 майдаги қарорига кўра «Имтиёзли шартларда пенсия олиш ҳуқуқини берадиган ишлаб чиқаришлар, муассасалар, ишлар, касблар, лавозимлар ва кўрсаткичларнинг 1, 2 ва 3 – рўйхатлари» тасдиқланган<sup>49</sup>.

Ушбу рўйхатлар Ўзбекистон Республикасида қўлланиладиган ва мулкчилик шакли, хўжалик юритиш усусларидан қатъи назар, барча корхона, муассаса, ташкилотлар учун мажбурий бўлган имтиёзли пенсия олиш ҳуқуқини берувчи ишлар, касбларни ўзида мужассамлантирган. Уларда фан ва техниканинг бутунги кунда эришган ютуқлари, технологияларнинг хусусиятлари,

<sup>49</sup> қаранг: Ўзбекистон Республикасининг имтиёзли пенсия таъминоти бўйича норматив хужжатлар тўплами. Т., «Мехнат», 1994 йил, 202-бет.

мөхнатни ташкил қилиш даражаси, корхоналардаги ноқулай ва зарарли ишлаб чиқариш омилларини тұлиқ бартараф этиб бўлмаслиги, мутлақ хавфсиз ва қулай мөхнат шароитлари яратиш имкони йўқлиги ҳисобга олингани ҳолда имтиёзлар ҳажми белгилаб қўйилган. Бунда пенсия соҳасида бериладиган имтиёзларнинг ҳажми ва мазмуни мөхнат қилиш шароитларининг оғирлиги, зарарли омилларнинг таъсир кучи каби ҳолатларга мутаносиб равища белгиланган.

Ўзбекистон Республикаси Мөхнат вазирлиги ва Ижтимоий таъминот вазирликларининг 1994 йил 26 июндаги қарори билан «Ёшга доир имтиёзли шартларда пенсия олиш ҳуқуқини берадиган ишлаб чиқаришлар, муассасалар, ишлар, касблар, лавозимлар ва кўрсаткичларнинг 1, 2 ва 3 – рўйхатларини қўллаш тартиби тўғрисида»ги тушунтириши тасдиқланган бўлиб<sup>50</sup>, унда рўйхатлардаги имтиёзларни турли шароитларда татбиқ этишнинг алоҳида жиҳатлари ҳамда ўзига хос қоидалари белгилаб берилган. Унда айтилишича, шахснинг асоссиз қатагон қилинган, нотўғри ишдан бўшатилганлиги туфайли мажбуран ишламай юрган вақтлар, икки ёшгача боласи бор аёлнинг бошқа енгилроқ ишга ўтказилган вақти ва қонун ҳужжатларида назарда тутиб қўйилган бошқа даврлар шартли равища имтиёз берадиган ишларда ишлаган вақтларга тенглаштирилади ҳамда тегишли имтиёзнинг тўла ҳажмда берилишига сабаб бўлади.

Кўрсатиб ўтилган рўйхатларнинг биринчисида кўзда тутилган вазифаларда ишлаган шахсларга ёшга доир пенсияга чиқиш соҳасида бериладиган имтиёзлар «Фуқароларнинг давлат пенсия таъминоти тўғрисида»ги Қонуннинг 10 – моддасида белгилаб қўйилган. Унга кўра:

«Ёшидан қатъи назар, қуидагилар имтиёзли пенсия олиш ҳуқуқига эга бўладилар:

а) кон саноатидаги етакчи касб эгалари бўлган ходимлар – башарти, улар ана шу ишларда камида 20 йил ишлаган бўлсалар (1 – рўйхат, I қисм);

б) бевосита ер ости ва очиқ кон ишларида (шу жумладан, кон – қутқарув қисмларининг шахсий таркиби) кўмир, маъданлар ва бошқа фойдали қазилмаларни қазиб

<sup>50</sup> Ҷараинг: «Фуқароларнинг давлат пенсия таъминоти тўғрисида»ги Ўзбекистон Республикасининг қонунига шархлар. Т., 1996 йил, 20-бет.

олишида, шахталар ва конлар қурилишида тўлиқ иш куни давомида банд бўлган ходимлар – башарти, улар ана шу ишларда камида 25 йил ишлаган бўлсалар (1 – рўйхат, II қисм);

в) учувчилар ва учувчи – синовчилар таркибиغا кирувчи ходимлар, улар хизмат қилган корхоналар, муассасалар ва ташкилотларнинг идоравий бўйсунувидан қатъи назар, белгиланган хизмат муддатини ана шу лавозимларда эркаклар камида 25 йил ва аёллар камида 20 йил адо этганлари тақдирда (1 – рўйхат, III қисм). Юқорида қайд этиб ўтилган ходимлар саломатлигига (касаллигига) кўра учиш ишларидан бўшатилган тақдирда, белгиланган хизмат муддатини эркаклар камида 20 йил ва аёллар камида 15 йил адо этган бўлсалар;

г) театрлар ва бошқа театр – томоша корхоналари артистларининг айрим тоифалари:

ижодий иш стажи камида 20 йил бўлганда (1 – рўйхат, IV қисм);

ижодий иш стажи камида 25 йил бўлганда (1 – рўйхат, V қисм);

ижодий иш стажи камида 30 йил бўлганда (1 – рўйхат, VI қисм);

д) спортчиларнинг айрим тоифалари иш стажи камида 20 йил бўлганда (1 – рўйхат, VII қисм).

Ўзбекистон Республикаси Вазирлар Маҳкамасининг 1994 йил 11 майдаги қарорининг 1 – иловасида «Учувчилар ва синовчи учувчилар таркибига кирувчи ходимларга пенсия тайинлаш учун белгиланган хизмат муддатларини ҳисоблаш Тартиби» тасдиқлаб қўйилган бўлиб, унда ушбу тоифадаги ходимлар хизмат муддатларини ҳисобга олиш учун асос бўладиган мезонлар ҳамда бирликлар, бундай хизмат муддатларини имтиёзли (карралаб кўпайтирган ҳолда) ҳисобга олиш шартлари баён этиб берилган<sup>51</sup>.

Учувчилар ва синовчи – учувчилар таркибидан бўлган ходимлар саломатлигига кўра учиш ишидан бўшаган тақдирда белгиланган хизмат муддатининг муайян қисмини ўтаган бўлсалар, хусусан, эркаклар камида 20 йиллик, аёллар камида 15 йиллик ана шундай маҳсус иш стажига

<sup>51</sup> қаранг: Ўзбекистон Республикасининг имтиёзли пенсия таъминоти бўйича норматив хужжатлар тўплами. Т., «Мехнат», 1994 йил, 39-бет.

эга бўлганлари тақдирда имтиёзли пенсия олиш ҳуқуқига эга бўладилар.

Театрлар ва бошقا театр – томоша корхоналари артистларининг айрим тоифалари маҳсус меҳнат стажига эга бўлганларида имтиёзли пенсияга чиқиш ҳуқуқига эга бўладилар.

Биринчи сонли рўйхатнинг IV қисмида кўзда тутилган қўйидаги артистлар ушбу вазифаларда камида 20 йиллик маҳсус иш стажига эга бўлсалар, ёшлидан қатъи назар, ёшга доир пенсияга чиқишилари мумкин бўлади:

- балет артистлари;
- профессионал бадий жамоаларда рақс номерларини бажарувчи артистлар;
- мимика ва имо – ишора театрларининг артистлари;
- травестлар (болалар, ўсмирлар ва қизларнинг ролини бажарувчилар);
- опера ва балет театрлари, мусиқали ва мусиқали драма театрларининг, концерт ташкилотлари, телевидение ва радиоэшиттиришнинг ашулачи – артистлари.

Биринчи сонли рўйхатнинг V ва VI қисмларида эса камида 25 йиллик маҳсус ижодий иш стажига эга бўлганда ёшидан қатъи назар ёшга доир пенсияга чиқиш ҳуқуқига эга бўлган артистлар тоифалари санаб кўрсатиб қўйилган. Улар (V қисм):

- опера ва балет театрлари, мусиқали ва мусиқали – драма театрларининг, концерт ташкилотлари, телевидение ва радио эшиттиришнинг ашулачи – артистлари (солистлари);
- эпчиллик номерларини (каскадёрлар) бажарувчи артистлар;
- якка партияларни бажарувчи профессионал хор жамоаларининг артистлари;
- бадий жамоаларда пуфлаб чалинадиган асбобда чалувчи артистлар.

Қўғирчоқ театрларининг қўғирчоқбозлари, болалар ва ёш томошибинлар театрларининг артистлари:

цирклар ва концерт ташкилотларининг ҳуққабозлари ҳамда (VI қисм):

- профессионал бадий жамоаларнинг хор артистлари;

- оркестр артистлари (пуфлаб чалинадиган ва торли асбоб артистларидан ташқари);
- мимика ансамбли артистлари;
- вокал – драматик қисм артистлари;
- концертмейстер – пианиночилардан иборат.

Шунингдек, 1 –сонли рўйхатнинг VII қисмига кўра спортчиларнинг айрим тоифалари ҳам муайян маҳсус меҳнат стажига эга бўлганларида ёшга доир пенсияга чиқишилари мумкинлиги айтилади.

Хусусан: «Улар мастерлар командаси штатида 10 йил турганда, жумладан, Ўзбекистон Республикаси терма командаларида ёки Ўзбекистон Республикаси терма командаси таркибида камида 6 йил турганда имтиёзли пенсия олиш ҳуқуқига эга бўладилар. Шунингдек, Ўзбекистон Республикасининг хизмат кўрсатган мастери, ҳалқаро классдаги спорт мастерлари ҳам шундай пенсия ҳуқуқига эгадирлар», деб кўрсатиб қўйилган.

«Фуқароларнинг давлат пенсия таъминоти тўғрисида»ги Қонуннинг 11 – моддасида умумий белгиланган ёшни 10 йилга қисқартирилган ҳолда имтиёзли пенсия олиш ҳуқуқи ҳақида кўрсатилган бўлиб, у Вазирлар Маҳкамаси томонидан 1994 йил 12 майда тасдиқланган 2 – рўйхаттага мос келади. Мазкур моддада қайд этилишича:

«Охиригина иш жойидан қатъи назар, қуидагилар ушбу Қонуннинг 7 – моддасида белгиланган ёшни 10 йилга (яъни, эркаклар – 50 ёшдан, аёллар – 45 ёшдан) қисқартирилган ҳолда пенсия олиш ҳуқуқига эга бўладилар:

а) ер ости ишларida, меҳнат шароити ўта зарарли ва ўта оғир ишларда тўлиқ иш куни давомида банд бўлган ходимлар (2 – рўйхат, I – қисм);

“ эркаклар – иш стажи камида 20 йил бўлиб, бундан камида 10 йили кўрсатиб ўтилган ишларга тўғри келган тақдирда;

аёллар – иш стажи камида 15 йил бўлиб, бундан камида 7 йилу 6 ойи кўрсатиб ўтилган ишларга тўғри келган тақдирда.

Ер ости ишларидаги меҳнат стажи эркакларда 10 йилдан кам ва аёлларда 7 йилу 6 ойдан кам бўлган ҳолларда ходимларга бу ишларидаги ҳар бир тўлиқ йил учун ушбу

Қонуннинг 7 – моддасида назарда тутилган пенсия ёши 1 йилга қисқартирилади.

Мәхнат шароити ўта заарли ва ўта оғир ишларда – эркаклар камида 5 йил, аёллар камида 3 йилу 9 ой – ишлаган ходимларга пенсия ушбу Қонуннинг 7 – моддасида назарда тутилган пенсия ёши шундай ишда банд бўлинган ҳар бир тўлиқ йил учун 1 йилга қисқартирилган ҳолда тайинланади;

б) цирклар ва концерт ташкилотлари артистларининг айrim тоифалари ижодий ишдаги стажи камида 20 йил бўлган тақдирда (2 – рўйхат, II қисм)».

2 – рўйхат икки қисмдан иборат бўлиб, I қисмида ҳалқ хўжалигининг барча тармоқларида (ер ости, тоф – кон, металлургия, кимё, нефтни қайта ишлаш, соғлиқни сақлаш, транспорт, умумий касблар, атом энергетикаси ва бошқа соҳаларга оид ишлар) қўлланиладиган заарли ва оғир ишлар санаб кўрсатилган.

II қисмида эса цирк ва бошқа концерт ташкилотларининг артистлари, чунончи:

- акробатлар;
- кураш тушувчилар;
- гимнастлар;
- ёввойи ҳайвон ўргатувчилар;
- масҳарабозлар;
- мотовело фигурачилар;
- чавандозлар;
- куч жонглерлари;
- эквилибристлар;
- барча номдаги лилипут артистлар шулар қаторига киритилган.

3 – рўйхатда умумий белгиланган ёшни 5 йилга камайтирилгани ҳолда, яъни эркаклар учун 55 ёшдан, аёллар учун эса 50 ёшдан ёшга доир пенсияга чиқиш ҳуқуқини берадиган ишлар, касблар, лавозимлар назарда тутилган. Ушбу рўйхат ҳажм жиҳатдан энг салмоқлиси бўлиб ҳисобланади ва ҳалқ хўжалиги, иқтисодиёт тармоқларининг турли соҳаларига оид бир неча юзлаб турли касб ва вазифалар кўзда тутилган. Ушбу рўйхат

таркибий жиҳатдан түққиз қисмдан иборат ва биринчи қисмининг ўзида 35 бўлим мавжуд.

«Фуқароларнинг давлат пенсия таъминоти тўғрисида»ги қонуннинг 12 – моддасига кўра: охирги иш жойидан ҳатъи назар, қуйидагилар белгиланганидан 5 йил аввал, яъни эркаклар – 55 ёшдан, аёллар эса 50 ёшдан бошлаб ёшга доир пенсия олиш ҳуқуқига эга бўладилар:

а) уруш ногиронлари ва уларга тенглаштирилган шахслар;

б) меҳнат шароити заарали ва оғир ишларда тўлиқ иш куни давомида банд бўлган ходимлар (3 – рўйхат, I қисм):

эркаклар – иш стажи камида 25 йил бўлиб, бундан камида 12 йилу 6 ойи кўрсатиб ўтилган ишларга тўғри келган тақдирда;

аёллар – иш стажи камида 20 йил бўлиб, бундан камида 10 йили кўрсатиб ўтилган ишларга тўғри келган тақдирда.

Меҳнат шароити заарали ва оғир ишларда – эркаклар камида 6 йилу 3 ой, аёллар камида 5 йил – ишлаган ходимларга пенсия ушбу Қонуннинг 7 – моддасида назарда тутилган пенсия ёши эркакларнинг бундай ишдаги ҳар 2 йилу 6 ойи учун ва аёлларнинг бундай ишдаги ҳар 2 йили учун 1 йилга қисқартирилган ҳолда тайинланади;

в) қишлоқ хўжалиги ходимларининг айrim тоифалари (3 – рўйхат, II қисм);

эркаклар – умумий иш стажи камида 25 йил бўлиб, бундан камида 20 йили кўрсатиб ўтилган ишларга тўғри келган тақдирда;

аёллар – умумий иш стажи камида 20 йил бўлиб, бундан камида 15 йили кўрсатиб ўтилган ишларга тўғри келган тақдирда;

г) тракторчи – машинист, тракторлар ва экскаваторлар негизида йиғилган қурилиш, йўлсозлик ва юқ ортиш – тушириш машиналарининг машинисти бўлиб ишлаган аёллар – умумий иш стажи камида 20 йил бўлиб, бундан камида 15 йили кўрсатиб ўтилган ишларга тўғри келган тақдирда (3 – рўйхат, III қисм);

д) авиаация муҳандис – техниклари таркибининг ходимлари (3 – рўйхат, IV қисм);

эркаклар – авиациядаги умумий иш стажи камида 25 йил бўлиб, бундан камида 20 йили кўрсатиб ўтилган вазифаларга тўғри келган тақдирда:

аёллар – авиациядаги умумий иш стажи камида 20 йил бўлиб, бундан камида 20 йили кўрсатиб ўтилган вазифаларга тўғри келган тақдирда:

е) тўқимачилик ишлаб чиқариш дастгоҳлари ва машиналарида ишлаган аёллар – кўрсатиб ўтилган ишдаги стажи камида 20 йил бўлган тақдирда (3 – рўйхат, V қисм);

ж) шаҳар йўловчилар ташиб транспорти ҳайдовчилари (3 – рўйхат, VI қисм);

эркаклар – камида 25 йил иш стажига эга бўлиб, бундан камида 20 йили кўрсатиб ўтилган ишга тўғри келган тақдирда;

аёллар – камида 20 йил иш стажига эга бўлиб, бундан камида 15 йили кўрсатиб ўтилган ишга тўғри келган тақдирда;

а) беш ва ундан ортиқ фарзанд туққан ва уларни саккиз ёшгacha тарбиялаган аёллар ҳамда болалиқдан ногирон фарзандларнинг оналари уларни шу ёшгacha тарбиялаган бўлсалар – болани парваришилаш учун кетган вақтни қўшиб ҳисоблаганда (37 – модданинг «д» ва «ж» бандлари) иш стажи камида 20 йил бўлса ёки болани парваришилаш учун кетган вақт қўшилмаганда иш стажи камида 15 йил бўлган тақдирда.

Башарти аёл ўғил ва ўгай қизни улар 8 ёшга тўлгунча камида 5 йил тарбиялаган бўлса, пенсия тайинлашда улар ҳақиқий фарзандлар билан teng равишда ҳисобга олинадилар;

и) экология фалокати минтақасида ишлаган фуқаролар:

эркаклар – умумий иш стажи камида 25 йил бўлиб бундан камида 20 йили кўрсатиб ўтилган минтақага тўғри келган тақдирда;

аёллар – умумий иш стажи камида 20 йил бўлиб, бундан камида 15 йили кўрсатиб ўтилган минтақага тўғри келган тақдирда;

к) ўқитувчилар ва бошқа маориф ходимлари – махсус иш стажи камида 25 йил бўлган тақдирда (3 – рўйхат, VII қисм);

л) шифокорлар ва бошқа тиббий ходимлар – маҳсус иш стажи қишлоқ жойида камида 25 йил ва шаҳарларда камида 30 йил бўлган тақдирда (3 – рўйхат, VIII қисм);

м) ижтимоий таъминот тизимининг қариялар, ногиронлар ва ёлғиз фуқароларга хизмат кўрсатишида бевосита банд бўлган ходимлари (3 – рўйхат, IX қисм);

эркаклар – маҳсус иш стажи камида 25 йил бўлган тақдирда;

аёллар – маҳсус иш стажи камида 20 йил бўлган тақдирда.

Уруш ногиронлари ва уларга тенглаштирилган шахслар рўйхати Ўзбекистон Республикаси Вазирлар Маҳкамасининг 1994 йил 11 майдаги қарорининг 2 – иловасида назарда тутилган. Бунда имтиёзли шартларда пенсияга чиқиш ҳуқуқи кўрсатиб қўйилган сабаблар билан ногирон деб топилган ҳар учала гурӯҳ (I, II, III гурӯҳ ногиронлиги) ногиронларида ҳам пайдо бўлади.

12 – модданинг «б» бандига биноан имтиёздан фойдаланиш ҳуқуқи рўйхатнинг I қисми, барча 35 бўлимида назарда тутиб қўйилган касб ва вазифаларда белгиланган муддат давомида меҳнат қилган барча фуқароларда юзага келади. Бунда уларнинг ушбу ишларда қачон ишлаганилигининг, олдин ёки кейинлигининг аҳамияти йўқ.

Ушбу асосдаги имтиёзли шартларда ёшга доир пенсияга чиқиш ҳуқуқини берадиган қишлоқ хўжалиги ишларининг рўйхати, бошқа қўшимча шартлар Вазирлар Маҳкамасининг 1994 йил 11 майдаги қарорининг 5 – иловасида назарда тутилган.

Ҳозирги пайтда фуқароларнинг жуда катта қисми, мазкур 3 – рўйхатда назарда тутилган имтиёзли ёшга доир пенсияга чиқиш ҳуқуқидан фойдаланмоқдалар.

«Фуқароларнинг давлат пенсия таъминоти тўғрисида»ги Қонунда бошқа асосларга кўра имтиёзли шартларда ёшга доир пенсияга чиқиш ҳуқуқини берувчи ҳолатлар ҳам кўзда тутиб қўйилган. Жумладан, мазкур Қонуннинг 13 – моддасига мувофиқ гипофизар миттилик (нанизм) қасалига чалингандар (лилипутлар) ва гавда тузилишида мутаносиблик бузилган пакана (карлик) шахслар: эркаклар камида 25 йиллик иш стажи билан 45 ёшдан, аёллар эса камида 20 йиллик иш стажи билан 40 ёшдан ёшга доир пенсияга чиқишга ҳақли бўладилар.

Фуқаронинг гипофизар митти (лилипут)лиги ёки пакана (кар) эканлиги тиббий мезонларга кўра ва тиббий хулосаларга мувофиқ равишда белгиланади.

1999 йилни Республикамиз Президенти И. А. Каримов ташаббусига кўра «Аёллар йили» деб эълон қилиниши муносабати билан Ўзбекистон Республикаси Олий Мажлиси томонидан 1999 йил 14 апрелда «Хотин – қизларга қўшимча имтиёзлар тўғрисида» Қонун қабул қилинди<sup>52</sup>. Ушбу Қонунда назарда тутилган имтиёзлардан бири – мулкчилик шаклидан қатъи назар, корхоналарда меҳнат қилиш, ҳарбий хизмат даври (мудофаа, ички ишлар, миллий хавфсизлик хизматлари ва бошқалар), ҳарбийлаштирилган соқчиликдаги маҳсус алоқа органлари ва тоғ – кон қутқарув қисмларидағи хизмат; ижтимоий сурурта Пенсия жамғармасига тегишли бадаллар тўлангани ҳолдаги якка тартибдаги (юридик шахс бўлмасдан) меҳнат фаолияти туфайли камида 20 йиллик меҳнат стажига эга бўлган аёллар 54 ёшдан ёшга доир пенсияга чиқишилари мумкин бўлди. Ушбу қонун қабул қилиниши муносабати билан «Фуқароларнинг давлат пенсия таъминоти тўғрисида»ги Қонун янги, 121 – модда билан тўлдирилди.

Бошқача асосларга кўра 20 йиллик иш стажига эга бўлган аёллар (болаларни парваришилаш, I гурӯҳ ногирони ёки 80 ёшдан ошган қарияга қараб турилган вақт, олий ёки бошқа кундузги ўқув юргларида ўқиш даври ва бошқалар) бундай имтиёздан фойдалана олмайдилар. Масалан, фуқаро Бозорова жами 30 йиллик иш стажи билан 54 ёшдан пенсия тайинлашиликни сўраб мурожаат қилди. У 25 йил қишлоқ хўжалиги машинасозлиги заводида бухгалтер бўлиб ишлаган ва 5 йил уч ёшга етмаган болалари парвариши билан банд бўлган. Бозорова 54 ёшдан ёшга доир пенсияга чиқиши ҳукуқига эга, чунки унинг бевосита меҳнат стажи 20 йилдан кўп. Фуқаро Исматова 54 ёшдан пенсия тайинлашни сўраб мурожаат қилди. Унинг умумий иш стажи 26 йил бўлиб, шундан 6 йили гўдак болаларни парваришилаш давридан, 5 йили эса олий ўқув юргида ишлаб чиқаришдан ажралмаган ҳолдаги ўқиш давридан иборат. Яъни, Исматованинг бевосита ишлаган давридаги меҳнат стажи 15 йилни ташкил қиласди. Унинг бевосита меҳнат стажи 20 йилдан кам бўлганлиги туфайли 54 ёшдан пенсияга чиқиши ҳукуқидан фойдаланишига ҳақли эмас.

<sup>52</sup> Қаранг: Ўзбекистон Республикаси Олий Мажлисининг Ахборотномаси, 1999 йил, 5 сон, 112-модда.

#### **4-§. Тўлиқсиз меҳнат стажи билан ҳамда муддатидан олдинёшга доир пенсия тайинлаш ва уларнинг хусусиятлари**

Фуқароларга ёшга доир пенсиялар белгиланган ёшга етган ва талаб этиладиган энг кам иш стажидан кам бўлмаган меҳнат стажига эга бўлганларида тўлиқ миқдорда тайинланади.

Бироқ пенсия ёшига етган фуқаро белгилаб қўйилганидан (эркаклар – камида 25 йил, аёллар – камида 20 йил) кам меҳнат стажига эга бўлгани тақдирда ҳам (масалан, 5 йил ёки 10 йиллик иш стажи билан) пенсия тайинлашларини сўраб мурожаат қилишга ҳақли бўлади. Бундай ҳолда фуқарога мавжуд меҳнат стажига мутаносиб равишда ва тўлиқ пенсиянинг тақдим этилган мавжуд меҳнат стажига мос келувчи ҳажмда тўлиқ бўлмаган ёшга доир пенсия тайинланиши мумкин. Бундай пенсияни ҳисоблаб чиқариш қоидалари, пенсиянинг энг кам миқдори ва бошқа масалалар амалдаги қонун ҳужжатларига мувофиқ тарзда ҳисобланади.

«Фуқароларнинг давлат пенсия таъминоти тўғрисида»ги Қонуннинг 14 – моддасида айтилишича:

Ходимларнинг сони қисқартирилиши ёки корхоналар, муассасалар ва ташкилотлар тутатилиши муносабати билан бўшатилган ва ишсиз мақомига эга бўлган шахслар:

эркаклар – 58 ёшга тўлганда ва иш стажи камида 25 йил бўлган тақдирда;

аёллар – 53 ёшга тўлганда ва иш стажи камида 20 йил бўлган тақдирда пенсия олиш ҳуқуқига эга бўладилар.

Шунингдек, Ўзбекистон Республикасининг 1998 йил 1 майда қабул қилинган «Аҳолини иш билан таъминлаш тўғрисида»ги Қонуннинг 25 – моддаси, ўн биринчи қисмига кўра: «Технологиядаги, ишлаб чиқариш ва меҳнатни ташкил қилишдаги ўзгаришлар, ходимлар сони (штати) ёки иш хусусиятининг ўзгаришига олиб келган ишлар ҳажмининг қисқарганлиги ёхуд корхонанинг тутатилганлиги муносабати билан ишдан озод этилган ва ишсиз деб эътироф этилган, пенсия таъминоти тўғрисидаги қонун ҳужжатларига мувофиқ пенсияга чиқиш учун талаб этиладиган умумий меҳнат стажига эга бўлган шахсларга муддатидан олдин (қонун ҳужжатларида белгиланган

умумий асосларга құра пенсия тайинлаш муддатидан икки йил олдин) пенсияға чиқиш ҳуқуқи берилади».

Ўзбекистон Республикаси Ижтимоий таъминот ва Меҳнат вазирликлари томонидан 1998 йил 30 науябрда тасдиқланган ва 1999 йил 7 январь куни Ўзбекистон Республикаси Адмия вазирлигига рўйхатта олинган «Алоҳида асосларга құра меҳнат шартномаси бекор қилинганда ишдан бўштилган ходимларга муддатидан олдин пенсия тайинлаши тартиби тўғрисидаги Йўриқнома»га қўра Ўзбекистон Республикаси Меҳнат кодексининг 100 – моддаси иккинчи қисмининг 1 – бандида кўрсатилган сабабларга қўра меҳнат шартномаси бекор қилинганда умумий асосларда белгиланган пенсия ёши арафасида бўлган ходимларга муддатидан олдин ёшга доир пенсия тайинлаш ва тўлаш тартиблари белгилаб қўйилган<sup>53</sup>.

Ушбу йўриқномага қўра:

Ишдан озод этилган шахслар меҳнат шартномаси бекор қилинган кундан сўнг ўн календарь кун ичидаги ўзларининг яшаш жойидаги меҳнат бўлимига иш қидирувчи шахс сифатида мурожаат қилсалар, меҳнат бўлими ходимлари бундай шахсларга уч ой муддат ичидаги, агарда улар ўн календарь кундан кейин мурожаат қилсалар – ўн кун муддат ичидаги мақбул келадиган ишни топишда ёрдам беришлари керак.

Агар иш қидирувчи шахсга меҳнат бўлими томонидан белгилаб қўйилган муддатлар ичидаги иккита марта мақбул келадиган иш таклиф қилинмаса, бундай ҳолда улар меҳнат бўлимида иш қидирувчи шахс сифатида рўйхатта олинган кундан бошлаб ишсиз деб эътироф этиладилар.

Меҳнат бўлими ишсиз деб эътироф этилган ва муддатидан олдин ёшга доир пенсияға чиқиш ҳуқуқига эга бўлган фуқароларга белгиланган шаклдаги тақдимномани тайёрлайди ва 5 кун ичидаги шахс яшаб турган туман (шаҳар) ижтимоий таъминот бўлимига топширади.

Муддатидан олдин пенсия тайинлангандан сўнг фуқаролар ишга кириб, сўнгра белгиланган умумий пенсия ёшига етгунларига қадар ишдан бўшасалар, меҳнат шартномасининг бекор қилиниш сабабига боғлиқ равища қўйидаги тартиб қўлланилади:

<sup>53</sup> Қаранг: Ўзбекистон Республикаси вазирликлари, давлат қўмиталари ва идораларининг меъёрий хужжатлари Ахборотномаси, 1999 йил, 1-сон.

агар меҳнат шартномаси Меҳнат кодекси 100–моддасининг иккинчи қисми 1–бандида кўрсатилган сабабларга кўра бекор қилинса – муддатидан олдин пенсия мазкур Йўриқномада белгиланган шартлар ва тартиб асосида қайта тайинланади;


агарда меҳнат шартномаси бошқа сабабларга кўра бекор қилинса – муддатидан олдин пенсия қайта тайинланмайди ва аввал тайинланган пенсия тўлови ҳам тикланмайди.

Муддатидан олдин пенсия олаётган фуқаро умумий асосларда пенсия олиш ёшига етганда, пенсия тўлови белгиланган тартибда Пенсия жамғармасининг ўз маблағлари ҳисобига амалга оширилади.

Муддатидан олдин тайинланган пенсияларни тўлаш учун сарфланган маблағлар меҳнат бўлимларининг маблағлари ҳисобидан қопланади ва уни Пенсия жамғармасига қоплаб берилиш тартиблари қонун ҳужжатлари билан белгиланади.

## 5 – чизма

Ёшга доир пенсия, ижтимоий сугурга давлат жамғармасидан қайтарилмаслик шарти билан, моддий таъминлаш учун фуқароларга аввалигни меҳнат муносабати туфайли мунтазам ва бир умрга бериладиган тўловdir.



## Мавзу юзасидан тест синов саволлари

№1. Ёшга доир пенсия тайинлаш учун талаб қилинадиган ёш ва меҳнат стажини аниқланг:

- эркаклар – 60 ёшдан, 20 йиллик иш стажи билан;
- эркаклар – 50 ёшдан, 30 йиллик иш стажи билан;

в) эркаклар – камида 25 йиллик иш стажи билан 58 ёшдан;

г) тұғри жавоб йүқ.

№2. Ёшга доир пенсияга чиқиши пайтида имтиёз берилишига асос бўладиган касблар ва ишларнинг рўйхатлари:

а) иккита;

б) учта;

в) бешта;

г) тўғри жавоб йўқ.

№3. Талаб этиладиган 20 йиллик меҳнат стажи мавжуд бўлмагани тақдирда 55 ёшга кирган аёлга:

а) ёшга доир пенсия тайинланаверади;

б) тайинланмайди;

в) мавжуд иш стажига мутаносиб равишда тайинланади;

г) тўғри жавоб йўқ.

№4. Ёшга доир пенсияларнинг энг кам миқдорини аниқланг:

а) энг кам ойлик иш ҳақи миқдорида;

б) ўртача иш ҳақининг 55 фоизи миқдорида;

в) 6500 сўм;

г) тўғри жавоб йўқ.

### *Билимларнинг синааб кўринг*

1. Ёшга доир пенсия тушунчасига таъриф беринг.

2. Ёшга доир пенсияларнинг қайси турларини биласиз?

3. Умумий асосларда ва имтиёзли шартларда ёшга доир пенсия тайинлаш асослари қандай?

4. Имтиёзли пенсия тайинлашга асос бўладиган 1, 2 ва 3 – рўйхатлар ҳақида сўзлаб беринг.

5. Қачон муддатидан аввал ёшга доир пенсия тайинлаш мумкин?

6. Тўлиқ бўлмаган меҳнат стажи билан ёшга доир пенсия тайинлаш тартиби қандай?

## *Тавсия этиладиган адабиётлар*

1. Каримов И. А. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. Т., «Ўзбекистон», 3 – 325 – бетлар.

2. Ўзбекистон Республикасининг Конституцияси. Т., «Адолат», 2001 йил.

3. Ўзбекистон Республикасининг «Фуқароларнинг давлат пенсия таъминоти тўғрисида»ги Қонуни.

4. Ўзбекистон Республикаси Президентининг 2002 йил 25 январдаги «Аҳолининг ижтимоий ҳимояга муҳтож қатламларини аниқ йўналтирилган тарзда қўллаб – қувватлашни кучайтириш тўғрисида»ги Фармони.

5. Ўзбекистон Республикаси Вазирлар Маҳкамасининг 2002 йил 24 январдаги «Қарияларни қадрлаш йили» давлат дастури тўғрисида»ги қарори.

6. Ўзбекистон Республикасининг «Фуқароларнинг давлат пенсия таъминоти тўғрисида»ги Қонунинг шарҳлар. Ўзбекистон Республикаси Ижтимоий таъминот вазирилиги нашри.

7. Турсунов Й. ва бошқалар. Ижтимоий таъминот ҳуқуқи. Ўқув қўлланма. Т., «Молия», 2001 йил.

## VI БОБ. НОГИРОНЛИК ПЕНСИЯЛАРИ

### 1–§. Ногиронлик пенсиялари тушунчаси, турлари ва фуқаролар пенсия таъминотида тутган ўрни

Майиб – мажруҳ ва ожизу нотавон фуқароларига меҳр – мурувват кўрсатиш, уларга ғамхўрлик ҳамда ҳомийлик қилиш демократик, ҳуқуқий давлатнинг асосий хусусиятларидан саналади.

Шарқ халқларида, жумладан, Ўзбекистонда бева – бечораларга ёрдам қўлини чўзиш, уларга ёрдам кўрсатиш халқнинг миллий хусусиятларидан бўлиб, минг йиллар давомида таркиб топган ва ривожланиб келаётган тарихий анъаналар жумласига киради.

Бугунги кунда Ўзбекистонда аҳолининг ночор, ижтимоий ҳимояга муҳтоҷ қатлами сифатида ногиронлар давлатнинг алоҳида муҳофазасига олинган.

Ўзбекистон Республикаси Вазирлар Маҳкамасининг 1999 йил 7 декабрдаги «2000 – 2005 йилларда ёлғиз кексаларни, пенсионерлар ва ногиронларни ижтимоий ҳимоя қилишни кучайтиришга қаратилган чора – тадбирлар дастури тўғрисида»ги қарори қабул қилиниши ва шунга оид давлат дастурининг тасдиқланиши ҳамда рўёбга чиқарилиши, Ўзбекистон Республикаси Олий Мажлиси томонидан 2001 йил 6 декабрда «Аҳолининг ижтимоий ҳимояга муҳтоҷ қатламларини аниқ йўналтирилган тарзда қўллаб – қувватлашнинг 2002 – 2003 йилларга мўлжалланган дастури тўғрисида»ги қарорнинг қабул қилиниши ва ана шу мақсадга қаратилган дастурнинг маъқулланиши, қолаверса, ушбу дастурни рўёбга чиқарилишини таъминлаш мақсадида Ўзбекистон Республикаси Президентининг 2002 йил 25 январда «Аҳолини ижтимоий ҳимояга муҳтоҷ қатламларини аниқ йўналтирилган тарзда қўллаб – қувватлашни кучайтириш тўғрисида»ги Фармони, Вазирлар Маҳкамасининг 2002 йил 25 январдаги «Аҳолининг ижтимоий ҳимояга муҳтоҷ қатламларини аниқ йўналтирилган тарзда қўллаб – қувватлашнинг 2002 – 2003 йилларга мўлжалланган дастурини амалга ошириш чора – тадбирлари тўғрисида»ги қарори ва бошқа қонун ҳужжатлари қабул қилиниши давлатимиз томонидан аҳолининг заиф қатламларини, хусусан, ногиронларни ижтимоий ҳимоя қилиш масалаларига қай

даражада катта аҳамият бериладигини яқюл кўрсатади.

Шуни айтиш кифояки, давлат бюджети харажатларининг 45 – 50 фойзга яқини аҳолини ижтимоий ҳимоялаш учун ажратилади. Қонун ҳужжатларида аҳолининг 14 тоифаси учун 136 турдаги нафақалар ва имтиёзлар бериш назарда тутилган.

Бугунги кунда Ўзбекистонда ярим миллионга яқин фуқаролар ногиронлик пенсияси оладилар ва уларга ана шу мақсадда ўнлаб миллиард сўм маблағ сарфланади.

Фуқароларни ногиронлик пенсияси билан таъминлашнинг ҳуқуқий асоси Ўзбекистон Республикаси Конституцияси (39 – моддаси), Ўзбекистон Республикаси «Фуқароларнинг давлат пенсия таъминоти тўғрисида»ги Қонуни (III боб, 15 – 18 – моддалари) «Ўзбекистон Республикасида ногиронларни ижтимоий ҳимоя қилиш тўғрисида»ги Қонун ва бошқа қонун ҳужжатлари саналади.

«Ногирон» шахс атамасининг расмий таърифи «Ўзбекистон Республикасида ногиронларни ижтимоий ҳимоя қилиш тўғрисида»ги Қонуннинг 1 – моддасида баён этилган. Унга кўра:

«Жисмоний ёки ақлий нуқсонлари борлиги турмуш фаолияти чекланганлиги муносабати билан ижтимоий ёрдам ва ҳимояга муҳтож бўлган шахс ногирон ҳисобланади.

Шахснинг турмуш фаолияти чекланганлиги унинг ўз – ўзига хизмат қилиш, юриш, йўлни топа билиш, мулоқот қилиш, ўз хатти – ҳаракатларини назорат қилиш, шунингдек, меҳнат фаолияти билан шуғулланиш қобилияти ёки имкониятини тўла ёки қисман йўқотганлигига ифодаланади».

Ногиронларга тегишли асослар мавжуд бўлганида ногиронлик пенсиялари, бошқа ҳолларда эса ногиронлик нафақалари тайинланади.

Ногиронлик пенсияси меҳнатда майиб бўлиш ёки касб касаллигига чалиниш туфайли ногирон бўлган шахсларга иш стажи миқдоридан қатъи назар, турмушда жароҳатланиш ёки умумий касалликлардан ногирон бўлиб қолган шахсларга эса ёшга мутаносиб келувчи меҳнат стажига эга бўлганларида тайинланади. Белгиланганидан кам меҳнат стажига эга бўлган умумий касаллик ёки турмушдаги

жароқтланиш (майиший жароқат) оқибатида ногирон бүлиб қолған шахсларга тұлық бўлмаган миқдордаги ногиронлик пенсияси тайинланади.

Демак, ногиронлик пенсиялари ногиронлик сабабларига кўра икки турга бўлинади:

1) Меҳнатда майибланган ёки касб касаллигига дучор бўлган шахсларга тайинланадиган ногиронлик пенсиялари;

2) Умумий касаллик ва турмушдаги жароқтланиш оқибатидаги ногиронлик пенсиялари.

Пенсия ҳажмига кўра:

1) Тўлиқ миқдордаги ногиронлик пенсиялари;

2) Иш стажи тўлиқ бўлмаган чоғда тайинланадиган ногиронлик пенсиялари.

Ногиронлик сабаблари таснифига мувофиқ ҳам ногиронлик пенсияларини яна бир қатор турларга бўлиш ҳоллари учраб туради (масалан, ҳарбий хизматчилярнинг ногиронлик пенсиялари, Чернобил атом электр станцияси ҳалокати оқибатларини бартараф этишда қатнашган шахсларга тайинланадиган ногиронлик пенсиялари ва ҳоказолар).

Ногиронлик юз берганлиги факти ва унинг юз бериш сабаблари ҳамда муддати қонун ҳужжатларида белгиланган тартибда аниқланади.

Вояга етмаган болалар, болалиқдан ногирон бўлган шахслар ва меҳнат стажига эга бўлмаган шахсларга белгиланган тартибда ва миқдорда ногиронлик нафақалари тайинланиши кўзда тутилган.

## **2–§. Ногиронликни белгилаш тартиби. Ногиронлик гуруҳлари ва ногиронлик сабаблари**

Ногиронлик пенсиялари тайинлаш пайтида қонунчиллик ва ижтимоий адолатни таъминлаш шартларидан бири – ўз вақтида, тўғри, ҳолисона ёндашган ҳолда ногиронлик юз берганлиги фактининг белгиланишидир.

Ногиронлик пенсиялари тайинлаш учун ногиронликни, унинг сабаблари, юз берган муддатини белгилаш ваколати маҳсус орган – тиббий меҳнат экспертизаси комиссияси (ТМЭК)га берилган.

Ўзбекистон Республикаси Вазирлар Маҳкамасининг 2001 йил 6 апрелдаги қарори билан тасдиқланган «Ўзбекистон Республикаси Меҳнат ва аҳолини ижтимоий муҳофаза қилиш вазирлиги тўғрисида»ги Низомнинг 9.6 – бандига кўра, тиббий меҳнат экспертизаси ва ногиронларни соғломлаштириш ишларига раҳбарлик қилиш ушбу вазирлик зиммасига юклатилган.

Ана шу вазифаларни амалга ошириш мақсадида Меҳнат ва аҳолини ижтимоий муҳофаза қилиш вазирлиги ҳузурида қўйидагилар ташкил этилган:

1) Ногиронларни экспертизадан ўтказиш ва соғломлаштириш масалалари бўйича республика инспекцияси;

2) Ногиронларни тиббий – ижтимоий ва касб бўйича соғломлаштириш Республика Маркази;

3) Таянч – ҳаракат қилиш тизими бузилган ногиронларни соғломлаштириш Республика Маркази;

4) Уруш ва меҳнат фахрийлари учун Республика пансионати ва санаторийси;

5) Ижтимоий таъминот касб – ҳунар коллежи.

Ушбу муассасаларнинг барчаси у ёки бу даражада ногиронлик масалалари билан шуғулланади.

Юқорида қайд этилганидек, ногиронлик юз берганлиги факти, унинг юз берган вақти, сабаблари ҳамда ногиронлик гуруҳларини белгилаш Меҳнат ва аҳолини ижтимоий муҳофаза қилиш вазирлитининг мустақил таркибий бўлими саналувчи тиббий меҳнат экспертизаси комиссияси томонидан амалга оширилади. Унинг ушбу масаладаги вазифалари, ваколатлари, ҳуқуқ ва мажбуриятлари Ўзбекистон Республикаси Вазирлар Маҳкамасининг 1994 йил 23 июндаги қарори билан тасдиқланган «Тиббий меҳнат эксперт комиссиялари тўғрисида»ги Низоми билан белгилаб қўйилган.

Мазкур низомнинг 2 – бандига кўра, ТМЭК тизими таркибига:

1) Ногиронларни экспертизадан ўтказиш ва соғломлаштириш масалалари бўйича Республика инспекцияси – Олий бўғин;

2) Қорақалпоғистон Республикаси, вилоятлар ва Тошкент шаҳар Марказий тиббий – меҳнат эксперт комиссиялари – ўрта бўғин;

3) туман, туманлараро, шаҳар (умумий ихтисос бўйича) ва ихтисослаштирилган тиббий – меҳнат экспертиза комиссиялари – бошлангич бўгин киради.

Бундан ташқари, Ўзбекистон Республикаси Меҳнат ва аҳолини ижтимоий муҳофаза қилиш вазирлиги қошидаги Ўзбекистон экспертиза ва ногиронлар меҳнат қобилиятини тиклаш илмий – текшириш институти – маслаҳат берувчи бўгин бўлиб, унинг фаолияти ўзи тўғрисидаги низомга биноан тартибга солинади.

Ҳар бир тиббий меҳнат – экспертиза комиссияси таркиби – Марказий (вилоят) ТМЭКлари 4 врачдан (терапевт, хирург, невропатолог ҳамда миңтақавий хусусият эътиборига олингани ҳолда бошқа тиббиёт мутахассиси), туман (шаҳар) ТМЭКлари эса 3 врачдан (терапевт, хирург, невропатолог) иборат бўлади.

Тиббий – меҳнат экспертиза комиссияларида фуқароларни тиббий текширишдан ўтказиш яшаш жойидаги ёки бириктирилган даволаш – касалликнинг оддини олиш муассасасида, мазкур ТМЭКга бириктирилган тегишли даволаш муассасасининг йўлланмасига биноан ўтказилади.

Тиббий текширишдан ўтказиш сифати, беморларни ТМЭКга ўз вақтида юборилганлиги ва унинг асосланганлиги учун жавобгарлик даволаш – касалликнинг оддини олиш муассасаси раҳбари зиммасига юкланди.

ТМЭКлар тиббий текширишга 16 ва ундан катта ёшдаги фуқароларни уларда паспорт ёки уларнинг шахсини тасдиқловчи бошқа ҳужжат, даволаш муассасасининг йўлланмаси (88у – шакл), касаллик тарихидан кўчирма, меҳнат тузи ва шароитлари ҳақидаги маълумотнома бўлган тақдирда қабул қиласди.

Меҳнатга лаёқатини қанча фоиз йўқотганлик даражасини аниқлаш учун комиссияга биринчи марта юборилган шахслар баҳтсиз ҳодиса ёки меҳнат вазифасини бажариш билан боғлиқ ҳолда саломатликка бошқа хилда путур етиши тўғрисидаги далолатномани (Н – I шакл) ҳам тақдим этадилар.

Баъзи ҳолларда ТМЭКлар, ижтимоий таъминот органларининг мақсади кўрсатилган ҳолдаги йўлланмаси бўйича, 16 ёшдан кичик шахсларни текширишдан ўтказишлари мумкин.

| Меҳнатга лаёқатни йўқотганлик даражасига кўра ногиронлик З гуруҳга бўлинади.

Қўйидагилар ногиронлик сабаблари ҳисобланади:  
умумий касалланиш;  
меҳнатда шикастланиш;  
касб касаллиги:

ҳарбий хизмат вазифаларини бажариш билан боғлиқ бўлган жароҳатланиш, контузия, шикастланиш, касалланиш;

ҳарбий хизматни ўтани даврида дучор бўлинган касаллик;

ҳарбий хизматни бажариш билан боғлиқ бўлмаган баҳтсиз ҳодиса натижасида олинган майиблиқ, шикастланиш, контузия;

фуқаролик бурчини бажариш билан боғлиқ бўлган ҳолда олинган контузия, шикастланиш;

Ўзбекистон Республикаси қонунчилиги билан ногиронликнинг бошқа сабаблари ҳам белгиланиши мумкин.

Тиббий – меҳнат экспертизаси комиссияси мажлислари фақат тўлиқ таркибда ўтказилади. Комиссия хulosаси комиссия раиси томонидан шу заҳоти текшириувчи ёки унинг қонуний вакилига маълум қилинади. Агар текшириувчига ногиронлик гуруҳи тайинланса, бу ҳақда касаллик варақасига ёзилади ҳамда текширилганда шу куниёқ раис томонидан имзолантган ва муҳр билан тасдиқланган меҳнатта лаёқатнинг йўқотганлик даражаси тўғрисидаги маълумотнома берилади.

Хужжатлар ТМЭКга топширилган ва рўйхатдан ўтказилган кун ногиронлик белгиланган сана ҳисобланади. Агар ногиронлик меҳнатда шикастланганлик ёки касб касаллиги билан боғлиқ бўлса, текшириувчига меҳнатта лаёқатни йўқотганлик фоизлари ва қўшимча ёрдам турлари тўғрисида тиббий текшириш далолатномасидан кўчирма берилади. ТМЭКга юборилган bemorларни даволашни давом эттириш зарур бўлганда комиссия касаллик варақаси муддатини узайтиришни тавсия қилиш ҳуқуқига эгадир.

Комиссия хulosаси bemorни юборган соғлиқни сақлаш муассасасига жўнатилади. Bemor комиссияга етарли асосланмаган клиник диагноз билан юборилган ҳолларда комиссия уни ЎзМЭНИИТИга ёки бошқа даволаш муассасаларига юборади. ТМЭК томонидан юборилган bemorлар даволаш муассасаларига навбатдан ташқари қабул қилинадилар.

Ногиронларни, шу жумладан, касб бўйича межнатта лаёқатни йўқотганликнинг фоизлар бўйича даражасини аниқлаш учун қайта тиббий текшириш б ой ёки йилда бир марта ўтказилади. Ногиронлик навбатдаги қайта тиббий текшириш тайинланган ойнинг биринчи кунигача белгиланади. Қайта тиббий текширишни белгиланган муддатлардан олдин ўтказиш саломатлик ва межнатта лаёқат даражаси ўзгарган ёки ТМЭК қарорининг асосланмаганилиги ҳоллари аниқланган тақдирда амалга оширилади. Муддатсиз ногирон деб ҳисобланган шахслар ҳам кўрсатиб ўтилган муддатларда қайта тиббий текширишдан ўтказилиши мумкин.

Эркакларнинг 60, аёлларнинг 55 ёшга тўлганлиги муддатсиз ногиронлик гуруҳини белгилаш учун асос бўлиб ҳисобланади./60 ёшдан катта эркак ва 55 ёшдан катта аёл ногиронларни қайта тиббий текширишдан ўтказиш фақат уларнинг аризасига биноан ёки ТМЭК қарори қалбаки ҳужжатлар асосида чиқарилган тақдирда амалга оширилади. Касб бўйича межнатта лаёқатни йўқотганликнинг фоизлар бўйича муддатсиз даражаси межнатда жароҳатланиш ёки саломатликка бошқача турда путур етиши оқибатида муддатсиз ногирон деб эътироф этилган шахсларга, шунингдек, 60 ёшга тўлган эркакларга ва 55 ёшга тўлган аёлларга белгиланади.

Текшириувчи бошланғич (туман, туманлараро, шаҳар), ихтисослашган ТМЭК қароридан норози бўлган тақдирда, у бир ой мобайнида марказий ТМЭКга мурожаат қилиши мумкин. Бошланғич ТМЭК ариза тушгандан кейин 3 кун мобайнида текшириш далолатномасини марказий ТМЭКга беради, марказий ТМЭК шундан кейин 15 кун мобайнида аризачини қайта тиббий текширишдан ўтказади ва ўз хулосасини чиқаради. Фуқаро юқори ТМЭК хулосасидан норози бўлган тақдирда у миңтақанинг бош экспертига ёки Ихтимоий таъминот вазирлигининг ТМЭК бўйича инспекциясига мурожаат қилишга ҳақлиdir.

Мазкур қарорга мувофиқ, ногиронлик гуруҳини аниқлаш умумий соҳадаги бирламчи (туман, туманлараро шаҳар) ва мазкур ҳудуддаги касаллик таркиби ва ногиронлик даражасига қараб ташкил қилинадиган ихтисосластирилган тиббий – межнат экспертиза комиссиялари томонидан амалга оширилади. Тиббий –

мөхнат экспертиза комиссияларининг фаолияти коллегиал асосида амалга оширилади, уларнинг хуросалари ижтимоий таъминот органларининг пенсия масалаларини ҳал қилишда, шунингдек, ногиронларнинг мөхнат шароити ва характеристи тўғрисидаги масалани ҳал қилишда корхона, муассаса ва ташкилотларнинг раҳбарлари учун ҳам шарт саналади. Ногирон бирламчи ТМЭКнинг хуросасидан норози бўлса, Қорақалпоғистон Республикаси, вилоятлар ёки Тошкент шаҳар Марказий ТМЭКга шикоят қилиши мумкин. Бу Марказий ТМЭКга ногиронларнинг шикоят ва аризаларига кўра уларни кўриқдан ўтказиш, бирламчи ТМЭК хуросасига ўзгартиш киритиш ёки бу қарорларни бекор қилиш ҳуқуқи берилган.

Ўзбекистон Республикасининг «Ногиронларнинг ижтимоий ҳимояланиши тўғрисида»ги 1991 йил 18 ноябрдаги Қонуни 4 – моддасига мувофиқ, ногирон, ТМЭК қароридан норози бўлганда судга ҳам шикоят қилиш ҳуқуқига эга.)

### **3–§. Ногиронлик пенсияси тайинлаш асослари ва шартлари**

Ногиронлик пенсияларига чиқиш ҳуқуқига икки хил сабабга кўра ногирон бўлиб қолган ва белгиланган тартибда ногирон эканлиги тасдиқланган фуқаролар эга бўладилар.

Булар: *биринчидан*, мөхнатда майибланиш ёки касб касаллигига чалиниш, ушбу сабабларга тенгглаштирилган ҳолдаги (уруш ногиронлари, ҳарбий хизмат бурчини бажариш пайтида юз берган ва бошқа сабабларга кўра содир бўлган ногиронликлар бўлса; *иккинчидан*, турмушда олинган жароҳатлар (маиший сабабларга кўра майибланиш) ёки умумий касалликлар (иш билан боғлиқ бўлмаган) оқибатидаги ногиронликлардан иборатdir. ¶ Ишлаб чиқаришдаги жароҳатланиш ёки касб касалликлари туфайли ногиронлик юз берганида ногирон шахснинг мөхнат стажи ва унинг миқдоридан қатъи назар, пенсия тўлиқ миқдорда тайинланаверади. ¶ Ўзбекистон Республикаси Вазирлар Маҳкамасининг 1994 йил 11 майдаги қарорининг 7 – иловасида ногиронлик мөхнатда майибланиш оқибатида

келиб чиққан деб ҳисобланадиган ногиронлик сабаблари рўйхати кўзда тутилган.

Агар ногиронлик келтириб чиқарувчи жароҳатланиш, заҳарланиш, иссиқ уриши, куйиш, совуқ уриши, чўкиш ёки авариялар туфайли саломатликнинг бошқача шикастланиши қўйидаги ҳолларда содир бўлса (электр токи ёки яшин уриши, шунингдек, табиий оғатлар (файриқонуний хатти – ҳаракатлардан ташқари), ногиронлик меҳнатда майибланиш туфайли содир бўлган деб ҳисобланади:

а) меҳнат вазифаларини бажаришда (шу жумладан, хизмат сафари вақтида), шунингдек, корхона ёки ташкилот манфаатлари йўлида ҳатто маҳсус топшириқсиз бирон иш бажарганда;

б) корхона, ташкилот ҳудудида ёки бошқа иш жойида иш вақти давомида (белгиланган танаффус вақти ҳам шунга киради), шунингдек, иш бошланиши ёки тугаши олдидан ишлаб чиқариш қуролларини, кийим – бош ва бошқаларни тартибга келтириш учун зарур бўлган вақт давомида;

в) иш вақти давомида (белгиланган танаффуслар ҳам шунга киради) корхона, ташкилот ёки бошқа иш жойи яқинида, агар у ерларда бўлиш ички меҳнат тартиби қоидаларига зид бўлмаса;

г) ишга бораётганда ёки ишдан қайтаётганда;

д) вахтали шаҳарча ҳудудида вахта – экспедиция усули билан ва табиий оғат вақтида сменали дам олишда бўлган ходим билан юз берганда;

е) давлат ёки жамоат вазифаларини бажаришда, шунингдек, Ўзбекистон Республикаси қонун ҳужжатларига мувофиқ белгиланган тартибда рўйхатга олинган жамоат ташкилотларининг топшириқларини (гарчи бу топшириқлар асосий иш билан борлиқ бўлмаса ҳам) бажаришда;

ж) инсон ҳаётини сақлаб қолиш, Ўзбекистон Республикаси давлат ва жамоат мулкини, фуқаролар мулкини, ҳуқуқ – тартиботни қўриқлаш бўйича Ўзбекистон Республикаси фуқароси бурчини бажариш вақтида;

з) иш куни давомида маъмуриятнинг (бўлим, бўлинма, цех, участка раҳбарларининг ва шу кабиларнинг) ходимнинг вазифасига кирмайдиган топшириқларини бажариш вақтида;

и) донорлик вазифасини бажариш муносабати билан.

Ногиронликнинг юз бериш сабаблари ишлаб чиқаришда юз берган воқеа – ҳодисалар билан қай даражада боғлиқлигини аниқлаш пайтида юқорида келтирилган рўйхатдан ташқари, Вазирликлар Маҳкамасининг 1994 йил 1 февралдаги қарори билан тасдиқланган «Ходимларга уларнинг меҳнат вазифаларини бажариш билан боғлиқ ҳолда жароҳатланиши, қасб касалликларига чалиниши ёки саломатлигининг бошқа хил шикастланиши туфайли етказилган зарарни иш берувчи томонидан тўлаш қоидалари»га<sup>54</sup> ҳамда Ўзбекистон Республикаси ҳукуматининг 1997 йил 6 июндаги қарори билан тасдиқланган «Ишлаб чиқаришдаги баҳтсиз ҳодисаларни ва ходимлар саломатлигининг бошқа хил заарланишини текшириш ва ҳисобга олиш тўғрисида»ги Низом талабларига<sup>55</sup> амал қилинмоғи лозим бўлади.

Ногиронлик қасб касаллиги оқибатида юз берган деб ҳисобланиши учун ходимга ишлаб чиқаришнинг зарарли таъсир кўрсатувчи омиллари (шовқин, радиация, кимёвий, физик, биологик ва бошқа таъсирлар) оқибатида касаллик келиб чиқсан, вақт ўтиши билан кучайган бўлиши лозим. Вазирлар Маҳкамасининг 1994 йил 11 майдаги қарорининг 6 – иловасида қасб касалликлари рўйхати келтирилган бўлиб, унда 7 қисмдан иборат бўлган 126 хил касаллик турлари санаб кўрсатиб қўйилган<sup>56</sup>.

Пенсия таъминоти соҳасида уруш ногиронлари ва уларга тенглаштирилган шахслар ҳам ишлаб чиқаришдаги баҳтсиз ҳодисалар ёки қасб касаллиги юз бериши оқибатида ногирон бўлган шахслар билан тенг ҳуқуқларга эгадирлар. Уруш ногиронлари тушунчаси таърифи ва уруш ногиронларига тенглаштирилган шахслар доираси Вазирлар Маҳкамасининг 1994 йил 11 сентябрдаги қарори 2 – иловасида баён этилган<sup>57</sup>.

Иккинчи жаҳон уруши ва бошқа урушларда ҳаракатдаги армия таркибида ҳарбий хизматни ўтаган, Ўзбекистон Республикасини ҳимоя қилишда яраланган, контузия бўлиб қолган, майибланиш ёки касалланиш натижасида ногирон бўлиб қолган ҳарбий хизматчилар

<sup>54</sup> қаранг: Ўзбекистон Республикаси Ҳукуматининг қарорлари тўплами. 1994 йил, 2-сон, 7-модда.

<sup>55</sup> қаранг: Ўша манбаа, 1997 йил, 6-сон, 21-модда.

<sup>56</sup> қаранг: Ўзбекистон Республикасининг имтиёзли пенсия таъминоти бўйича норматив хужжатлари тўплами. Т., «Мехнат», 1994 йил, 49–53-бетлар.

<sup>57</sup> Ўша манба. 43–44-бетлар.

уруш ногиронлари ҳисобланадилар. Уруш ногирони саналмасалар – да, аммо ногирон бўлиб қолиш ҳолатлари ва сабабларига кўра уларга тенглаштирилган шахсларнинг рўйхати таркибига 9 та сабабга кўра ногирон бўлиб қолган ҳарбийлар ва ҳарбий хизматчи саналмайдиган бошқа шахслар киритилган.

Давлат ва жамоат вазифаларини, маҳаллий ҳокимият органларининг касбий ёки жамоат ташкилотларининг маҳсус топшириқларини бажаришда бу топшириқлар асосий иш билан боғлиқ ёки боғлиқ эмаслигидан қатъи назар меҳнатда майибланиш ҳисобланади. Суд жараёнида ҳалқ маслаҳатчиси, эксперт ёки гувоҳ бўлиб иштирок этиш, касаба уюшмаси конференциясида қатнашиш, маҳсус топшириқларни бажариш, аҳоли рўйхатини ўтказишга ёрдам бериш ва ҳоказолар давлат ёки жамоат топшириқларини бажаришга мисол бўлади.

Республика фуқароси бурчини бажариш деб инсон ҳаётини сақлаб қолишда, давлат ва жамоат мулкини, фуқаролар мулкини асрарда, ҳуқуқ – тартиботни ҳимоя қилишда содир бўлган ногиронлик меҳнатда майибланиш ҳисобланади. Республика фуқароси бурчини бажаришда, инсон ҳаётини сақлаб қолишда, табиий оғатлар оқибатларини тутатишда, мулкни қўриқлашда, қонунбузарларни ушлашга ёрдам кўрсатишда қатнашиши тушунилади. Ходимнинг донорлик вазифасини бажариши натижасида юзага келган ногиронлиги меҳнатда майибланишдан бошланган ҳисобланади.

Сафарда бахтсиз ҳодиса натижасида юзага келган ногиронлик, агар бахтсиз ҳодиса меҳнат вазифасини бажариш даврида ёки сафарга жўнатилган ерга бораётган вақтда ёки қайтиб келаётганда, шунингдек, сафар вақтида хизмат қатновларида юз берган бўлса, меҳнатда майибланиш ҳисобланади<sup>58</sup> / «Фуқароларнинг давлат пенсия таъминоти тўғрисида»ги Қонуннинг 16 – моддасига кўра: «Соғлиғи ёки меҳнат қобилиятини йўқотганлик даражасига қараб, ногиронликнинг уч гуруҳи аниқланади.»

Ногиронлик сабаблари ва гуруҳлари, шунингдек, ногиронлик бошланган вақт ва ногиронликнинг қанча муддатга белгиланиши Ўзбекистон Республикаси Вазирлар

<sup>58</sup> Ҳаранг: «Фуқароларнинг давлат пенсия таъминоти тўғрисида»ги Ўзбекистон Республикаси қонунига шархлар». Т., 1996 йил, 90-бет.

Маҳкамаси тасдиқлайдиган Низом асосида ишловчи тиббий – меҳнат эксперт комиссиялари (ТМЭК) томонидан аниқланади». Тиббий меҳнат эксперт комиссиялари ногиронлик гуруҳини белгилаш пайтида объектив мезонларга асосланади ва I гуруҳ ногирони деб топиш учун тана функцияси жиддий бузилган ва бемор ўзига ўзи хизмат қила олмаслиги, бошқа шахсларнинг доимий парвариши ва кўмагига муҳтож бўлиши лозим бўлади.

Шахс II гуруҳ ногирони деб эътироф этилиши учун киши организми, унинг аъзолари функцияси бирмунча бузилган бўлиши, меҳнат қилиш қобилияти барқарор тарзда доимийга ёки узоқ муддатга йўқолган, жиддий равищда пасайган бўлиши лозим. II гуруҳ ногирони деб топилган шахслар маҳсус яратилган меҳнат шароитида меҳнат қилишлари мумкин бўлади. III гуруҳ ногиронлиги узлуксиз касаллик ёки инсон танаси аъзоларидаги туғма ёхуд ортирилган нуқсон туфайли белгиланади. III гуруҳ ногиронлари меҳнат қобилияти бирмунча пасайган бўлса – да, сақланиб қолади ва шу сабабли ушбу ногиронлик «яrim ногиронлик» деб ҳам юритилади.

Турмушдаги жароҳатланиш (майиши майибланиш) ёки умумий касаллик туфайли ногиронлик юз берганида ногиронлик пенсияси муайян шартлар мавжуд бўлгани ҳолда тайинланиши мумкин. Бундай шартлардан энг биринчиси – ногирон шахс ёшига мутаносиб равищдаги меҳнат стажига эга бўлиши лозимлигидир.

«Фуқароларнинг давлат пенсия таъминоти тўғрисида»ги Қонуннинг 17 – моддасига мувофиқ: Меҳнатда майиблангандаги ёки касб касаллигига учраганда бериладиган ногиронлик пенсиялари иш стажидан қатти назар тайинланади. Умумий касаллик туфайли бериладиган ногиронлик пенсиялари ногиронлик бошланган пайтга қадар қуйидагича иш стажига эга бўлган тақдирда тайинланади:

Еши	Иш стажи (йил хисобида)
23 ёшга қадар	2
23 ёшдан 26 ёшга қадар	3
26 ёшдан 31 ёшга қадар	5
31 ёшдан 36 ёшга қадар	7
36 ёшдан 41 ёшга қадар	9
41 ёшдан 46 ёшгача	11
46 ёшдан 51 ёшгача	14
51 ёшдан 56 ёшгача	17
56 ёш ва ундан ошганда	20


20 ёшга тұлғунға қадар умумий касаллик туфайли иш даврида ёки ишлаш тұхтатылғандан кейин ногирон бўлиб қолган шахсларга пенсиялар иш стажидан қатъи назар тайинланади. Меҳнатда майиблангандан ёки касб касаллигига учраганда бериладиган ногиронлик пенсиясидан умумий касаллик туфайли бериладиган ногиронлик пенсиясига ўтказилғанда зарур стаж ногиронлик дастлаб белгиланған вақтдаги ёшга қараб аниқланади.

20 ёшга киргунига қадар ногирон бўлиб қолган фуқароларга умумий касаллик туфайли ногирон бўлиб қолғанларида ногиронлик пенсияси тайинланиши пайтида меҳнат стажи талаб этилмайди. Бироқ бу шахслар ишга киргандаридан кейин ёки муайян муддат ишлаб, сұнгра ишдан бўшагач, ногирон бўлиб қолган бўлсаларгина, ногиронлик пенсияси тайин этилиши мүмкін. Умумий касаллик (маиший жароҳатланиш) туфайли ногирон бўлиб қолган ва ёшига мос равища талаб қилинадиган иш стажига тұлиқ эга бўлмаган фуқароларга (масалан, 25 ёшда ногирон бўлиб қолган шахс З йиллик меҳнат стажи ўрнига бор – йўғи 1 йиллик стажга эга бўлса) ногиронлик пенсияси уларнинг мавжуд меҳнат стажига мутаносиб равища тайинланади.

Бунда ногиронлик пенсияси фақат I ва II гурӯҳ ногирони деб топилған шахсларгагина тайинланади ва III гурӯҳ ногиронларига тұлиқсиз меҳнат стажи билан пенсия тайинлаш назарда тутилған эмас. Иш стажи тұлиқ бўлмагандага ногиронлик пенсияси тұланиши чоғида ҳар

қандай меҳнат стажи ҳам (болаларни парваришилаш даври, ўқиш даври ва ҳоказо) қонун ҳужжатларида белгиланган тартибда ҳисобга олинаверади.

## 6 – чизма



### *Мавзу юзасидан тест синов саволлари*

№1. Ногиронлик, унинг сабаблари ва гуруҳларини ким белгилашлигини аниқланг:

- а) тиббий маслаҳат комиссияси;
- б) фуқаро истиқомат жойидаги поликлиника;
- в) корхона тиббий – санитария қисми;
- г) тўғри жавоб йўқ.

№2. Меҳнатдаги жароҳат туфайли ногирон бўлган шахсларга ногиронлик пенсияси тайинлаш учун иш стажи:

- а) ёшига мутаносиб равишда талаб қилинади;
- б) камида 5 йил талаб қилинади;
- в) талаб қилинмайди;
- г) тўғри жавоб йўқ.

№3. III гуруҳ ногирони пенсиясининг таянч миқдорини топинг:

- а) энг кам ойлик иш ҳақининг 30 фоизи;
- б) ўртача ойлик иш ҳақининг 30 фоизи;
- в) энг кам пенсия миқдорининг 30 фоизи;
- г) тўғри жавоб йўқ.

- №4. II гуруҳ ногирони энг кам пенсиясининг миқдори:
- а) энг кам ойлик иш ҳақи миқдорида;
  - б) 7800 сўм миқдорида;
  - в) 3945 сўм миқдорида;
  - г) тўғри жавоб йўқ.

### *Билимларингизни синаб кўринг*

1. Ногиронларни ижтимоий ҳимоялаш давлат сиёсати моҳиятини айтиб беринг.
2. Ногиронлик гуруҳлари ва сабаблари ҳақида нималарни биласиз?
3. Ногиронлик қайси орган томонидан белгиланади?
4. Меҳнатда майибланиш ва касб касалликлари ҳақида сўзлаб беринг.
5. Ногиронлик пенсияси тайинлаш асослари ва шартлари қандай?
6. Тўлиқсиз меҳнат стажи билан ногиронлик пенсияси тайинлаш тартиби қандай?

### *Тавсия этиладиган адабиётлар*

1. Каримов И.А. Адолат, Ватан ва халқ манфаати ҳар нарсадан устун. – Т., «Ўзбекистон», 1998 йил.
2. Ўзбекистон Республикасининг Конституцияси. Т., «Адолат», 2001 йил.
3. Ўзбекистон Республикасининг «Фуқароларни давлат пенсия таъминоти тўғрисида»ги Қонуни. «Ўзбекистоннинг янги қонунлари», 9 –сон, Т., «Адолат», 1994 йил.
4. Ўзбекистон Республикасининг «Ногиронларни ижтимоий ҳимоялашни кучайтириш тўғрисида»ги Қонуни. «Ўзбекистоннинг янги қонунлари», 5 –сон. Т., «Адолат», 1993 йил.
5. Ўзбекистон Республикаси Вазирлар Маҳкамасининг 1994 йил 11 майдаги қарори.
6. «Қарияларни қадрлаш йили» давлат дастури тўғрисида»ги Ўзбекистон Республикаси Вазирлар Маҳкамасининг 2002 йил 24 январдаги қарори.
7. Турсунов Й. ва бошқалар. Ижтимоий таъминот ҳукуқи. Ўқув қўлланма. Т., «Молия», 2001 йил.

## VII БОБ. БОҚУВЧИСИНИ ЙЎҚОТГАНЛИК ПЕНСИЯЛАРИ

### 1-§. Боқувчисини йўқотганлик пенсияларининг тушунчаси, аҳамияти ва ижтимоий таъминот тизимидағи ўрни

Ўзбекистонда турли сабаблар билан ота—онаси парваришидан маҳрум бўлиб қолган етим болалар, моддий мададсиз бошига тоифадаги фуқароларга давлат ғамхўрлиги кўрсатилиши, улар моддий таъминотига кўмаклашиш — давлат ижтимоий сиёсатининг муҳим жиҳатларидан бўлиб, бозор муносабатлари қарор топиши шарофатида аҳолини кучли ижтимоий ҳимоялаш тамойилига мос келади.

«Фуқароларнинг давлат пенсия таъминоти тўғрисида»ги Қонуннинг 19—моддасида айтилишича, вафот этган боқувчининг қарамогида бўлиб келган меҳнатга қобилиятсиз оила аъзоларига боқувчисини йўқотганлик пенсияси тайинланиши мумкин. Аммо марҳум боқувчининг фарзандларига ҳамда ёшидан ва меҳнат қобилиятидан қатъи назар, ота ва онадан бири ёки эр (хотин) ёхуд бува, буви, ака—ука ёки опа—сингил, агар у вафот этган боқувчининг болалари, укалари, сингиллари ёки набираларини улар уч ёшга етгунларига қадар боқиш (парваришлиш) билан машғул бўлсалар, марҳум билан бирга яшаган—яшамаганликларидан қатъи назар, боқувчисини йўқотганлик пенсияси тайинланавериши назарда тутилган.

Боқувчисини йўқотганлик пенсияси фуқароларни ижтимоий таъминлаш, пенсия таъминотини амалга ошириш шаклларидан бири бўлиб, унга кўра моддий таъминот бериб келган, турмуш кечиришининг асосий манбаи бўлиб келган шахсни вафот этиши муносабати билан унинг қарамогида бўлиб келган шахсларга қонун ҳужжатларида белгилаб қўйилган тартибда, шартларда ва миқдорларда улар вояга етгунларига қадар, меҳнат қилиш қобилияtlари қайта тиклангунича ёки бўлмаса тегишли ҳолларда бутун умрга давлат ижтимоий таъминот маблағлари ҳисобидан тайин этиладиган, қайтариб олинмайдиган, ҳақ олинмайдиган, мунтазам равища тўлаб бориладиган пул тўловларидан иборат.

1) Ишлаб чиқаришда юз берган бахтсиз ҳодисалар, ишда олинган жароҳатлар ёки касб касаллигига чалиниш оқибатида вафот этган шахсларнинг қарамоғидагиларга тайинланадиган боқувчисини йўқотганлик пенсияси;

2) Ишлаб чиқаришдаги сабабларга кўра вафот этган шахсларга тенглаштирилган ҳолатларда (уруш ҳаракатлари, ҳарбий бурчни бажариш, фуқаролик бурчини бажариш пайтларида ва ҳоказо) вафот этганларнинг оила аъзоларига тайинланадиган боқувчисини йўқотганлик пенсиялари;

3) Умумий касаллиқдан (турмушдаги жароҳатларнинг оқибатида) вафот этган шахсларнинг оила аъзоларига тайинланадиган боқувчисини йўқотганлик пенсияси кабилар ўзаро фарқланади.

4) Юқорида кўрсатиб ўтилган дастлабки икки ҳолат туфайли вафот этган марҳумларнинг қарамоғида бўлиб келган меҳнатта яроқсиз оила аъзоларига марҳум меҳнат стажи миқдоридаи қатъий назар пенсия тайинланаверилади.

Учинчи сабабга кўра, яъни умумий касаллик (турмушдаги жароҳатланиш) туфайли вафот этган марҳумларнинг оила аъзоларига эса марҳум боқувчи шахс вафот этган пайтдаги ёшига мос келувчи муайян ҳажмдаги меҳнат стажига эга бўлган бўлса, тўлиқ миқдорда, белгиланганидан кам иш стажига эга бўлса, тўлиқ бўлмаган миқдорда боқувчисини йўқотганлик пенсияси тайинланади. Масалан, «Шарқ» мебел корхонасининг муҳандиси Идрисов умумий касаллик туфайли 35 ёшида вафот этди. Унинг мавжуд меҳнат стажи 10 йилни ташкил этди. «Фуқароларнинг давлат пенсия таъминоти тўғрисида»ги Қонуннинг 17 – моддасида 30 ёшгacha бўлган шахслардан 7 йиллик меҳнат стажи талаб қилиниши белгиланган. Демак, марҳум Идрисовнинг оила аъзоларига тўлиқ миқдордаги боқувчисини йўқотганлик пенсияси тайинланиши мумкин.

Бошқа бир мисол, Агар касб – ҳунар коллежининг бухгалтери Муҳамаджонов 54 ёшида уйида таъмирлаш ишларини бажариш пайтида юз берган бахтсиз ҳодиса (томнинг ўпирлиб тушиши) туфайли вафот этди. Муҳаммаджоновнинг меҳнат стажи 10 йилдан иборатлиги маълум бўлди. Яъни Муҳамаджонов талаб қилинадиган 17 йиллик меҳнат стажига эга эмас. Демак, унинг қарамоғидаги меҳнатта яроқсиз оила аъзоларига тўлиқсиз

пенсия тайинланиши лозим. «Фуқароларнинг давлат пенсия таъминоти тўғрисида»ги Қонуннинг 21 – моддасига мувофиқ, меҳнатда майибланганлик ёки касб касаллигига чалинганлик оқибатида вафот этган боқувчининг оиласига, шунингдек, марҳум пенсионернинг оиласига пенсия боқувчининг иш стажидан қатъи назар тайинланади.

Башарти, боқувчи вафот этган кунга қадар унга ногиронлик пенсияси тайинланиши учун зарур иш стажига эга бўлган (17 – модда) бўлса, умумий касаллик ёки иш билан боғлиқ бўлмаган майибланиш оқибатида вафот этган боқувчисини йўқотганлик пенсияси тайинланади.

Бошқа мамлакатлардан кўчиб келган Ўзбекистон Республикаси фуқароларининг оиласарига, Ўзбекистон Республикасида ишламаган бўлса, пенсиялар қуидаги ҳолларда, яъни:

а) бошқа мамлакатларда боқувчисини йўқотганлик пенсиясини олган оиласарга – боқувчининг иш стажидан қатъи назар;

б) пенсия олмаган оиласарга – боқувчи ишлаш тўхтатилган кунга қадар тегишли стажга эга бўлган (17 – модда) бўлса, меҳнатда майибланганлик ёки касб касаллигига чалинганлик оқибатида вафот этган тақдирда эса боқувчининг иш стажидан қатъи назар тайинланади.

Ушбу Қонуннинг 22 – моддасига кўра эса, умумий касаллик оқибатида вафот этган ҳамда ногиронлик пенсиясини тўлиқ тайинлаш учун етарлича иш стажига эга бўлмаган (17 – модда) боқувчисини йўқотган оила аъзоларига пенсия боқувчининг бор стажига мутаносиб равишдаги миқдорда (29 – модда) тайинланади. Эр (хотин) вафот этганлиги сабабли унинг хотини (эри)га тайинланган боқувчисини йўқотганлик пенсияси пенсия оловчи хотин (эр) турмуш қургани (янги никоҳга киргани) тақдирда ҳам сақланиб қолиши кўзда тутилган.

## **2-§. Боқувчисини йўқотганлик пенсияси олишга ҳақли бўлган шахслар қарамоғида бўлиш**

Боқувчисини йўқотганлик пенсияларини тайинлашда ушбу пенсия турини олишга ҳақли бўлган шахслар доирасининг тўғри белгиланиши муҳим аҳамиятга эга, чунки унинг нотўғри белгиланиши фуқароларнинг асоссиз

равишида пенсия олишларига ёки бўлмаса пенсия олишга ҳақли бўлган шахсларнинг конституциявий ҳуқуқларининг тайриқонуний тарзда чеклаб қўйилишига сабаб бўлиши мумкин.

Боқувчисини йўқотганлик пенсияси олиш ҳуқуқига эга бўлган шахслар доирасига кириш учун қўйидаги талаблар қўйилади:

а) меҳнатта яроқсизлик ёки меҳнатта яроқли бўлса – да, марҳумнинг 3 ёшга етмаган фарзандлари парвариши билан банд бўлишилик;

б) марҳум боқувчи билан қариндошлик алоқасида бўлишилик;

в) Марҳум боқувчи қарамогида бўлганлик;

г) Марҳум боқувчи билан бир оила аъзоси бўлиб яшаганлик.

Меҳнатта қобилиятсиз оила аъзолари тушунчаси ва меҳнатта қобилиятсиз оила аъзолари таркибига кирувчи шахслар "Фуқароларнинг давлат пенсия таъминоти тўғрисида"ги Қонуннинг 3 – қисмида белгиланган бўлиб, уларнинг жумласига қўйидагилар киради:

а) болалар, ака – укалар, опа – сингиллар ва набиралар 16 ёшга тўлмаган бўлса ёки 16 ёшдан катта бўлса ҳам 16 ёшга тўлмасдан ногирон бўлиб қолган бўлсалар. Бунда ака – укалар, опа – сингиллар ва набираларнинг меҳнатта қобилиятли ота – онаси бўлмаса;

б) ота, она, ўгай ота, ўгай она, хотин, эр; башарти, улар 7 – моддада назарда тутилган пенсия ёшига тўлган ёки ногирон бўлсалар;

в) ёшидан ва меҳнат қобилиятидан қатъи назар, ота ва онадан бири ёки эр (хотин) ёхуд бува, буви, ака – ука ёки опа – сингил, агар у вафот этган боқувчининг болалари, ака – укалари, опа – сингиллари, ёки набираларини, ишловчиларга болага қараш учун иш ҳаки сақланмаган таътилда бўлиш ҳуқуқини берадиган ёшга тўлгунга қадар боқиши билан машғул бўлса ва ишламаса;

г) бува ва буви агар қонунга мувофиқ уларни боқиши шарт бўлган кишилар бўлмаса;

ўқувчилар 18 ёшга тўлгунга қадар боқувчисини йўқотганлик пенсияси олиш ҳуқуқига эгадирлар.

Боқувчисини йўқотганлик пенсияси олиш ҳуқуқига эга бўлган вояга етмаган фарзандлар, улар фарзандликка

олинганларида ҳам бу ҳуқуқни сақлаб қоладилар. Үгай ўғил ёки үтгай қиз, агар улар ота—оналаридан алимент олмаган бўлсалар, ҳақиқий фарзандлар сингари пенсия олиш ҳуқуқига эгадирлар.

Үгай ота ва үгай она, агар вафот этган үгай ўғилни (қизни) 18 ёшга тўлгунга қадар камида 5 йил тарбиялаган ёки боққан бўлсалар, ҳақиқий ота ва она сингари пенсия олиш ҳуқуқига эга бўладилар. Боқувчисини йўқотганлик пенсиясини олиш ҳуқуқи вафот этган шахслар билан бир қаторда белгиланган тартибда бедарак кетган ёки ўлган деб эълон қилинган шахсларнинг<sup>59</sup> оила аъзоларида ҳам пайдо бўлади.

Марҳум боқувчи билан қариндошлик алоқалари Ўзбекистон Республикаси «Оила кодекси» қоидалари билан белгиланади<sup>60</sup>. Жумладан, ушбу кодекснинг 57—моддасига мувофиқ, бир умумий учинчи шахсадан (аждоддан) келиб чиқсан шахслар қариндошлар ҳисобланади. Икки шахс ўртасидаги тўғри шажара бўйича қариндошликтининг яқинлиги қариндошлик даражаси, яъни туғилиш сони билан белгиланади.

Болалар ота—онасига нисбатан тўғри шажарарадаги биринчи, невара бобосига, бувисига нисбатан иккинчи, эвара катта бобосига, катта бувисига нисбатан учинчи даражадаги қариндош ҳисобланади ва ҳоказо. Ака—ука, опа—сингил, уларнинг болалари, ота—онанинг ака—укаси ва опа—сингили ҳамда уларнинг болалари, бобо ва бувиларнинг ака—ука ҳамда опа—сингиллари ва уларнинг болалари ва шунга ўхшашлар ён шажара бўйича қариндошлар ҳисобланади ва ҳоказо. Тўғри шажара бўйича қариндошлар ён шажара бўйича қариндошларга нисбатан яқинроқдир. Икки шахс ўртасида қариндошликтининг узоқ—яқинлигини аниқлашда, даражаларнинг сони ёки шу шахслардан бирининг ўзини ҳисобга қўшмай туриб, ундан келиб чиқсан авлодлар сони ҳисобга олинади.

Ҳисоб аждодлар томон тўғри шажара бўйича улар учун умумий бўлган шахсга (аждодга) қараб ва ундан эса авлодлар томон улардан бошқасига қараб олиб борилади.

<sup>59</sup> қаранг: Ўзбекистон Республикаси Фуқаролик кодексининг 33, 34, 36—моддалари; Фуқаролик процессуал кодексининг 286—290—моддалари.

<sup>60</sup> қаранг: Ўзбекистон Республикасининг Оила кодексига шархлар. Т., «Адолат», 2000 йил.

Туғишиган ақа – ука ва опа – сингил қариндошликтининг иккинчи даражасида, тоға ва амаки, амма ва хола ўз жияйлари билан қариндошликтининг учинчи, тоғавачча, амакивачча, аммавачча ва холаваччалар эса тұрттынчи даражасида турадилар. «Оила кодексининг» 58 – моддасига күра эса, ақа – ука ва опа – сингиллар ёт аралашмаган ва ёт аралашған қариндош бўлиши мумкин. Ақа – ука ва опа – сингиллар бир ота – онадан келиб чиққан бўлса, ёт аралашмаган, ота бир она бошқа ёки аксинча, она бир ота бошқа бўлса, ёт аралашған қариндош ҳисобланади. Ёт аралашмаган қариндошлиқда ақа – ука ва опа – сингиллар туғишиган, ёт аралашған қариндошлиқда эса, ақа – ука ва опа – сингиллар ўтайды ҳисобланади. Эр – хотиннинг илгариги никоҳларидан бўлган болалари ўзаро қариндош ҳисобланмайди. Эр (хотин) ва унинг яқин қариндошлари билан хотин (эр) қариндошларининг бир – бирига нисбатан муносабатлари (қайинбўйинчилик ва қуда – андачилик) ўзаро ҳукуқ ва мажбуриятларни келтириб чиқармайди.

Боланинг насл – насабини белгилаш асослари Оила кодексининг 60 – моддасида белгилаб қўйилган ва боланинг шу онадан туғилганлиги (оналик) фуқаролик ҳолати далолатномаларини қайд қилиш органи томонидан тиббий муассасанинг ҳужжатларига кўра, бола тиббий муассасада туғилмаган ҳолларда эса, бошқа далилларга асосан белгиланади.

Аёлнинг никоҳ тузилгандан кейин ёки эрининг ўлими, никоҳдан ажратилганлиги ёхуд никоҳ ҳақиқий эмас деб топилганлиги туфайли никоҳ тугаганидан сўнг уч юз кун ичида туғилган боласи никоҳда туғилган бола ҳисобланади. Агар никоҳ тугаганидан кейин уч юз кун ичида бола туғилса ва бу даврда аёл янги никоҳга кирган бўлса, бола янги никоҳда туғилган ҳисобланади. Бундай ҳолларда собиқ эр ёки унинг ота – онаси боланинг насл – насаби хусусида имзолашиб ҳукуқига эга эканликлари белгиланган.

Ота – она расмий қайд этилмаган никоҳ муносабатларида (фуқаролик никоҳида) бўлганлари ҳолда туғилган фарзандларининг насл – насаби (онаси ҳам, отаси ҳам, эр – хотиннинг ихтиёрий тарзда биргаликда берган аризасига кўра, бундай ариза мавжуд бўлмаган ва оталикни ихтиёрий тан олишдан бўйин товланаётган ҳолларда оталик белгиланган тартибда суд йўли билан аниқланиши

мумкин<sup>61</sup>. Марҳум боқувчи фуқаронинг қарамоғида бўлганлик тушунчаси таърифи «Фуқароларнинг давлат пенсия таъминоти тўғрисида»ги Қонуннинг 20 – моддасида баён этиб берилган.

Ушбу моддада кўрсатилишича, қонунда назарда тутиб қўйилган оила аъзолари юқоридаги қонуннинг 19 – моддаси) агар улар марҳумнинг тўлиқ боқувида бўлган ёки ундан ёрдам олиб турган бўлсалар, бу ёрдам улар учун доимий ва асосий кун кечириш маблағининг манбаи ҳисобланган бўлса, марҳумнинг қарамоғида турган деб ҳисобланадилар.

Марҳумнинг бирон турдаги пенсия олаёттан оила аъзолари, агар марҳумнинг ёрдами улар учун доимий ва асосий кун кечириш маблағининг манбаи ҳисобланган бўлса, боқувчисини йўқотганлик пенсиясига ўтиш ҳуқуқига эгадирлар. Боқувчисини йўқотганлик пенсияси тайинланишини сўраб мурожаат қилаётган ва ҳеч қандай даромадга эга бўлмаган оила аъзоларини (ёш болалар, пенсия олмайдиган ногиронлар ва бошқалар) марҳум боқувчи шахс қарамоғида бўлиб келганлиги фактини аниқлаш ҳоллари қийинчилик туғдирмайди ва осонликча ҳал этилиши мумкин.

Бироқ марҳум боқувчи ҳаётлик пайтида бир оила бўлиб яшаган, умумий даромадга эга бўлган бўлса – да, аммо мустақил иш ҳақи (пенсия, нафақа) ёки бошқа даромадга эга бўлган шахсларнинг марҳум қарамоғида бўлиб келганлигини аниқлаш муайян мураккабликлар туғдирди. Бунда марҳумнинг иш ҳақи, стипендия ёки пенсия оловчи оила аъзолари унинг қарамоғида турган – турмаганлиги масаласини ҳал қилишда кўрсатиладиган моддий ёрдам доимий характерга ва бошқа даромадларга қараганда қандай ҳажмда эканлигини аниқлаш лозим бўлади.


Оила аъзосининг иш ҳақи, стипендия ёки пенсия олиши уни оиланинг қарамоғида деб тан олишга монелик қилмаслиги керак, бунинг учун санаб ўтилган оила аъзоларининг даромади эмас, вафот этган шахснинг ёрдами яшаш учун асосий ва доимий маблағ манбаи бўлиши керак.

<sup>61</sup> қаранг: Ўзбекистон Республикаси Оила кодексининг 81–82–моддалари; Ўзбекистон Республикаси Олий Суди Пленумининг 2001 йил 1 майдаги «Оталикни белтилаш ҳақидаги ишларни кўришда судлар томонидан қонувларнинг татбиқ этилиши тўғрисида»ги қарори. «Қонун номи билан», 2001 йил, 3–4 сон, 31–бет.

Болалар ота – оналарининг иш ҳақлари миқдори қанча бўлишидан қатъи назар, ҳар иккаласининг қарамоғида деб ҳисобланадилар. Уй хўжаликлари билан шуғулланувчи ишламайдиган оналарнинг болалари унинг қарамоғида деб тан олинади. Ота ўлгандан кейин туғилган ёки туғиш пайтида онаси ўлган бола қарамоқда деб ҳисобланади. Марҳум боқувчининг қарамоғида бўлганлик масаласида низо келиб чиқсанни тақдирда ушбу масала қонун ҳужжатларида белгиланган тартибда суд йўли билан кўриб, ҳал этилади<sup>62</sup>.


## 7 – чизма

**Боқувчисини йўқотганлик пенсияси боқувчи вафот эттани туфайли таъминотсиз қолган меҳнатга яроқсиз шахсларга мунтазам тўланадиган ижтимоий таъминот туридир**



## 8 – чизма

**Боқувчисини йўқотган шахс сифатида пенсия олувчилар қаторига: болалар, ногирон ака–ука, опа–сингил, бобо–буви, эр ёки хотин, ўтай ота – ўтай оналар, ўтай ўғил–қизлар, фарзандликка олинганилар (одатдаги тарзда) кирадилар**



<sup>62</sup> қаранг: Ўзбекистон Республикаси Фуқаролик – процессуал кодексининг 31 –боби; 283 –модданинг 2 – бағди; Ўзбекистон Республикаси Олий Суди Пленумининг 1991 йил 20 декабрдаги (1997 йил 2 май ва 1998 йил 11 сентябрдаги ўзшимида ва ўзгартиришлари билан) «Оридик ахамиятта эта бўлган фактларни белгилали хақидаги ишлар бўйича суд амалиёти тўғрисида»ги қарори.

*Мавзу юзасидан тест синов саволлари:*

№1. Иш стажи түлиқ бўлмаса боқувчисини йўқотганлик пенсияси тайин этиладими:

- а) йўқ;
- б) ҳа;
- в) ижтимоий таъминот органи хоҳишига боғлиқ;
- г) тўғри жавоб йўқ.

№2. ҳар бир оила аъзосига боқувчисини йўқотганлик пенсияси таянч миқдори қанча:

- а) иш ҳақининг 30 фоизи;
- б) энг кам иш ҳақининг 30 фоизи;
- в) ўртacha ойлик иш ҳақининг 30 фоизи;
- г) тўғри жавоб йўқ.

№3. Марҳум боқувчини болалигида (18 ёшга етгунча) таъминлаган ўгай ота боқувчисини йўқотганлик пенсияси олишга ҳақлами:

- а) ҳақли;
- б) агар марҳумни камида 5 йил таъминлаб келган бўлса, ҳақли;
- в) ҳақли эмас;
- г) ижтимоий таъминот бўлими ходими хоҳишига боғлиқ.

*Билимларингизни текшириб кўринг*

1. Боқувчисини йўқотганлик пенсияси тайинланиш асослари ва шартлари қандай?

2. Боқувчисини йўқотганлик пенсияси олишга ҳақли бўлган оила аъзолари кимлар эканлигини айтиб беринг.

3. Қарамоғида бўлганлик тушунчасига таъриф беринг.

4. Тўлиқсиз меҳнат стажи билан боқувчисини йўқотганлик пенсияси тайинлаш қандай амалга оширилади?

5. Чин етимларга пенсия тайинлаш хусусиятларини айтиб беринг.

## *Тавсия этиладиган адабиётлар*

1. Каримов И. А. «Ўзбекистон келажаги буюк давлат». Ўзбекистон: миллий истиқдол, иқтисод, сиёсат, мағкура. 1 – том, Т., «Ўзбекистон», 1996 йил.
2. Ўзбекистон Республикаси Конституцияси. Т., «Адолат», 2001 йил.
3. Ўзбекистон Республикасининг «Фуқароларнинг давлат пенсия таъминоти тўғрисида»ги Қонуни.
4. «Фуқароларнинг давлат пенсия таъминоти тўғрисида»ги Ўзбекистон Республикаси Қонунига шарҳлар. Т., 1996 йил.
5. Ўзбекистон Республикаси Президентининг 2002 йил 26 мартағи «Иш ҳақи, пенсиялар, нафақалар ва стипендиялар миқдорини ошириш тўғрисида»ги Фармони.
6. Ўзбекистон Республикаси Президентининг 2002 йил 25 январдаги «Аҳолининг ижтимоий ҳимояга муҳтож қатламларини аниқ йўналтирилган тарзда қўллаб – қувватлашни кучайтириш тўғрисида»ги Фармони.
7. Ўзбекистон Республикаси Вазирлар Маҳкамасининг 2002 йил 25 январдаги «Аёллар ва ўсиб келаётган авлод соғлигини мустаҳкамлашга доир қўшимча чора – тадбирлар тўғрисида»ги қарори.
8. Турсунов Й. ва бошқалар. Ижтимоий таъминот ҳуқуқи. Ўқув қўлланма. Т., «Молия», 2001 йил.

## **VIII БОБ. ПЕНСИЯЛАРНИ ТАЙИНЛАШ ВА ТҮЛАШ**

### **1-§. Пенсияларни тайинлашнинг умумий тартиби ва асосий қоидалари**

Пенсияларни тайинлаш пенсия тайинлаш ваколатига эга бўлган органлар томонидан қонун ҳужжатларида белгилаб қўйилган тартиб ва муддатларда амалга оширилади.

Пенсия тайинлаш ҳуқуқига ҳозирги пайтда қўйидаги органлар ҳақлидирлар:

- 1) туман (шаҳар) ижтимоий таъминот бўлимлари;
- 2) Мудофаа вазирлиги, Ички ишлар, Чегара қўшинлари давлат қўмитаси, Фавқулодда вазиятлар вазирликлари, Миллий хавфсизлик хизмати давлат қўмитаси, пенсия тайинлаш ҳамда тўлаш органлари.

Барча фуқароларга, шу жумладан, муддатли ҳарбий хизматдаги ҳарбий хизматчиларга пенсиялар туман (шаҳар) ижтимоий таъминот бўлимлари томонидан тайинланади. Офицерлар таркибидан бўлган шахслар, прaporщиклар, мичманлар ва бошқа муддатидан ташқари хизматни ўтаётган ҳарбий хизматчилар, ички ишлар, Миллий хавфсизлик хизмати, Фавқулодда вазиятлар вазирлиги, Чегара қўшинлари давлат қўмитасининг бошлиқлар ҳамда оддий аскарлар таркибидан бўлган ҳарбий хизматчиларига Мудофаа вазирлиги ёки бошқа вазирлик, идоранинг пенсия бўлимлари томонидан белгиланган тартибда тайинланади.

Фуқароларга пенсия тайинлаш тартиби Ўзбекистон Республикаси «Фуқароларнинг давлат пенсия таъминоти тўғрисида»ги Қонунининг 43 – моддасида белгилаб қўйиландир. Унга кўра, ходимларга ва уларнинг оила аъзоларига (боқувчисини йўқотган тақдирда) пенсия тайинлаш тўғрисидаги ариза охирги иш жойидаги корхона, муассаса, ташкилот маъмурияти орқали берилади. Жамоа хўжаликлари ва бошқа кооперативларнинг аъзолари ва уларнинг оилаларига пенсия тайинлаш тўғрисидаги ариза жамоа хўжалиги (кооператив) бошқаруви орқали берилади.

Маъмурият (бошқарув) ариза тушган кундан эътиборан 10 кунлик муддат ичida стаж ва иш ҳақи тўғрисидаги зарур ҳужжатларни расмийлаштиради ҳамда уларни берилган ариза ва ўз тақдимномаси билан бирга

аризачи истиқомат қиласынан туман (шаҳар) ижтимоий таъминот бўлимига юборади. Башарти, пенсия тайинлашни сўраб мурожаат этган ходимга пенсия тайинлашга тавсия этиш рад қилинса, унга рад этиш сабаблари кўрсатилган ҳолда ёзма хабар қилинади.

Пенсия тайинлашни сўраб мурожаат этган шахс маъмуриятнинг (бошқарувнинг) пенсия тайинлашга тавсия этишни рад этган қарорига рози бўлмаган ҳолларда, у пенсия тайинланишини сўраб бевосита туман (шаҳар) ижтимоий таъминот бўлимига ариза бериши мумкин. Дехқон (фермер) хўжаликлари аъзоларига, якка тартибдаги меҳнат фаолияти билан шуғулланувчи шахсларга, бошқа фуқароларга ва уларнинг оила аъзоларига пенсия тайинлаш тўғрисидаги аризалар бевосита аризачиларнинг истиқомат жойидаги туман (шаҳар) ижтимоий таъминот бўлимига берилади.

Ижтимоий таъминот бўлимлари пенсиялар тайинлаш масалалари юзасидан тушунтириш ва маълумотлар бериши, шунингдек, аризачига зарур ҳужжатларни олишида кўмаклашишлари шарт. Ижтимоий таъминот бўлимлари корхоналар, ташкилотлар ва айрим шахслардан тегишли ҳужжатларни талаоб қилиш, зарур ҳолларда эса уларнинг берилиши асослигини текшириш ҳуқуқига эгадирлар.

Корхоналар ва ташкилотлар пенсия учун (пенсия қайта ҳисобланиши учун) ҳужжатларни ўз вақтида тақдим этмаслик ёки ишончсиз маълумотлари бўлган ҳужжатларни тақдим этиш оқибатида пенсионерга етказилган зарар учун унинг олдида қонун ҳужжатларида белгиланганидек жавобгар бўладилар. Корхона ёки пенсионер томонидан маълумотлари ишончсиз ҳужжатлар тақдим этилиши оқибатида давлатга зарар етказилган тақдирда, етказилган зарар Ижтимоий суғурта жамғармасига тўланади. Бунда корхона томонидан етказилган зарар ижтимоий таъминот бўлимидан тегишли хабарнома олинган кундан бошлаб, бир ой ичида пенсионер томонидан етказилган зарар эса белгиланган тартибда пенсиядан чегириб қолиш орқали қопланади.

Ўзбекистон Республикаси Вазирлар Маҳкамасининг 1994 йил 11 майдаги қарори билан «Пенсия тайинлаш учун зарур бўлган ҳужжатларни тақдим этиш ва расмийлаштириш тартиби тўғрисида» Низом тасдиқланган

бўлиб<sup>63</sup>, унга кўра пенсия тайинлаш ҳақидаги аризага қўшиб тақдим этиладиган ҳужжатлар рўйхати, ҳужжатларни кўриб чиқиш, тайёрлаш муддатлари ва тартиблари белгилаб қўйилган.

Мазкур Низомда ҳар хил пенсия учун талаб этиладиган ҳужжатлар назарда тутилган. Жумладан, Низомнинг 5 – бандига биноан, ёшга доир пенсия тайинлаш тўғрисидаги аризага:

а) меҳнат стажини (умумий ва маҳсус) тасдиқлайдиган ҳужжатлар;

б) иш ҳақи тўғрисидаги маълумотнома, зарур ҳолларда қуийдагилар тақдим этилади;

в) бола түғилганлиги ва у саккиз ёшгача тарбия қилинганлиги ҳақидаги ҳужжат;

г) аризачининг фарзанди болаликдан ногирон ёки ногирон бола эканлигини тасдиқловчи ҳужжатлар;

д) аризачи уруш иштирокчиси эканлигини тасдиқловчи ҳужжатлар;

е) даволаш муассасасининг аризачи гипофизлар миттилик касалига чалинган (лилипут)лиги ва гавда тузилишида мутаносиблик бузилган пакана эканлиги тўғрисидаги ҳужжат.

Уруш ногиронларига «Фуқароларнинг давлат пенсия таъминоти тўғрисида» Ўзбекистон Республикаси Қонуни 12 – моддасининг «а» бандига мувофиқ, пенсия тайинланганда ва уларнинг пенсияларига Қонуннинг 28 – моддаси «а», «б», «в» бандларига мувофиқ устамалар ҳисобланганда ижтимоий таъминот бўлими аризага тиббий – меҳнат эксперт комиссиясидан (ТМЭК) олинган текширув далолатномасидан кўчирма илова қиласди. Меҳнатда майиблангандлик ёки касб касаллиги оқибатида I ва II гурӯҳ ногирони бўлган вақт иш стажига қўшиладиган ҳолларда аризага ТМЭК текшириш далолатномаларидан кўчирмалар илова қилинади. Низомнинг 6 – бандида ногиронлик пенсияси тайин этилиши сўраб ариза берилаётганида қуийдаги ҳужжатлар тақдим этилиши лозимлиги кўрсатиб қўйилган:

Ногиронлик пенсиясини тайинлаш тўғрисидаги аризага қуийдагилар илова қилиниши керак:

<sup>63</sup> қаранг: Ўзбекистон Республикасининг имтиёзли пенсия таъминоти бўйича норматив ҳужжатлари туплами. Т., «Мехнат», 1994 йил, 80-бет.

а) меҳнат стажини (умумий ва маҳсус) тасдиқловчи ҳужжатлар;

б) иш ҳақи тўғрисидаги маълумотнома.

Агар ногиронлик меҳнатда майибланиш оқибатида содир этилган бўлса, унда баҳтсиз ҳодиса ҳақидаги далолатнома (ёки бошқа расмий ҳужжат) тақдим этилади. Бундан ташқари, зарур ҳолларда қуийидаги ҳужжатлар тақдим этилади:

в) аризачининг ёлғиз ва ўзгалар ёрдамига муҳтоҷ деб тан олинганилиги тўғрисидаги ҳужжат;

г) аризачининг уруш иштирокчиси эканлигини тасдиқловчи ҳужжат.

Ижтимоий таъминот бўлими аризага тиббий – меҳнат эксперт комиссияси (ТМЭК)дан олинган текширув далолатномасидан кўчирмани илова қиласи. Низомнинг 7 – моддасида боқувчисини йўқотганлик пенсияси тайинлашдан олдин ариза билан бирга қуийидаги ҳужжатлар ҳам топширилиши кўзда тутиб қўйилган:

а) пенсия тайинланаёттан шахснинг ёшини тасдиқловчи туғилганлик ҳақидаги гувоҳнома ёки паспорт;

б) оила аъзосининг вафот этган боқувчига қариндошлиги муносабатларини тасдиқловчи ҳужжатлар;

в) фуқаролик ҳолати актларини қайд қилиш бўлимининг боқувчининг вафот этганлиги тўғрисидаги гувоҳномаси ёки унинг бедарак йўқолганлигини тасдиқловчи ҳужжат;

г) оила боқувчинининг ёши тўғрисидаги ҳужжат (агар вафот этганлик ҳақидаги гувоҳномада ёши кўрсатилмаган бўлса);

д) боқувчининг меҳнат стажини тасдиқловчи ҳужжатлар;

е) боқувчининг иш ҳақи тўғрисидаги маълумотнома.

Бундан ташқари, зарур ҳолларда қуийидаги ҳужжатлар тақдим этилади:

ж) боқувчининг қарамогида бўлган унинг оила аъзолари таркиби тўғрисида маҳалла, қишлоқ (шаҳарча), овул (уй – жой органлари) фуқаролари йиғинининг маълумотномаси ёки бошқа ҳужжатлар;

з) умумтаълим мактаблари, касб – ҳунар коллежлари, ўрта маҳсус ва олий ўқув юртларининг оиланинг 16 ёшдан

18 ёшгача бўлган аъзолари ўқувчилар эканлигини тасдиқловчи маълумотномалари;

и) маҳалла, қишлоқ (шаҳарча), овул (уй – жой органлари) фуқаролари йигинининг вафот этганинг отонаси турмуш ўртоғи, буваси, бувиси, акаси (укаси) ёки опаси (синглиси), вафот этганинг З ёшга тўлмаган болалари, aka – укалари, опа – сингиллари ёки набираларига қараш билан баңдлигини ва ишламаётганлигини тасдиқловчи маълумотномаси.

Агар боқувчининг ўлеми меҳнатда майибланиш оқибатида содир бўлган бўлса, баҳтсиз ҳодиса ҳақидаги далолатнома (ёки бошқа расмий ҳужжат) ҳам тақдим этилади. Бунда ижтимоий таъминот бўлими томонидан бошқа ҳужжатлар ҳам талаб қилиниши мумкин. Пенсия тайинлаш учун зарур ҳужжатларнинг асл нусхаси ҳам ёки уларнинг нотариал тартибда ёхуд корхона, ташкилотлар, ижтимоий таъминот бўлимининг бевосита ўзи томонидан тасдиқланган нусхалари ҳам топширилиши мумкин.

Меҳнат стажини тасдиқловчи ҳужжат (меҳнат дафтарчаси, маълумотнома ва бошқалар)нинг фақат асл нусхаси топширилиши талаб қилинади. Низомга кўра, мулкчилик ва тадбиркорлик шаклидан қатъи назар, барча корхона ва ташкилотларнинг иш берувчилари ҳар йилнинг бошида келаётган йилда пенсия ёшига етадиган барча ходимлар, ширкат, дехқон (фермер) ҳўжалиги аъзолари рўйхатини тузиб чиқиши, пенсияга чиқиш ёшига етадиган кундан кечикмасдан ходимга бу ҳақда хабар бериши, ходим пенсияга чиқиш истагини билдиrsa, унинг аризаси асосида зарур ҳужжатларни тайёрлаш ва 10 кун ичида ўз тавсияномаси билан бирга ижтимоий таъминот бўлимига тақдим этиши лозим бўлади.

Ижтимоий таъминот бўлими тақдим этилган ҳужжатларни қабул қилиб олади. Агар улар нотўғри расмийлаштирилган бўлса, у ҳолда камчиликларини кўрсатиб аризачига қайтариб беради. Башарти, камчиликлар 5 кун ичида бартараф этилиб қайта тақдим этилса, у дастлаб ариза берилган кундан бошлаб қабул қилиб олинган ҳисобланади ва ариза 10 кун ичида кўриб, ҳал этилмоғи лозим.

## **2-§. Пенсия тайинлашда ўртача ойлик иш ҳақини ҳисоблаб чиқиш тартиби**

Тайинланадиган пенсиялар миқдорини белгиловчи асосий омил – ўртача ойлик иш ҳақидан иборат. Шу сабабли ўртача ойлик иш ҳақи түғри аниқланиши ва түғри ҳисобланиши муҳим аҳамиятга эгадир.

«Фуқароларнинг давлат пенсия таъминоти түғрисида»ги Қонуннинг 31 – моддасида ўртача ойлик иш ҳақини аниқлашнинг умумий қоидалари белгилаб қўйилган бўлиб, унга кўра, пенсияни ҳисоблаб чиқиш учун, ишдаги танаффуслар мавжудлигидан қатъи назар, бутун меҳнат фаолияти давомидаги исталган кетма – кет келган беш йиллиқдаги (пенсия сўраб мурожаат этган кишининг танлови бўйича) ҳақиқий ўртача ойлик иш ҳақи олинади. Ўртача ойлик иш ҳақи кетма – кет ишланган олтмиш календарь ойдаги иш ҳақининг умумий миқдорини олтмишга бўлиш йўли билан аниқланади. Бунда пенсия сўраб мурожаат этган кишининг хоҳишига қараб, ишга кириш ёки ишдан бўшаш муносабати билан иш кунлари сони тўлиқ бўлмаган ойлар ишланган тўлиқ календарь ойлар сифатида ҳисобга олинади.

Пенсия сўраб мурожаат этган киши беш йилдан оз вақт ишлаган ҳолларда ўртача ойлик иш ҳақи ишланган календарь ойларидаги иш ҳақининг умумий миқдорини шу ойлар сонига бўлиш йўли билан аниқланади. Мавсумий ишларда банд бўлган ходимларга пенсия тайинлашда амалдаги ўртача ойлик иш ҳақи исталган кетма – кет беш мавсумдаги иш ҳақини олтмишга бўлиш йўли билан аниқланади. Пенсияни ҳисоб – китоб қилиш учун энг кам иш ҳақининг етти ҳиссасидан ортиқ бўлмаган иш ҳақи олинади. Пенсияни ҳисоблаб чиқиш учун олинадиган ўртача ойлик иш ҳақи энг кам ойлик иш ҳақи миқдоридан оз бўлган ёки иш ҳақи түғрисидаги маълумотлар умуман бўлмаган ҳолларда иш стажи учун пенсия энг кам ойлик иш ҳақига қараб ҳисоблаб чиқарилади.

Пенсияларни ҳисоблаб чиқиш учун иш ҳақига амалдаги қоидаларга кўра сугурта бадаллари олинадиган меҳнат ҳақининг барча турлари қўшилади, амалдаги иш ҳақи тўлаш тизимида назарда тутилмаган бир марталик хусусиятга эга бўлган тўловлар бундан мустаснодир. Давлат

томонидан ижтимоий сугурталанмайдиган шахсларнинг пенсиясини ҳисоблаб чиқариш учун иш ҳақига сугурта бадаллари олинадиган меҳнат ҳақи турларига ўхшаш пул таъминотининг барча турлари қўшилади.

Пенсия сўраб мурожаат этган кишининг хоҳишига биноан ўқув даврида тўланган стипендия иш ҳақига тенглаштирилади. Иш вақтини ҳисоб – китоб қилиш мумкин бўлмаган ходимларнинг (фермерлар, якка тартибдаги меҳнат фаолияти билан шуғулланувчи шахслар, айрим фуқароларнинг юмушларини бажарувчилар ва ҳоказолар) пенсияларини ҳисоблаб чиқариш учун иш ҳақи миқдори Ўзбекистон Республикаси бюджетдан ташқари Пенсия жамғармасига тўланган сугурта бадаллари миқдорига қараб аниқланади.

Натура ҳолида берилган иш ҳақи Пенсия жамғармасига тўланган ижтимоий сугурта бадаллари миқдорига кўра ҳисобга олинади. Ўзбекистон Республикаси Вазирлар Маҳкамасининг 1994 йил 11 майдаги қарори билан сугурта бадаллари қўшилмайдиган ва пенсияни ҳисоблаб чиқишида ҳисобга олинмайдиган иш ҳақи ва бошқа тўловлар рўйхати тасдиқланган (қарорнинг 9 – иловаси). Унга кўра қўйидагилар ўртacha ойлик иш ҳақини ҳисоблаб чиқиш пайтида ҳисобга олинмаслиги лозим:

1. Фойдаланилмаган таътил учун компенсация.
2. Ишдан бўшаёттанди тўланадиган ёрдам пули.
3. Моддий ёрдам сифатида бериладиган ҳар хил пул нафақалари миқдори.
4. Компенсация тўловлари (хизмат сафарлари бўйича суткаликлар ва суткаликлар ўрнига берилган тўловлар, меҳнаткашларга майиб бўлиш ёхуд уларнинг иши билан боғлиқ ҳолда саломатликка етказилган бошқа шикастланишнинг ўрнини қоплаш учун бериладиган тўловлар).
5. Ходимларнинг айрим тоифаларига текин берилган квартира, коммунал хизмат, ёқилғи, йўл ҳақи қиймати ёки унинг ўрнини қоплаш қиймати.
6. Берилган маҳсус кийим – бош, маҳсус пойабзал ва бошқа якка тартибда ҳимояланиш воситалари, совун, ёғдан тозаловчи воситалар, сут ҳамда даволаш ва касалликни олдини олиш учун овқатлантириш қиймати.
7. Бепул овқат қиймати.

8. Түшлик овқатта бериладиган пул, санаторий – курортларга, дам олиш уйларига бериладиган йўлланмалар қиймати, стационар ва амбулаторияда даволаниш учун тўланадиган ҳақ.

9. Бошқа жойга ишга ўтказилганда ёки ишга ўтганда кўчиб ўтиш, мол – мулкини ташип ва тураржойни ижарага олиш бўйича харажатларнинг ўрнини қоплаш.

10. Доимий иш йўлда ўтадиган ёки кўчиб юриш тусига эга бўлган ҳолларда ёхуд хизмат сафарлари муносабати билан суткалик пул ўрнига иш ҳақига қўшимчалар ва устамалар.

11. Меҳнат учун тақдирланмасдан ишилаган қунлар (шанбаликлар, якшанбаликлар ва бошқалар) учун ҳамда тегишли бюджетта ва хайрия жамғармаларига ўтказиладиган иш ҳақи.

12. Юбилей саналари, туғилган қунлар, узоқ йиллик ва нуқсонсиз меҳнат фаолияти, фаол ижтимоий иши ҳамда бошқа шунга ўхшаш ҳоллар муносабати билан иш ҳақи фонди (меҳнатта ҳақ тўлаш фонди) ҳисобидан бериладиган рағбатлантирувчи тўловлар (мукофотлар ҳам шу жумлага киради).

13. Мусобақалар, кўриклар, танловлар ва бошқаларда мукофотли ўринларни эгаллаганлик учун бериладиган пул мукофотлари.

14. Ишлаб чиқаришдан бўшаган ҳолда ўқишига юборилган ўқувчиларга корхона ва ташкилотлар томонидан тўланадиган стипендиялар.

15. Олий ва ўрта маҳсус ўқув юртини тамомлагандан кейин таътил вақтида ёш мутахассисларга корхона, муассаса ва ташкилот томонидан тўланадиган нафақалар.

16. Давлат ижтимоий суғуртаси бўйича нафақалар, ишсизлик нафақалари, ижтимоий нафақалар ва пенсиялар.

Ишловчиларнинг иш ҳақига минтақавий коэффициент белгиланган ҳудудларда яшовчи шахслар ва оиласларга пенсия тайинлашда минтақавий коэффициент эътиборга олинган ҳолда ҳисоблаб чиқилган амалдаги иш ҳақи ҳисобга олинади.

Бозор иқтисодиёти муносабатларига ўтиш шароитларида юз берган инфляция (пул қадрсизланиши) жараёнлари ва шу туфайли аҳоли даромадларини вақти – вақти билан индексацияланиши оқибатида турли йиллардаги иш

ҳақининг номинал кўрсаткичлари ҳар хил бўлиб қолди ҳамда бу ҳол пенсия тайинлашда ноқулайликларни юзага келтирди. Ушбу поқулайликларни бартараф этиш мақсадида Ўзбекистон Республикаси Вазирлар Маҳкамаси ўзининг 1992 йил 4 сентябрдаги қарорига кўра турли йиллардаги ўртacha иш ҳақини ҳисоблаб чиқариш тартибига тузатиш коэффициенти жорий қилди ва шу йўл билан турли йиллардаги иш ҳақларининг реал миқдорини ўзаро баробарлаштиришга уриниб кўрилди.

Ушбу тузатиш коэффициентлари 1995 йил 1 сентябргача амал қилди ва 1995 йил 1 сентябрдан қайта кўриб чиқилиб, тузатиш киритилди. Ўзбекистон Республикаси Президентгининг 2002 йил 26 мартағи «2002 йил 1 апрелдан бошлаб иш ҳақи, пенсиялар, стипендиялар ва ижтимоий нафақалар миқдорини ошириш тўғрисида»ги Фармони асосида эски тузатиш коэффициентлари ўрнига янги, 1 апрелдан бошлаб қўлланилиши лозим бўлган тузатиш коэффициентлари жорий этилди.

Үнга күра тузатыш коэффициентлари қуидагича бўлади:

№	Даврлар	Қўлланиладиган коэффициентлар	№	Даврлар	Қўлланиладиган коэффициентлар
1.	1971 йилгача	139.2075	28.	1993 й. 1 июн	0.7705
2.	1971 йил	135.6655	29.	1993 й. 1 июл	0.4945
3.	1972 йил	132.296	30.	1993 й. 1 сент.	0.3795
4.	1973 йил	128.064	31.	1993 й. 1 нояб.	0.23
5.	1974 йил	119.4735	32.	1994 й. 1 январ	0.1725
6.	1975 йил	116.8515	33.	1994 й. 1 март	0.1035
7.	1976 йил	114.3445	34.	1994 й. 1 июн	0.069
8.	1977 йил	111.1705	35.	1994 й. 1 июл	68.402
9.	1978 йил	107.433	36.	1994 й. 1 авг.	56.074
10.	1979 йил	105.317	37.	1994 й. 1 сент.	48.7485
11.	1980 йил	102.6145	38.	1994 й. 1 нояб.	37.8235
12.	1981 йил	100.6825	39.	1995 й. 1 январ	37.8235
13.	1982 йил	100.671	40.	1995 й. 1 март	10.1475
14.	1983 йил	98.8195	41.	1995 й. 1 сент.	14.743
15.	1984 йил	98.808	42.	1996 й. 1 январ	14.743
16.	1985 йил	97.616	43.	1996 й. 1 апрел	10.9595
17.	1986 йил	96.439	44.	1996 й. 1 сент.	-7.6475
18.	1987 йил	94.162	45.	1997 й. 1 январ	7.6475
19.	1988 йил	87.9635	46.	1997 й. 1 июн	5.3245
20.	1989 йил	82.5125	47.	1998 й. 1 январ	5.3245
21.	1990 йил	74.4625	48.	1998 й. 1 июл	3.8755
22.	1991 йил	51.382	49.	1999 й. 1 январ	3.174
23.	1992 й. 1 январгача	15.1915	50.	999 й. 1 август	2.4725
24.	1992 й. 1 июлгача	7.107	51.	2000 й. 1 январ	2.4725
25.	1992 й. 1 октябр	3.4155	52.	2000 й. 1 август	1.61
26.	1993 й. 1 январ	2.5185	53.	2001 й. 1 август	1.115
27.	1993 й. 1 апрел	1.800	54.	2002 й. 1 апрел	1.0

### 3-§. Пенсияларни ҳисоблаб чиқариш

Пенсиялар миқдорини ҳисоблаб чиқариш пайтида иш ҳақи миқдори ва меҳнат стажи ҳажми муҳим ўрин тутади. «Фуқароларнинг давлат пенсия таъминоти тўғрисида»ги Қонуннинг 25 – моддасига кўра пенсияларнинг қатъий миқдори уч таркибий қисм:

а) пенсиянинг таянч миқдори;

б) иш стажи учун пенсиянинг оширилиши;

в) пенсияга қўшиладиган устама ҳақлардан ташкил топади.

Ушбу уч таркибий қисмнинг аниқланиши турли пенсия турларида бирмунча ўзига хос хусусиятларга эга бўлса – да, уларни ҳисоблаб чиқарилишида улар асос қилиб олинади.

*Пенсиянинг таянч миқдори.*

Ёшга доир пенсия тайинлашда – пенсия ҳисоблаб чиқариш учун олинадиган ўртача йиллик иш ҳақининг (энг кам ойлик иш ҳақининг етти баробаридан ортиқ бўлмаган доирада) 55 фоизи, лекин энг кам ойлик иш ҳақининг 100 фоизидан кам бўлмаган миқдорда таянч миқдори белгиланади. Масалан, ҳисоблаб чиқарилган ўртача ойлик иш ҳақи 39000 сўм бўлса, унинг бир қисми – 7 баробар энг кам ойлик иш ҳақи миқдоридаги қисми ( $3945 \times 7 \div 27615$ ) олинади. Ушбу 15188 сўм ёшга доир пенсиянинг таянч миқдорини ташкил этади. Бошқа мисол: ҳисоблаб чиқарилган ўртача ойлик иш ҳақи 6500 сўмдан иборат. Ушбу сумма энг кам ойлик иш ҳақининг 7 баробаридан кам бўлгани сабабли унинг ҳаммаси олинади ва унинг 55 фоизи аниқланади ( $6500 \times 0,55 \div 3575$ ). Аммо бу сумма энг кам ойлик иш ҳақи (3945 сўм)дан кам бўлганлиги учун пенсиянинг таянч миқдори энг кам ойлик иш ҳақи миқдоригача қўпайтириб қўйилади.

Ногиронлик пенсиясининг таянч миқдори. I – II гурӯҳ ногиронлари учун ҳисоблаб чиқарилган ўртача ойлик иш ҳақининг (энг кам ойлик иш ҳақининг 7 баробаридан кўп бўлмаган миқдорда) 55 фоизи; III гурӯҳ ногиронлари учун эса ўртача ойлик иш ҳақининг 30 фоизи, аммо энг кам ойлик иш ҳақининг 50 фоизидан кам бўлмаган миқдорда белгиланади. Боқувчисини йўқотганлик пенсиясининг таянч миқдори оиланинг ҳар бир меҳнатта яроқсиз аъзосига ўртача

ойлик иш ҳақининг 30 фоизи, лекин энг кам ойлик иш ҳақининг 50 фоизидан кам бўлмаган миқдорда. Чин етим (ҳам отаси ва ҳам онасидан айрилган) болалар учун пенсия ҳисоблашда унинг ота – онаси ўртача ойлик иш ҳақининг 30 фоизи миқдорида, аммо энг кам ойлик иш ҳақининг 100 фоизи миқдорида белгиланади.

*Иш стажи учун пенсиянинг оширилиши.* Тўлиқ пенсия тайинлашда талаб этиладиганидан ортиқча иш стажининг ҳар бир тўлиқ йили учун пенсиянинг таянч миқдори:

а) ёшга доир пенсия тайинлашда – ҳисоблаб чиқарилган ўртача ойлик иш ҳақининг 1 фоизи миқдорида;

б) I – II гурӯҳ ногиронлик пенсияси тайинлаш пайтида ўртача ойлик иш ҳақининг 1 фоизи миқдорида;

в) III гурӯҳ ногиронларига – ўртача ойлик иш ҳақининг 0,5 фоизи миқдорида;

г) боқувчисини йўқотганлик пенсиялари оиласининг меҳнатга қобилиятсиз ҳар бир аъзоси учун ўртача ойлик иш ҳақининг 0,5 фоизи миқдорида, чин етимлар учун эса ота ва онанинг умумий (бирга қўшилган меҳнат стажи миқдорига кўра (энг кам ойлик иш ҳақининг 7 баробари доирасида) стажидан келиб чиқилгани ҳолда оширилади.

Ўзбекистон Республикаси Президентининг 2002 йил 25 январдаги «Аҳолининг ижтимоий ҳимояга муҳтоҷ қатламларини аниқ йўналтирилган тарзда қўллаб – қувватлашни кучайтириш тўғрисида»ги Фармонига кўра иш стажининг тўлиқ пенсия тайинлаш учун талаб этиладиган миқдордан ортиқ қисмини ҳисоблаб чиқишдаги чеклаш (ўртача ойлик иш ҳақининг 75 фоизидан ортиб кетишига йўл қўйилмаслиги тўғрисидаги чеклаш) 2002 йил 1 январдан бошлаб бекор қилинди.

Пенсия миқдорини ҳисоблашдаги учинчи таркибий қисм – пенсияларга қўшиладиган устама ҳақлардир.

«Фуқароларнинг давлат пенсия таъминоти тўғрисида»ги Қонуннинг 28 – моддасига кўра пенсияларга қўйидаги миқдордаги устама ҳақлар қўшиб берилади:

а) I гурӯҳ уруш ногиронларига – энг кам ойлик иш ҳақининг 150 фоизи;

б) II гурӯҳ уруш ногиронларига – энг кам ойлик иш ҳақининг 125 фоизи;

в) III гурӯҳ ногиронларига – энг кам ойлик иш ҳақининг 75 фоизи;

г) кўзи ожиз I гурӯҳ ногиронларига – энг кам ойлик иш ҳақининг 100 фоизи;

д) I гурӯҳ ногиронларига – энг кам ойлик иш ҳақининг 75 фоизи;

е) II гурӯҳ ёлғиз ногиронларига – энг кам ойлик иш ҳақининг 50 фоизи;

ж) уруш қатнашчилари ва уларга тенглаштирилган шахсларга – энг кам ойлик иш ҳақининг 50 фоизи;

з) Иккинчи жаҳон уруши йилларида мамлакат ичкарисида ишлаган ва ҳарбий мажбуриятни бажарган шахсларга – энг кам ойлик иш ҳақининг – 30 фоизи;

и) вафоти ҳарбий хизмат бурчларини бажариш билан боғлиқ ҳарбий хизматчиларнинг ота – оналари ва хотинларига (янги никоҳдан ўтмаганларга) – энг кам ойлик иш ҳақининг 30 фоизи;

к) Ўзбекистон Республикаси олдида алоҳида хизматлари бўлган шахсларга хизматларига қараб энг кам ойлик иш ҳақининг 100 фоизидан 150 фоизигача;

л) ёшидан қатъи назар имтиёзли пенсияга чиқиш ҳуқуқига эга бўлган артистлар – энг кам ойлик иш ҳақининг 75 фоизи;

м) театр – концерт ташкилотлари артистлари ва бадиий ходимларига, театр ва мусиқа санъати ижодий ходимлари тайёрловчи ўқув муассасаларининг профессор – ўқитувчилари ва концертмейстрларига, Вазирлар Маҳкамаси белгилайдиган рўйхатга кўра – энг кам ойлик иш ҳақининг 50 фоизи».

Одатда устама ҳақларнинг пенсионер танлаши бўйича фақат биттаси берилиши мумкин. Аммо қонун ҳужжатларида назарда тутиб қўйилган ҳолларда бир нечта устама ҳақ берилишига ҳам йўл қўйилиши мумкин. Тайинланган пенсиялар кейинчалик қайта ҳисобланishi мумкин. Пенсияни қайта ҳисоблашга асос бўладиган ана шундай ҳолатлар «Фуқароларнинг давлат пенсия таъминоти тўғрисида»ги Қонуннинг 49 – моддасида қўрсатиб қўйилган бўлиб, улар қўйидаги ҳолларда қайта ҳисобланади:

– пенсионер пенсия миқдорига таъсир кўрсатувчи (пенсия тайинланишигача бўлган иш стажи ва иш ҳақи тўғрисидаги ҳамда бошқа) қўшимча ҳужжатларни тақдим этган тақдирда;

- ногиронлик гурुҳи ўзгарганда;
- боқувчисини йўқотганлик пенсияси оладиган оила аъзолари сони ўзгарганда;
- энг кам ойлик иш ҳақи миқдорлари ўзгарган тақдирда;
- минтақавий коэффициент белгиланган (бекор қилинган) ёки унинг миқдори ўзгарган тақдирда;
- даромадлар индексация қилинган тақдирда амалга оширилади.

Пенсионерлар пенсияни қайта ҳисоблаш учун ана шундай ҳуқуқ пайдо бўлганидан кейин исталган вақтда мурожаат этишлари мумкин. Пенсияни ошириш ҳуқуқи пайдо бўлганида тайинланган пенсияни қайта ҳисоблаш пенсионер пенсияни қайта ҳисоблаш учун мурожаат этган ойдан кейинги ойнинг биринчи кунидан амалга оширилади.

Пенсия миқдорини камайтиришга сабаб бўладиган ҳолатлар вужудга келган тақдирда қайта ҳисоблаш ана шу ҳолатлар пайдо бўлган ойдан кейинги ойнинг биринчи кунидан бошлаб амалга оширилади. Ўзбекистон Республикаси Президентнинг 2002 йил 26 мартағи «2002 йилнинг 1 апрелдан бошлаб иш ҳақи, пенсиялар, стипендиялар ва ижтимоий нафақалар миқдорини ошириш тўғрисида»ги Фармонига мувофиқ, пенсияларнинг энг кам миқдори белгиланди ва у 7800 сўмдан иборат бўлди.

#### **4-§. Пенсияларни тўлаш**

Пенсиялар тайинланган кундан бошлаб, яъни ёшга доир пенсия – пенсия олиш ҳуқуқи пайдо бўлган, ногиронлик белгиланган кундан бошлаб, уч ой ичида мурожаат қилинган бўлса, боқувчини йўқотганлик пенсияси эса марҳум вафот қилган (пенсия олиш ҳуқуқи пайдо бўлган) кундан бошлаб, олти ой ичида пенсия тайинлашни сўраб мурожаат қилган бўлса, – пенсия олиш ҳуқуқи юзага келган кундан, бошқа ҳолларда – ариза берилган кундан бошлаб тайинланади ҳамда ишламайдиган пенсионерларга улар доимий истиқомат қилиб турган жойдаги ижтимоий таъминот бўлимлари томонидан тўланади.

Пенсияга чиққанидан кейин ҳам иш фаолиятини давом эттираётган пенсионерларга эса пенсия улар меҳнат муносабатида бўлиб турган корхона, ташкилот кассаси орқали тўланади. Ишламаётган пенсионерларга пенсия тўлаш Алоқа вазирлиги корхоналари (алоқа бўлимни) ёки пенсионерга шахсий счет очиш орқали ҳалқ банки муассасалари орқали амалга оширилади. Ишламаётган пенсионерларга пенсияларни алоқа корхоналари (алоқа бўлимлари) орқали тўлашга оид бўлган барча масалалар Ўзбекистон Республикаси Ижтимоий таъминот вазирлиги ва Алоқа вазирликлари томонидан биргалиқда тасдиқланган ҳамда Ўзбекистон Республикаси Адлия вазирлигига 1995 йил 30 августда рўйхатга олинган «Ўзбекистон Республикаси Алоқа вазирлиги корхоналари томонидан пенсия ва нафақаларни тўлашга доир қўлланма»да белгилаб берилган<sup>64</sup>.

Пенсия ва нафақа фақат пенсионернинг ёки нафақа олувчининг яшаш жойида (рўйхатдан ўтган ерда) тўланади. Шу сабабли топшириқнома ва рўйхат пенсия ёки нафақа олувчининг яшаш жойидаги алоқа боғламаси (почтамт) учун ҳақиқий ҳисобланади. Пенсия ва нафақа олувчи бошқа боғлама хизмат қиласидан янги жойга кўчиб ўтганда амалдаги топшириқнома белгиланган тартибда ёпилади, рўйхат бўйича пенсия ва нафақа тўланадиган алоқа боғламаларида эса кўчиб кетган пенсионер рўйхатга киритилмайди. Ижтимоий таъминот идоралари пенсия олувчининг янги тураржойидаги алоқа боғламасига янги тўлов ҳужжатларини жўнатади.

Пенсия ва нафақани тўлаш ой сайин нақд пул билан қўйидаги тартибда уйга элтиб бериш орқали амалга оширилади.

- топшириқнома бўйича – 3 кундан 28 кунгача;
- рўйхат бўйича – 4 дан 21 кунгача;
- Тошкент шаҳри бўйича – 1 кундан 18 кунгача.

Пенсия олувчининг алоқа бўлимига топширган аризасига кўра, пенсия ва нафақа тўлашни жадвалда белгиланган кунларда ёки ундан кейин тўлов даврининг охираida бевосита алоқа боғламасининг операцион

<sup>64</sup> қаранг: «Фуқароларнинг давлат пенсия таъминоти тўғрисида»ги Ўзбекистон Республикаси қонунига шархлар. Т., 1996 йил, 214–бет.

(муомала) кассасида амалга ошириш мумкин. Шу билан бирга алоқа идоралари ижтимоий таъминот идоралариға пенсияни бевосита алоқа боғламаларида олишни хоҳловчи пенсионерлар тұғрисидаги хабарни ой сайин маълум қиласы. Пенсия ва нафақаларни тұлаш тұлов ҳужжатларыда күрсатылған қатый белгиланған муддатларда амалга оширилади. Ойлик тұлаш муддати пенсионерга биринчи тұлаш пайтида маълум қилинади. Пенсия ва нафақаларни тұлаш муддати дам олиш кунига ёки байрам кунига тұғри келганды республика банки билан келишилиб, жорий ой давомида белгиланған тұлаш муддатидан уч кун олдин амалга оширилади.

Пенсия биринчи марта тұланғанда пенсия олувчи томонидан топшириқнома паспорти асосида тұлғизилади, пенсия пули миқдорини, пенсия олинган кунни күрсатиб, имзо чекади. паспорт маълумотлари почта ходими томонидан текшириб күрилади. Агар пенсия ёки нафақа пулини олувчи имзо құя олмаса (саводсиз, саломатлық ҳолати бўйича), у бошқа кишини ёки қариндошини чақириши керак (ижтимоий таъминот ва алоқа боғламаси ходимларидан ташқари). У пул олишга қўл қўяди ва ўз паспортининг рақами, серияси, ким томондан ва қачон берилғанligини күрсатади. Почтачи бу маълумотларни күрсатылған ҳужжат билан солиштириб текширади.

Пенсионер, нафақа олувчи пенсия, нафақа олиш ваколатини бошқа кишига ишонч қофози орқали бериши мумкин (8 – илова), бунда ишончнома нотариал тартибда ёки олувчи яшайдиган жойдаги маҳалла, қишлоқ (посёлка), овул фуқаролари йиғинида ёки ишончномани берган пенсионер даволанаётган даволаш муассасалари томонидан тасдиқланиши керак. Пенсия ишончнома бўйича унда күрсатылған муддат ичида, бироқ бир йилдан ортиқ бўлмаган муддат ичида тұланади. Агар ишончномада муддат күрсатылмаган бўлса, у ўз кучини бир йил давомида сақлади.

Ишончнома бўйича нафақалар унда күрсатылған муддат давомида, бироқ фақат ишончнома берилған календарь йил ичида берилади. Янгиланадиган ишончнома бўйича пенсия, нафақа олувчининг доимий яшааш жойида бўлмаган ёки унинг даволаш муассасасида бўлған вақтида тұланиши мумкин. Биринчи тұланғандан кейин ишончнома

олиб қўйилади ва алоқа боғламасида алоҳида тартибда сақланади. Пенсия, нафақани ишончнома билан берганда почтачи (оператор) унинг тўғри расмийлаштирилганлигини текширади. Пенсия ёки нафақани ишончнома билан олувчи шахс топшириқномага ўзининг паспорт маълумотларини (серияси ва рақами, ким томонидан ва қачон берилгани) кўрсатади ва тегишли ойга пул олганлигига имзо қўяди.

Пенсия ва нафақани ижтимоий таъминот ва поча алоқаси ходимларига ишончнома бўйича тўлаш қатъиян тақиқланади. «Фуқароларнинг давлат пенсия таъминоти тўғрисида»ги Қонуннинг 59 – моддасига кўра, пенсионерга ҳисоблаб чиқариб қўйилган, лекин унинг томонидан ўз вақтида талаб қилиб олинмаган пенсия пули пенсияни олиш мақсадида мурожаат этилганидан олдинги уч йилдан ошмаган давр учун тўланади.

Пенсияни тайинловчи ёки тўловчи органнинг айби билан ўз вақтида олинмай қолган пенсия пули ўтган давр учун муддати чекланмаган ҳолда тўланади. Пенсионер вафот этиши туфайли олинмасдан қолган пенсияни тўлаш ва дағи этиш учун нафақа тўлаш тартиблари «Фуқароларнинг давлат пенсия таъминоти тўғрисида»ги Қонуннинг 63 – моддасида белгилаб қўйилган бўлиб, пенсионер олиши лозим бўлган ва унинг вафоти муносабати билан олинмай қолган пенсия пули мерос таркибига киритилмасдан боқувчисини йўқотганлик пенсияси билан таъминланадиган шахслар (19, 20 – моддалар) доирасига кирувчи оила аъзоларига тўланади. Ота – онаси, эри (хотини), шунингдек пенсионер билан у вафот этган кунигача биргаликда яшаб турган оила аъзолари бу пулни, улар боқувчисини йўқотганлик пенсияси билан таъминланадиганлар доирасига кирмаганлари тақдирда ҳам олиш ҳуқуқига эга бўладилар.

Пенсионер вафот этган ой учун олинмай қолган пенсия пули кўрсатиб ўтилган оила аъзоларига ойнинг у вафот этгунга қадар ўтган кунлари учун тўланади.

Оиланинг бир неча аъзоси мурожаат этган тақдирда пенсиянинг тегишли суммаси уларнинг ўртасида тенг тақсимланади. Пенсионер вафот этган тақдирда унинг оиласига ёки пенсионернинг дағи маросимини ўтказган шахсга икки ойлик пенсия миқдорида, лекин энг кам ойлик

иш ҳақининг икки ҳиссасидан кам бўлмаган ҳолда дафи этиш нафақаси тўланади.

Кўрсатиб ўтилган пуллар уларни олиш учун пенсионер вафот этганидан кейин 6 ой ичида мурожаат этилган тақдирда тўланади. Чет элга доимий яшаш учун чиқиб кетишидан олдин тайинланган пенсиялар туман (шаҳар) ижтимоий таъминот бўлимига чиқиб кетиши тўғрисида ариза берилган кундаги ҳолатга кўра пенсия миқдори ҳисобидан чет элга чиқиб кетиши олдидан 6 ойлиги олдиндан тўланади. Бу фуқароларнинг чет элда бўлган вақти учун, агар давлатлараро битимларда (шартномаларда) ўзга қоидалар назарда тутилмаган бўлса, меҳнатда майибланиш ёки касб касаллиги оқибатида тайинланган пенсияларгина тўланади.

Ўзбекистон Республикаси Вазирлар Маҳкамасининг 1994 йил 23 июндаги қарори билан «Меҳнатда майибланиш ва касб касаллиги туфайли тайинланган пенсияларни бошقا мамлакатларга ўтказиш тартиби тўғрисида» Низом тасдиқланган. Пенсиялар тўлаш соҳасида Мустақил Давлатлар ҳамдўстлигига аъзо давлатлар ўртасида 1992 йил 13 марта битим тузилган бўлиб, ушбу битим асосида бу соҳадаги ўзаро ҳамкорлик тартибга солинади. Чин етим болаларга тўлиқ давлат таъминотида турган даврида энг кам ойлик иш ҳақининг 100 фоизи, ота – онасининг биридан жудо бўлган тўлиқ давлат таъминотида бўлган етим болаларга эса энг кам ойлик иш ҳақининг 50 фоизи миқдорида тўланади ва ушбу сумма боланинг номига ҳалқ банкида очилган омонат счетига ўтказиб қўйилади.

Қариялар ва ногиронлар интернат уйларида (пансионатларида) яшовчи ёлғиз пенсионерларга пенсия билан улар таъминоти учун сарф – харажат ўртасидаги фарқ, лекин тайинланган пенсиянинг камида 10 фоизи, уруш ногиронларига эса камида 20 фоизи тўланади. Руҳий беморлар интернат уйларида яшовчи пенсионерларга пенсия тўланмайди. Пенсионер стационар даволанишда (касалхонада ётиб даволанган) бўлган вақт учун пенсия тўлиқ тўланаверади. Пенсионер содир этилган жинояти учун озодликдан маҳрум этилган ёки қамоқ жазосига ҳукм этилган бўлса, пенсия тўлаш у жазони ўтаётган даврда тўхтатиб қўйилади ва жазони ўтаб чиққанидан сўнг берган аризасига биноан уни тўлаш қайта тикланиши мумкин.

Пенсиялар ва улар қўшиб бериладиган устама ҳақлардан солиқ олинмаслиги белгиланган.

*Ишлаб турган пенсионерларга пенсия тўлаш.* Юқорида қайд этилганидек, улар ишлаб турган корхона ва ташкилотлар томонидан иш ҳақи тўлашлик учун белгиланган муддатларда, бир ойда бир марта тўланади. Ишлаб турган пенсионерларга пенсия тўлашининг алоҳида қоидалари Ўзбекистон Республикаси Президентининг 1995 йил 20 ноябрдаги «Ишловчи пенсионерларга тўланадиган пенсиялар тўғрисида»ги ҳамда 1995 йил 28 декабрдаги «Улуғ Ватан уруши йилларида ҳарбий хизматни бажарган ва фронт ортида ишлаган шахсларга пенсия тўлаш тартиби тўғрисида»ги Фармонлари ва кейинчалик қабул қилинган бошқа қонун ҳужжатлари билан белгилаб қўйилган. Ушбу қонун ҳужжатларига кўра, ишлаб турган пенсионерларга тайинланган пенсиянинг 50 фоизи миқдорида тўланади.

Қуйидаги тоифага мансуб бўлган пенсионерларга пенсия улар ишлаб турган бўлса – да, пенсиянинг 100 фоизи миқдорида тўланади:

- 1) Ватан уруши йилларида ҳарбий хизматни ўтаган ва фронт ортида ишлаган шахсларга;
- 2) Ватан уруши қатнашчилари ва ногиронларига (уларга тенглаштирилган шахсларга);
- 3) I – II гуруҳ ногиронларига;
- 4) Чернобиль атом электр станциясида юз берган ҳалокатни бартараф этишда қатнашган, ундан азият чекка шахсларга;
- 5) ўрта ва кичик тиббиёт ходимлари;
- 6) провизорлар;
- 7) ногирон болалар интернат уйларида ва «Меҳрибонлик» уйларида тарбиячи бўлиб, кутубхоначи сифатида ишни давом эттираётган аёллар<sup>65</sup>;
- 8) Фуқаролар йигинлари (маҳалла қўмиталари) раислари<sup>66</sup> ва қонун ҳужжатларида назарда тутилган бошқа шахслар. «Ишлётган пенсионерларга пенсия тўлаш тартиби» Ўзбекистон Республикаси Адлия вазирлиги томонидан 1995 йил 20 декабрда рўйхатта олинган.

<sup>65</sup> қаралсии: Ўзбекистон Республикаси Президентининг 1999 йил 17 марта «Хотин-қизларнинг яхтимой мухофазасини кучайтиришга оид қўшимча чора-тадбирлар тўғрисида»ги Фармони.

<sup>66</sup> қаранг: Ўзбекистон Республикаси Президентининг 1998 йил 23 апреддаги ФП-1990-сонли «Фуқароларнинг ўз-ўзини ботқарип органларини қўллаб-қувватлаш тўғрисида»ги Фармони.

Шунингдек, Ўзбекистон Республикаси Адлия вазирлигининг 1999 йил 16 июнданги рўйхатга олинган «Ёшга доир пенсияга чиққандан кейин ишлаётган аёлларга пенсияларни тўлиқ миқдорда тўлаш тартиби» мавжуд.

1995 йил 20 декабрда рўйхатта олинган «Тартибга» мувофиқ ижтимоий таъминот идоралари ҳисобида турган ва идоравий қарамлиги, мулкчилик ва хўжалик юритиш шакли, шунингдек, меҳнатга ҳақ тўлаш туридан қатъи назар корхоналар, муассасалар, ташкилотларда (жумладан, диний ташкилотларда) ишловчи пенсионерларга пенсия иш жойидан тўланади. Ўриндошлиқ билан ишловчи пенсионерларга пенсия асосий иш жойидан тўланади. Ишловчи пенсионерларга пенсия ижтимоий сугурта жамғармасига ўтказиладиган бадаллар ҳисобидан тўланади. Иш жойидан пенсия тўлаш ўтган ой учун ойнинг иккинчи ярмига тўланадиган иш ҳақи билан бир вақтда тўланади. Пенсия алоҳида рўйхат бўйича берилади.

Ўзи учун боқувчисини йўқотганлик пенсияси олевчи шахслар ишга кирган ҳолларда пенсия 50 фоиз миқдорида иш жойидан тўланади. Бошқа оила аъзоларига боқувчисини йўқотганлик пенсияси олевчи ишловчи фуқароларга (васийларга) пенсия уларнинг яшаш жойидан тўлиқ миқдорда тўланади. Хусусий (шахсий) тадбиркорлик билан шугулланувчи пенсионерларга, шунингдек, деҳқон (фермер) хўжалигида ишловчиларга пенсия уларнинг яшаш жойидаги ижтимоий таъминот идоралари томонидан 50 фоиз миқдорида тўланади (тўлиқ миқдорда пенсия олиш ҳуқуқига эга бўлган пенсионерлардан ташқари). Ижтимоий сугурта жамғармасининг вакиллик бўлимлари солик идоралари билан биргалиқда мазкур тоифадаги пенсионерлар тўғрисида ижтимоий таъминот бўлимига хабар берадилар.

Муддатидан оддин тайинланган пенсия пенсионер ишга кирган заҳоти тўлашдан тўхтатилади. Пенсионер ишга кирган, ишдан бўшаганлиги ҳақидаги маълумотлар корхона иш берувчиси томонидан белгиланган тартиб ва муддатда ижтимоий таъминот бўлимига маълум қилинади. Тайинланган ва тўловга тақдим этилган пенсиядан қонунда назарда тутиб қўйилган ҳоллардагина ҳамда белгилаб қўйилган миқдордан кўп бўлмаган миқдорда чегирма қилиниши (ушлаб қолиниши) мумкин. «Фуқароларнинг

давлат пенсия таъминоти тўғрисида»ги Қонуннинг 65 – моддасига кўра, пенсиялардан чегирмалар:

а) суднинг ҳал қилувчи қарорлари, ажримлари, қарорлари ва ҳукмлари (мулкий ундиришлар борасида), нотариал идораларнинг ижро варақалари ҳамда Ўзбекистон Республикасининг қонун ҳужжатларига мувофиқ ижроси суд ҳал қилув қарорларини ижро этиш учун белгиланган тартибда амалга ошириладиган бошқа ҳал қилувчи қарорлари ва қарорлар асосида;

б) туман (шаҳар) ижтимоий таъминот бўлимининг қарорига биноан, пенсионерга унинг томонидан қилинган суистеъмолликлар оқибатида (қасдан нотўри ҳужжатларни тақдим этиш, боқувчисини йўқотганлик пенсияси тайинланган оила аъзолари таркибидағи ўзгаришлар ҳақида маълумотлар тақдим этмаслик натижасида) ёхуд ҳисоблашдаги ёки бошқа техник хато оқибатида пенсия миқдоридан ортиқча пуллар тўланган тақдирда амалга оширилиши мумкин.

Пенсиялардан юқорида кўрсатиб ўтилганидан ташқари бошқа ҳеч қандай чегирмаларга йўл қўйилиши мумкин эмас. Пенсиядан чегирмалар миқдори пенсионерга тўланиши лозим бўлган пуддан ҳисоблаб чиқарилади. ҳар ойлик чегирмалар миқдори пенсиянинг 50 фойзидан ошиши мумкин эмас. Ортиқча тўланган пенсия пули бўйича қарздорлик тўлиқ узилгунга қадар пенсия тўлаш тўхтатилган ҳолларда (масалан, меҳнат қобилияти тикланганлиги туфайли) қолган қарз суд тартибида ундирилади.

## **5-§. Ҳарбий хизматчиларга пенсия тайинлаш ва тўлаш**

Ўзбекистон Республикаси Мудофаа вазирлиги, Ички ишлар вазирлиги, Миллий хавфсизлик хизмати ва бошқа ҳарбий тузилмаларнинг ҳарбий хизматчиларига (офицерлар, прaporчiklar, мичманлар ва бошқа муддатдан ташқари ҳарбий хизматдаги ҳарбий хизматчилар) собиқ СССРнинг бугунги кунда Ўзбекистон Республикасида амалда бўлиб турган «ҳарбий хизматчиларнинг пенсия таъминоти тўғрисида»ги Қонунга мувофиқ қуийдаги пенсиялар тайинланади:

а) узоқ йиллик ҳарбий хизмат пенсияси;  
б) ҳарбий хизмат ногиронлик пенсияси;  
в) ҳарбий хизматчи вафот этган тақдирда унинг қарамоғида бўлиб келган меҳнатта яроқсиз шахсларга тайинланадиган боқувчисини йўқотганлик пенсияси. Юқорида эслатиб ўтилган қонунда ушбу пенсияларни олиш ҳуқуқига эга бўлган шахслар доираси, пенсия тайинлаш асослари ва шартлари кўрсатиб қўйилган.

Ҳарбий хизматчи ва унинг оила аъзоларини пенсия билан таъминлаш, пенсияни тайинлаш ҳамда тўлаш тегишли ҳарбий органларнинг пенсия бўлимлари томонидан қонун ҳужжатларида белгилаб қўйилган тартиб ҳамда муддатларда амалга оширилади.

1) ҳарбий хизматчиларга узоқ йиллик хизмат қилганлик пенсиясини тайинлаш

«ҳарбий хизматчиларнинг пенсия таъминоти тўғрисида»ги Қонуннинг 13 – моддасига кўра, узоқ йиллик хизмат пенсиясини олиш ҳуқуқига қуийдагилар эга бўладилар:

а) офицерлар, прaporшиклар, мичманлар, муддатидан ташқари хизматни ўтаётган ҳарбий хизматчилар, Ички ишлар вазирлиги, Миллий хавфсизлик хизмати ва бошқа ҳарбий органларнинг бошлиқлар ҳамда оддий хизматчилар таркибидан бўлган шахслари – камида 20 йил ва ундан кўп хизмат қилган бўлсалар;

б) офицерлар, прaporшиклар, мичманлар, ўрта, катта ва олий бошлиқлар таркибига кирувчи Ички ишлар вазирлиги, Миллий хавфсизлик хизмати ва бошқа ҳарбий органларнинг ходимлари – 50 ёш ва ундан кейин ушбу ҳарбий хизматдан ёши туфайли ёки касаллиги, штатлар сони қисқартирилганлиги ёхуд саломатлиги аҳволи чекланганлиги оқибатида ҳарбий хизматдан бўшатилган бўлсалар ҳамда хизматдан бўшатилган кунга келиб камида 12 йилу 6 ой ҳарбий хизмат муддатига, камида 25 йил умумий меҳнат стажига эга бўлсалар.

Узоқ йиллик хизмат пенсиясининг миқдори қуийдагича бўлади:

а) 20 йиллик ҳарбий хизмат даври учун пул тўловларининг 40 фоизи, ёши ёки касаллиги туфайли хизматдан бўшатилган ҳарбий хизматчиларга эса – йиллик тўловларнинг 45 фоизи; 20 йилдан ортиқча ҳарбий

хизматнинг ҳар бир йили учун тегишли ойлик тўловнинг 3 фоизи, аммо унинг 75 фоизидан ортиқ бўлмаган миқдорда.

Камида 12 йилу 6 ой хизмат қилган, умумий меҳнат стажи 25 йилдан кам бўлмаган 50 ёшдан ошган ҳарбий хизматчилар, Ички ишлар вазирлиги, Миллий хавфсизлик хизмати ва бошига ҳарбий органлар хизматчилари учун умумий 25 йиллик иш стажи учун ҳарбий хизматчи ойлигининг 40 фоизи ва 25 йилдан ортиқча ҳар бир тўлиқ меҳнат стажи йили учун 1 фоиздан қўшимча ҳақ миқдорида пенсия тайинланади.

Ҳарбий хизматчиларнинг энг кам пенсияси миқдори пенсияларнинг расман белгиланган энг кам миқдоридан кам бўлмаслиги керак.

Ҳарбий хизматчиларнинг узоқ йиллик хизмат пенсияларига улар қарамоғида меҳнатта яроқсиз оила аъзолари борлиги, улар I гурӯҳ ногирони, 80 ёшдан ошган пенсионерлар уларнинг қарамоғларида эканлиги ҳисобга олинниб, устамалар қўшиб беришлик назарда тутилган.

2) ҳарбий хизматчиларга ногиронлик пенсиясини тайинлаш

ҳарбий хизматчи сифатида ногиронлик пенсиясини олишга қўйидагилар ҳақли бўладилар:

а) агар ногиронлик ҳарбий хизмат бурчини ўташ пайтида юз берган бўлса;

б) ҳарбий хизматдан бўшатилгандаридан сўнг уч ой ўтмасдан юз берган бўлса;

в) ногиронлик кейинчалик юз берган бўлса – да, аммо унинг сабаблари ҳарбий хизматни ўташ даврида олинган яраланиш, контузия ёки жароҳатлар оқибатида юз берган бўлса.

Ногиронлик гурӯҳлари, сабаблари ва юз бериш вақти ТМЭК томонидан қонун ҳужжатларида белгиланган тартибда белгиланади. Ногиронлик, унинг сабабларига кўра уруш ногирони ва ҳарбий хизмат билан боғлиқ бўлмаган ногиронликка бўлинади.

Ҳарбий хизматчиларга қўйидаги миқдорда ногиронлик пенсияси тайинланади:

а) I – II гурӯҳ уруш ногиронларига ойлик пул тўловларининг 75 фоизи;

б) III гурӯҳ уруш ногиронларига ойлик маошларининг 50 фоизи;

в) бошқа ногиронларга: I – II гурӯҳлар учун 55 фоиз, III гурӯҳ ногиронлари учун эса 30 фоиз ойлик маошлари миқдорида.

Ҳарбий хизматчиларнинг ногиронлик пенсияларига қонун ҳужжатларида белгилаб қўйилган миқдорда устамалар қўшиб берилади («ҳарбий хизматчиларнинг пенсия таъминоти тўғрисида»ги Қонуннинг 27 – моддаси).

3) ҳарбий хизматчиларнинг оила аъзоларига боқувчисини йўқотганлик пенсиясини тайинлаш

ҳарбий хизматчиларнинг оила аъзолари боқувчисини йўқотганлик пенсиясини олишга қўйидаги ҳолларда ҳақли бўладилар:

а) агар боқувчи ҳарбий хизматни ўташ даврида вафот этган бўлса;

б) агар боқувчи ҳарбий хизматдан бўшатилгач уч ой ўтмасдан туриб вафот этса;

в) агар боқувчи хизматдан бўшатилгач, 3 ойдан кўп вақт ўтгач вафот этган бўлса – да, аммо унинг ўлимига хизматни ўташ даврида юз берган яраланиш, контузия ва бошқа жароҳатлар сабаб бўлган бўлса;

г) вафот этган пенсионер ҳарбий хизматчи пенсия олаётган даврда ёки пенсия тўлаш тўхтатилганидан сўнг 5 йил ўтмасдан туриб вафот этган бўлса;

д) ҳарбий ҳаракатлар даврида бедарак йўқолган ҳарбий хизматчиларнинг оила аъзолари вафот этган ҳарбий хизматчи оила аъзоларига тентглаштириладилар.

ҳарбий хизматчи оила аъзоси сифатида боқувчисини йўқотганлик пенсияси олиш ҳуқуқига унинг қарамоғда бўлиб келган, меҳнатта яроқсиз бўлган қўйидаги шахслар ҳақли саналадилар:

а) марҳум ҳарбий хизматчининг 18 ёшга тўлмаган болалари, 18 ёшга етмаган ука – сингиллари, набиралари, 18 ёшга етган бўлса – да, ногирон болалари, ука – сингиллари, набиралари (агар уларнинг меҳнатга яроқли ота – оналари бўлмаса);

б) 60 ёшдан ошган отаси, 55 ёшдан ошган онаси ёки бу ёшга етмаган бўлса – да – ногирон бўлсалар;

в) марҳумнинг 8 ёшга етмаган боласи парвариши билан банд бўлган ва ишламаётган хотини (эри), ота – онаси, бобоси, буваси, опа – сингиллари ёшидан қатъи назар;

г) марҳумнинг бобоси ва бувиси агар қонун бўйича уларни боқишига мажбур бўлган бошқа қариндошлари бўлмаса.

Ота – онасидан маҳрум бўлиб қолган (чин етим) ҳарбий хизматчининг болаларига улар тўлиқ давлат таъминотида бўлган ҳолларда ҳам пенсия 100 фоиз тўланади. Бошқа етим болалар (ҳарбий хизматчи болалари) давлат таъминотида бўлганларида эса тайин этилган пенсиянинг 25 фоизи тўланади.

Ҳарбий хизматчининг хотини (эри) янги никоҳга кирганида ҳам боқувчисини йўқотганлик пенсияси олиш ҳуқуқини сақлаб қолади.

Ўтай ота, ўтай она башарти, вафот этган ҳарбий хизматчи ўтай фарзандни камида 5 йил тарбиялаган ёки таъминлаган бўлса, боқувчисини йўқотганлик пенсияси олишга ҳақли оила аъзолар таркибига киради. Фарзандликка олувчилар ва фарзандликка олинувчилар умумий асосларда боқувчисини йўқотганлик пенсияси олишга ҳақли бўладилар. Боқувчисини йўқотганлик пенсиясининг миқдори Ўзбекистонни ҳимоя қилиш пайтида ва бошқа ҳарбий ҳаракатлар пайтидаги яраланиш, контузия ёки жароҳатлардан вафот этган ҳарбий хизматчилар (Ички ишлар вазирлиги, Миллий ҳавфсизлик хизмати ва бошқа ҳарбий органларнинг ходимлари)нинг пенсия олишга ҳақли бўлган меҳнатга яроқсиз ҳар бир оила аъзосига марҳум ҳарбий хизматчи ойлик маошининг 40 фоизи миқдорида пенсия тайинланади.

Ҳарбий хизмат ва ҳарбий бурчни бажариш билан боғлиқ бўлмаган сабаблар туфайли вафот этган ҳарбий хизматчиларнинг қарамогида бўлган меҳнатга яроқсиз оила аъзоларининг ҳар бирiga марҳум ҳарбий хизматчи ойлик маошининг 30 фоизи миқдорида пенсия тайинланади.

Ҳарбий хизматчи оила аъзоларига тайинланадиган боқувчисини йўқотганлик пенсиясининг энг кам миқдорлари қонун ҳужжатларида белгиланган (ҳарбий хизматчиларнинг пенсия таъминоти тўғрисида»ги Қонуннинг 40 – моддаси).

Ҳарбий хизматчи оила аъзоларига ягона пенсия тайинланади ва ҳар бир оила аъзоси талаби билан умумий боқувчисини йўқотганлик пенсиясидан тегишли ҳисса ажратиб берилиши мумкин.

Ҳарбий хизматчиларга ва уларнинг оила аъзоларига пенсиялар тайинлаш тартиби, муддатлари ҳамда пенсияларнинг тўланиш тартиблари «ҳарбий хизматчиларнинг пенсия таъминоти тўғрисида»ги Қонунда (Қонуннинг VI (51 – 54 – моддалари) ва VII (55 – 63 – моддалари) бўлимларида ҳамда тегишли ҳарбий идора (Мудофаа вазирлиги, Ички ишлар вазирлиги, Миллий хавфсизлик хизмати ва бошқалар) томонидан қабул қилинадиган идоравий меъёрий ҳужжатлар билан<sup>67</sup> тартибга солинади.

Ҳарбий хизматчи ёки унинг оила аъзолари ҳарбий хизмат пенсияси ўрнига ўз хоҳишлари билан умумий (фуқаролик) пенсияларини олишга ҳам ҳақли бўладилар.

### *9 – чизма*

#### Пенсия тайинловчи органлар

**Ёшга доир, ногиронлик, боқувчинин  
йўқотганлик пенсияларини  
тайинлайдилар ва тўлайдилар**

**Туман (шаҳар)  
ижтимоий таъминот  
бўлимлари**

**Мудофаа вазирлиги ва ҳарбий хизмат  
уталадиган бошқа вазирлик ва идоралар  
(ИИВ, МХХ, Чегара қўшивлари ва  
бошқалар) пенсия бошқармалари**

### *10 – чизма*


**Пенсияни ҳисоблаб чиқариш пайтида унинг  
таъянч миқдори, иш стажи учун қўшимча ва  
устама ҳақлар пенсия миқдорини белгилаш  
асоси бўлиб хизмат қиласди**

Пенсиянинг таъянч миқдори  
(ёшга доир, I – II гурӯҳ  
. ногиронлик пенсиясида  
ўртача иш ҳақининг 55  
фоизи;  
III гурӯҳ ногиронлигига –  
30 фоизи, боқувчинин  
йўқот – гаплик пенсиясида  
– ҳар бир пенсия олувчига  
марҳум иш ҳақининг 30  
фоизи.

Белгиланганидан ортиқ  
мехнат стажи учун  
қўшимча ҳақ (чегара  
олиб ташланган)

Тайинланган пенсияга  
устама ҳақ қўшиб  
берилиши (Қонуннинг  
28 – моддаси)

<sup>67</sup> Масалан, қаранг: Ўзбекистон Республикаси Адлия вазирлиги томовидан 1999 йил 21 декабрда рўйхатга олинган «Ўзбекистон Республикаси Ички ишлар вазирлиги пенсионерларига пенсияларни тулашининг вақтинчалик тартиби.



### *Билимларингизни текшириб күринг*

1. Пенсияларни тайинлаш тартиби ҳақида нималарни биласиз?
2. Пенсиялар қайси органлар томонидан тайин этилади?
3. Пенсия сұраб мурожаат эттеге қандай ҳужжатлар тақдим этилиши лозим?
4. Пенсия тайинлаш учун үртача ойлик иш ҳақини ҳисоблаш қандай тартибда амалга оширилади?
5. Пенсияларнинг таянч миқдори, ортиқча иш стажи учун қўшиб берилиши ва устамалар ҳақида нималарни биласиз?
6. Пенсияларни тұлаш тартиби қандай?
7. Ишләёттан пенсионерларга пенсия тұлаш қандай хусусиятта эга?
8. Пенсиядан чегирмалар қилиш қоидаларини сўзлаб беринг.

### *Тавсия этиладиган адабиётлар*

1. Каримов И.А. Ўзбекистон XXI асрға интилмоқда. Т., «Ўзбекистон», 1999 йил.
2. Ўзбекистон Республикаси Конституцияси. Т., «Адолат», 2001 й.
3. Ўзбекистон Республикасининг «Фуқароларнинг давлат пенсия таъминоти тұғрисида»ги Қонуни.
4. «Ҳарбий хизматчиларнинг пенсия таъминоти тұғрисида»ги собиқ СССР Қонуни. 1950 йил 28 апрель.

5. Ўзбекистон Республикаси Вазирлар Маҳкамасининг 1994 йил 11 майда тасдиқланган «Пенсиялар тайинлаш учун зарур бўлган ҳужжатларни тақдим этиш ва расмийлаштириш тартиби тўғрисида»ги Низом.

6. Ўзбекистон Республикаси Президентининг 1995 йил 20 ноябрдаги «Ишловчи пенсионерларга тўланадиган пенсиялар тўғрисида»ги Фармони.

7. Ўзбекистон Республикаси Президентининг 1995 йил 28 декабрдаги «Иккинчи жаҳон уруши йилларида ҳарбий хизматни бажарган ва фронт ортида ишлаган шахсларга пенсия тўлаш тартиби тўғрисида»ги Фармони.

Турсунов Й. ва бошқалар. Ижтимоий таъминот ҳуқуқи. Ўқув қўлланма. Т., «Молия», 2001 йил.

## **IX БОБ. ИЖТИМОИЙ ТАЪМИНОТ ХУҚУҚИДА НАФАҚАЛАР**

### **1–§. Нафақалар тушунчаси, уларнинг умумий таснифи ва ижтимоий таъминот хуқуқида тутган ўрни**

Бозор муносабатлари қарор топиши шароитида ахолини ижтимоий муҳофаза қилиш шаклларидан бири – нафақалар бўлиб, улар пенсиялардан кейин, иккинчи ўринда туради ва ахолининг муайян noctor табақаларига аниқ йўналтирилганлиги билан ажралиб туради.

Ўзбекистон Республикаси Президенти И.А.Каримов таъкидлаганидек: «Қанчалик қийин бўлмасин, давлат ва жамият пенсионерлар, серфарзанд оилалар, талабалар ҳамда ахолининг кучли ижтимоий муҳофазага мухтоҷ бўлган бошқа табақалари хусусида ғамхўрлик қилишни бир дақиқа бўлса ҳам унугани йўқ»<sup>68</sup>. Шуни айтиш кофояки, Ўзбекистон Республикаси Вазирлар Махкамаси томонидан 2002 йил 24 январда тасдиқланган «Қарияларни қадрлаш йили» давлат дастурини рўёбга чиқариш учун 91,3 миллиард сўм маблағ сарфлаш назарда тутилган. Фақат 1999 йилнинг ўзида 1,8 миллион оила ишончли ижтимоий химоя билан таъминланган бўлиб, йилнинг биринчи ярмида ана шу мақсад учун 19 миллиард сўм маблағ ажратилган<sup>69</sup>. 2002 йил 1 январга келиб эса 2200 минг оила ижтимоий ёрдам олган, фуқароларнинг 14 тоифасига нафақаларнинг 136 тури берилмоқда, 16 минг киши бепул озиқ – овқат махсулотлари билан таъминланмоқда<sup>70</sup>.

Ўзбекистонда ижтимоий қўллаб – қувватлаш, нафақалар билан таъминлаш, ижтимоий ёрдам кўрсатиш тобора ахолининг noctor қатламларига аниқроқ йўналтирилмоқда ва бунда фуқароларнинг ўзини ўзи бошқариш органларининг ахамияти ҳамда ваколатлари мунтазам ошириб борилмоқда. «Давлат, жамият ва шахс ўртасидаги муносабатлар демократик тус олмоқда, – деган эди Республика Президенти И.А.Каримов, – Давлатга қарашли бўлмаган тузилмаларнинг ваколатлари

<sup>68</sup> Ҳаранг: Ислом Каримов. Ҳозирги босқичда демократик ислохотларни чуқурлаштиришнинг мухим вазифалари. // Янгича фикрлаш ва ишлаш – давр талаби. 5-том, Т., «Ўзбекистон», 1997 йил, 113-бет.

<sup>69</sup> Ҳаранг: «Народное слово» газетаси, 1999 йил 11 сентябрь.

<sup>70</sup> НТВ, 2002 йил, 1-сон.

кенгаймоқда. Уларнинг ижтимоий муносабатларни ривожлантиришда, жамиятни бошқаришда тутган ўрни тобора салмоқли ва фаол бўлиб бормоқда»<sup>71</sup>.

Ахолининг аниқ йўналтирилган ижтимоий қўллаб-қувватлашни кучайтиришга қаратилган қонунчилик фаолияти тобора кучайиб бормоқда ва хозирги пайтда ушбу масала ўзининг зарурий хуқуқий базасига, бугунги кун талабларини ўзида акс эттирувчи қонунчилик тизимига эга бўлди. Бунда айниқса, Ўзбекистон Республикаси Президентининг 1996 йил 10 декабрдаги «Болали оиласлар давлат томонидан қўллаб-қувватлашни янада кучайтириш тўғрисида»ги Фармони ва унинг асосида қабул қилинган хукумат қарорлари, Ўзбекистон Республикаси Президентининг 1999 йил 13 январдаги «Ахолини аниқ йўналтирилган ижтимоий мадад билан таъминлашда фуқароларнинг ўзини ўзи бошқариш органлари ролини ошириш тўғрисида»ги ва 2002 йил 25 январдаги «Ахолини ижтимоий химояга муҳтож қатламларини аниқ йўналтирилган тарзда қўллаб-қувватлашни кучайтириш тўғрисида»ги Фармонлари алохида ўрин тутади.

Нафақа хуқуқий категория сифатида фуқароларга ёки оиласга давлат ижтимоий суғуртаси маблағлари, давлат бюджети хамда бошқа маҳсус манбалардан пул шаклида, мунтазам равишда ёки бир марта кўрсатиладиган ижтимоий ёрдамдан иборат бўлиб, пенсиялардан фарқ қиласди ва одатда ёрдамчи хусусиятга эга бўлади хамда фуқаро турмуш кечиришининг асосий манбай бўлиб хисобланмайди. Пенсияларга хос бўлган асосий хусусиятлар – пул шаклида берилиши, қайтариб олинмаслик шарти билан ва текинга берилиши кабилар нафақаларга хам хосдир. Пенсиялардан фарқли ўлароқ, нафақалар вақтингчалик хусусиятга эга, турмуш даражасини таъминлашнинг қўшимча манбай бўлиб саналади ва нафақалар тайинланишида нафақа олувчининг аввалги меҳнат фаолияти ва меҳнат стажи унчалик катта ахамиятга эга бўлмайди.

Нафақалар ўз манбаларига кўра:

1) Давлат ижтимоий суғуртаси маблағларидан (бюджетдан ташқари Пенсия жамғармаси маблағларидан) тўланадиган нафақалар;

<sup>71</sup> Ислом Каримов. Демократик ўзқарашлар – жамиятимиз янгиланиши асоси // Янгича фикрлар ва ишлар – давр талаби. 5-том. Т., «Ўзбекистон», 1997 йил, 288-бет.

2) Давлат бюджет маблағларидан тўланадиган нафақалар;

3) Бошқа манбалардан тўланадиган нафақаларга бўлинади.

Даврийлигига кўра:

1) Мунтазам тарзда узоқ муддат давомида тўланадиган нафақалар;

2) Бир марта тўланадиган нафақаларга бўлинади.

Нафақани олувчилар тоифасига кўра:

1) Айрим фуқароларга тайинланадиган;

2) Оиласа тайинланадиган нафақалар мавжуд.

Булардан ташқари, нафақалар:

1) корхона ва ташкилотларнинг ходимларига тўланадиган;

2) болаларга тўланадиган;

3) ногиронларга тўланадиган;

4) ёлғиз қарияларга тўланадиган нафақаларга ва бошқа турдаги нафақаларга бўлиниши мумкин.

Нафақаларнинг турларини, уларни тайинлаш ва тўлашга оид қонунчилик қоидаларини билиш бу соҳада қонунчиликнинг таъминланиши, ижтимоий адолат қарор топтирилишида катта ахамиятга эга.

## **2-§. Давлат ижтимоий сугуртаси бўйича нафақалар тайинлаш ва тўлаш**

Давлат ижтимоий сугуртаси бўйича тайинланадиган ва тўланадиган нафақалар фуқароларни нафақалар билан таъминлашда етакчи ўрин тутади.

Ижтимоий таъминотнинг ушбу шакли фуқароларга Ўзбекистон Республикаси Конституциясида назарда тутилган муҳим хуқуқларнинг амалга оширилишини кафолатлайди (Конституциянинг 39 – моддаси давлат ижтимоий сугуртаси бўйича нафақалар тайинлаш ва тўлашнинг хуқуқий асоси бўлиб, Ўзбекистон Республикаси Мехнат кодекси (XVI боб, 282 – 294 – моддалар)<sup>72</sup>; Ўзбекистон Республикаси Вазирлар Махкамасининг 2000 йил 15 ноябрдаги «Ўзбекистон Республикасида пенсия

<sup>72</sup> Қаранг: Ўзбекистон Республикасининг Мехнат кодекси, Т., «Адолат», 1999 йил.

таъминоти тизимларини янада такомиллаштириш чора – тадбирлари тўғрисида»ги қарори; 2001 йил 16 марта олинган «Мажбурий бадаллар ва давлат ижтимоий сугуртаси бўйича ажратмаларни бюджетдан ташқари пенсия жамғармасига хисоблаб чиқариш ва тўлаш тартиблари тўғрисида»ги йўриқнома<sup>73</sup>; Ўзбекистон Республикаси Вазирлар Махкамасининг 2001 йил 24 августдаги қарори билан тасдиқланган «Юридик шахс бўлмасдан тадбиркорлик фаолияти билан шуғулланувчи жисмоний шахсларнинг меҳнат стажини хисобга олиш ва бюджетдан ташқари Пенсия жамғармасига бадаллар тўлаш тартиби» хамда «Дехқон хўжалиги аъзолари ижтимоий сугуртаси ва ижтимоий таъминоти тўғрисида»ги Низом<sup>74</sup> ва нихоят, Ўзбекистон Республикаси Адлия вазирлиги томонидан 2002 йил 14 май куни рўйхатта олинган «Давлат ижтимоий сугуртаси бўйича нафақалар тайинлаш ва тўлаш тартиби тўғрисида»ги Низом билан<sup>75</sup> ва бошقا бир қатор меъёрий хужжатлар билан тартибга солинади.

Давлат ижтимоий сугуртаси бўйича нафақалар тайинланиши нафақа олишга талабгор фуқаронинг (ёки унинг оила аъзосини) меҳнат фаолияти билан, унинг учун иш берувчилар томонидан ёки бевосита ўзи томонидан бюджетдан ташқари Пенсия жамғармасига ижтимоий сугуртаси ўз вақтида, тўлиқ ва мунтазам равишда тўлаб берилганлиги билан борлиқ қилиб қўйилган. Яъни ижтимоий сугурта бадаллари тўланмайдиган иш фаолияти билан шуғулланиш ёки сугурта бадалларини мунтазам тўланмаганлиги одатда ижтимоий сугурта бўйича нафақалар олиш хуқуқи пайдо бўлмаслигига сабаб бўлади, «Сугурта бадаллари тўланмаган бўлса нафақа хам тайинланмайди» деган тамойил амал қиласи. Аммо Ўзбекистон Республикаси Меҳнат кодексининг 284 – моддаси, иккинчи қисмига кўра: «Иш берувчининг давлат ижтимоий сугуртаси учун бадал тўламаганлиги сугурта қилинган ходимни давлат ижтимоий сугуртаси маблағлари хисобидан таъминланиш хуқуқидан маҳрум қilmайди».

<sup>73</sup> қаранг: Ўзбекистон Республикаси вазирларлари, давлат қўмиталари ва идораларининг норматив хужжатлари Ахборотномаси. 2001 йил, 6-сон.

<sup>74</sup> қаранг: Ўзбекистон Республикасининг қонун хужжатлари тўплами, 2001 йил, 16-сон, 109-модда.

<sup>75</sup> қаранг: Ўзбекистон Республикаси вазирларлари, давлат қўмиталари, идоралари меъёрий хужжатлари Ахборотномаси. 2002 йил, 9-сон.

Корхоналар ихтиёрий тұламаган ёки кечиктирган сұғурта бадаллари кейинчалик мажбурий тарзда ундириб олинади.

Давлат ижтимоий сұғуртаси бүйича нафақалар ижтимоий сұғурта қилинган ходимларга, Ўзбекистон Республикаси қонунчилигида күзда тутилған холларда бошқа фуқароларға хам берилади. Умумий қоидага күра ходим иш берувчи билан меҳнат мұнисабатларыда (синов даврида хам) бұлған даврда унда нафақа олиш хуқуқи пайдо бұлса берилади. Айрим холларда ишдан бүшаган ходимларға хам нафақа тайинланиши мүмкін.

«Давлат ижтимоий сұғуртаси бүйича нафақалар тайинлаш ва тұлаш тартиби тұғрисида»ги Низомнинг (кейинги ўринларда Низом деб юритилади) 1 – баңдига күра, бюджетдан ташқари Пенсия жамғармаси маблағлари хисобидан ижтимоий сұғурта бүйича қуидеги нафақалар берилади:

- вактинге меҳнатта қобилиятсизлик учун;
- хомиладорлық ва туғиши учун;
- бола туғилғаны учун;
- құшымча дам олиш куни учун;
- дағы этиш маросими учун.

Энди ушбу нафақаларни тайинлашнинг үзиге хос хусусиятларини батафсилроқ күриб чиқамиз.

### *1. Вактинге меҳнатта қобилиятсизлик нафақаси*

Вактинге меҳнатта қобилиятсизлик пайтида бериладиган нафақа давлат ижтимоий сұғуртаси бүйича тайинланадиган нафақаларнинг асосий түри хисобланади.

«Вактинге меҳнатта қобилиятсизлик» тушунчаси қонун хужжатларыда көнг маңнода талқын этилади ва касаллук ёки жарохат олиш туғайли меҳнат лаेқати вактинге йүқолиб қолищдан бошқа бир қатор холаттарни хам үз ичига олади.

«Давлат ижтимоий сұғуртаси бүйича нафақалар тайинлаш ва тұлаш тартиби тұғрисида»ги Низомнинг 9 – баңдига күра, қуидеги холларда вактинге меҳнатта қобилиятсизлик нафақаси берилиши күзде тутилған:

- а) вақтингча мөхнат қобилиятыни йўқотиш билан боғлиқ касалликда (шикарсланишда);
- б) санаторий – курортларда даволанганда;
- в) касалланган оила аъзосини парваришилаш зарур бўлганда;
- г) карантинда;
- д) сил ёки касб касаллиги туфайли вақтингча бошқа ишга ўтказилганда;
- е) мөхнат қобилиятыни тиклаш ёки ясама аъзо (протез) қўйдириш учун реабилитация муассасаларига ётқизилганда.

Демак, вақтингча мөхнатга қобилиятсизлик тушунчаси анча кенг маънога эга. Вақтингча мөхнатга қобилиятсизлик нафақаси фақат белгиланган тартибда, берилган вақтингча мөхнатта лаёқатсизлик варақаси (касаллик варақаси) асосидагина тайинланиши мумкин.

«Ишлаётган фуқароларнинг ва ўкувчиларнинг вақтингча мөхнатта лаёқатсизлигини Ўзбекистон Республикаси даволаш – профилактика муассасаларида экспертизадан ўтказиш тўғрисида»ги Низом Ўзбекистон Республикаси Адлия вазирлигига 2000 йил 19 январда рўйхатта олинган бўлиб<sup>76</sup>, унга асосан ногирон бўлмаса – да, муайян мөхнат шароитига муҳтоҷ шахслар учун тавсия этиладиган ишлар; узоқ ёки доимийга мөхнат қобилиятыни йўқотган шахсларни аниқлаш ва уларни текшириш учун ТМЭКларга юбориш; даволаш – диагностика жараёнларини тўғри ташкил этиш, мөхнатта лаёқатсизлик сабабларини тахлил қилиш ва уларни бартараф этиш юзасидан тавсиялар бериш каби тадбирлар амалга оширилади. Мазкур Низомда вақтингча мөхнатга қобилиятсизликни экспертизадан ўтказишга ваколатли бўлган даволаш – профилактика органлари, уларнинг ваколатлари, хуқуқлари ва мажбуриятлари хамда жавобгарликлари белгилаб берилган.

Ўзбекистон Республикаси Адлия вазирлиги томонидан 2000 йил 19 январь куни «Мөхнатга қобилиятсизлик варақалари ва маълумотномаларини бериш тартиби тўғрисида»ги йўриқнома рўйхатта олинган<sup>77</sup>. Ушбу йўриқномада айтилишича, мулкчилик шакли, хўжалик мансублиги хўжалик фаолиятининг туридан қатъи назар,

<sup>76</sup> қаранг: Ўзбекистон Республикаси вазирлклари, давлат қўмиталари ва идораларининг меъёрий хужжатлари Ахборотномаси, 2000 йил, 2-сон.

<sup>77</sup> қаранг: Ўша манба.

барча корхона, муассаса, ташкилотларда ёлланиб ишловчи, якка тартибдаги тадбиркорлик билан шуғулланувчи, дехқон хўжаликларида меҳнат қилувчи барча ходимларнинг вақтинча меҳнатта қобилиятсизлиги Ўзбекистон Республикаси Соғлиқни сақлаш вазирлиги томонидан тасдиқланган шакллардаги меҳнатта қобилиятсизлик варақаси, тегишли холларда эса маълумотнома билан тасдиқланади.

Ишламаётган, иш хақи сақланмаган холдаги таътилда бўлган шахслар, харбий хизматчилар (эркин ёлланганлардан ташқари), аттестация қилинган Ички ишлар вазирлиги ходимларига вақтинча меҳнатта қобилиятсизлик варақаси берилмаслик кўзда тутилган.

Меҳнатта қобилиятсизлик нафақаси билан қуийдаги холатлар тасдиқланади:

а) ходимнинг ўз ишидан озод этилганлиги;

б) вақтинча меҳнатга лаёқатсизлик пайтида нафақа олишга бўлган хуқуқи;

в) қасаллик юз берганлиги факти хисобга олинганлиги.

Меҳнатта қобилиятсизлик нафақаси ўрнига маълумотнома берилганида унинг воситасида:

а) ходимнинг ишдан озод этилганлиги;

б) қасаллик юз берганлиги факти хисобга олинганлиги тасдиқланади.

Меҳнатта қобилиятсизлик варақаси ёки бу хақдаги маълумотнома ваколат берилган давлат – профилактика муассасалари томонидан, истисно тариқасида ва маҳсус тартибга кўра нодавлат тиббиёт муассасалари томонидан берилиши мумкин бўлади. «Меҳнатта қобилиятсизлик варақаси ва маълумотномасини бериш тартиби тўғрисида»ги йўриқноманинг 8 – бандига мувофиқ, меҳнатта лаёқатсизлик варақаси қуийдаги холларда берилади:

а) вақтинча меҳнатта қобилиятсиз бўлиб қолган холда қасал бўлиб қолиш (жароҳат олиш);

б) хомиладорлик ва туғиши таътили бошланганда;

в) бемор оила аъзосини парваришлаши зарур бўлиб қолганида;

г) санатория – курорт (амбулатория – курорт)да даволаниш пайтида;

д) сил қасаллиги ёки қасб қасаллиги туфайли вақтинча бошқа ишга ўтказилганда;

е) карантин юз берганида;

ж) стационар протез – ортопедия корхонасида протезлаш амалга оширилганида.

Амбулатория – поликлиника шароитида даволанганида меҳнатта қобилиятсизлик нафақаси даволовчи врач томонидан 5 кунгача муддатга берилиши мумкин. 5 кун ўтгач, хар сафар 10 кунгача муддатга даволовчи врач томонидан бўлим бошлиғи билан биргаликда, бўлим бошлиғи бўлмаганида эса врачлар маслаҳат комиссияси (ВКК) раиси билан биргаликда бемор соғайтунига қадар ёки у тиббий меҳнат экспер特 комиссиясига юборилгунига қадар узайтирилиши мумкин.

Узок вақт касал бўлган шахслар меҳнатта қобилиятсизлик бошланган кундан бошлаб узоғи билан 3 ой ичида (бир хил касаллик билан 12 ой давомида жами бўлиб 4 ой меҳнатта қобилиятсиз бўлиб қолганда) ТМЭКга жўнатилишлари лозим.

Алкоголли ичимлик истеъмол қилиши оқибатида касал бўлган ёки жароҳат олган шахсларга меҳнатта қобилиятсизлик варақаси ўрнига маълумотнома берилади. Вақтинча меҳнатта қобилиятсизлик варақасини расмийлаштириш, уни бериш тартиблари, шартлари юқорида айтиб ўтилган йўриқномада белгилаб қўйилган. Ўзбекистон Республикаси бюджетдан ташқари Пенсия жамғармаси меҳнат қобилиятини йўқотганлик варақаси расмийлаштирилишининг тўғри юритилиши, унинг юзасидан молия операцияларининг амалга оширилиши, ушбу варақаларнинг хисобга олиниши, улар юзасидан хисоботлар тўғрилиги устидан назорат олиб боради.

Вақтинча меҳнатта лаёқатсизлик варақаси йўқолган холларда, нафақа, унинг ўрнига такрорий берилган вақтинча меҳнатта лаёқатсизлик варақаси (дубликат) асосида берилади. Вақтинча меҳнатта қобилиятсизлик бўйича нафақа меҳнат қобилияти йўқолган биринчи кундан то у тиклангунга қадар ёки тиббий – меҳнат экспертиза комиссияси (ТМЭК) томонидан ногиронлик белгилангунга қадар, хатто бу даврда ходим билан меҳнат шартномаси бекор қилинган холларда хам берилади. Олий, ўрта маҳсус, касб – хунар таълим муассасаларини, магистратура, аспирантура, клиник ординатура, докторантурани тамомлаган

ва белгиланган тартибда ишга юборилган шахсларга нафақа улар ишга чиқиши лозим бўлган кундан бошлаб берилади.

Иш хақи, суткалик ва кўчиш бўйича харажатларни олиш хуқуқига эга бўлган ходимга иш жойига бораётган даврда бошланган меҳнатга қобилиятсизлик кунлари учун нафақа тўланади. Ходимнинг меҳнатга қобилиятсизлик кунлари йиллик (асосий ва қўшимча) таътил даврига тўғри келган холларда, вақтинча меҳнатга лаёқатсизлик варақасида кўрсатилган барча кунлар учун нафақа тўланади.

Санаторий – курортда даволанишда, агар асосий ва қўшимча таътил ходимнинг санаторийда даволаниши учун етарли бўлмаса, нафақа берилади. Бундай холда санаторий – курортда даволанишнинг барча даври учун (йўлланма, даволаниш муддати) санаторийга бориш – келиш вақтини қўшиб, аммо ходимнинг йиллик таътилини чиқариб ташлаган холда нафақа берилади. Асосий ва қўшимча таътилдан санаторийга боришдан оддин фойдаланган бўлса хам нафақа уни чиқариб ташлаган холда берилади. Бунда иш берувчи таътилнинг етмайдиган вақти учун ходим билан келишиб, унга иш хақи сақланмаган таътил беради.

Иккинчи жаҳон уруши ногиронларига, байналмилал жангчиларга, Ченобиль АЭС фалокати оқибатларини тутатишида қатнашган шахсларга, шунингдек, санаторийга даволанишни давом эттириш учун даволаш муассасаларидан ўткир миокард инфаркти билан касалланган, жаррохлик услуби билан юракнинг аортакоронар шунтровкаси ва аневризмлари, ошқозоннинг ярали касаллиги, ўн икки бармоқ ичак касаллигидан даволанган ва ўт пухагини олиб ташлашдан кейин бевосита юборилган ходимларга, шунингдек, сил касаллиги билан оғриганларга нафақа санаторийда бўлган барча вақт учун берилади.

Ўн олти ёшгача бўлган ногирон болани тарбиялаётган ота – оналардан бирига (хомийга ёки васийга), ногирон боланинг санаторийда даволанган барча даври учун (санаторийга бориб – келиш вақтини хисобга олиб) унга якка тартибда парвариш зарурлиги тўғрисидаги тиббий хулоса мавжуд бўлганда нафақа берилади. Уч ёшгача бўлган болани ёки 16 ёшгача бўлган ногирон болани парваришлашда банд бўлган она касал бўлиб, болани парваришлашга қурби етмай қолган холларда, парвариш билан банд бўлган ишлаттган бошқа оила аъзолари ёки

қариндошларига (мехнатта лаёқатсизлик варақасига асосан) нафақа берилади.

Оиланинг қасал бўлган аъзосига қарашибўйича вақтингача мехнатта лаёқатсизлик варақаси бемор бироннинг парваришига мухтоҷ бўлган, лекин 7 календарь кунидан ошмаган давр учун берилади. Ўн тўрт ёшга етмаган бемор болага қарашибўйича вақтингача мехнатта лаёқатсизлик варақаси болага парвариш керак бўлган, аммо 14 календарь кунидан ошмаган давр учун берилади. Агарда ходим карантин вақтида санитария – эпидемиология хизмати органлари томонидан атрофидаги шахслар орқали юқумли касалликка чалиниш хавфининг олдини олиш мақсадида ишдан четлатилган бўлса.

Мавсумий ва вақтингчалик ишларда банд бўлган ходимларга мехнатда майибланиш ёки қасб касаллиги оқибатида вақтингача мехнатта қобилиятсизлик, хомиладорлик ва туғишибўйича нафақа умумий асосларда, бошқа сабаблар оқибатидаги вақтингача мехнатта қобилиятсизлик бўйича нафақа мавсумий ёки вақтингчалик иш тўғрисида тузилган мехнат шартномасида кўрсатилган иш кунлари доирасида тўланади. Ишлаётган ногиронларга вақтингача мехнатта қобилиятсизлик бўйича нафақа мехнатда майибланиш ходисалари ёки қасб касаллигидан ташқари, кетма – кет икки ойдан ва календарь йилда уч ойдан ошмаган муддатта берилади.

Ишлаётган Иккинчи жаҳон урушининг ногиронларига ва имтиёзлари жихатдан уларга тенглаштирилган бошқа ногиронларга, Чернобиль АЭСдаги фалокат ёки унинг оқибатларини бартараф этиш бўйича ишларни бажариш билан боғлиқ сабабларга кўра ногирон бўлган шахсларга вақтингача мехнатта қобилиятсизлик нафақаси (мехнатда майибланиш ходисалари ёки қасб касаллигидан ташқари) кетма – кет тўрт ойгача ёки календарь йилда беш ойгача берилади. Агар ишловчи ногироннинг вақтингчалик мехнатта қобилиятсизлиги мехнатда майибланиш ёки қасб касаллиги туфайли юз берса, нафақа у тўла соғайгунга ёки мехнатда майибланиш ёхуд қасб касаллиги билан боғлиқ ногиронлик гурухи қайта кўриб чиқилгунга қадар тўланади.

Сил касаллиги оқибатида вақтингача мехнатта қобилиятсизлик бўйича нафақа шахс тўла соғайгунга қадар, лекин кўпине билан 10 ойга берилади. Ходим сил касаллиги

билан қайта касалланганда ёки сил касаллиги оқибатида ногирон деб топилганда нафақа кўпи билан б 6 ойга берилади.

Ўзбекистон Республикаси Адлия вазирлиги томонидан 2002 йил 14 майда рўйхатта олинган «Давлат ижтимоий сугуртаси бўйича нафақаларни тайинлаш ва тўлаш тартиби тўғрисида»ги низомга кўра, вақтинча меҳнатга қобилиятсизлик қўйидаги давларга тўғри келганда нафақа тўланмайди:

- иш хақи сақланмаган таътил;
- болани парваришлаш бўйича таътил;
- иш вақтинча тўхтатилган;
- ходим ишдан (лавозимдан) четлаштирилиб, иш хақи тўлаш тўхтатиб қўйилганлиги сабабли ишламаган;
- харбий ўқув ёки текширув йифини;
- ишлаб чиқаришдан ажралмаган холда ўқув юртларида тахсил олиш муносабати билан берилган қўшимча таътил.

Ушбу давларда бошланиб, давом этаётган меҳнатга қобилиятсизлик нафақаси ходим ишга чиқиши (лавозимга тикланиши) лозим бўлган кундан бошлаб берилади. Вақтинча меҳнатга қобилиятсизлик нафақаси қўйидаги холларда берилмайди:

- ишдан ёки бошқа вазифалардан бўйин товлаш мақсадида ўз саломатлигига атайлаб зиён етказган ёхуд ўзини касалликка согланда;
- гиёхвандлик ёки мастлик билан боғлиқ харакатлар оқибатида, шунингдек, спиртли ва гиёхвандлик моддаларини истеъмол қилиш натижасида касалликка чалинганда (жарохатланганда);
- жиноят содир қилиш вақтида жарохатланганда;
- суд қарори асосида мажбурий даволанишга юборилганда (рухий касаллардан ташқари);
- хибсда бўлган даврда;
- суд –тиббиёт экспертизасидан ўтиш даврида.

Вақтинча меҳнатга қобилиятсизлик бошланишидан олдин узрсиз сабабларга кўра ишга келмаган, улар учун шифокор белгилаган тартибни бузган ёки узрсиз сабабларга кўра белгиланган муддатда шифокор кўригига

ёки тиббий – меҳнат экспертиза комиссиясига (ТМЭК) келмаган ходимлар қоидани бузиш рўй берган кундан бошлаб корхонанинг Ижтимоий сугурта бўйича комиссияси белгилайдиган муддатга нафақадан маҳрум қилинадилар.

Юридик шахс бўлмасдан тадбиркорлик фаолияти билан шугулланувчи шахслар хамда дехқон хўжалиги аъзолари, бюджетдан ташқари Пенсия жамғармасига сугурта бадалларини тўламаган, шифокор белгилаган тартибни бузган ёки узрсиз сабабларга кўра белгиланган муддатда шифокор кўригига ёки ТМЭКга келмаган холларда, бузиш содир бўлган кундан бошлаб ижтимоий таъминот бўлими томонидан белгиланган муддатга нафақадан маҳрум қилинадилар.

Вақтинча меҳнатта қобилиятсизлик нафақаси иш стажининг давомийлигидан қатъи назар, иш хақининг 100 фоизи миқдорида қуйидагиларга тўланади:

- ишлаётган Иккинчи жаҳон уруши қатнашчиларига;
- байналмилал жангчиларга ва уларга тенглаштирилган бошка шахсларга;
- қарамогида 16 ёшга (ўқувчилар 18 ёшга) етмаган уч ёки ундан ортиқ болалари бўлган ходимларга;
- Чернобиль АЭСдаги авария оқибатларини тутатишда қатнашган ходимларга;
- Чернобиль АЭСдаги авария натижасида радиоактив ифлосланиш зонасидан эвакуация қилинган ва кўчирилган, қон хосил қилувчи органлар касалликлари (ўткир лейкоз), қалқонсимон без (аденома, рак) ва хавфли ўсмалар билан боғлиқ касалликларга чалинган ходимларга;
- меҳнатда майибланиш ва касб касаллиги натижасида вақтинча меҳнатта қобилиятсиз бўлган ходимларга.

Ижтимоий ахамиятга эга бўлган касалликлар (сил касаллиги, онкология касалликлари, янгидан пайдо бўладиган хатарли ўсимталар, жинсий йўл билан ўтадиган касалликлар, СПИД, мохов (лепра) касаллиги, рухий касалликлар) бўйича хисобда турган ходимларга улар томонидан давлат ижтимоий сугурта бадали тўлаган даврининг (умумий иш стажининг) давомийлигига боғлиқ равишда вақтинча меҳнатта қобилиятсизлик нафақаси қуйидаги миқдорларда тўланади:

а) умумий иш стажи 8 йил ва ундан ортиқ бўлган ходимларга энг кам ойлик иш хақининг 100 фоизи миқдорида;

б) умумий иш стажи 5 йилдан 8 йилгача бўлган ходимларга – иш хақининг 80 фоизи миқдорида;

в) умумий иш стажи 5 йилгача бўлган ходимларга – иш хақининг 60 фоизи миқдорида.

Қонун хужжатларида кўзда тутилган ходимлардан ташқари қолган ходимларга вақтинча меҳнатта қобилиятсизлик бўйича нафақа қуийдаги миқдорларда тўланади:

а) умумий иш стажи 8 йил ва ундан ортиқ бўлган ходимларга ҳамда 21 ёшга етмаган чин (сағир) етимларга – иш хақининг 80 фоизи миқдорида;

б) умумий иш стажи 8 йилгача бўлган ходимларга – иш хақининг 60 фоизи миқдорида.

Тегишли холларда тайинланган вақтинча меҳнатта қобилиятсизлик бўйича нафақа қуийдаги миқдорларда тўланади:

а) Ўзбекистон Республикаси Қуроли кучлари сафиидаги муддатли хизматдан бўшатилгандан сўнг бир ой ичида касал бўлиб қолган собиқ ҳарбий хизматчиларга – республикада белгиланган энг кам иш хақи миқдорида;

б) бошқа холларда – иш хақининг 60 фоизи миқдорида.

Вақтинча меҳнатта қобилиятсизлик бўйича нафақа барча холларда белгиланган энг кам иш хақидан кам бўлмаслиги ва нафақа хисоблаб чиқарилган иш хақидан юқори бўлмаслиги лозим. Нафақа миқдори вақтинча меҳнатта қобилиятсизлик бошланган кунгача, меҳнат дафтарчаси ёки унинг ўрнига берилган бошқа хужжат, шунингдек, ижтимоий таъминот бўлимлари томонидан берилган маълумотнома асосида хисобланган умумий иш стажига мувофиқ аниқланади.

## 2. Ҳомиладорлик ва туғиши бўйича нафақа

Ишлаётган аёлларга 70 календарь кундан иборат ҳомиладорлик таътили ва бола туғилгач, 56 календарь кун (эгизак бола туғилса ёки туғиши оғир кечган холларда 70

календарь кун) миқдорида хомиладорлик ва туғиши таътили берилади. Ушбу таътил даврида аёлнинг иш жойи (лавозими) сақланиб қолинади хамда уларга ушбу давр учун давлат ижтимоий сугуртаси маблағлари хисобидан нафақа берилади.

«Давлат ижтимоий сугурта бўйича нафақалар тайинлаш ва тўлаш тартиби тўғрисида»ги Низомга мувофиқ хомиладорлик ва туғиши бўйича нафақани тайинлаш ва тўлаш учун белгиланган тартибда берилган меҳнатга лаёқатсизлик варақаси асос бўлади. Хомиладорлик ва туғиши бўйича берилган вақтинча меҳнатга лаёқатсизлик варақаси йўқолган холларда нафақа унинг ўрнига такрорий берилган вақтинча меҳнатта лаёқатсизлик варақаси (дубликат) асосида берилади.

Хомиладорлик ва туғиши бўйича нафақа (шу жумладан, хомила тушган холларда) вақтинча меҳнатта лаёқатсизлик варақасида кўрсатилган барча давр учун тўланади. Ходим ишдан бўшатилишининг нотўғрилиги хақида низо кетаётган даврда хомиладорлик ва туғиши бўйича таътил берилганда, нафақа у ишга қайта тикланган тақдирда берилади. Бунда хомиладорлик ва туғиши бўйича нафақани аёлни ишга қайта тиклаш тўғрисида қарор чиққандан сўнг, нафақа тўланмаган барча меҳнатта қобилиятсиз кунлар учун тўланади.

Олий, ўрта маҳсус, касб – хунар таълим муассасаларини, магистратура, аспирантура, клиник ординатура, докторантурани тамомлаган ва белгиланган тартибда ишга юборилган аёлларга ишни бошлагунга қадар хомиладорлик ва туғиши бўйича берилган меҳнатта лаёқатсизлик варақаси асосида нафақа аёл ишга келиши лозим бўлган кундан бошлиб берилади. Ишни вақтинчалик тўхтатиш ёки ишлаб чиқаришдан ажралмаган холда ўқув юртларида тахсил олиш муносабати билан берилган қўшимча таътил даврида хомиладорлик ва туғиши бўйича таътил берилган холда, нафақа кўрсатилган давр тутагандан кейин аёл чиқиши лозим бўлган кундан бошлиб берилади. Ходим йиллик (асосий ва қўшимча) таътилда ва болани парваришилаш учун таътилда бўлган вақтда хомиладорлик ва туғиши бўйича таътил берилганда, нафақа хомиладорлик ва туғиши бўйича таътилнинг вақтинча меҳнатта лаёқатсизлик варақасида кўрсатилган барча кунлари учун берилади.

Болани парваришилаш бўйича таътил даври учун нафақа тариф ставкасидан (лавозим маошидан) ва таътил бошланишидан олдинги 12 ой мобайнинда олинган мукофотларнинг ўртача ойлик суммасидан хисоблаб чиқарилади. Бунда вақтинча меҳнатта лаёқатсизлик варақаси очилган кунига бўлган тариф ставкаси жойларда белгиланган туман коэффициенти ва устамаларни хисобга олган холда олинади.

Иш хақи тўлаш тўхтатилиб, ишдан (лавозимдан) четлаштириш оқибатида аёл ишламаган даврда хомиладорлик ва туғиши бўйича таътил учун меҳнатта лаёқатсизлик варақаси берилган холда нафақа тўланмайди. Агар хомиладорлик ва туғиши бўйича таътил ишга қўйилгандан кейин хам давом этадиган бўлса, нафақа у ишга чиқиши лозим бўлган кундан бошлаб берилади.

Хомиладорлик ва туғиши бўйича нафақа иш хақининг 100 фойзи миқдорида берилади.

### *3. Бола туғилганда бериладиган нафақа (суюнчи пули)*

«Давлат ижтимоий сугурта бўйича нафақаларни тайинлаш ва тўлаш тартиби тўғрисида»ги Низомга кўра, бола туғилганда бериладиган бир марталик нафақа Ўзбекистон Республикаси худудида белгиланган энг кам ойлик иш хақининг икки баравари миқдорида берилади.

Иш хақига коэффициент қўлланиладиган туманларда нафақа ушбу коэффициентларни хисобга олган холда белгиланади. Ишлаётган аёлларга хамда ишлаб чиқаришдан ажralган холда олий, ўрта маҳсус, касб – хунар таълим муассасаларида, магистратура, аспирантура, клиник ординатура, докторантурада тажсил олаётган аёлларга бола туғилганда бериладиган бир марталик нафақа тегишлича иш ёки ўқиш жойидан тўланади.

Боланинг онаси ишламайдиган ва ўқимайдиган холларда нафақа боланинг ишлайдиган ёки ишлаб чиқаришдан ажralган холда ўқийдиган отаси ёки ота – она ўрнини босувчи шахсларга тўланади. Ишламайдиган ва ўқимайдиган ота – оналарга бола туғилганда нафақа ижтимоий таъминот бўлимлари томонидан тайинланади ва тўланади. Фарзандликка олинган болаларга бола туғилганда бериладиган бир марталик нафақа умумий асосларда

берилади. Агар аёл хомиладорлик бўйича таътил даврида ишдан бўшаб, шу давр мобайнида хомиладорлик ва туғиш бўйича нафақа олган бўлса, бир марталик нафақа умумий асосларда берилади. Бола ўлик туғилган холларда нафақа тўланмайди.

#### *4. Қўшимча дам олиш куни учун нафақа*

Ўзбекистон Республикаси Мехнат кодексининг 230 – моддасига кўра:

«Ногирон боласини тарбиялаётган ота – онанинг бирига (васийга, хомийга) бола ўн олти ёшга тўлгунга қадар давлат ижтимоий суфуртаси маблағлари хисобидан бир кунлик иш хақи миқдорида хақ тўлаган хамда ойига қўшимча бир дам олиш куни берилади.»

#### *5. Дафн этиш маросими учун бериладиган нафақа*

Ўзбекистон Республикаси Мехнат кодексининг 288 – моддасига мувофиқ: «Суфурта қилинган ходим ёки унинг оила аъзоси вафот этганда қонун хужжатларида белгиланган миқдорда ва тартибда дафн этиш маросими учун нафақа тўланади».

«Давлат ижтимоий суфуртаси бўйича нафақаларни тайинлаш ва тўлаш тартиби тўғрисида»ги Низомга кўра, дафн этиш маросими учун нафақа ходим ёки унинг қарамоғида бўлган қуйидаги оила аъзолари вафот этганда берилади:

- турмуш ўртоги;
- 18 ёшга тўлмаган ёки вақтинча меҳнатта қобилиятсиз (ёшидан қатъи назар) болалари, aka – укалари ва опа – сингиллари;
- ота – онаси;
- бобоси ёки бувиси.

Яшаш учун мустақил маблағ манбаига эга бўлган (иш хақи, пенсия, стипендия олувчи, ширкат хўжалигининг меҳнатга қобилиятли аъзолари хисобланувчи ва хоказо) оила аъзолари қарамоғида турган деб хисобланмайди.

Ходим вафот этганда дафн этиш маросими учун нафақа унинг оила аъзоларига ёки дафн ўтказишини ўз зиммасига олган шахсларга берилади. Оиланинг вафот

эттан аъзосини дафн этиш маросими учун нафақа ишловчи ходимга берилади. Аёлнинг хомиласи тушган холларда дафн этиш маросими учун нафақа берилмайди.

Дафн этиш маросими учун нафақа энг кам ойлик иш хақининг уч баравари миқдорида берилади. Ишламайдиган пенсионер вафот эттан тақдирда дафн этиш маросими учун нафақа унинг оиласига ёки пенсионернинг дафн маросимини ўтказган шахсга икки ойлик пенсия миқдорида, лекин энг кам ойлик иш хақининг икки хиссасидан кам бўлмаган миқдорда ижтимоий таъминот бўлими томонидан тўланади. Иш хақига район коэффициенти белгиланган жойларда дафн этиш маросими учун нафақа миқдори ишлаб чиқариш билан боғлиқ бўлмаган тармоқлар учун бериладиган туман коэффициентини хисобга олган холда аниқланади.

Муддатли харбий хизматга чақирилган ходим ёки унинг оила аъзоси вафот эттан тақдирда дафн этиш маросими учун нафақа, агар унга сўнгти иш хақи тўланган кундан бир ойдан кўп вақт ўтмаган бўлса берилади. Олий, ўрта маҳсус, қасб – хунар таълим муассасаларида, магистратурда, аспирантурда, клиник ординатурда, докторантурда тахсил олаётган шахслар, шунингдек, уларнинг оила аъзолари вафот этганда, дафн этиш маросими учун нафақа умумий асосларда тўланади.

Мактаблар, курсларнинг (кадрлар малакасини ошириш, қайта тайёрлаш ва тайёрлаш бўйича), шунингдек, малака ошириш институтлари ўқувчилари ва тингловчилари ёки уларнинг оила аъзолари вафот этганда, агар улар курсларга, мактабларга, институтларга корхона томонидан юборилган бўлсалар ва уларнинг ўқиш давридаги иш хақи тўла ёки қисман сақланиб қолган бўлса, дафн этиш маросими учун нафақа умумий асосларда берилади.

Ўзбекистон Республикаси Вазирлар Махкамасининг 2002 йил 1 майдаги қарори билан «Кексалар ва меҳнатта яроқсиз фуқаролар, ногирон болалар ва болалиқдан ногиронларнинг дафн маросими учун бир йўла бериладиган нафақалар тайинлаш ва тўлаш тартиби тўғрисида»ги низом тасдиқланди<sup>78</sup>. Ўзбекистон Республикаси Вазирлар Махкамасининг 1994 йил 24 июндаги қарори билан

<sup>78</sup> қаранг: Ўзбекистон Республикаси қонун хужжатлари. 2002 йил, 8-сон, 65-модда.

тасдиқланган «Болалиқдан ногиронларга, қарияларга ва мекнатта лаёқатсиз фуқароларга нафақалар тайинлаш ва тұлаш тартиби тұғрисида»ги Низомга күра, хаёт чоғида нафақа олган ёлғыз кексалар, мекнатта лаёқатсиз фуқаролар, ногирон болалар ва болалиқдан ногирон шахслар вафот этгандарда, уларнинг оила аъзоларига ёки уларни дағын этишни амалга оширган шахсларга белгиланган энг кам ойлик иш хақининг икки баробари миқдорида дағын қилиш нафақаси берилади. Нафақа бюджетдан ташқари Пенсия жамғармаси хисобидан берилади.

Бир йұла бериладиган нафақани олиш учун мархумнинг оила аъзолари ёки бошқа шахслар мархум вафотидан бошлаб б ой ичида вафот этгандың шахс нафақа олувчи сифатида хисобда турған туман (шахар) ижтимоий таъминот бўлимига мурожаат қилишлари лозим.

Бундай нафақани олишлик учун:

а) вафот этгандық ҳақидағи маълумотнома (асл нусхаси);

б) дағын этиш аризачи томонидан амалга оширилгани ҳақида фуқаролар йиғини маълумотномаси тақдим этилади.

Бир йұла бериладиган дағын қилиш нафақаси бериш ҳақидағи аризани ижтимоий таъминот органлари томонидан күриб чиқып тартиблари, муддатлари, аризани рад этиш асослари, ижтимоий таъминот бўлимининг аризани рад этиш тұғрисидаги қарори устидан шикоят бериш тартиби қонун хужжатларida белгиланган. Дағын қилиш нафақасидан солиқ олинмайди. Давлат ижтимоий суғуртаси бўйича нафақаларни тайинлаш ва тұлаш тартиби бу ҳақида низомда белгилаб қўйилган бўлиб, унга кўра:

Нафақалар ходимнинг асосий иш жойидан корхонанинг Ижтимоий суғурта бўйича комиссияси ёки шу иш учун вакил қилинган комиссия аъзоси томонидан тайинланади. Комиссия таркиби, аъзолари сони ва раиси корхона раҳбарининг буйруғи ёки бошқарувининг қарори билан тасдиқланади. Комиссия мекнатда майибланганларга, касб касаллигига чалинганларга нафақа тайинлаш, нафақа тұлашни рад этиш, нафақадан (тұлық ёки қисман) маҳрум этиш ва нафақа олиш хуқуқи юзасидан келиб чиққан низоларни, вақтингча мекнатта лаёқатсизлик варақаси ва бошқа хужжатларнинг асосли равишда ва тұғри

берилганлигини кўриб чиқиш хуқуқига эга. Қолган барча холларда нафақаларни комиссиянинг шу ишга вакил қилинган аъзоси тайинлайди.

Комиссиялар бўлмаган корхоналарда нафақалар, иш берувчи томонидан шу ишга буйруқ билан вакил қилинган шахс томонидан тайинланади. Юридик шахс бўлмасдан тадбиркорлик фаолияти билан шугулланувчи шахслар, дехқон хўжалиги аъзоларига, шунингдек айрим фуқароларницида шартнома асосида ишилаётганларга нафақалар ижтимоий таъминот бўлимлари томонидан тайинланиб, бюджетдан ташқари Пенсия жамғармаси маблағлари хисобидан тўланади.

Ўқувчи, талаба ва аспирантларга нафақалар мазкур Низомнинг 80—91—бандларига биноан ўқиш жойларида тайинланади ва тўланади. Қуролли кучлар сафидан озод этилгандан кейин вақтинча меҳнатта қобилиятсиз бўлиб қолган собиқ харбий хизматчиларга нафақа мазкур Низомнинг 5—бандига биноан, туман (шахар) ижтимоий таъминот бўлимлари томонидан тайинланади.

Ходимлар вақтинча меҳнатта қобилиятсизлик муддати тугаганидан сўнг чиқишининг биринчи кунидаёқ корхонага вақтинча меҳнатта лаёқатсизлик варақасини тақдим этадилар. Меҳнатта қобилиятсизлик давом этаётган холларда, навбатдаги иш хақи берилиши вақти келганда топширилиши мумкин. Корхонада вақтинча меҳнатта лаёқатсизлик варақасининг «Табелчи томонидан ва кадрлар бўлими томонидан тўлдирилади» деган бўлимларига зарур маълумотлар ёзилади ва вақтинча меҳнатта лаёқатсизлик варақаси (бемор хақидаги маълумотлар ёзиб, имзо қўйилади) Ижтимоий сұғурта комиссиясига топширилади. Меҳнатда майбланиш туфайли вақтинча меҳнатта қобилиятсизлик бошланганда нафақа ишлаб чиқаришда баҳтсиз ходиса содир бўлганлик хақидаги (Н—1—шаклда) далолатнома асосида тайинланади. Агар баҳтсиз ходиса бошқа шароитларда рўй берса (уйда ишга бориш ёки ишдан қайтишда, давлат ёки жамоатчилик бурчини бажараётган пайтда), нафақа рўй берган баҳтсизлик сабаблари иш берувчи томонидан ўрганиб чиқилгандан кейингина тайинланади.

Нафақа олиш хуқуқи ижтимоий сұғурта бўйича комиссия ёки вакил қилинган комиссия аъзоси хар бир

вақтингча мекнатта лаёқатсизлик варақаси бўйича тўлов амалга оширилиши лозим бўлган кунлар сонини ва иш хақига нисбатан белгиланадиган нафақа фоизи миқдорини белгилайди. Нафақа фоизи миқдори нафақа белгилаш баённомасида ва комиссия раиси ёки вакил қилинган комиссия аъзосининг имзоси қўйилган вақтингча мекнатта лаёқатсизлик варақасида қайд қилинади. Мекнатда майибланиш туфайли вақтингча мекнатта қобилиятсизлик бўйича нафақа комиссия томонидан (жарохатланган ходимнинг ахволи комиссия мажлисига келишга имкон берган тақдирда унинг иштирокида) тайинланади. Нафақадан маҳрум этиш, нафақадан тўлиқ ёки қисман рад этиш масаласи нафақа олувчининг иштирокида кўриб чиқилади.

Ходим вақтингча мекнатта лаёқатсизлик варақаси бўйича нафақа олиш хуқуқига эга бўлмаган тақдирда, комиссия нафақа бермаслик тўғрисида қарор чиқаради ва рад этиш сабабларини вақтингча мекнатта лаёқатсизлик варақасига қайд этади. Нафақа тайинлангандан сўнг комиссия ёки вакил қилинган комиссия аъзоси корхонанинг хисоб – китоб бўлимига нафақа чиқариш ва тўлаш учун белгиланган тартибда расмийлаштирилган вақтингча мекнатта лаёқатсизлик варақасини топширади. Тўланадиган ва тўланмайдиган вақтингча мекнатта лаёқатсизлик варақалари, шунингдек, нафақа олиш учун тақдим этилган барча бошқа хужжатлар корхона бухгалтериясида пуллик хужжатларга teng холда, барча харажат хужжатларидан алохида холда сақланади.

Хомиладорлик ва туғиш нафақаси туғищдан олдин амалда фойдаланилган кунларнинг сонидан қатъи назар, таътилнинг тўлиқ даври учун бир йўла тўланади. Бола туғилганда бир йўла тўланадиган нафақани олиш учун ота ёки она комиссияга Фуқаролик холати далолатномаларини ёзиш (ФХДЁ) бўлими томонидан берилган боланинг туғилганлик хақидаги маълумотномасини топшириши лозим. Берилган хужжатлар асосида вакиллик қилувчи комиссия аъзоси нафақа олиш хуқуқини белгилайди ва белгиланган миқдорда уни тайинлаш тўғрисида қарор чиқаради ва тайинлаш баённомасига ёzáди. Шундан сўнг хужжатлар корхонанинг хисоб – китоб қилиш бўлимига топширилади. Бола туғилганлиги хақидаги маълумотнома

йўқотилган тақдирда бир йўла тўланадиган нафақа ФХДЁ бўлимлари томонидан берилган бола туғилганлиги хақидаги такрорий маълумотноманинг хамда отанинг иш жойидан (ўқиш жойидан) нафақа олмаганлиги хақидаги маълумотнома топширилганидан сўнг берилади.

Ходимнинг вафоти туфайли уни дафн этиш маросимини ўтказиш нафақасини олиш учун ижтимоий суурита комиссиясига ФХДЁ бўлими томонидан берилган вафот этганлик тўғрисидаги маълумотнома топширилади. Оила аъзоси вафот этганда эса вафот этганлиги хақидаги маълумотномадан ташқари уй-жойдан фойдаланиш идораси (бинодан фойдаланиш дирекцияси, махаллий ўзини ўзи бошқариш органлари) томонидан вафот этган шахснинг ходим билан қариндошлик алоқалари борлиги ва у ходимнинг қарамоғида бўлганлиги тўғрисида маълумотнома хам топширилиши лозим. Топширилган хужжатлар асосида вакил қилинган комиссия аъзоси нафақа олиш хуқуқини, унинг миқдорини белгилайди ва нафақа тайинлаш хақида қарор чиқаради ва нафақа тайинлаш баённомасига ёзib кўяди.

Юридик шахс бўлмасдан тадбиркорлик фаолияти билан шуғулланувчи шахс, дехқон хўжалиги аъзосига, шунингдек, айрим фуқароларницида шартнома асосида ишлаттганлар нафақа олиш учун вақтинча меҳнатта лаёқатсизлик варақаларини, бола туғилганлик хақидаги маълумотномани ва вафот этганлик тўғрисидаги маълумотномани ижтимоий таъминот бўлимига топширадилар. Топширилган хужжатлар асосида бюджетдан ташқари Пенсия жамғармаси даромадлари ва харажатлари шўъбалари томонидан нафақа тайинлаш (тайинламаслик) ва унинг миқдорлари масаласи кўриб чиқилиб, ижтимоий таъминот бўлими бошлигининг қарори чиқарилади ва белгиланган тартибда расмийлаштирилади. Нафақалар фуқароларнинг фоизсиз шахсий хисоб рақамига нафақа суммасини ўтказиш йўли билан банк орқали тўланади. Ходимнинг вафоти кунигача олинмай қолган вақтинча меҳнатга қобилиятсизлик хамда хомиладорлик ва туғиш нафақаси у билан бирга яшаган оила аъзоларига, шунингдек, унинг қарамоғида бўлганларга берилади. Ходимнинг вафот этган кунига қадар олинмаган нафақа вафот этган ходим билан қариндош ва бирга

истиқомат қылганлик ёки вафот эттанинг қарамоғида бўлганликни тасдиқловчи далил бўлган хужжат топширилганда берилиши мумкин.

Бола туғилганда бир йўла тўланадиган нафақани олиш хуқуқига эга бўлган она вафот эттандан мазкур нафақа отага ёки болани ўз тарбиясига олган бошқа шахсга берилади. Бюджетдан ташқари Пенсия жамғармаси маблағидан бериладиган нафақа белгиланган тартибда расмийлаштирилган ишончнома бўйича тўланиши, фуқароларнинг аризасига биноан банк муассасаларидағи хисоб рақамига ўтказилиши хамда алоқа бўлими орқали жўнатилиши мумкин. Нафақани жўнатиш билан боғлиқ бўлган чиқимлар нафақа суммасидан ушлаб қолинади.

### **3-ғ. Бюджет хисобидан тўланадиган ижтимоий нафақалар ва уларнинг турлари**

Фуқароларни муайян холларда, уларнинг меҳнат фаолияти билан шуғулланмаганликлари ва меҳнат стажи бор – йўқлигидан қатъи назар, моддий жихатдан таъминлаш давлат томонидан амалга оширилади.

Ана шу мақсадда бюджет хисобидан ижтимоий нафақалар тўлаш кўзда тутилган бўлиб, улар оила (шахс)нинг моддий шароитлари ёки болалар парвариш қилинаётганлиги ва бошқа сабабларга кўра тайинланиши хамда тўланиши мумкин. Қуйида ушбу нафақаларнинг қисқача тавсифи, тайинланиш асослари, шартлари, тўланиш тартибларини кўриб ўтамиш.

1) 16 ёшгача болалари бўлган оиласарга тайинланадиган нафақа. Ушбу кўринишида мазкур нафақа тури Ўзбекистон Республикаси Президентининг 1996 йил 10 декабрдаги Фармонига кўра 1997 йил 1 январдан бошлаб жорий этилди. Фармон асосида Ўзбекистон Республикаси Вазирлар Мажкамаси томонидан 1996 йил 10 декабрдаги қарорига мувофиқ «16 ёшгача болали оиласарга нафақаларни тайинлаш ва тўлаш тўғрисида»ги Низом тасдиқланган. Мазкур хужжатларга асосан, Ўзбекистон Республикаси Молия вазирлиги ва Мехнат вазирлиги томонидан «16 ёшгача болали оиласарга нафақаларни тайинлаш ва тўлаш тартиби юзасидан услубий тавсиялар

ишилаб чиқилган хамда ушбу услубий кўрсатмалар Ўзбекистон Республикаси Адлия вазирлигига 1999 йил 4 июнда рўйхатга олинган.

## *Нафақанинг тайинланиш тартиби*

Юқоридаги қонунчилик хужжатларига кўра, 16 ёшгача болали оиласарга нафақа фуқароларни ўзини ўзи бошқариш органлари (фуқаролар йигини томонидан, уни ўз вақтида чақиришнинг иложи бўлмагандан эса кўча, тураржой, махалла, поселка, қишлоқ, овул фуқаролари вакиллари мажлиси) томонидан оиланинг ёрдамга муҳтожлик ахволи хисобга олингани холда тайинланади.

Фуқаролар йигини нафақа миқдорини аниқлаш пайтида ўзига ажратилган маблағнинг чекланган миқдори, ёрдам сўраб мурожаат қилган оиласар сони, ушбу аризалар бўйича тўлаш мумкин бўлган суммадан келиб чиқсани холда белгилайди. Нафақа учун белгиланган лимит тамом бўлгани тақдирда аризаларни қабул қилиш вақтинча тўхтатилади.

Муҳтож оиласарга нафақа қабул қилинган ойдан кейинги ойдан бошлаб 6 ой давомида тўлаб борилади. Шу муддат ўтгач, оила нафақа тайинланишини сўраб, такроран мурожаат қилишга хақли.

Нафақа муҳтож оила аъзоларидан бирининг (ота ёки онаси) ёзма аризасига кўра (оила аъзолари, оиланинг даромади, ёрдам сўраш сабаблари кўрсатилгани холда) тайинланади. Ариза фуқароларнинг ўзини ўзи бошқариш органи номига берилади. Ариза қабул қилиб олинганидан кейин аризага оила аъзосининг моддий ахволи фуқаролар йигини томонидан тасдиқланган комиссия текширишларига кўра белгиланади. Комиссия таркибига фуқаролар йигини раиси, котиби, меҳнат бўлими, хокимият вакили, маслахатчилар, жамоатчилик вакиллари киритилади.

Нафақа тайинлаш хақида ариза тушган пайтдан бошлаб икки хафта муддат ичида комиссия (камида уч комиссия аъзосидан иборат таркибда) аризачи оилавий ахволини ўрганиб чиқади ва бунда оиланинг расмий ва норасмий даромадлари, моддий ахволи чуқур ўрганиб чиқилади. Комиссия текширишлари асосида оиласа нафақа

тайинлашилик ёки нафақа тайинлашни рад этишлиги юзасидан фуқаролар йиғинига ёзма тавсия беради.

Оилага нафақа тайинлаш пайтида унинг даромадлари ойлик миқдорини аниқлаш тартиблари, мезонлари ва унга тааллуқли бўлган бошқа холатлар "Услубий кўрсатма"да белгилаб қўйилган. Кўп болали оилаларга тайинланадиган нафақа миқдори Ўзбекистон Республикаси Президентнинг 1996 йил 10 декабрдаги "Болали оилаларни давлат томонидан қўллаб – қувватлашни янада кучайтириш тўғрисида"ги Фармонида белгилаб қўйилган бўлиб, бир нафар болали оилага – энг кам ойлик иш хақининг 50 фоизи; икки нафар болали оилага – 100 фоизи; уч нафар болали оилага 140 фоизи; тўрт ва ундан кўп болали оилага эса 175 фоизи миқдорида тайинланади.

2) Ишламаётган оналарга боласини икки ёшга етгунича парваришлаш даврида тайинланадиган нафақа. Ишламаётган ва икки ёшга етмаган бола тарбияси билан банд бўлган оналарга бола парвариши даврида нафақа тайинлаш ва тўлаш масалалари Ўзбекистон Республикаси Адлия вазирлиги томонидан 2002 йил 14 марта рўйхатта олинган «Ишламаётган оналарга икки ёшга етмаган болаларини парваришлаш даврида нафақа тайинлаш ва тўлаш тартиби тўғрисида»ги Низомда тартибга солинган<sup>79</sup>. Мазкур янги Низомнинг ишлаб чиқилиши Ўзбекистон Республикаси Президентининг 2002 йил 25 январдаги "Ахолининг ижтимоий химояга муҳтоҷ қатламларини аниқ йўналтирилган тарзда қўллаб – қувватлашни кучайтириш тўғрисида"ги Фармони хамда Ўзбекистон Республикаси Вазирлар Махкамасининг 2002 йил 25 январдаги "Ахолининг ижтимоий химояга муҳтоҷ қатламларини аниқ йўналтирилган тарзда қўллаб – қувватлашнинг 2002 – 2003 йилларга мўлжалланган дастурини амалга ошириш чора – тадбирлари тўғрисида"ги қарори қайд қилиниши, ахолини аниқ йўналтирилган холда ижтимоий химоялаш ва қўллаб – қувватлашнинг кучайтирилиши билан боғлиқ бўлди.

Низомга кўра, икки ёшга етмаган бола тарбияси билан машғул бўлган ишламаётган (мехнат шартномаси (контракти) асосида ёлланиб ишламаётган) шахс сифатида нафақа олиш хукуқига қўйидагилар эга бўладилар:

<sup>79</sup> қаранг: Ўзбекистон Республикаси вазирликлари, давлат қўмиталари ва идораларининг меъбрий хужжатлари Ахборотномаси. 2002 йил, 5-сон.

а) ишламаётган оналар ёки улар ўрнини босаётган шахслар (одатда боланинг отаси, фарзандликка олган шахс, вассий ва бошқалар);

б) тўлов – контракт асосида олий, ўрта маҳсус, касб – хунар ўқув юргларининг кундузги бўлимида таълим олаётган ишламаётган оналар ёки уларнинг ўрнини босувчилар (бала парвариши билан бевосита шуғулланаётган шахслар);

в) юридик шахс ташкил этмасдан якка тартибда тадбиркорлик қилаётган, юридик шахс бўлмаган дехқон хўжалигида аъзо сифатида ишламаётган оналар (уларнинг ўрнини босаётган шахслар). Нафақа тайинлашни сўраб фуқароларнинг ўзини ўзи бошқариш органларига ариза билан мурожаат қилиши лозимлиги кўзда тутилган. Қишлоқ, шахарча, овул, махалла фуқаролар йигинининг ёки у ваколат берган комиссиянинг нафақа тайинлаш тўғрисидаги қарори нафақа тайинланishi учун асос бўлади.

Нафақа онанинг меҳнат стажи бор – йўқлиги, болаларининг сонидан қатъи назар, 2002 йил 1 февралдан 31 декабргача бўлган даврда – энг кам ойлик иш хақининг 170 фоизи миқдорида, 2003 йил 18 январдан бошлаб эса 200 фоизи миқдорида тайинланади. Нафақа 12 ой муддатга, аммо бола 2 ёшга етиши муддатидан кўп бўлмаган даврга тайинланади. Нафақага муҳтожлик сақланиб қолгани тақдирда аввал тайинланган нафақа тўлаш муддати тамом бўлишига 1 ой қолганда махалла қўмитасига тақроран ариза берилади ва ариза кўриб чиқилиб, уни тайинлаш хақида янгидан қарор қабул қилинади. Аризачи нафақа тайинлаш хақидаги ўз аризасига қўйидагиларни илова қилиши лозим:

а) бола туғилганлик хақидаги гувохнома нусхаси;

б) меҳнат дафтарчасининг нусхаси (аввал ишлаган бўлса);

в) ариза беришдан олдинги 2 ой давомида оиланинг даромадлари хақида маълумотнома;

г) боланинг ногиронлиги (агар ногирон бола бўлса) хақида тиббий маслаҳат комиссияси (ВКК)нинг хуносасидан нусха;

д) никоҳ бекор бўлгани (бекор бўлган бўлса) хақида суд қарори;

е) боланинг онаси бўлмаганда бола парваришини амалга ошираётган шахс боланинг онаси йўқлиги тўғрисидаги маълумотномани хам тақдим этади.

2 ёшга етмаган бола парвариши даврида боланинг онаси (унинг ўрнини босувчи бошқа шахсга) нафақа оиланинг даромадлари эътиборга олингани холда тайинланиши мумкин. Яъни моддий жихатдан нормал таъминланган оналарга бу нафақани тайинлашлик рад этилиши хам мумкин. Аммо қўйидаги холларда, оиланинг даромади даражасидан қатъи назар, нафақа тайинланиши шарт:

1) тўлиқ бўлмаган (ёки отаси ёхуд онаси йўқ оиласда оиласда болани тарбиялаётган ота ёки онага;

2) ногирон болани тарбиялаётган оналарга (қайси бола ногирон эканлигининг аҳамияти йўқ).

Оиланинг умумий даромади тақсимланганида унинг хар бир аъзосига энг кам ойлик иш хақининг 150 фоизидан кам даромад тўғри келадиган холларда оила кам таъминланган деб хисобланади. Оила даромадларини аниқлаш тартиби ва усуллари, нафақа тайинлаш хақидаги аризани кўриб чиқиш муддатлари хамда тартиби, ариза юзасидан қарор қабул қилиш тартиби эслатиб ўтилган Низомда белгилаб қўйилган. Ариза аризачи иштирокида кўриб чиқилиши, унинг аризани кўриш пайтида узрсиз қатнашмаслиги уни кўришнинг кейинга қолдирилишига сабаб бўлиши қайд этилган.

Кўзда тутиб қўйилган холларда нафақа тўлаш тўхтатилиши мумкин. Бола учун нафақа олаётган шахс ва фош этганда, у оналик (оталик) хукуқидан маҳрум этилганида, васийлик бекор қилинганида нафақа болани амалда парваришлаётган тегишли шахсга берилади. Тайинланганидан кейин ўз вақтида талаб қилиб олинмаган нафақа тегишли муддат ўтгач, фуқароларни ўзини ўзи бошқариш органлари хисобига ўтказилади. Нафақалар маҳаллий бюджет маблағлари хисобидан амалга оширилади

3) Ишлайдиган оилаларга бола икки ёшга етгунга қадар уни парвариш қилганлик учун хар ойлик нафақа.

Нафақанинг ушбу турини тайинлаш ва тўлашнинг хукуқий асоси бўлиб Ўзбекистон Республикаси Адлия вазирлиги томонидан 2002 йил 14 марта давлат рўйхатига олинган «Ишлайдиган оналарга бола икки ёшга етгунга

қадар уни парвариш қилганлиги учун хар ойлик нафақа тайинлаш ва тўлаш тартиби тўғрисида»ги Низом хизмат қиласди<sup>80</sup>. Мазкур Низомга мувофиқ, бола икки ёшга етгунга қадар уни парваришлаш учун нафақа боланинг онасига, отасига, фарзандликка олган шахсга, васийта ёки амалда бола парвариши билан машғул бўлган бошқа шахсларга берилиши мумкин.

Нафақа болалар сонидан ва нафақа олувчининг меҳнат стажидан қатъи назар 2002 йил 31 декабргача энг кам ойлик иш хақининг 170 фоизи, 2003 йил 1 январдан бошлаб эса 200 фоизи миқдорида тайинланади. Агар 2 ёшга етмаган бир неча бола парваришланади. Бир неча бола парваришланади. Агар 2 ёшга етмаган бир неча бола парваришланади. Ушбу нафақани олиш даврида нафақа олаётган шахс хомиладорлик ёки тувиш таътилига чиқса, унда онанинг хохишига кўра икки нафақадан бири берилади.

Бола 2 ёшга етгунга қадар уни парвариш қилганлик учун хар ойлик нафақа ишлайди (бюджет хисобидан ишлаб чиқаришдан ажралмаган холда ўқиётган) оналарга улар ишлайди (ўқиётган) жойдаги корхона, ташкилот маъмурияти томонидан нафақа тайинланади. Тўлиқсиз иш куни режимида, иш берувчи билан келишгани холда ўз устида ишлаган вақтлари учун ишлайди она иш хақини хам, тегишли нафақани хам тўлиқ миқдорда (стипендияни тўлиқ миқдорда) олиши мумкин. Нафақа тайинлашни сўраб корхона, ташкилотга (ўқув юртига) берилган аризага бола туғилганлиги хақидаги гувохнома нусхаси, болани онасидан бошқа шахслар парвариш қилаётганларида, шунингдек, бу хақдаги маълумотнома хам илова қилинмоғи лозим.

Тегишли холларда нафақа тўлаш тўхтатилади (бола 2 ёшга еттакч, болалар уйига жойлаштирилса; бола вафот қиласа; оила Ўзбекистондан кўчуб кетса. Ўз вақтида тўланмаган ёки талаб қилиб олинмаган нафақа суммалари қонун хужжатларида белгилаб қўйилган муддаттacha нафақа олувчиларга берилиши мумкин. Сохта хужжатлар ва қасдан хотүғри маълумотлар тақдим этиш йўли билан олинган бўлса, у холда айбдор шахслар тегишли хуқуқий жавобгарликка тортиладилар хамда хотүғри тўланган

<sup>80</sup> қаранг: Ўзбекистон Республикаси Вазирликлари, давлат қўмиталари ва идораларининг меъёрий хужжатлари Ахборотномаси, 2002 йил, 5-сон.

нафақа қайтариб ундириб олинади. Бюджетдан маблағ билан таъминланувчи давлат ташкилотларида (шу жумладан, давлат ўқув юртларида) ишлаётган оналарга (уларнинг ўрнини босувчи шахсларга) нафақа давлат бюджетидан тўланади.

Нодавлат корхона ва ташкилотларида ишловчи аёлларга эса ушбу корхоналарнинг ўз маблағларидан тўланади (бу суммадан солиқ олинмайди, ундан Пенсия жамғармасига бадал тўланмайди). Бола 2 ёшга етгунга қадар уни парваришлаш учун нафақа тайинлаш ва тўлаш билан боғлиқ бўлган низолар қонун хужжатларида белгилаб қуйилган тартибда кўриб хал этилади.

4) Ногирон болалар ёки болалиқдан ногирон бўлган шахсларга тайинланадиган нафақа. Хар ойда бериладиган нафақанинг бу тури Ўзбекистон Республикаси Вазирлар Мажхамасининг 1994 йил 24 июндаги қарори билан тасдиқланган "Болалиқдан ногиронларга нафақа тайинлаш ва тўлаш тартиби тўғрисида"ги Низомда<sup>81</sup> назарда тутилган бўлиб, бу нафақа тиббий меҳнат эксперт комиссиялари (ТМЭК) томонидан болалиқдан I ёки II гурӯх ногиронлари деб тан олинган иш стажига эга бўлмаган 16 ёшдан катта шахсларга, шунингдек, 16 ёшгача бўлган ногирон болаларга тайинланади. Нафақа тайинлаш тўғрисида ариза болалиқдан I ёки II гурӯх ногиронлари томонидан, уларнинг ота – онаси, хомий ёки васийлари томонидан, шунингдек, 16 ёшга тўлмаган ногирон болаларнинг ота – онаари, хомий ёки васийлари томонидан яшаш жойидаги ижтимоий таъминот бўлимига берилади.

Ногирон боланинг ёки болалиқдан I ёки II гурӯх ногирон шахснинг ёши, туаржойи, васий мурожаат қилган холларда васий этиб тайинлаш тўғрисидаги қарорнинг бир нусхаси, I ёки II гурӯх ногиронларига ТМЭК текшириш далолатномасидан кўчирма 16 ёшга етмаган ногирон болаларга соғлиқни сақлаш муассасалари томонидан белгиланган тартибда берилган тиббий хulosа тақдим этилади. Нафақа тайинлаш учун зарур барча хужжатлар туман ижтимоий таъминот бўлими томонидан қабул қилиб олинган кун ариза билан мурожаат қилинган кун бўлиб хисобланади. Ариза барча зарур хужжатлар билан қабул

<sup>81</sup> Қаранг: ЎЗР Ҳукуматининг қарорлари тўплами. 1994 йил. №6, 33-модда.

қилиб олинган холда у 10 кун ичида кўриб чиқилиши ва хал этилиши лозим. I ёки II гурӯх болалиқдан ногирон шахсларга нафақа ногиронликнинг бутун даврига, ногирон болаларга эса тиббий хулоса кўрсатилган муддатларга тайинланади ва ногирон боланинг ота – онаси, васийси I – II гурӯх болалиқдан ногирон шахснинг, унинг ота – онаси ёки васийсининг яшаш жойидаги ижтимоий таъминот бўлими томонидан тўланади.

Нафақа олувчи Ўзбекистон Республикаси худуди доирасида бошқа туманда доимий яшашга кетганида нафақа олувчининг шахсий хужжатлар йифмажилди олинганидан кейин янги яшаш жойида давом эттирилиб, аввалги яшаш жойидан нафақа тўлаш тўхтатилади. Ногирон бола, I ёки II гурӯх болалиқдан ногирон интернат уйига ўтказилиб, тўлиқ давлат таъминотига олинганда нафақа тўлаш тўхтатилади.

Тайинланган, аммо ўз вақтида олинмаган нафақа олдинги уч йилгача бўлган вақт учун берилиши мумкин, яъни тайинланган, хисоблаб чиқарилган нафақа миқдори талаб қилиб олиш юзасидан уч йиллик умумий даъво муддати белгиланган. Ногирон болаларга нафақа у бошқа турдаги нафақалар (алимент, боқувчисини йўқотганилик нафақаси) олиш – олмаслигидан қатъи назар, тўланаверади. I ёки II гурӯх болалиқдан ногирон шахсларга эса улар олаёттан иш хақи стипендия, алимент ёки бошқа даромадларидан қатъи назар тўланаверади. Улар тўлиқ давлат таъминотида бўлган даврлар учун нафақа тўланмайди.

Лепразорийларда бўлган I ва II гурӯх болалиқдан ногирон шахсларга, ногирон бола у ерда бўлган вақтларда нафақа тўланаверади. Нафақа тўлаш ва уни етказиб бериш хизматлари ижтимоий сұфурта маблағлари хисобига амалга оширилади. Оиланинг нафақа тайинлашда хисобга олинган аъзолари сони ўзгариши, иш хақининг энг кам миқдори ўзгариши туман коэффициенти белгиланиши ахоли даромадлари индексациялашни нафақа миқдорини қайта хисобланишига асос бўлади.

Низомга кўра, ногирон болаларга, I ва II гурӯх болалиқдан ногирон шахсларга энг кам ойлик иш хақининг 100 фоизи миқдорида нафақа тайинлаш белгиланган, бироқ Ўзбекистон Республикаси Президентининг «Иш хақлари,

пенсиялар, стипендиялар ва ижтимоий нафақалар миқдорини 2002 йил 1 апрелдан бошлаб ошириш тұғрисида»ғи 2003 йил 21 апрелдеги Фармони билан болалиқдан ногиронлик нафақаларининг миқдори 6520 сүм қилиб белгиланган.

5) Пенсия тайинлаш учун зарур бұлған мехнат стажига зәга бұлмаган ёлғыз қариялар, мехнатта лаёқатсиз (ногирон) фуқаролар, боқувчисини йүқтоттан шахсларга хар ойда тұланадиган нафақалар.

Ушбу нафақа турини тайинлаш асослари, тартиби ва нафақа олувчи шахслар доираси Ўзбекистон Республикаси Вазирлар Махкамасининг 1994 йил 24 июндеги қарори билан тасдиқланган шу номдаги низомда баён этилған<sup>82</sup>. Ўзбекистон Республикаси «Фуқароларнинг давлат пенсия таъминоти тұғрисида»ғи Қонунiga биноан, пенсия олиш хуқуқига зәга бұлмаган хамда Ўзбекистон Республикасининг Оила кодексига мувофиқ, уларни боқиши ва моддий жихатдан таъминлашга мажбур бұлған қариндошлари йүқ фуқаролар шу турдаги нафақани олишга хақын бұладылар.

«Фуқароларнинг давлат пенсия таъминоти тұғрисида»ғи Қонунга күра пенсия ололмайдын қария, ногирон ва бошқа мехнатта лаёқатсиз шахсларга нафақалар уларнинг ёши эътиборга олингани холда I ёки II гурух ногирони туфайли боқувчисини йүқтотғанлардың сабаблы тайинланиши мумкин. Бундай нафақа манфаатдор шахснинг аризаси асосида туман ижтимоий таъминот бўлимлари томонидан тайинланади.

Ёш бўйича нафақалар қарилек пенсияси олиш хуқуқига зәга бұлмаган фуқароларга:

– аёлларга – 60 ёшга етганларида;

– эркакларга – 65 ёшга етганларидан сўнг тайинланади.

Ёш бўйича нафақанинг миқдори 6520 сүм қилиб белгиланган.

Ногиронлик бўйича нафақалар ногиронлик содир бұлған холларда, яъни мехнат қобилияти доимий ёки узок муддатта йүқтотилганида фақат I ва II гурух ногиронларига тайинланиши мумкин. Нафақа миқдори Ўзбекистон Республикаси Президентининг 2003 йил 2 апрелдеги «2003

<sup>82</sup> қаранг: Оила кодекси, Т., «Адолат», 1999 йил.

йил 1 майдан бошлаб иш хақи, пенсиялар, стипендиялар ва ижтимоий нафақаларининг миқдорини ошириш тўғрисида»ги Фармонига биноан белгиланган бундай I гурух ногиронларига 6520 сўм, II гурух ногиронларга 6520 сўм миқдорида тайинланади. Ишлаб турган ёки бошқа даромад манбаига эга бўлган ногиронларга бундай нафақа тўланмайди.

Пенсия тайинлаш учун зарур бўлган иш стажига эга бўлмаган шахс вафот этган тақдирда унинг қарамогида бўлган меҳнатга яроқсиз, моддий ёрдамга муҳтоҷ бўлган оила аъзоларига нафақа тайинланади. Нафақа миқдори бу холда оиланинг меҳнатга яроқсиз 3 ва ундан ортиқ аъзосига вафот эттан шахс олиши лозим бўлган қариялик нафақасининг 100 фоизи; оиланинг 2 меҳнатга яроқсиз аъзосига 75 фоизи, бир аъзосига эса 50 фоиз миқдорида тайинланади.

Нафақанинг ушбу турини олиш учун ариза хамда ариза берувчининг ёшини тасдиқловчи хужжат, яшаш жойидан берилган маълумотнома, оиланинг умумий даромади хақида маълумотнома, ногиронлик бўйича нафақа тайинлашда эса қўшимча равища ТМЭКнинг ногиронликни тасдиқловчи хulosаси, боқувчининг йўқотганлик нафақасини тайинлаш пайтида боқувчисининг вафот этганлиги тўғрисида гувохнома, боланинг туғилганлиги хақидаги гувохномалар нусхалари тақдим этилади. Ариза ва зарур хужжатлар қабул қилингандан бошлаб 10 кун ичida ижтимоий таъминот бўлими томонидан кўриб чиқиласди. Ариза қондирилган холда ариза берилган кундан бошлаб нафақа тайинланади. Ариза рад этилган тақдирда эса бу хақда 10 кун ичida аризачига тегишли қарор нусхаси барча хужжатлар билан қайтарилиб, қарор устидан шикоят бериш тартиби тушунтирилади.

Нафақа уни олувчи яшаб турган жойидаги ижтимоий таъминот органи орқали тўланади. Нафақа олувчи тўлиқ давлат таъминотига ўтказилганда нафақа тўлаш тўхтатилади. Иш хақининг энг кам ойлик миқдори, ногиронлик гурухи, коэффициентлар ўзгарган, ахоли даромадлари индексацияланган тақдирда нафақа миқдори қайта хисоблаб чиқиласди. Нафақаларни қайта хисоблаб чиқиш муддати ва тартиблари низомда белгиланган.

Нафақа олувчи Ўзбекистон худудидан чиқиб кетганида нафақа тўлови бекор қилинади.

#### 4-§. Фуқароларга бериладиган бошқа турдаги нафақалар

Фуқароларга қонун хужжатларига кўра, бошқа бир қатор нафақаларнинг хам тўланиши назарда тутилган. Улар ижтимоий таъминот хуқуқи мавзуси доирасига кирмаса – да, аммо ахолини ижтимоий жихатдан химоя қилишининг, муайян воқеа – ходисалар билан боғлиқ тарзда юз берган ноқулай шароитларда уларни моддий жихатдан қўллаб – қувватлашнинг мухим шакларидан хисобланади ва ушбу нуқтаи назардан қарагандা, мазкур нафақа турларини хам қисқача кўриб ўтиш, уларга умумий тарзда бўлса – да, тавсиялаб ўтиш мақсадга мувофиқ бўлади.

Бундай нафақалар қаторига қўйидағиларни киритиш мумкин:

- 1) Ишсизлик нафақаси;
- 2) Ишдан бўшаш пайтида бериладиган нафақа;
- 3) Ёш оиласарга бериладиган моддий ёрдам;
- 4) Ишлаб чиқаришда юз берган баҳтсиз ходисалар туфайли халок бўлган ёки соғлиғига шикаст етганда бирийла бериладиган нафақалар.

Ишсизлик нафақаси. Ўзбекистон Республикасининг 1998 йил 1 майдаги «Ахолини иш билан таъминлаш тўғрисида»ги Қонуенининг 29 – моддасига кўра туман (шахар) меҳнат бўлимлари томонидан белгиланган тартибда ишсиз шахс деб эътироф этилган фуқароларга ишсизлик нафақаси тайинланади. Нафақанинг миқдори ва тўланишининг энг узоқ муддати хам ушбу қонунда белгилаб қўйилган.

Аввал ишлаган, ишидан ва иш хақи (меҳнат даромади)дан маҳрум бўлган шахсларга улар ишлаган давридаги иш хақининг эллик фоизи миқдорида, аммо энг кам ойлик иш хақидан кам бўлмаган хамда нафақани хисоблаш пайтида Ўзбекистон Республикасида таркиб топган ўртacha иш хақидан ортиқ бўлмаган миқдорда ишсизлик нафақаси тайинланади. Харбий хизматдан, Ички ишлар ва Миллий хавфсизлик хизматидан, бошқа харбий органлардаги харбий хизматдан бўшатилган шахслар аввал ишлаган бўлсалар, иш хақларининг 50 фоизи миқдорида,

аввал ишламаган шахсларга ишсизлик нафақаси энг кам ойлик иш хақининг 100 фоизи миқдорида тайинланади. Биринчи марта иш қидираётган ва ишсизлик нафақаси олиш хуқуқига эга бўлган шахсларга энг кам ойлик иш хақининг 75 фоизи миқдорида ишсизлик нафақаси тайинланади. Ишсиз деб эътироф этилган шахсларга бир марталик моддий ёрдамлар хам кўрсатилиши мумкин.

Ишсизлик нафақаси биринчи марта иш қидираётган шахсларга бир календарь йил давомида 13 хафтагача, аввал ишлаган шахсларга эса йил давомида 26 хафтагача бўлган муддат давомида тўланиши мумкин. Ишсиз деб эътироф этилган шахсларга ишсизлик нафақасини тайинлаш ва тўлаш тартиблари Ўзбекистон Республикаси Аддия вазирлиги томонидан 1998 йил 23 ноябрда рўйхатга олинган «Ишсиз фуқароларни иш билан таъминлашга кўмаклашувчи давлат жамғармаси маблағларидан ажратиладиган моддий ёрдам кўрсатиш тартиби, миқдори ва шартлари тўғрисида»ги Низомда кўрсатиб қўйилган. Ишдан бўшатилаётган ходимларга бериладиган нафақа Ўзбекистон Республикасининг Мехнат кодексида назарда тутилган бўлиб, унга кўра муайян сабаблар билан ишдан бўшатилаётган шахсларга бундай нафақалар берилиши белгиланган.

Мехнат кодексининг 89—моддаси 4—қисмига кўра ходим янги мехнат шартлари асосида ишлашдан бош тортганлиги туфайли, 100—модда 2—қисмининг 1 (штатлар қисқариши, корхонанинг тутатилиши), 2 (ходим эгаллаб турган вазифа ишга нолойик бўлиб қолиши) 5 (ўриндошлик бўйича ишлаётган шахс бошқа доимий ходим ишга қабул қилиниши туфайли ишдан бўшатилиши), 6 (корхона мулқдори алмашганлиги туфайли корхона раҳбари, ўринбосарлари, бош бухгалтерининг ишдан бўшатилиши) — бандлари билан иш берувчи ташаббусига кўра ишдан бўшатилган шахсларга Мехнат кодексининг 109—моддасига биноан ўртacha ойлик иш хақидан кам бўлмаган миқдорда ишдан бўшатиш нафақаси берилади.

Ишдан бўшатиш нафақаси ишдан бўшатиш пайтида ишга жойлаша олмаганлиги туфайли ўртacha ойлик иш хақини сақлаб қолиниши билан хамда фойдаланилмаган мехнат таътили учун бериладиган ёки ишдан бўшатилиш хақида олдиндан огохлантириш ўрнига тўланадиган компенсация пули билан алмаштириб юборилмаслиги лозим. Ишдан

бўшатиши нафақаси юқоридаги тўловлар берилган – берилмаганилигидан қатъи назар тўланавериши лозим. Ёш оиласарга бериладиган моддий ёрдам. Ўзбекистон Республикаси Адлия вазирлиги томонидан 1999 йил 7 майдаги давлат рўйхатига олинган «Моддий жихатдан қўллаб – қувватлашга муҳтож бўлган ёш оиласарга кўрсатиладиган маблағларни ташкил топтириш ва сарфлаш тартиби тўғрисида»ги Низом асосида кўрсатилади.

Ушбу Низомга кўра ёш оиласарга бир марталик қайтариб олинмайдиган моддий ёрдам шаклида, фоиз олинмайдиган қарз бериб туриш тарзида ёки бошқа шаклларда моддий кўмак берилиши мумкин. Кўрсатиладиган беғараз ёрдам миқдори, бериладиган фоизсиз қарз, ундан фойдаланиш тартиби ва муддатлари юқоридаги низом асосида фуқароларнинг ўзини ўзи бошқариш органлари томонидан белгиланади. Бундай ёрдамни олишда келин ёки куёв ногирон бўлса, қариндошлари ва бошқа ёрдам берувчи яқинлари бўлмаса, камбағал оиласардан бўлса, келин ёки куёв фуқаролар йигини фаолиятида мунтазам иштирок этса, афзалиқдан фойдаланадилар. Ёш оила томонидан моддий ёрдам кўрсатишни сўраб берилган ариза фуқаролар йигини томонидан белгиланган муддатда ва тартибда кўриб чиқилади.

Ходимнинг соғлиғига шикаст етказилганлиги ёки унинг вафоти муносабати билан бирйўла бериладиган нафақа миқдори, тўланиш асослари хамда, тартиби Ўзбекистон Республикаси Мехнат кодексининг 194 – моддасида хамда Ўзбекистон Республикаси Вазирлар Махкамасининг 1994 йил 1 февралдаги қарори билан тасдиқланган «Ходимларга уларнинг меҳнат вазифаларини бажариш билан боғлиқ холда жароҳатланиши, касб касалликларига чалиниши ёки саломатликнинг бошқа хил шикастланиши туфайли етказилган зарарни иш берувчи томонидан тўлаш қоидлари»да айтилишича: йўқотилган иш хақини тўлашдан, зарарни тўлашдан ташқари иш берувчи соғлиғига зарар етказилган жабрланувчи ходимга унинг бир йиллик иш хақидан кам бўлмаган миқдорда (қоиднинг 22 – банди), ходим вафот этгани тақдирда эса унинг қарамоғида бўлиб келган боқувчисини йўқотган шахсларга мархум ходимнинг 6 йиллик (72 ойлик) иш хақи жами миқдорида бирйўла

бериладиган нафақа тўлашга мажбур бўлади (қоиданинг 26 – баңди). Таълим муассасаларида бериладиган стипендиялар хам ахолини маълум табақаларини ижтимоий қўллаб – қувватлаш ва химоялашнинг мухим шаклларидан бири саналади.

Ўзбекистон Республикаси Вазирлар Махкамасининг 2001 йил 17 августдаги «Олий ўқув юртлари талабаларига стипендиялар тўлаш тартиби ва миқдорлари тўғрисида»ги қарорига мувофиқ, Ўзбекистон Республикаси Адлия вазирлигига 2002 йил 6 марта «Таълим муассасаларида стипендиялар тайинлаш ва тўлаш тартиби тўғрисида»ги йўриқнома рўйхатта олинди. Ушбу йўриқномага кўра, стипендия деганда таълим муассасаларида давлат грантлари ёки тўлов – контракт асосида муваффақиятли таълим олаётган студентлар (ўқувчилар)га хар ойда тўланадиган пул тўловларидан иборат бўлиб, бошқа тўловлар тўланишидан қатъи назар (бошқа нафақа турлари, пенсия, алимент ва бошқалар), тўланаверади. Стипендиялар ўқув юртида тузиладиган стипендия комиссияси томонидан рейтинг назорати ва талаба (ўқувчи) ўзлаштириши кўрсаткичларига мувофиқ тайинланади.

Стипендиянинг таянч миқдори белгилаб қўйилган бўлиб, рейтинг бўйича 86 – 100 ўзлаштирувчи талабага шунинг 100 фоизи; 71 – 85 фоиз ўзлаштирувчи талабага 75 фоизи; 55 – 70 фоиз ўзлаштираётган талабага эса 50 фоизи миқдорида стипендия тўланади. Стипендия миқдори муайян холатлар (етим болалар, собиқ харбий хизматчилар, математика йўналиши бўйича таълим олаётганлар) хисобга олиниб, бошқача таянч миқдорларга кўра хам тайинланиши мумкин.

Ўзбекистон Республикаси Президенти стипендиясини олувчиларга, Беруний, Ибн Сино, Навоий, Улуғбек номидаги стипендияларни олувчи талabalарга белгиланган миқдорида стипендия берилади. Ўрта маҳсус ўқув юртларида стипендиянинг таянч миқдори белгиланган бўлиб, ўқувчиларга уларнинг ўзлаштириш кўрсаткичига мувофиқ ушбу сумманинг 100, 75 ёки 50 фоизи миқдорида стипендия берилади. Бунда хам ўқувчиларнинг муайян тоифаларига бошқача таянч миқдорларига кўра стипендия тайинлаш назарда тутиб қўйилган. Муайян фанлардан қарздор бўлиб қолган (бир ёки бир неча фандан 55 фоиздан кам рейтинг

баллари түпласан) талаба (үқувчи) кейинги ўқув семестрида стипендия олиш хуқуқидан маҳрум бўлади. Талаба (үқувчи) академик таътилда бўлган даврида стипендия тўланмайди.

Хомиладорлик ва туғиши таътилида бўлган талабаларга таътил даврида тўлиқ стипендия тўланаверади. Ёзги каникул пайти учун хам стипендия тўланаверади. Талаба (үқувчи) стипендиасидан ушлаб қолинишинга йўл қўйилмайди.



## *Мавзу юзасидан тест синови саволлари*

№1. Вақтингча меҳнатга қобилиятсизлик нафақаси нафақаларнинг қайси турига мансуб?

- а) давлат ижтимоий нафақаларига;
- б) бюджет хисобидан тўланадиган ижтимоий нафақаларга;
- в) меҳнат муносабатига оид нафақаларга;
- г) тўғри жавоб йўқ.

№2. Маст холда бўлганлик туфайли вақтингча меҳнатга қобилиятсизлик юз берганида нафақа:

- а) минимал ойлик иш хақи миқдорида тўланади;
- б) ўртача ойлик иш хақи миқдорида тўланади;
- в) иш хақининг 30 фоизи миқдорида тўланади;
- г) тўланмайди.

№3. Меҳнат стажига эга бўлмаган ёлғиз қарияга қарилек нафақаси:

- а) ўртача ойлик иш хақи миқдорида тўланади;
- б) энг кам ойлик иш хақи миқдорида тўланади;
- в) ўртача ойлик иш хақининг 50 фоизи миқдорида тўланади;
- г) тўғри жавоб йўқ.

## *Билимларингизни текшириб кўринг*

1. Нафақалар нима ва уларнинг пенсиялардан қандай фарқлари мавжуд?

2. Нафақалар қандай таснифланади?

3. Давлат ижтимоий сугуртаси бўйича тайинланадиган нафақаларнинг қайси турларини биласиз?

4. Вақтингча меҳнатга лаёқатсизлик нафақаси тайинланиш тартиби, шартлари ва миқдорлари хақида сўзлаб беринг.

5. Ижтимоий нафақаларнинг қайси турларини биласиз ва улар қандай меъёрий – хуқуқий хужжатларга кўра тайинланади?

6. Кўп болали ва кам таъминланган оиласарга тайинланадиган нафақалар қандай тайинланади?

## *Тавсия этиладиган адабиётлар*

1. Каримов И. А. Ўзбекистон XXI асрга интилмоқда. Т., «Ўзбекистон», 1999.
2. Ўзбекистон Республикаси Конституцияси. Т., «Адолат», 2001.
3. «Давлат ижтимоий суғуртаси бўйича нафақалар тайинлаш ва тўлаш тартиби тўғрисида»ги Низом. 2002 йил 14 майда Ўзбекистон Республикаси Адлия вазирлигига рўйхатдан ўтказилган.
4. Ўзбекистон Республикаси Президентининг 2002 йил 25 январдаги «Ахолининг ижтимоий химояга муҳтоҷ қатламларини аниқ йўналтирилган тарзда қўллаб – қувватлашини кучайтириш тўғрисида»ги Фармони.
5. «Икки ёшга етмаган болалар парвариши билан банд бўлган ишилаётган оналарга ойлик нафақалар тайинлаш тартиби тўғрисида»ги Низом. 2002 йил 14 марта рўйхатга олинган.
6. «Икки ёшга етмаган болалар парвариши билан банд бўлган ишиламаётган оналарга ойлик нафақалар тайинлаш тартиби тўғрисида»ги Низом. 2002 йил 14 марта рўйхатта олинган.
7. Ўзбекистон Республикаси Президентининг 1996 йил 19 декабрдаги «Кўп болали ва кам таъминланган оиласаларга давлат ёрдамини кучайтириш чора – тадбирлари тўғрисида»ги Фармони ва шу хақдаги Низом.
8. Ўзбекистон Республикаси Вазирлар Махкамасининг 1994 йил 24 июндаги қарори ва унинг иловалари.
9. Турсунов Й. ва бошқалар. Ижтимоий таъминот хуқуқи. Ўқув қўлланма. Т., «Молия», 2001 йил.

## **Х боб. ФУҚАРОЛАРГА КЎРСАТИЛАДИГАН БОШҚА ИЖТИМОЙ ЁРДАМЛАР ВА ИМТИЁЗЛАР**

### **1–§. Ахолига кўрсатиладиган ижтимоий ёрдам тушунчаси, зарурлиги ва уларнинг таснифи**

Ахолини ижтимоий жихатдан химоялашни кучайтириш, «ахолининг ижтимоий химоя қилинишини таъминлашга йўланаётган бюджет маблағларидан улар ахолини ижтимоий химояга муҳтоҷ қатламларига йўналтирилганлигини кучайтиришни назарда туттан ҳолда фойдаланиш самарадорлигини ошириш»<sup>83</sup>, «Ахолини ижтимоий муҳофаза қилишни кучайтириш, оила манфаатларини таъминлаш, аёллар мавқеини ошириш, соғлом авлодни шакллантириш бўйича амалга оширилган умумдавлат чора – тадбирлари республикадаги ижтимоий – демографик вазиятни сезиларли даражада яхшилаш имконини берди. Оила институти мустажкамланмоқда, чақалоқлар ўлеми камаймоқда, туғруқ ёшининг таркиби яхшиланмоқда, ахолининг узоқ умр кўриш даражаси ўсмоқда»<sup>84</sup>.

Буларнинг барчаси ушбу соҳадаги давлат сиёсатининг изчили рӯёбга чиқарилаётганидан нишонадир. Ахолига бериладиган ижтимоий ёрдам ва ижтимоий қўллаб – қувватлаш йўналишларидан бири – уларга пенсия ва нафақалар беришдан ташқари, бошқа шакллардаги ёрдамлар кўрсатилишидан иборат. Пенсия ва нафақалардан бошқача ижтимоий ёрдам кўринишлари хилма – хил бўлиб, моддий ёки бошқа номоддий шаклларда амалга оширилиши мумкин.

Юқорида таъкидланганидек, хозирги пайтда ахолининг муҳтоҷ қатламлари ўнлаб турдаги ижтимоий ёрдамларни олмоқдалар, юздан ортиқ шаклдаги ҳар хил имтиёзлардан фойдаланмоқдалар ва ана шу мақсадлар учун давлат хазинасидан миллиардлаб сўм маблағ сарф қилинмоқда. Бундай ёрдамдан фойдаланувчи фуқаролар орасида

<sup>83</sup> қаранг: Узбекистон Республикаси Олий Мажлисining 2001 йил 6 декабрдаги «Ахолининг ижтимоий химояга муҳтоҷ қатламларини аниқ йўналтирилган тарзда қуллаб – қувватлашнинг 2002–2003 йилларга мулжалланган Дастури тўғрисидә»ги қарори. «Ҳалқ сўзи», 2001 йил 13 декабрь.

<sup>84</sup> қаранг: Узбекистон Республикаси Вазирлар Мажхамасининг 2002 йил 25 январдаги «Аёллар ва усисб келаётган авлод соғлигини мустажкамлашга доир кўшимча чора – тадбирлар тўғрисидә»ги қарори.

қариялар, ёш болалар, болали оиласлар, ногиронлар етакчи ўринни тутмоқда<sup>85</sup>.

Ахолининг мухтож табақаларига кўрсатиладиган ёрдамларни аниқ тавсифлаш ва тўғри таснифлаш, хар бир ижтимоий ёрдам кўрсатиш шаклини, мазмун – мохиятини, мақсад – вазифасини, роли – ўрнини аниқ тасаввур этиш бундай ёрдамни кўрсатиш билан бевосита шуғулланаётган шахслар учун, бу соҳада фаолият юритувчи мутахассис – қадрлар учун муҳим амалий ахамиятга эга. Бундай ёрдамларнинг сиёсий мохияти ва хуқуқий асосларидан яхши хабардор бўлиш хамда уларни тўғри тушуниб етиш уни ўз вақтида, тўла хажмда тегишли шахсларга етказилишини таъминлади, ижтимоий адолат ва қонунчилик тамойилларининг мустаҳкамланишига хизмат қилади.

Пенсия ва нафақалардан бошқа шакллардаги ижтимоий ёрдамдан фойдаланишга хақли бўлган шахслар тоифалари хилма – хил, доираси жуда кенг бўлиб, улар қаторига қариялар, ногиронлар, боқувчисиз қолган фуқаролардан ташқари, ёлғиз кекса ва ёлғиз ногиронлар, кўп болали ва кам таъминланган оиласлар, мактаб ўқувчилари, уруш қатнашчилари ва бошқа шахслар кирадилар.

Ахолининг ушбу табақаларига бериладиган ижтимоий ёрдам шакллари хам хар хил қўринишларга эга бўлиб, уларни қўйидаги турларга бўлиш мумкин:

1) қариялар, ногиронлар ва болаларни давлат таъминотига олиш, маҳсус муассасаларда яшашларини таъминлаш;

2) ёлғиз қарияларга уйларида ижтимоий ёрдам кўрсатиш ва зарур озиқ – овқат маҳсулотлари билан бепул таъминлаш;

3) қариялар, ногиронларга санаторий – курорт хизматларини кўрсатиш;

4) ногирон фуқароларга протез – ортопедия, харакатланиш воситалари бериш хизматларини кўрсатиш;

5) мактаб ёшидаги болали оиласларга моддий ва бошқа ёрдамлар кўрсатиш;

<sup>85</sup> қаранг: 2002 йил 1 январ кунига келиб Ўзбекистон Республикасида 2718 минг пенсионер мавжуд бўлиб, улардан 418 минги уруш ортида ишлаганлар, 59 минги уруш қатнашчилари бўлган. «Саховат» газетаси, 2001 йил 23 декабрь.

6) фуқароларнинг муайян тоифаларига тураржой маший, транспорт – алоқа, солиқ, тиббий – фармацевтика ва бошқа соҳаларда имтиёзлар бериш;

7) қонун хужжатларида назарда тутилган бошқа турдаги ижтимоий хизматларни кўрсатиш.

Ахолининг муайян тоифаларига кўрсатиладиган ижтимоий хизматлар ва бериладиган имтиёзлар иқтисодий тушунча сифатида давлат ва жамият томонидан ушбу мақсадлар учун ажратиладиган маблағларни сарфланишидан иборат бўлса, юридик тушунча сифатида у фуқароларга Конституцияга мувофиқ берилган ижтимоий ёрдам олиш хуқуқларини амалга оширилишидан иборатdir. Бозор иқтисодий муносабатлари кучайиб ва чуқурлашиб бораётган, боқимандалик кайфиятларига барҳам берилаётган шароитда ночор ва teng рақобатлашишга қодир бўлмаган ахоли табақаларини реал ижтимоий химоя қилиниши мухим ахамиятга эгадир.

## **2–ғ. Ёлғиз қариялар, ёлғиз ногиронлар ва ота–она парваришидан маҳрум бўлган болаларни давлат таъминотига олининининг моҳияти**

Ёлғиз қариялар, кимсасиз ногиронлар, етим болалар хақида амалда ғамхўрлик қилиш ахволига қараб, жамиятнинг, унинг аъзоларининг, давлатнинг маданий ҳамда маънавий – ахлоқий савиясига баҳо берилади ва ушбу кўрсаткичлар инсонпарварлик даражасини белгиловчи мухим мезонлардан хисобланади.

Мамлакатимизда ана шу тамойилларга амал қилингани холда қариялар, ногиронлар, етим – есирлар хақида алоҳида ғамхўрлик қилиб келинмоқда. 2002 йилни «Қарияларни қадрлаш йили» деб эълон қилиниши, аввалги йилларнинг ногиронлар, аёллар, болаларга бағищланганлиги ҳамда шу муносабат билан зарур давлат дастурлари ишлаб чиқилиб, хаётта татбиқ этиб келинаёттанилиги давлатимиз ва жамиятимизда инсон ва унинг манфаатлари олдинги ўринларда туришини кўрсатади.

Бугунги кунда республикамиизда кўплаб «Саховат уйлари», «Мехрибонлик уйлари», «Мурувват уйлари» фаолият кўрсатиб келмоқда ва уларда бир неча ўн минглаб

фуқаролар давлат мөхр—муруватидан баҳраманд бўлмоқдалар. Интернат ва пансионатлар — парваришга ва тиббий хизмат кўрсатишга муҳтож бўлган ёлғиз қариялар хамда ногиронларнинг доимий яшашига мўлжалланган тиббий—ижтимоий муассасалар бўлиб, уларнинг хар хил турлари мавжуд.

Қариялар уйи ёки ногиронлар уйига жойлаштиришга муҳтож бўлган фуқароларни аниқлаш, хисобга олиш ва ушбу муассасаларга йўллаб жойлаштириш вазифаси туман (шахар) ижтимоий таъминот бўлимлари зиммасига юклangan. Шунингдек, ўз худудида жойлашган интернат уйларнинг фаолиятига кўмаклашиш ва уларнинг ишини назорат қилиш хам ижтимоий таъминот бўлимлари томонидан амалга оширилади.

Қариялар ва ногиронлар уйлари республика ёки махаллий бюджет маблағлари хисобидан таъминланиши мумкин ва улар юридик шахс саналади. Интернат уйига хамда меҳнат ва уруш фахрийлари пансионатларига 60 ёшдан ошган эркаклар, 55 ёшдан ошган аёллар, 18 ёшдан катта бўлган I-II гурух ногиронлари қабул қилинади. Сурункали руҳий касал бўлган шахслар руҳий—асаб интернат уйларига жойлаштириладилар. Болалар интернат уйларига 4 ёшдан 17 ёшгacha ақли заиф ёки жисмоний етук бўлмаган болалар қабул қилинади.

Интернат уйларига қабул қилиш асос ва тартиблари қонун хужжатлари билан белгилаб қўйилганadir. Интернат уйида яшовчи ва тўлиқ давлат таъминотида бўлган фуқароларга (руҳий—асабий касалликлар интернатидан ташқари) интернат уйидаги харажат билан пенсияси ўртасидаги фарқ тўланади, аммо пенсионерга тўланадиган сумма унинг пенсиясининг 10 фоизидан, уруш ногиронларига эса 20 фоизидан кам бўлмаслиги лозим. Интернат уйида яшаётган фуқаролар тегишли асослар ва тартибларда бу ердан чиқарилишлари мумкин. Интернат уйидан чиқарилган фуқароларни жойлаштириш ва таъминотини амалга ошириш ижтимоий таъминот бўлимларига юклатилган.

Интернат уйларига одатда ёрдамга муҳтож ва қонун бўйича таъминлаш ва парваришилашга мажбур бўлган яқин қариндошлари йўқ фуқаролар жойлаштирилади. Аммо

тўлов – контракт асосида яқин қариндошлари мавжуд бўлган фуқаролар хам бу ерга жойлаштирилиши мумкин.

### **3–§. Пенсионер ва ногиронларни санаторий ва курортларда даволаш**

Пенсионерлар ва ногиронларни санаторий – курортларга юбориш орқали даволаш, саломатликларини муунтазам назорат қилиб туриш – уларга кўрсатиладиган ижтимоий ёрдамнинг асосий таркибий қисмини ташкил қиласди.

Ўзбекистон Республикасининг 1996 йил 29 августдаги «Фуқаролар соғлигини сақлаш тўғрисида»ги Қонунининг 21 – 22 – моддаларида пенсионер ва ногирон бўлиб қолган фуқаролар зарур тиббий – ижтимоий ёрдам олиш хукуқига, шу жумладан, санаторий ва дам олиш уйларида соғломлаштириш хизматидан фойдаланишга хақли эканликлари кўрсатиб қўйилган.

Пенсионерлар ва ногиронларни санаторий – курортлар, дам олиш уйларига юбориш асослари, муддатлари, тартиблари Ўзбекистон Республикаси Ижтимоий таъминот вазирлигининг 1993 йил 8 июлдаги буйруғи билан тасдиқланган бўлиб, унда барча пенсионерлар хар икки йилда, уруш қатнашчиси бўлган ногиронлар эса хар йили белпул йўлланма билан санаторий – курортларга юборилиш хукуқига эга эканликлари белгилаб қўйилган.

### **4–§. Ногиронларга протез – ортопедия буюмлари, харакатланиш воситалари бериш**

Ўзбекистон Республикасида яшовчи фуқароларни протез буюмлари, ортопедия пойафзали ва бошқа протез – ортопедия ашёлари билан таъминлаш тартиби, шартлари ва муддатлари Ўзбекистон Республикаси Ижтимоий таъминот вазирлиги томонидан 1994 йил 17 февралдаги буйруқ билан таъминланган шу хақдаги йўриқнома билан белгилаб қўйилган.

Ушбу йўриқномага кўра протез – ортопедия буюмлари тегишли тиббий муассасалар йўлланмаси ва хulosаси

асосида фуқароларга протез – ортопедия корхоналари томонидан бепул (тегишли холларда пул тұланиши орқали) тайёрлаб берилиши ёки савдо корхоналари (тиббиёт савдо шахобчалари) орқали сотилиши белгилаб қўйилган. Фуқароларни протез – ортопедия буюмлари билан таъминлаш ижтимоий таъминот бўлимларига юклатилганлиги ва улар томонидан таъминот амалга оширилиши хам қайд этиб ўтилган.

Ногиронларни қўлда бошқариладиган автомобиллар ва мотоколяскалар билан таъминлаш масалалари Ўзбекистон ССР Министрлар Советининг 1977 йил 3 мартағи қарори (унга 1981 йил 11 майда ўзгартириш ва қўшимчалар киритилган) билан тартибга солинади. Бундан ташқари, Ўзбекистон Республикаси Ижтимоий таъминот вазирининг 1994 йил 29 сентябрдаги буйруғи билан Ўзбекистон Республикасидаги ногиронларни харакат воситалари (велоколяска, креслоколяска ва кичик габаритли коляскалар) билан таъминлаш тартиби тасдиқланган бўлиб, унга кўра тегишли Тиббий – меҳнат экспертлар комиссиясининг хulosасига мувофиқ ногиронлар ижтимоий таъминот бўлимлари томонидан тегишли рўйхатларга кўра харакатланиш воситалари билан таъминланишлари айтилган.

Мазкур тартибга кўра, уруш ногиронлари, урушда халок бўлган шахсларнинг оила аъзолари, ЧАЭС халокати туфайли I – II гурух ногирони бўлганлар, 18 ёшга тўлмаган ўқувчи ногиронлар ва бошқа айрим тоифадаги ногиронлар харакат воситалари билан бепул таъминланишлари ёки имтиёзли нархларда таъминланишлари, бошқа фуқаролар эса тегишли пулини тўлаш орқали таъминланишлари, харакат воситаларини таъмирлаб бериш, янгилаш шартлари ва тартиблари белгилаб қўйилган.

## **5-§. Мактаб ёшидаги болали оиласаларга моддий ва бошқа ёрдамлар кўрсатиш**

Ижтимоий ёрдамнинг бу тури аввалдан турли шаклларда (бепул тушликлар бериш, ўқув дарслерлари билан бепул таъминлаш, кийим – кечак билан таъминлаш ва хоказо) фуқароларга кўрсатиб келинар эди.

Ўзбекистон Республикаси Вазирлар Махкамасининг 2002 йил 25 январдаги «Ахолининг ижтимоий химояга мухтож қатламларини аниқ йўналтирилган тарзда қўллаб – қувватлашнинг 2002 – 2003 йилларга мўлжалланган дастурини амалга ошириш чора – тадбирлари тўғрисида»ги қарори қабул қилиниши билан ушбу соҳада янада ижобий ўзгаришлар рўй бера бошлади. Қарорга кўра, 2002 йил 1 сентябрдан бошлаб, кам таъминланган оиласларнинг умумтаълим ўрта мактабларининг барча синфларида ўқиётган ўқувчи – болалари бепул қишки кийим – бош билан таъмин этилишлари белгиланди.

Ушбу қарорга кўра, умумтаълим ўрта мактабларининг барча синфларида ўқиёдиган кам таъминланган оиласларга мансуб ўқувчиларнинг 2002 йилда 75 фоизи, 2003 йил 1 сентябрдан бошлаб 100 фоизи бепул дарсликлар билан таъминланышлари назарда тутилди. Етим болалар ва ота – онадан қаровсиз қолган тўлиқ давлат таъминотидаги (болалар уйларида) болаларни ижтимоий химоя қилиш мақсадида уларга умумтаълим мактабларини битириб чиқаётганларида кийим – бош, пояфзал сотиб олиш учун 2002 йилда энг кам иш хақининг 80 баробари, 2003 йилда эса 100 баробари миқдорида бир йўла нафақа бериш назарда тутилди. Чақалоқлар уйидан чақалоқларни фарзандликка, тарбиясига (патронат) олган тутинган ота – оналарга хар бир чақалоқ учун энг кам иш хақининг 3 баробари миқдорида хар ойлик нафақа бериш белгилаб қўйилди.

## **6–§. Фуқароларнинг айрим тоифаларига бериладиган ижтимоий – иқтисодий имтиёзлар**

Ахолини ижтимоий химоялаш ва қўллаб – қувватлаш мақсадида уларга кенг қатламли имтиёзлар бериш кўзда тутилган. Бу имтиёзлар улардан фойдаланишга хақли бўлган шахслар доирасига, имтиёз турлари ва уларнинг ижтимоий мөхиятига хамда бошқа хусусиятларига кўра гурухларга ажратилиши мумкин. Давлат бюджети хисобидан фуқароларга бериладиган ижтимоий ёрдамни амалга ошириш шакли сифатида улар фуқаролар кундалик турмушида мухим ўрин тутмоқда. Шуни айтиш кифояки,

бугунги кунга келиб имтиёз ва енгилликларнинг умумий сони юздан ортиқ шаклда амалга оширилмоқда.

Ижтимоий қўллаб – қувватлаш мақсадидаги имтиёзлар ва енгилликлардан фойдаланиш хуқуқига эга бўлган шахслар доираси пенсионерлар, ногиронлар, ёлғиз қариялар, кўп болали ва кам таъминланган оиласлар билангина чекланиб қолмасдан, ижтимоий ахамияти катта бўлган муайян касб ва вазифаларда банд бўлган шахсларни (педагоглар, врачлар ва бошқалар) хамда бошқа тоифадаги фуқароларни хам ўз ичига қамраб олгандир. Имтиёз ва енгиллик берилиши обьектлари хам хилма – хил бўлиб, тураржой – коммунал хизматлар, тиббий хизматлар, фармацевтика таъминоти, транспорт – алоқа хизмати, солиқ ва бож тўловлари қабиларни ўз ичига олган.

Имтиёз ва енгилликлар хажми турли тоифадаги фуқаролар учун турлича белгиланган бўлиб, бунда унинг давлат ва жамият олдидаги хизмати, моддий – ижтимоий ахволи ва бошқа кўрсаткичлар эътиборга олинган. Имтиёзлардан фойдаланиш асослари ва шартлари хам турлича бўлиб, фуқаронинг аввалги даврдаги хизмати, аввалги даврдаги ёки бугунги кунда бажарив келаётган вазифаси, оиласлар ахволи қабилардан иборат бўлиши мумкин.

Имтиёз ва енгилликлардан фойдаланишининг умумий тартибига кўра имтиёздан фойдаланиш хуқуқига эга бўлган фуқаро ёки оила шундай имтиёз ёки енгилликни бериси лозим бўлган давлат ёки жамоат органига, корхона – ташкилотга ёзма ариза билан мурожаат қилиши хамда имтиёздан фойдаланиш хуқуқини тасдиқловчи зарур хужжатларни тақдим этиши лозим.

Имтиёздан фойдаланиш хуқуқи бекор бўлганида ёки ўзгарганида фойдаланувчи шахс бу хақда белгиланган муддат ичида имтиёз берувчи органни, тегишли холларда – бошқа органларни хабардор қилиб қўйиши шарт. Сохта хужжатлар асосида ёки нотўғри маълумотлар тақдим этган холда имтиёздан фойдаланаётган шахслар қонун хужжатларига мувофиқ маъмурий ёки жиноий жавобгарликка торғиладилар хамда нотўғри берилган

имтиёз тарзидағи заарлар улардан тұлық ундириб олинади<sup>86</sup>.

Энди фуқароларга бериладиган имтиёзлар ва енгилликларнинг асосий гурухларини қисқача тавсиф хамда тахлил этишга харакат қиласыз.

I. Уй – жой, коммунал хизматлар күрсатилиши соҳасидаги имтиёзларнинг фуқароларга берилиш асослари Ўзбекистон Республикаси Президентининг 2001 йил 17 апреддаги «Ком – мунал хизмат күрсатиши соҳасида иқтисодий ислохотларни чуқурлаштиришнинг янги босқичи тұғрисида»ги Фармона, Ўзбекистон Республикаси Вазирлар Махкамасининг 2001 йил 18 апреддаги «Ахолига коммунал хизмат күрсатишини такомил – лаштиришга доир құшымча чора – табиғирлар тұғрисида»ги қарори хамда мазкур қарор билан тасдиқлаб қуайилган «Уй – жой – коммунал хизматлар учун ҳақ тұлаш бүйічә ахолига имтиёзлар беріш тартиби тұғрисида»ги Низомда, хукуматнинг аввал чиқарылған бошқа бир қатор қарорларида, бошқа айрим меъерий хужжатларда назарда тутилған.

Хусусан:

1) Ўзбекистон Республикаси Президентининг 1990 йил 7 майдаги «Совет халқининг Улуғ Ватан урушидаги ғалабасининг 45 йиллиги байрами муносабати билан Улуғ Ватан уруши иштирокчилари, байнамилалчи жангчилар, ногиронлари ва халок бұлған харбий хизматчиларининг оила аъзоларига құшымча имтиёзлар тұғрисида»ги Фармона хамда Ўзбекистон Республикаси Министрлар Советининг 1981 йил 2 мартағи «Ватан уруши қатнашчилари ва вафот эттеги харбийлар оила аъзолари учун имтиёзлар тұғрисида»ги Низомга құра ушбу шахслар қарамоғида бұлған ёки бұлмаганligидан қатын назар фойдаланиш харажатларидан, коммунал хизмат ҳақларидан (Марказий иситиш, иссиқ сув таъминоти, водопровод ва канализация, газ таъминоти учун тұловларнинг 50 фоизидан (хар бир киши хисобига 10 квадрат метрдан хисоблаганда) имтиёз беріш күзде тутилған.

<sup>86</sup> қарап: «Фальшивые ... льготы», «Народное слово» газетаси, 1999 йил 11 сентябрь; «Вижденин жиғілдігінде алмастырылғанлар», «Халқ сузы» газетаси, 2001 йил 4 декабрь; «Давлат маблаглары кимнинг хаменита», «Халқ сузы» газетаси, 2000 йил 1 февраль; «Ногирон мушкуни осон бұладыны?», «Халқ сузы» газетаси, 2000 йил 31 март ва бошқалар.

Бундай имтиёзлар Чернобиль Атом электр станциясида юз берган фалокат оқибатида нурланиш касаллигидан вафот этганлар ва шу туфайли вафот этган ногиронлар оиласалирига иситиш, сув таъминоти, газ таъминоти, электр энергиясидан фойдаланганлик учун тўловлар бўйича 50 фоиз чегирма тарзидағи имтиёз берилади. Уруш қатнашчиси, ЧАЭС фалокати ногиронлиги гувохномаси ушбу имтиёзларни олиш учун асос бўлиб хизмат қиласди;

2) Ўзбекистон Республикаси Президентининг 1990 йил 13 ноябрдаги «Барча типдаги мактаб ўқитувчилари, болалар уйларининг тарбиячилариiga қўшимча имтиёзлар бериш ва юқори синф ўқитувчилари ойлик маошларини ошириш тўғрисида»ги Фармонига кўра шахардаги ушбу маориф ходимларига фойдаланиш харажатларининг 50 фоизи, қинилоқ жойларида яшовчи маориф ходимлари учун 100 фоиз миқдорида имтиёз бериладиган бўлди;

3) Собиқ СССР Министрлар Советининг 1990 йил 30 апрелдаги «Улуғ Ватан уруши йилларида Ленинград шахри қамалини бошидан кечирган фуқароларга имтиёзлар тўғрисида»ги қарорига кўра Ленинград блокадаси (қамали) иштирокчилари ва уларнинг оила аъзолари хар бир кишига хисоблаганда 10 квадрат метр учун коммунал хизмат хақларини, иситиш, иссиқ сув, совуқ сув, канализация, газ, электр энергия хақларини 50 фоиз миқдорда, белгиланган нормадан ортиқча хақларни эса – умумий асосларда – 100 фоиз миқдорида тўлашлари кўзда тутилган;

4) Ўзбекистон Республикаси Президентининг 1991 йил 27 майдаги Фармонига кўра ёлғиз пенсионерлар, шу жумладан ўзгалар парваришига муҳтоҷ бўлган ногиронлар фойдаланиш ва коммунал хизмат хақларидан тўлиқ озод қилинадилар. Пенсия дафтарчасига қўшиб қўйилган маҳсус варақ имтиёздан фойдаланиш учун асос бўлади;

5) Ўзбекистон Республикаси Президенти хузуридаги Вазирлар Махкамасининг 1992 йил 8 январдаги «Ноишлаб чиқариш тармоқлари ходимларининг пенсиялари, стипендиялари ва мансаб маошларини ошириш тўғрисида»ги қарорига мувофиқ қўйидаги шахслар:

– болалар мактабгача ва мактабдан ташқари муассасаларнинг тарбиячилари, ўқитувчилари, касб – хунар таълими тизими уста (мастер)лари ва ўқитувчилари;

– болалар ва ёшлар спорт мактаблари, Олимпия захираси мактабларининг директорлари, директор ўринбосарлари, тренер – ўқитувчилар, инструктор – услугбиятчилари коммунал ва фойдаланиш харажатларидан шахарда – 50 фоизга, қишлоқ жойларида эса – 100 фоизга озод қилинишлари белгилаб қўйилган;

6) Ўзбекистон Республикаси Вазирлар Махкамасининг 1992 йил 13 мартағи «Ўзбекистон Республикасидаги олий ва ўрта маҳсус ўқув юртларининг профессор – ўқитувчилари, илмий ходимлари, ўқув – ёрдамчи ходимлари таркибиға мансуб бўлган шахсларга қўшимча имтиёзлар тўғрисида»ги қарорига кўра, фойдаланиш харажатлари, коммунал хизмат (сувга), электр энергияси, иссиқлик энергияси хақларини тўлаш юзасидан қишлоқ жойларида – 100 фоизга, шахарда эса 50 фоизга озод қилинишлари белгилаб қўйилган;

7) Ўзбекистон Министрлар Советининг 1984 йил 14 январдаги қарорига кўра, Совет Иттифоқи, Ижтимоийистик Мехнат қаҳрамонлари, Шухрат ордени учала даражаси билан мукофотланган шахслар фойдаланиш ва коммунал хизмат хақлари юзасидан 50 фоизлик имтиёздан фойдаланадилар;

8) Ўзбекистон Республикаси Вазирлар Махкамасининг 1992 йил октябрдаги қарорига кўра фашист концентрация лагери собиқ тутқунлари хам фойдаланиш, хам коммунал хизмат хақлари бўйича 50 фоизлик имтиёздан фойдаланадилар;

9) Ўзбекистон Республикаси Вазирлар Махкамасининг 1990 йил 21 сентябрдаги қарорига кўра Улуғ Ватан уруши иyllарида фронт ортида, меҳнат фронтида қатнашган шахслар коммунал хизмат (сув, газ, электр, иссиқлик энергия таъминоти) бўйича 30 фоизлик чегирма қилиш юзасидан имтиёздан фойдаланадилар;

10) Фойдаланиш ва коммунал хизмат хақларини тўлаш юзасидан имтиёзлар фуқароларнинг бошقا тоифалари учун хам белгилаб қўйилган.

Шу билан бирга Ўзбекистон Республикаси Президентининг 2003 йил 27 мартағи Фармонига кўра айрим имтиёзлар бекор қилиниб, улар ўрнига компенсация тўловлари жорий қилинди<sup>87</sup>.

<sup>87</sup> Қаранг: Ўзбекистон Республикаси қонун хужожатлари тўплами. 2003 йил, № 5-6, 47-модда.

II. Транспорт хизмати кўрсатилиши юзасидан имтиёзлар бериладиган фуқароларнинг тоифалари, имтиёз берилиши тартиби ва хажми Ўзбекистон Республикасининг «Шахар йўловчи транспортидан бепул фойдаланишни тартибга солиш тўғрисида»ги 1996 йил 30 августда қабул қилинган Қонунда белгилаб қўйилган.

Ушбу Қонунга кўра, шахар йўловчи транспортидан бепул фойдаланиш хукуқига фақатгина қўйидагилар эга бўлади:

– 1941 – 1945 йиллардаги Иккинчи жаҳон уруши қатнашчилари жумласидан бўлмиш харбий хизматчилар;

– 1941 – 1945 йиллардаги Иккинчи жаҳон уруши ногиронлари ва урушнинг I гурӯх ногиронига хамроҳлик қилувчи шахс;

– 1941 – 1945 йиллардаги Иккинчи жаҳон уруши даврида фронт ортида фидокорона меҳнати ва бенуқсон харбий хизмати учун орден ва медаллар билан тақдирланган шахслар;

– Афғонистон Республикасида ва бошқа мамлакатларнинг худудидаги жанговар харакатларда қатнашган собиқ байналмилалчи жангчилар жумласидан бўлмиш фуқаролар;

– ҳақиқий муддатли харбий хизматни ўтаётган харбий хизматчилар, старшиналар, прапоршчиклар, катта прапоршчиклар, мичманлар ва катта мичманлар;

– Чернобиль АЭС халокати оқибатида нурланиш касаллигига чалинган ва уни бошдан кечирган шахслар;

– кўзи ожиз ногиронлар ва кўзи ожиз ногиронга хамроҳлик қилувчи шахс.

Ушбу Қонунга кўра, шахар йўловчи транспортида бепул юриш бўйича прокуратура органлари, ҳалқ депутатлари ва бошқа айрим тоифаларга мансуб бўлган фуқароларга берилган имтиёзлар бекор қилинди<sup>88</sup>. Хозирги пайтда шахар йўловчи транспортидан фойдаланишда йўл – транспорт карточкалари жорий этилган бўлиб, улар тегишли савдо тармоқлари орқали ахолига сотиласди. Ушбу йўл – транспорт карточкалари асосида хам фуқароларнинг ижтимоий химояга муҳтож табақаларига имтиёзлар

<sup>88</sup> қаранг: Ўзбекистонинг янги қонунлари, №14, Г., «Адолат», 1997 йил, 141 – 142 бетлар.

берилимоқда ва ижтимоий ёрдам кўрсатилмоқда. Булар қаторига пенсионерлар, ногиронлар, талабалар, ўқувчилар киритилган бўлиб, бу шахсларга йўл – транспорт карточкалари одатдагидан икки – уч баробар арzonлаштирилган нархларда сотилади. Шунингдек, корхона ва ташкилотлар хам ўз ходимларини корхона маблағлари хисобидан бепул йўл – транспорт карточкалари билан таъминлашлари мумкин. Бунда иши транспортда юриш билан боғлиқ бўлган ходимларга бепул берилган йўл – транспорт карточкаларининг қиймати ходимнинг солиқ олинадиган даромадлари таркибиغا киритиласлиги мумкин.

III. Ёлғиз қариялар ва ногиронлар хамда пенсионерларга ижтимоий ёрдамлар кўрсатиш. Ўзбекистон Республикаси Адлия вазирлиги томонидан 2000 йил 23 февралда давлат рўйхатига олинган ёлғиз қариялар, пенсионерлар ва ногиронларга ижтимоий ёрдамлар кўрсатиш тартиби асосида амалга оширилади. Ёлғиз қариялар, пенсионерларни ва ногиронларни туман ижтимоий таъминоти бўлимлари томонидан хисобга олиниш мезонлари хамда хисобга олиш тартиблари, уларга ижтимоий ёрдамлар кўрсатиш масалалари мазкур тартибда белгиланади. Уларга кўрсатиладиган ижтимоий ёрдамнинг турлари ва хажмлари минтақавий (шахар), туман миқёсидаги, дастурларга мувофиқ белгиланади.

IV. Ёлғиз пенсионерларни асосий озиқ – овқат маҳсулотлари билан бепул таъминлаш масалалари Ўзбекистон Республикаси Адлия вазирлиги томонидан 1999 йил 15 февралда давлат рўйхатига олинган «Ўзгалар парваришига муҳтоҷ ёлғиз пенсионерларни асосий озиқ – овқат маҳсулотлари билан бепул таъминлаш тўғрисида»ги Низомга биноан тартибга солинган бўлиб, унга кўра, бошқалар парваришига муҳтоҷ бўлган ёлғиз қариялар қўйидаги асосий озиқ – овқат маҳсулотлари билан бепул таъминланадилар:

ун;  
ўсимлик ёғи;  
макарон маҳсулотлари;  
гуруч;  
чой;  
тухум;

қанд – шакар;  
кир ювиш воситалари;  
гўшт.

Ёлғиз ва ўзгалар парваришига мухтоҷ бўлган фуқароларни аниқлаш белгиланган тартибларга мувофиқ фуқароларнинг ўзини ўзи бошқариш органлари томонидан туман (шахар) ижтимоий таъминот органлари билан биргалиқда амалга оширилади ва бунга ёлғиз пенсионернинг аризаси, ТМЭК ёки ВККнинг пенсионер ўзгалар парваришига мухтоҷ эканлиги хақидаги маълумотнома, тураржойдан маълумотнома; ёлғиз пенсионер турмуш шароитларини ўрганиш далолатномаси асос бўлиб хизмат қиласи. Ўзгалар ёрдамига мухтоҷ ёлғиз пенсионерларга ижтимоий ёрдамнинг ушбу турини кўрсатиш тартиблари, муддатлари аниқ белгилаб қўйилган.

V. Аниқ мақсадли коммунал уй – жой фондидан тураржой олиш хуқуқига эга бўлиш соҳасидаги имтиёзлар Ўзбекистон Республикасининг Уй – жой кодекси хамда унинг асосида қабул қилинган бошқа қонун хужжатларига асосан берилади. Ўзбекистон Республикасининг Уй – жой кодекси 40 – моддасига биноан: «Аниқ мақсадли коммунал уй – жой фондидан тураржой олиш хуқуқига уй – жой шароитларини яхшилашга мухтоҷ бўлган ва тураржой олиш учун хисобда турган ижтимоий жихатдан химояланмаган; кам таъминланган фуқаролар эгадирлар. Аниқ мақсадли коммунал уй – жой фондидан тураржой олиш хуқуқига эга бўлган фуқаролар тоифалари Ўзбекистон Республикаси Вазирлар Махкамаси томонидан белгиланади».

VI. Тиббий хизмат кўрсатиш ва дори – дармон воситалари билан таъминлаш юзасидан имтиёзлар. Ўзбекистон Республикасининг «Фуқаролар соғлигини сақлаш тўғрисида»ги Қонуни<sup>89</sup> (Қонуннинг 17 – моддаси) хамда унинг асосида қабул қилинадиган меъёрий хужжатларга биноан берилади<sup>90</sup>.

Ўзбекистон Республикаси Вазирлар Махкамасининг 1997 йил 2 декабрдаги 532 – сонли «Даволаш –

<sup>89</sup> қаранг: Ўзбекистоннинг янги қонунлари, №14, Т., «Адолат», 1997 йил, 40 – бет.

<sup>90</sup> қаранг: Ўзбекистон Республикаси Вазирлар Махкамасининг 1994 йил 8 январдаги «Ахолини дори – дармон воситалари билан таъминлашга доир қўшимча чора – тадбирлар тўғрисида»ги қарори ва бошқа қарорлар.

профилактика муассасаларини молиявий таъминлаш тизимларини такомиллаштириш тўғрисида»ги қарорига кўра бу соҳада имтиёзлар қайта кўриб чиқилди. Юқоридаги қонун хужжатларига кўра имтиёзлар дори – дармон воситаларини ахолининг муайян тоифаларига бепул бериш ёки нархига нисбатан муайян фоизларда чегирма қилиш йўли билан сотиш, тиббий муассасаларда хизмат кўрсатиш хақларидан тўлиқ ёки қисман озод қилиш тарзида берилиши мумкин. Ушбу соҳадаги имтиёзларни бериш шартлари, тартиблари ва муддатлари юқорида эслатилган қонун хужжатлари билан белгилаб қўйилган. Шунингдек, уларда бу имтиёзлардан фойдаланишга хақли фуқаролар тоифалари хам аниқ кўрсатилганadir.

VII. Фуқароларга уларни ижтимоий химоя қилиш мақсадида солиқ соҳасида имтиёзлар бериш Ўзбекистон Республикасининг Солиқ кодексида<sup>91</sup> хамда унинг асосида қабул қилинган бошқа меъёрий хуқуқий хужжатларда<sup>92</sup> назарда тутиб қўйилган.


Жумладан, Ўзбекистон Республикасининг Солиқ кодекси 58 – 59 – моддаларида жисмоний шахсларнинг солиқ солинмайдиган даромадлари турлари хамда солиқ солищдан озод қилинган даромадлари доираси белгилаб қўйилган. Ушбу кодекснинг 92 – моддасига кўра, фуқароларга мол – мулк солиғи соҳасидаги имтиёзлар, 102 – моддасида эса ер солиғи солищ юзасидан бериладиган имтиёзлар бериш назарда тутилган. Солиқ ва бошқа мажбурий тўловлар (йиғимлар) юзасидан фуқароларга берилган имтиёзлардан фойдаланиш шартлари, тартиблари хамда муддатлари солиқларни хисоблаб чиқиш ва тўлашга оид бўлган тегишли йўриқномалар билан белгилаб қўйилади.

<sup>91</sup> қаранг: Ўзбекистон Республикасининг Солиқ кодекси. Т., «Адолат», 1999 йил.

<sup>92</sup> қаранг: Ўзбекистон Республикаси Ҳукуматининг ҳарорлари тўплами, 2002 йил, 3-сон, 18-модда.

## Ахолига күрсатиладиган ижтимоий ёрдам ва унинг турлари

Ахолига күрсатиладиган ижтимоий ёрдам – бу муайян табобхаларга анис күнненлирлган ҳолда иштегирилган ҳизмат, моддий ёки турли имтиёзлар шакидда кўйлаб – кувватлашта оид тадбирлардан иборат



## *Мавзу юзасидан тест синов саволлари*

№1. Саховат уйларига фуқароларни қайси орган жойлаштиради?

- а) туман маориф бўлими;
- б) туман меҳнат бўлими;
- в) туман ижтимоий таъминот бўлими;
- г) тўғри жавоб йўқ.

№2. Ватан уруши қатнашчилари ва ногиронларига сихаттох ва оромгохга:

- а) 1 йилда бир марта йўлланма берилади;
- б) 2 йилда бир марта йўлланма берилади;
- в) 3 йилда бир марта йўлланма берилади;
- г) тўғри жавоб йўқ.

№3. Ногирон фуқаролар коммунал хизмат хақларини тўлашдан:

- а) 100 фоиз озод қилинадилар;
- б) 50 фоиз озод қилинадилар;
- в) 30 фоиз озод қилинадилар;
- г) уларни озод қилиш туман (шахар) хокими хохишига боғлиқ.

### *Билимларингизни текшириб кўринг*

1. Фуқароларга кўрсатиладиган ижтимоий ёрдам нима?

2. Ижтимоий ёрдам шакллари хақида нималарни биласиз?

3. Ижтимоий ёрдам кўрсатиладиган ахоли тоифаларини баён этинг.

4. Ижтимоий ёрдам фуқароларга қайси давлат ва жамоат органлари томонидан кўрсатилади?

5. Ижтимоий имтиёзлар турларини санаб беринг.

6. Ёлғиз қариялар ва ёлғиз ногиронлар деганда кимлар кўзда тутилади хамда уларга қандай ижтимоий ёрдамлар кўрсатилади?

7. Ахолига тураржой, коммунал хизмат соҳасида бериладиган имтиёзлар хақида сўзлаб беринг.

8. «Муруват уйлари» ва «Саховат уйлари» хақида сўзлаб беринг.

## *Тавсия этиладиган адабиётлар*

1. Каримов И.А. Озод ва обод Ватан, эркин ва фаровон хаёт – пировард мақсадимиз. Т., «Ўзбекистон», 2000 йил.
2. Ўзбекистон Республикасининг Конституцияси. Т., «Адолат», 2001 йил.
3. Ўзбекистоннинг янги қонунлари. №1 – 24. Т., «Адолат», 1992 – 2002 йил.
4. Ўзбекистон Республикасининг Уй – жой кодекси. Т., «Адолат», 1999 йил.
5. Ўзбекистон Республикаси Вазирлар Махкамасининг 2001 йил 18 апреддаги қарори билан тасдиқланган «Уй – жой коммунал хизматлар учун хақ тўлаш бўйича ахолига имтиёзлар бериш тартиби тўғрисида»ги Низом.
6. Турсунов Й. ва бошқалар. Ижтимоий таъминот хуқуқи. Ўқув қўлланма. Т., «Молия», 2001 йил.
7. Ўзбекистон Республикасининг «Фуқароларни давлат пенсия таъминоти тўғрисида»ги Қонунига шархлар. Ўзбекистон Республикаси Ижтимоий таъминот вазирлиги нашри, Т., 1996 йил.
8. Ўзбекистон Республикаси Вазирлар Махкамасининг 2002 йил 29 мартағи «Ўзгалар ёрдамига мухтоҷ ёлғиз кимсалар, пенсионерлар ва ногиронларга ижтимоий ёрдам кўрсатишини кучайтириш тўғрисида»ги қарори.

# **ХІ БОБ. ХАЙРИ-ЭХСОН ВА МУРУВВАТ ЁРДАМИ ИЖТИМОИЙ ТАЪМИНОТНИ АМАЛГА ОШИРИШ МАНБАИ СИФАТИДА**

## **1-§. Мурувват ва хайри-эхсон ёрдами хамда унинг умумий хуқуқий тавсифи**

Жамиятда бозор муносабатлари принциплари ва қоидаларни амал қила бошлаганлиги яратиладиган бойликларни тақсимлаш чоғида қаттиқ талаблар қўйилишига, боқиманачилик кайфиятларига нисбатан тоқатсиз вазиятни юзага келишига сабаб бўлмоқда. Бундай холат жамиятнинг ёрдамга мухтож, ижтимоий яхши химояланмаган аъзоларини (биринчи навбатда ёлғиз ногиронлар ва ёлғиз қариялар, қаровчисисиз қолган ёш болалар) давлат маблағлари билан бир қаторда турли нодавлат ташкилотлари, тижорат тузилмалари, савоб талаб хусусий шахслар, чет эл хомийлик ташкилотлари молиявий – мулкий ёрдамлари хисобидан қўшимча равишда қўллаб – қувватлашликни, анашундай хомийлик ва меҳр – мурувват қўрсатиш фаолиятларини рағбатлантириш, бундай қўмак манбаларини фаол қидириб топиш, ушбу хайрли ва савобли ишга жалб этишликни тобора кўпроқ тақозо этмоқда.

Мустақиллигимиз қўлга кирганидан кейинги йиллар давомида хорижий давлатлар, хорижий юридик ва жисмоний шахслар, турли халқаро мурувват ташкилотларидан мамлакатимизга гуманитар ёрдамлар қўрсатиш кучайди, бундай ёрдам оқимлари тобора кўпайиб бормоқда. Шунингек, мамлакатимизнинг ўзидағи тадбиркорлар, мурувватли инсонлар томонидан бева – бечораларга турли – туман ёрдамлар қўрсатилиши хам аста – секин кенг русум бўлиб бормоқда. Ана шундай шароитда хайри – эхсон, меҳр – мурувват ёрдами қўрсатилишини хуқуқий жихатдан тартибга солиниши, бу соҳада қонунийликни таъмин этилиши, ижтимоий адолатни қарор топдирилиши бугунги куннинг энг долзарб вазифаларидан бирига айланиб қолганлиги табиий холдир.

Фойдаланиш мумкинлиги ижтимоий таъминотга оид бўлган қонунчиллик хужжатларида назарда тутилган.

Жумладан «Фуқароларнинг давлат пенсия таъминоти тўғрисида»ги Қонуннинг 66 – моддасига кўра пенсия таъминоти маблағлари шаклантирилишида мулкчилик шаклидан қатъий назар корхона ва ташкилотлар иштирок этишлари белгиланган. «Ногиронларни ижтимоий химоя қилиш тўғрисида»ги Қонуннинг 38 – моддасида белгиланганишича ногиронларни ижтимоий қўллаб – қувватлаш ва ижтимоий ёрдамни пул билан таъминлаш бошқа манбаалар билан бир қаторда ногиронларни ижтимоий химоя қилиш жамғармалари маблағлари хисобидан, шунингдек корхоналар, бирлашмалар, ташкилотлар ва фуқароларнинг ихтиёрий бадаллари хисобидан хам амалга оширилиши мумкинлиги назарда тутилган. Республикаиз Президенти И.Каримов мулқорлар синфини таркиб топдириш хақида сўз юритар экан, қуйидагиларни таъкидлаган эди: «Бизда ўтмишда хам бойлар бўлган. Улар бизга шўро даврида уқдирғанлариdek, золим бўлмаган. Бой – бадавлат одамнинг бутун маҳаллага, қишилоққа нафи теккан».<sup>1</sup>

Мехр – мурувват, хотамтойлик мусулмонларнинг ўзбек халқининг қадимий инсоний фазилатларидан саналиб келган. Шариат хар бир мўмин – мусулмондан пешона тери билан ризқу – насиба топишликни ва халол ризқ билан ўзи, оиласини таъминлашликни, башарти ортиқча молу – давлатта эга бўлса, у холда бева – бечоралар, яъни меҳнатга яроқсиз, қари – қартанг, етим – есиirlар таъминоти учун фитру – закот беришиликни талаб қилади.

«Хидоя» китобида айтилганидек закотдан таъминот олишга хақли бўлғанлар қаторига фақирлар, яъни ўзини таъминлаш учун зарур бўлганидан кам маблағга эга бўлган; мискин, яъни тирикчилик ўtkазишилик учун хеч бир маблағга эга бўлмаган шахслар кирадилар<sup>2</sup>. Бизнинг мамлакатимизда мискинлар ва фақирга ғамхўрлик кўрсатиши давлатимиз сиёсатининг устувор йўналишларидан биридир. Бу нарса ўтган йилларни «ногиронлар йили», «инсон манфаатлари йили», «Болалар йили» деб ва ниҳоят 2002 йилни «Қарияларни қадрлаш йили» деб эълон қилинишида, шунга муносиб тарзда ушбу табақаларни ижтимоий химоя қилишга қаратилган давлат

<sup>1</sup>И.А. Каримов Янгича фикрлаш ва ишлаш давр талаби. 5 – жилд. Т., «Ўзбекистон», 1997 й., 337 – бет.

<sup>2</sup> қаранг: Хидоя Комментарий мусулманского права. Т., «Ўзбекистон» 1994 й. 107 ст.

тадбирлари дастурларини ишлаб чиқилиши ва рўёбга чиқарилишида хам ўз ифодасини топмоқда.

Юқорида такидалаб ўтилганидек, 2002 йилни «Қарияларни қадрлаш йили» деб эълон қилиниши муносабати билан Вазирлар Махкамаси томонидан 2002 йил 24 январдаги қарор билан тасдиқланган «Қарияларни қадрлаш йили» давлат дастурига кўра ушбу дастурни рўйёбга чиқаришлик учун қўшимча равишда 91,3 млрд сўм маблағ сарфлаш назарда тутилган ва бу маблағларнинг асосий қисмини бюджетдан ташқари манбалардан, шу жумладан хайри – эхсон хисобидан ташкил топадиган маблағлар ташкил этади.

Бугунги кунда ахолини ижтимоий химоялаш жараёнида анашундай бюджетдан ташқари манбалар, хусусан мамлакатимиздаги хомий ва хорижий меҳр – мурувват ташкилотлари, айрим чет эл фуқаролари томонидан кўрсатилаётган пул ва бошқа шакллардаги моддий ёрдамларни эгалларига аниқ етиб боришигини таъминлаш, бунда барча маъмурий, ташкилий – хуқуқий воситалардан тўлиқ фойдаланиш, бу гуманитар ёрдамларниadolатли тақсимлаш механизmlарини яратиши долзарб вазифалардан бирига айланиб бормоқда. Чунки бу хол бева – бечоралар, етим – есиirlарни таъминотини яхшилашга, бу соҳада ижтимоийadolат тамоилларини қарор топишига, балки давлатимиз ва жамиятимизнинг халқаро обрў – эътиборига, мавқеига даҳлдор бўлган масаладир.

Бошқалар хисобига, шу жумладан ночор – нотавонларга ажратиладиган хайру – садақа хисобига бойлик орттириш, роҳат – фароғатда яшашга интиувчи, ҳаромдан ҳазар қилмайдиган кимсалар ҳар қандай давлатда, жамиятда бўлган, ҳозир хам мавжуд мақсад – ўзгалар ризқу – насибасини улар томониан ўзлаштириб, талон – тарож қилиб юборилишига йўл қўймаслиқдан иборат. Ана шу мақсадда давлатимиз томонидан зарур ташкилий – хуқуқий чоралар кўрилмоқда ва ижтимоий мухтож шахсларга аталган маблағ хамда бошқа ёрдамларни тўғри тақсимланишини таъминловчи зарур механизmlар яратиб борилмоқда.

Ўзбекистон Республикаси Вазирлар Махкамасининг 2002 йил 26 июлдаги «мурувват ёрдамидан ва беғараз

техник күмақдан мақсадли фойдаланишни таъминлаш чора – тадбирлари тўғрисида»ги 268 –сон қарори ана шу мақсадга қаратилган. Мазкур қарор халқаро молиявий ва иқтисодий институтлар, хорижий хукумат ташкилотлари ва хукуматга тегишли бўлмаган ташкилотлар томонидан кўрсатиладиган мурувват ёрдами хамда беғараз техник кўмақдан қатъий мақсадларда фойдаланишликни таъминлаш, уларни талон – тарож қилинишига, улардан фойда олиш учун тижорат мақсадларида ва бошқа ғаразли мақсадларда фойдаланишликка йўл қўймасликни таъмин этувчи зарур чора – тадбирларни назарда тутади. Бу қарорни тўлиқ рўёбга чиқарилиши халқаро каналлар орқали гуманитар ёрдамлар олиниши, уларни мақсадли тақсимланишига оид самарали қоидаларни ўрнатилишига, тартиб интизомга ўрнатилишига хизмат қиласди.

## **2–§. Хайри – эхсон, мурувват ёрдами кўрсатишни хуқуқий жихатдан тартибга солиниши тушунчаси ва вазифалари**

Ахолининг муайян табақаларини бюджетдан ташқари манбалардан ижтимоий таъминлашда таъминот бериш обьекти, таъминот бериш обьекти, таъминот бериш ва бу таъминотдан фойдаланиш субъектлари ифодалаш чоғида турли атамалар, тушунчалар ва тарифлардан кенг фойдаланилади. Улар мазмун – моҳиятини тўғри хамда чуқур тушуниб етиш, бу тушунчаларга юклатилган социал вазифани англаб олиш мухим ахамиятга эга. Чунки бу соҳадаги қонун хужжатлари нормаларини тўғри қўллаш, ёрдамни эгасига аниқ етиб боришига эришиш кўп холларда ушбу омилларга боғлиқ бўлади.

Фақиру – мискин, бева – бечора, етим – есир тушунчаларининг моҳияти юқорида кўрсатиб ўтганимиздек, ислом таълимотининг асосий қисми бўлган шароитда аниқ ифодалаб берилган ва бу тушунчалар бугунги кунда амал қилиб турган қонунларимиз хамда қонун хужжатларимизда аниқ мазмун ва мезонлар билан бойитилган. Бугунги кунда кенг муомалада бўлган мурувват ёрдами, техник ёрдам, хайрия ёрдами, эхсон каби тушунчалар тарифи хам баязи холларда қонун хужжатларида баён этилган, айрим

тушунчаларни илмий ва расмий тарифлашга эса энди киришилмоқда.

Ўзбекистон Республикаси Вазирлар Махкамасининг 2002 йил 26 июлдаги 268 –сон қарори билан тасдиқланган «Муруват ёрдами юкларини қабул қилиш, хисобга олиш, аниқ йўналтирилган тарзда тақсимлаш ва улардан мақсадли фойдаланишини назорат қилиш тартиби хамда муруват лойихалари мониторинги тўғрисидаги Низом»нинг 2 – бандида муруват ёрдами кўрсатишга оид асосий тушунчаларга тариф берилган. Жумладан, муруват ёрдами – бу ахолининг ижтимоий ночор гурухларига тиббий ва ижтимоий ёрдам кўрсатиш, ижтимоий соҳа муассасаларини қўллаб – қувватлаш, табиий оғатлар ва бошқа фавқулодда ходисалар оқибатларини тутатиш учун бериладиган мақсадли беғараз кўмакнинг бир туридан иборат. Бунда ахолининг ночор қатламларини тиббий ёрдам билан таъминлаш, бепул ёки арzonлаштирилган нархларда тиббий дори – дармонлар, тиббий воситалар, харакатланиш воситалари, сунъий аъзолар билан таъминлаш, уларга ижтимоий ёрдам кўрсатиш, яъни, озиқ – овқат ва ноозиқовқат буюмлари билан бепул таъминлаш, натурал шаклда ёрдамлар кўрсатиш, уларнинг бепул даволанишлари, соғлиқларини тиклашларига кўмаклашиш; ижтимоий соҳа муассасаларини (мактаблар, касалхоналар, қариялар, ногиронлар, болалар уйлари ва бошқалар) қўллаб – қувватлаш яъни, улар таъминоти, таъмирланиш, ускуналар билан жихозланиши учун муруват ёрдами маблағлари хисобидан ёрдам кўрсатиш; табиий оғатлар (сел, бўрон, ер қимирлаши ва бошқалар) юз берганида жабр кўрганларга моддий хамда бошқа ёрдамларни кўрсатиш ишлари амалга оширилади.

Муруват ёрдами предмети сифатида тиббиёт товарлари (тиббий – фармацевтика буюмлари, тиббий асбоб – анжомлар, ускуналар), озиқ – овқат махсулотлари, бошқа буюмлар, асбоб – ускуналар, транспорт воситалари, грантлар, ихтиёрий эхсонлар, бепул бажарилган ишлар, кўрсатилган хизматлар хисобланиши мумкин. Муруват ёрдамини кўрсатувчилар сифатида кенг доирадаги шахслар – хорижий давлатлар, уларнинг айрим тузилмалари, халқаро ташкилотлар, хорижий юридик хамда жисмоний шахслар (донор ташкилотлар) иштирок этишлари мумкин.

Муруват ёрами бегараз бўлиши, яъни қандайдир шартлар қўйилмагани холда қўрсатилиши, ёрдам Ўзбекистон Республикаси, унинг юридик ва жисмоний шахсларини камситишга қаратиласлиги, ёрдам сифатида топширилаётган буюмлар инсонлар соғлиги ёки хаётга, давлат – жамият манфаатларига хавф туғдирмаслиги лозимлиги бу ёрдам қўрсатилишининг асосий принциплари сифатида бахоланиши мумкин. Муруват ёрдамини республикадаги истеъмолчи жисмоний ва юридик шахслар ўртасида тақсимлашни амалга ошириш мақсадида оловчилар бўлиб бюджет ташкилотлари, фаолият фойда олиш мақсадини кўзламайдиган нодавлат нотижорат ташкилотлари (юридик шахслар) хисобланишлари мумкин. Муруват ёрдамини оловчилар доираси Вазирлар Махкамаси ижтимоий комплекси қарори билан белгиланади ва бунда тегишли ёрдам дастурлари муассислари хамда донорлар билан тузилган шартномага кўра оловчилар аниқлаб олинади.

Харбий мақсадларга мўлжалланган буюмлар, тамаки ва алкогол махсулотлари (вино – ароқ ва бошқалар), Ўзбекистонга олиб кирилиши тақиқланган ашёлар (гиёхвандлик ва психотроп воситалар ва бошқалар) муруват ёрдами кўрсатиш предмети бўлиши мумкин эмас.

Муруват ёрдами кўрсатувчи халқаро ва нохукумат ташкилотлари Ўзбекистон Республикаси ташқи ишлар вазирлигига аккредитациядан ўтказиш орқали ўзларининг ваколатхоналарини Ўзбекистон худудида очишлари, улар фаолиятини ташкил этишлари мумкин. Ўзбекистон Республикаси худудида муруват ёрдамлари олиниши, тақсимланиши, улардан мақсадли фойдаланилишини мувофиқлаштириш, назорат қилиш, ташкил қилиш вазифаси Вазирлар Махкамаси Ижтимоий комплекси доимий ишлайдиган ишчи гурух зиммасига; Қорақалпогистон Республикасида Вазирлар Кенгаши хузурида тузиладиган, вилоятлар ва Тошкент шахрида эса тегишли вилоят (Тошкент шахар) хокимлиги хузурида тузиладиган муруват ёрдами бўйича худудий комиссияларга юклатилади. Муруват ёрдами юклари божхона чегараси орқали тезлаштирилган тартибда, тегишли божхона йигимлари ва бошқа тўловлари

олинмагани холда, текшириш (сифат ва бошқа), транспорт хақлари олинмасдан ўтказилади.

Муруват ёрдами кўрсатиш лойихаларини амалга оширилиши ва кўрсатилган ёрдамдан мақсадли фойдаланиш устидан тегишли кузатувлар хам назорат ишлари амалга оширилади. Бундай текширишни бевосита амалга оширувчи орган бўлиб Вазирлар Махкамаси Ижтимоий Комплексининг ишчи гурухи хисобланади ва у белгиланган тартибда тасдиқланган жадвал асосида божхона ва солиқ органлари, тегишли холларда бошқа ваколатли органлар хам жалб этилгани холда текширишлар ўтказади.

Муруват ёрдамини олувчилар олинган ёрдамни тақсимланиши, улардан мақсадли фойдаланиши юзасидан белгиланган тартибда ва муддатларда ваколатли давлат органларига хисобот тақдим этадилар. Муруват ёрдами лойихаси бажарилганлиги тўғрисидаги тегишли ахборотлари ваколатли давлат органлари томонидан донор ташкилотларга (уларнинг ваколатхоналари орқали) тақдим этилади.

Ўзбекистон Республикаси Бош прокурори ва унга бўйсунувчи прокурорлар «Прокуратура тўғрисида»ги қонунга кўра муруват ёрдами олиниши, улардан мақсадли фойдаланилиши, истеъмолчиларга адолатли тақсимланиши устидан умумий назоратни амалга оширади.

Текшириш ва назорат қилиш чоғида маблағлардан мақсадсиз фойдаланиш, уларни талон – тарож қилиш, сунистеъмолларга йўл қўйиш холлари аниқлангани тақдирда айбдор мансабдор шахслар хуқуқий жавобгарликка тортилишлари, яъни улар жиноий, маъмурий хуқуқий, фуқаролик хуқуқий – мулкий жавобгарликларга тортилишлари мумкин. Бунда жиноий ёки маъмурий жавобгарлиқдан бири қўлланилиши мумкин. Айни пайтда жиноий ёки маъмурий жавобгарлик билан бир вақтда мулкий (фуқаролик – хуқуқий) жавобгарлик қўлланилишига йўл қўйилиши мумкин. Айбдор шахсларни интизомий жавобгарликка тортиш меҳнат қонунчилиги нормаларида белгиланган тартибда амалга оширилади.

Хориждан келадиган муруват ва бошқа гуманитар ёрдамларни хуқуқий тартибга солишининг аниқ механизми яратилганлиги таҳсинга сазовор эканлигини тан олганимиз

холда мамлакатимизнинг ички юридик ва жисмоний шахслари (хомий ташкилотлар, хайрия ёрдами кўрсатувчилар) томонидан кўрсатиладиган мурувват ёрдамлари, хайри – эхсон тадбирлари кўрсатилиши маҳсус тарзда тартибга солинмаганлигини, ушбу масалага оид норматив – хуқуқий хужжат мавжуд эмаслигини таасуф билан қайд этишимиз лозим. Бизнинг назаримизда бу масала долларб бўлиб, тез орада хал этилиши лозим. Мурувват ва хайрия ёрдамини хуқуқий тартибга солиш мақсадида маҳсус қонун қабул қилинса ҳамда бу масалалар жамланган холда бир тизимга солинса энг мақбул бўлар эди.

## **ХІІ боб. ИЖТИМОЙ ТАЪМИНОТ СОХАСИДАГИ ҚОНУНЧИЛИККА РИОЯ ЭТИШ ЮЗАСИДАН НАЗОРАТ ВА ЖАВОБГАРЛИК МАСАЛАЛАРИ**

### **1–§. Ижтимоий таъминот соҳасидаги қонунчиликка риоя этишни назорат қилиш тушунчаси, назорат шакллари ва усуллари**

Ўзбекистон Республикаси Конституциясининг 15–модасида айтилишича: «Давлат, унинг органлари, мансабдор шахслар, жамоат бирлашмалари, фуқаролар Конституция ва қонунларга мувофиқ иш кўради». Бинобарин, фақат қонунийлик ва хуқуқ – тартибот таъминланган давлатдагина адолат, демократия, шахс хуқуқ хамда эркинликлари хақида сўз юритилиши мумкин. Республикамиз Президенти И.А.Каримов таъкидлаганидек: «Хуқуқий давлатнинг қуроли хам, химояси хам, кўзи хам, сўзи хам қонундир».

Давлат ва жамиятда қонунийлик режимини таъминлаш усулларидан бири – уларга амал қилинишни текшириш, қонун талаблари сўзсиз бажарилиши устидан назоратни мунтазам ва самарали тарзда амалга ошириб борилиши саналади. Бу вазифа давлат ва жамоат органлари томонидан қонунда назарда тутиб қўйилган шаклларда ва воситалар орқали амалга ошира бориласди.

Пул ва бошқа бойликларни тасарруф этилиши, уларнинг тақсимланиши билан боғлиқ бўлган жойларда давлат органлари, уларнинг мансабдор шахслари томонидан қонунлар ижроси текширилиб, назорат қилиб борилиши мухим ахамиятга эга. Чунки бундай жойларда «ўлжа» пайдо бўлган текинхўрларнинг ўралашиб қолишлари эҳтимоли хар доим хам катта бўлади ва қонуннинг вазифаларидан бири хам давлат, жамият, шахс моддий манфаатларини турли суиистеъмол хамда тажовузлардан химоя қилишдан иборатдир.

Ижтимоий таъминотнинг амалга оширилиши соҳаси хам ана шундай жойлардан бўлиб, бу ерда мамлакатимизда яратилган миллий бойликнинг муайян қисми қариялар, ногиронлар, бева – бечораларни химоялаш, уларни таъминлаш учун қайта тақсимланади ва «қозон тепаси»га вижданни нопоқ, қўли эгри одамларни келиб қолиши бу

маблағлар талон – торож қилинишига, ўз эгаларига тұлық етиб бормаслигига, жамиятда иқтисодий ва сиёсий барқарорлық йүқолишига олиб келиши мумкин.

Навоий вилоят прокуратураси томонидан ахолини ижтимоий химоялашга қаратылған қонунлар, Президент Фармонлари, Хукумат қарорлари ижроси бўйича текширишлар ўтказилганида ҳалқ банки, почта бўлимлари, фуқаролар йигинлари ходимлари ва мансабдор шахслари томонидан катта миқдордаги пенсия пуллари, нафақалар, бошқа ижтимоий ёрдам пуллари ўзлаштирилиб, талон – торож қилиб юборилгани маълум бўлди<sup>93</sup>.

Ўтказилган текширишлар натижасида республика миқёсида бундай фактлар оз эмаслиги маълум бўлмоқда<sup>94</sup> ва бунинг асосий сабабларидан бири, қонун ижроси устидан назорат сустлиги, унинг паст самарали тарзда ўтказилишидадир. Хозирги қийинчиликлар мавжуд бўлган ўтиш даврида республикамиз Президенти ва хукуматининг саъй – харакатлари билан начор – ногирон фуқароларга ажратилаётган маблағларни бундай талон – торож қилиниш холлари жуда аянчли бўлиб, айборлар қонун олдида шафқатсиз жавоб беришлари лозим.

Ижтимоий таъминот соҳасида қонунчиликка амал қилиниши устидан давлат ва жамоат назорати олиб борилади ҳамда бундай назоратнинг асосий усуллари ва шакллари қонун хужжатлари билан белгилаб қўйилган. Қонунлар ижроси устидан назоратни амалга ошириш ваколати Конституция ва қонунларга мувофиқ, Ўзбекистон Республикаси Олий Мажлисining тегишли қўмиталари ҳамда комиссияларига берилган бўлиб, улар жойларда текширишлар ўтказиш, хақиқий ахволни ўрганиш – тахлил қилиш асосида ўзларининг мажлисларида ушбу соҳа учун мутасадди раҳбарлар, махаллий давлат хокимияти органлари ва бошқа идоралар хисоботларини эшлиши, зарур чора – тадбирлар кўрилишига эришиши орқали ваколатларини амалга оширадилар.

Прокурорлик назорати ижтимоий таъминот соҳасида қонунийликни таъминлашнинг Энг самарали усулларидан

<sup>93</sup> қаранг: «Халқ сўзи» газетаси, 2001 йил 4 декабрь, 244-сон.

<sup>94</sup> қаранг: «Давлат маблағлари химнинг... ҳамёнида». «Халқ сўзи», 2000 йил 1 февраль; «Нафақа ўз эгасига тегиётими?», «Халқ сўзи», 2001 йил 28 июня;  
«Ногирон мушкули осон бўладими?», «Халқ сўзи», 2000 йил 31 март, 46-сон ва бошқа куплаб фактлар мавжуд.

бўлиб, Ўзбекистон Республикасининг янги таҳрирдаги «Прокуратура тўғрисида»ги Қонуни 20 – моддасига кўра: «Вазирликлар, давлат қўмиталари, идоралар, фуқароларнинг ўзини ўзи бошқариш органлари, жамоат бирлашмалари, корхоналар, муассасалар, ташкилотлар хамда вазирликлар, давлат қўмиталари ва идораларнинг харбий қисмлари, харбий тузилмалари, хокимлар ва бошқа мансабдор шахслар томонидан қонунларнинг ижро этилиши, шунингдек, улар томонидан қабул қилинаётган хужжатларнинг Ўзбекистон Республикаси Конституцияси ва қонунларига мувофиқлиги назорат предмети хисобланади».

Прокуратура органлари қонун ижросини текшириш мақсадида тегишли мансабдор шахслар тушунтиришларини талаб қилиши, хужжатлар ва материаллар билан танишиб чиқиши, текширишлар ўтказиши ва бошқа ваколатларни амалга ошириши мумкин. Қонун бузилиш хатолари аниқлангани тақдирда прокурорлик таъсири ўтказишнинг хуқуқий шакллари «Прокуратура тўғрисида»ги Қонуннинг 37 – 42 – моддаларида назарда тутилган бўлиб, улар протест келтириш, қарор чиқариш, тақдимнома киритиш, даъво аризаси ёки бошқа аризалар билан судга мурожаат қилиш, огохлантириш кабилардан иборатdir.

Ижтимоий таъминот органлари, фуқароларни пенсия ва нафақалар билан таъминловчи бошқа давлат органлари томонидан бюджет маблағларининг тўғри сарфланиши устидан идоравий назорат Ўзбекистон Республикасининг Мехнат ва ахолини ижтимоий муҳофаза қилиш вазирлиги тизимига кирувчи текширувчи органлар томонидан ўз ваколатлари доирасида ва қонун хужжатларида белгиланган тартибда амалга оширилади.

Ўзбекистон Республикаси Молия вазирлиги тўғрисидаги Низомга кўра бюджетдан маблағ олувчиларга давлат ва махаллий бюджетдан ажратиладиган молиявий маблағлардан мақсадди хамда оқилона фойдаланилиши устидан давлат молиявий назорати ушбу вазирлик томонидан<sup>95</sup>, унинг таркибига кирувчи тафтиш – назорат бошқармаси хамда унинг жойлардаги органлари орқали амалга оширилади. Молия вазирлигининг тафтиш – назорат органларининг ваколатлари, вазифалари, фаолият олиб

<sup>95</sup> Ҳаранг: «Ўзбекистон Республикаси Молия вазирлиги тўғрисида»ги низом».

бориш шакл ҳамда услублари қонун хужжатларида белгилаб қўйилади<sup>96</sup>.

Ижтимоий таъминот органлари томонидан бюджет маблағлари тўғри сарфланиши, улар юзасидан хисоб – китоб операциялари қонунга мувофиқ ўтказилиши устидан Ўзбекистон Республикасининг «Банклар ва банк фаолияти тўғрисида»ги<sup>97</sup> Қонунига кўра, тижорат банк муассасаларида хам кузатув олиб борадилар.

Пенсия қонунчилиги тизими такомиллаштирилиши, пенсия жамғармаси қайта ташкил этилиши муносабати билан корхона, муассаса, ташкилотлар томонидан Республика Пенсия жамғармасига тегишли бадал ҳамда мажбурий тўловлар ўз вақтида ҳамда тўлиқ тўланишини кузатиб бориш ваколати Давлат солиқ хизмати органларига юклатилди. Бундан ташқари, ижтимоий таъминотни амалга оширувчи органларнинг бевосита ўзида уларнинг бош (катта) хисобчилари Ўзбекистон Республикасининг «Бухгалтерия хисоби тўғрисида»ги Қонунига биноан маблағларни тўғри сарфланишини кузатиб ва текшириб борадилар ҳамда уларни тўғри мақсадли сарфланиши учун тўлиқ жавобгардирлар.

Ижтимоий таъминот органлари иш фаолияти, улар томонидан маблағларнинг тўғри сарфланиши устидан жамоат назорати ҳам ўрнатилган бўлиб, қонун хужжатларига кўра бу ваколат республика «Нуроний» жамғармаси, бошقا жамоат бирлашмалари, касаба уюшмаларига бериб қўйилган ва улар қонунда белгиланган тартибда ижтимоий таъминот органлари фаолиятининг қонунийлиги, маблағларни тўғри сарфланиши устидан жамоат назоратини амалга оширадилар, қонун бузилиш холлари аниқланганида эса уларни бартараф этишга оид чораларни ўз ваколатлари доирасида амалга оширадилар.

Давлат функцияларини жамиятни ўзини ўзи бошқариш органларига ўтказила борилиши, кучли давлатчиликдан кучли жамият томон ривожланиш, фуқаролик жамиятия барпо этила бориши билан жамоат назоратининг кучая бориши, унинг салмоғи ортиб бориши табиий холдир.

<sup>96</sup> қаранг: Ўзбекистон Республикаси Молия вазирлиги «Тафтиш ва назорат бошқармаси тўғрисида»ги низом.

<sup>97</sup> қаранг: Ўзбекистоннинг янги қонунлари. № 13, Т., «Адолат», 1996 й.

## **2-§. Ижтимоий таъминотта оид муносабатларда жавобгарлик масалалари**

Ижтимоий таъминотга оид хуқуқий муносабатлардаги жавобгарлик юридик жавобгарлик қўринишларидан бўлиб, «юридик жавобгарлик – содир этилган хуқуқбузарлик учун шахснинг давлат – хокимият хусусиятидаги маълум маҳрумликларга дучор бўлишидири»<sup>98</sup>. Юридик жавобгарлик, бу – шахснинг айбли, хуқуқча хилоф харакати ёки харакатсизлиги билан содир этилган ижтимоий заарли хулқ – автори учун давлат айлови ва давлат мажбурлови қўлланилишидан иборат.

Ижтимоий таъминот хуқуқида жавобгарлик субъектларига кўра фуқароларнинг жавобгарлиги ва юридик шахс саналувчи корхона ва ташкилотларнинг жавобгарлиги фарқланади. Фуқароларнинг жисмоний шахсларнинг жавобгарлиги ўз навбатида оддий фуқаролар жавобгарлиги хамда мансабдор шахслар жавобгарлиги шаклларида намоён бўлади. Юридик шахслар эса фақат иқтисодий – молиявий хуқуқий жавобгарликка тортилишлари мумкин.

Юридик жавобгарлик сифатида фуқаролар – жисмоний шахсларга қўлланиладиган жавобгарликларнинг қўйидаги турлари назарда тутилган:

- 1) фуқаровий – хуқуқий мулкий жавобгарлик;
- 2) маъмурий – хуқуқий жавобгарлик;
- 3) интизомий жавобгарлик;
- 4) жиноий жавобгарлик.

Ким томонидан жавобгарлик қўлланилишига кўра ижтимоий таъминот хуқуқидаги хуқуқий жавобгарликлар:

а) суд томонидан қўлланиладиган;  
б) маъмурий – бошқарув органлари томонидан қўлланила – диган жавобгарликларга бўлинади.

Оддий фуқаролар – жисмоний шахсларнинг ижтимоий таъминотта оид хуқуқий муносабатлардаги юридик жавоб – гарликлари қонунда маҳсус қўрсатиб қўйилган файриқонуний хатти – харакатларни айбли равишда содир этишлари туфайли юз беради ва кўпчилик

<sup>98</sup> Қараганг: А. Саидов, У. Тожиҳонов. Давлат ва хуқуқ назарияси, Т., «Адолат», 2001 йил, 306-бет.

холларда улар фуқаролик хуқуқий – маъмурий, фуқаролик хуқуқий – жиноий жавобгарликлар тарзида вужудга келади. Масалан: «Фуқароларнинг давлат пенсия таъминоти тўғрисида»ги Қонуннинг 65 – моддасига кўра, пенсионер соҳта хужжатлар тақдим этганлик, пенсия миқдорига таъсир этувчи (унинг камайтирилишига сабаб бўлувчи) холатлар хақида ўз вақтида ижтимоий таъминот органларига хабар бермаганлик тарзида сусистеъмларга йўл қўйиши оқибатида ундан (оиланинг бошқа аъзоларига) ортиқча тўланган пенсия суммаси ушлаб қолиниши назарда тутилган. Айни пайтда ушбу хатти – харакатлари учун фуқаро маъмурий – хуқуқий (Ўзбекистон Республикаси Маъмурий жавобгарлик тўғрисидаги кодексининг 61 – моддасига кўра) ёки жиноий жавобгарликка (Жиноят кодексининг 228 – моддаси (хужжатларни соҳталаштирганлик); 168 – моддаси (фирибгарлик); 170 – моддаси (алдов ёки сусистеъмол қилиш йўли билан мулкий зарар етказганлик ва хоказо) тортилиши мумкин. Афсуски текширишларга кўра айрим фуқаролар томонидан ўз хуқуқларини сусистеъмол қилишлари йўли билан ижтимоий таъминот соҳасида хуқуқбузарлик содир қилиш фактлари (ноқонунний тарзда пенсия ва нафақалар олиш, имтиёзлардан ноқонунний тарзда фойдаланиш холлари) тез – тез учраб турибди<sup>99</sup>.

Ижтимоий таъминот соҳасидаги хуқуқбузарликлар орасида мансабдор шахслар томонидан содир этиладиганлари айниқса, хавфли бўлиб, молиявий маблағларни тасарруф этиш ваколати берилган, кенг имкониятларга эга бўлган бундай шахслар томонидан қонунбузарликка йўл қўйилиши фуқаролар хуқуқларини поймол этилишига, бева – бечоралар учун мўл – жалланган давлат маблағларини талон – торож қилиниши, мақсадсиз сарфланишига, ижтимоий адолат тамойилларини оёқ ости қилинишига, одамларнинг давлат ва унинг органларидан норози бўлишларига олиб келади. Шу сабабли, қонун мансаб – дор шахс томонидан содир этилган гайриқонунний хатти – ҳа – ракат учун бирмунча қаттиқ жазо чораларини назарда тутади.

<sup>99</sup> қаранг: «Фальшивые... льготники», «Народное слово» газетаси, 1999 йил 11 сентябрь.

Ижтимоий таъминот органлари, фуқаролар йигинлари ва бошқа фуқароларга ижтимоий ёрдамни амалга оширувчи давлат хамда жамоат органларида ишловчи раҳбарлар ва бошқа мансабдор шахслар ножӯя хатти – харакатлари учун маъмурий – хуқуқий (Ўзбекистон Республикаси Маъмурий жавобгарлик тўғрисидаги кодекснинг 61, 157, 200, 209 – моддалари) ёки жиноий жавобгарликларга тортилишлари мумкин (Ўзбекистон Республикаси Жиноят кодексининг 167, 205, 207, 209, 210, 214, 229 ва бошқа моддалари).

Мансабдор шахснинг жиноий ёки маъмурий жавобгар – ликка тортилганлиги ва унга жазо қўлланилганлиги унинг айби билан давлат мулкига, фуқаролар мулкига, бошқа мулкий ёки номулкий манфаатларига етказилган зарарни ундан тўла хажмда ундириб олинишига мутлақо тўсқинлик қилмайди. Аксинча, мансабдор шахс хатти – харакатининг маъмурий ножӯя харакат деб тан олинганлиги ёки жиноят деб баҳолан – ганлиги унга фуқаролик – хуқуқий мулкий жавобгарлик ёхуд меҳнат хуқуқига кўра тўлиқ моддий жавобгарлик қўлла – нилиши учун шубҳасиз далил бўлиб хизмат қилиши мумкин. Бақтли матбуотнинг хабар беришича, ижтимоий таъминот органларида ишловчи мансабдор шахслар томонидан турли сустеъмолларга, талон – торожларга йўл қўйилиши холлари учраб турибди<sup>100</sup> ва унга қарши курашни кучайтириш, бу соҳадаги хуқуқбузарликларнинг одини олишга оид самарали чоралар ишлаб чиқиш долзарб вазифалардан бўлиб қолмоқда.

Юридик ва иқтисодий адабиётларда турлича талқинга хамда тортишувларга сабаб бўлаётган жавобгарлик турларидан бири – иқтисодий, молиявий жавобгарлик бўлиб, жавобгар – ликнинг бу тури корхона ва ташкилотларга нисбатан қўлланилади. Айрим муаллифлар иқтисодий жавобгарликни юридик жавобгарлиқдан мустақил холда кўриш ва хуқуқий жавобгарликка алоқаси йўқ ижтимоий ходиса сифатида тасвиrlашга харакат қиласидилар.

Бизнинг фикримизча, иқтисодий жавобгарлик хамда юридик шахсларга нисбатан қўлланиладиган молиявий жазо чоралари – бу қонун талабларини бузәётган, ўзининг

<sup>100</sup> Қаранг: «Нафада ўз эгасига тегаяттими», «Халқ сўзи», 2001 йил 28 июнь, 126-сон; «Вижданни жигигандонга алмастирганилар», «Халқ сўзи», 2001 йил 4 декабрь, 244-сон; «Ногирон мушкую осон бўладими», «Ишонч» газетаси, 2000 йил 31 март, 46-сон ва бошжалар.

нотуғри фаолияти билан давлат органлари, бошқа корхона ва ташкилотлар учун ноқулай шароитларни вужудга келтираётган, табиий ресурслардан нооқилона фойдаланаётган, бозор тамойилларига зид иш тутаётган корхоналар учун иқтисодий жиҳатдан ўнгайсиз, номаъқул вазият туғдиришга қаратилган чора – тадбирлардандир.

Иқтисодий жавобгарлик ва молиявий жазо чоралари хам хуқуқий жавобгарликнинг бир тури сифатида, хуқуқий муомала субъекти саналувчи юридик шахс томонидан содир этиладиган айбли, хуқуққа хилоф хатти – харакат учун қўлланиладиган юридик жавобгарлик чораси сифатида баҳоланмоғи лозим. Чунки корхоналарга нисбатан қўллани – ладиган иқтисодий жавобгарликларда хам бошқа турдаги хуқуқий жавобгарликларга хос бўлган барча асосий хусусиятлар: а) қонун асосида қўлланилиши; б) ваколатли орган ёки мансабдор шахс томонидан қонун асосида қўлланилиши; в) юридик шахс учун иқтисодий ва бошқа ноқулай оқибатларни юзага келтириши кабилар мавжуд бўлади. Ижтимоий таъминотта оид хуқуқий муносабатларда юридик шахсларни иқтисодий жавобгар қилиш ва уларга нисбатан молиявий жазо қўллашнинг бир қанча холлари мавжуд.

Жумладан, Ўзбекистон Республикасининг «Ахолини иш билан таъминлаш тўғрисида»ги Қонунининг 18 – моддасига кўра<sup>101</sup>, «ижтимоий химояга муҳтож шахсларга энг кам миқдордаги иш жойларини яратиш юзасидан маҳаллий давлат хокимияти органлари чиқарган қарорларни бажармаганлик учун иш берувчилардан хар бир яратилмаган иш жойи учун ходимнинг йиллик ўртacha иш хақи миқдорида жарима ундирилади.

Ёки бўлмаса, Ўзбекистон Республикаси Адлия вазирлиги томонидан 2001 йил 16 марта давлат рўйхатига олинган «Давлат ижтимоий суғуртаси бадалларини ўтказиш, мажбурий тўловларни хисоблаш ва тўлаш тартиби тўғрисида»ги йўриқноманинг<sup>102</sup> 11 – бандида белгиланган тартибда ва муддатларда тегишли бадалларни тўламаган корхоналар Солиқ кодексининг 135 – моддаси 8 – бандида


<sup>101</sup> қаранг: Ўзбекистоннинг янги қонунлари, №19, Т «Адолат», 1998 йил, 170 – бет.

<sup>102</sup> қаранг: Ўзбекистон Республикаси вазирликлари, давлат қўмиталари ва идораларининг меъёрий хужжатлари Ахборотномаси. 2001 йил, 6 –сон.

күрсатилған миқдорда айбдор корхоналарга нисбатан молиявий жазо құлланилади.

Юридик шахсларга нисбатан молиявий – иқтисодий жазо чоралари құлланилишидан мақсад – улар томонидан қонун бузилиш холларига йүл құймаслик, ижтимоий таъминотта оид вазифаларнинг бажарилишини таъминлаш зарурлыги билан боғлиқдир.

## 14 – чизма



### Мавзуу юзасыдан тест синови саволлари

№1. Сохта хужжатлар тақдим этиб ноқонуний пенсия олган шахслар:

- а) мулкий жавобгарлика тортиладилар;
- б) маъмурий жавобгарлика тортилишлари мумкин;
- в) жиноий жавобгарлика тортилишлари мумкин;
- г) юқоридаги барча жавобгарликларга тортилишлари мумкин.

№2. Бюджетдан ташқари пенсия жамгармасига бадал түлашдан бүйин товлаган корхоналар:

- а) жиноий жавобгарлика тортиладилар;
- б) уларга молиявий жазо құлланилади;
- в) маъмурий жавобгар бўладилар;
- г) тўғри жавоб йўқ.

№3. Ижтимоий таъминот соҳасида қонунчиликка риоя этилиши устидан назоратни:

- а) прокуратура органлари амалга оширади;
- б) меҳнат ва ахолини ижтимоий муҳофаза қилиш вазирлиги органлари амалга оширади;
- в) молия вазирлиги органлари амалга оширади;
- г) «Нуроний» жамғармаси жамоат назорати олиб боради;
- д) юқоридаги жавобларнинг барчаси тұғри.

№4. Ижтимоий таъминот органлари, фуқаролар йиғинлари мансабдор шахслари үз мансабларини суистеъмол қылсалар:

- а) жиноий тартибда жавобгар бўладилар;
- б) үз харакатлари туфайли етказилган зарар ўрнини қоплаб берадилар;
- в) интизомий жавобгар бўлишлари мумкин;
- г) юқоридагиларнинг барчаси қўлланилиши мумкин.

### *Билимларингизни текшириб кўринг:*

1. Ижтимоий таъминотта оид қонунчилик ижроси устидан назорат олиб бориш тушунчасини айтиб беринг.

2. Ижтимоий таъминот қонунчилиги ижросини назорат қилиш шакллари, усуллари хақида нималарни биласиз?

3. Ижтимоий таъминот фаолияти устидан давлат назорати қайси давлат органлари томонидан амалга оширилади?

4. Ижтимоий таъминот соҳасида жамоат назорати қайси органлар орқали олиб борилади?

5. Ижтимоий таъминот соҳасидаги жавобгарлик хақида нималарни биласиз?

6. Хуқуқий жавобгарлик ва унинг шаклларини айтиб беринг.

7. Иқтисодий жавобгарлик (молиявий жазо) нима?

8. Ижтимоий таъминот органлари мансабдор шахсларининг хуқуқий жавобгарликлари хақида нималарни биласиз?

## *Тавсия этиладиган адабиётлар*

1. Каримов И.А. Адолат – қонун устуворлигига. Т., «Ўзбекистон», 2001 йил.
2. Сайдов А., Тожихонов У. Давлат ва хуқуқ назарияси, Т., «Адолат», 2001 йил.
3. Ўзбекистон Республикасининг Фуқаролик кодекси, Т., «Адолат», 1996 йил.
4. Ўзбекистон Республикасининг Мехнат кодекси, Т., «Адолат», 1999 йил.
5. Ўзбекистон Республикасининг Маъмурий жавобгарлик тўғрисидаги кодекси, Т., «Адолат», 2001 йил.
6. Ўзбекистон Республикаси Жиноят кодекси, Т., «Адолат», 2001 йил.

## МУНДАРИЖА

Кириш .....	3	
УМУМИЙ ҚИСМ		
I БОБ. ИЖТИМОИЙ ТАЪМИНОТ ХУҚУҚИ ФАНИНИГ ТУШУНЧАСИ, ПРЕДМЕТИ ВА УНИНГ АСОСИЙ ВАЗИФАЛАРИ.....	7	
Ижтимоий таъминот тизимларининг вужудга келиши, ривожланиши тарихи. Ўзбекистон Республикасида ижтимоий таъминотнинг тараққий этиш босқичлари .....	7	
Ижтимоий таъминот хуқуқи фани, унинг предмети, асосий тамойиллари ва вазифалари .....	12	
Ижтимоий таъминот хуқуқи фанининг бошқа хуқуқий ва иқтисодий фанлар билан алоқадорлиги.....	23	
II БОБ. ИЖТИМОИЙ ТАЪМИНОТ ХУҚУҚИННИГ МАНБАЛАРИ.....		28
Ижтимоий таъминот хуқуқи манбалари тушунчаси ва уларнинг таснифи.....	28	
Ижтимоий таъминот хуқуқининг манбаи сифатида қонунлар ва уларнинг ахамияти.....	30	
Қонуности хужжатлари ижтимоий таъминот хуқуқининг манбаи сифатида .....	31	
Ижтимоий таъминот хуқуқи манбалари санаувчи норматив – хуқуқий хужжатларни вақт, фазо ва шахслар ўртасида амал қилиши .....	36	
III БОБ. ИЖТИМОИЙ ТАЪМИНОТГА ОИД ХУҚУҚИЙ МУНОСАБАТЛАР.....		40
Ижтимоий таъминотта оид хуқуқий муносабат тушунчаси, турлари ва юзага келиши.....	40	
Ижтимоий таъминот органлари – ижтимоий таъминотта оид хукуқий муносабат субъектлари сифатида. Бюджетдан ташқари пенсия жамғармаси ва унинг хуқуқий мақоми. Давлат солиқ хизмати органлари ва уларнинг ижтимоий таъминот муносабатла – ридаги иштироки.....	44	
Фуқароларни ўзини ўзи бошқариш органлари ижтимоий таъминот хуқуқининг субъекти сифатида .....	51	
Ҳарбий органлар ижтимоий таъминот хуқуқининг субъекти сифатида. Корхона ва ташкилотлар, касаба ўюшмаларининг ижтимоий таъминот муносабатларидағи иштироклари .....	54	
IV БОБ. МЕХНАТ СТАЖИ ВА УЗОҚ ЙИЛЛИК ХИЗМАТ		
ДАВРИ.....	61	
Мехнат стажи тушунчаси, турлари ва ахамияти .....	61	
Мехнат стажини хисоблаш ва тасдиқлаш тартиби .....	66	

Узоқ йиллик хизмат даври ва уни хисобга олишнинг хусусиятлари.....	73
<b>МАХСУС ҚИСМ.</b>	
<b>ЎЗБЕКИСТОНДА ФУҚАРОЛАРНИНГ ПЕНСИЯ БИЛАН ТАЪМИЛНИШИ</b>	
V БОБ. ФУҚАРОЛАРГА ЁШГА ДОИР ПЕНСИЯЛАР ТАЙИНЛАШ .....	77
Ёшга доир пенсиялар тушунчаси ва уларнинг фуқаролар ижтимоий таъминотида тутган ўрни .....	77
Умумий асосларга кўра ёшга доир пенсия тайинлаш ва унинг шартлари.....	80
Имтиёзли шартларда ёшга доир пенсия тайинлаш асослари .....	82
Тўлиқсиз меҳнат стажи билан хамда муддатидан олдин ёшга доир пенсия тайинлаш ва уларнинг хусусиятлари.....	93
<b>VI БОБ. НОГИРОНЛИК ПЕНСИЯЛАРИ .....</b> 98	
Ногиронлик пенсиялари тушунчаси, турлари ва фуқаролар пенсия таъминотида тутган ўрни .....	98
Ногиронликни белгилаш тартиби. Ногиронлик гурӯхлари ва ногиронлик сабаблари.....	100
Ногиронлик пенсияси тайинлаш асослари ва шартлари .....	105
<b>VII БОБ. БОҚУВЧИСИНИ ЙЎҚОТГАНЛИК ПЕНСИЯЛАРИ .....</b> 113	
Боқувчисини йўқотганлик пенсияларининг тушунчаси, ахамияти ва ижтимоий таъминот тизимидағи ўрни.....	113
Боқувчисини йўқотганлик пенсияси олишга хақли бўлган шахслар қарамоғида бўлиш.....	115
<b>VIII БОБ. ПЕНСИЯЛАРНИ ТАЙИНЛАШ ВА ТЎЛАШ .....</b> 123	
Пенсияларни тайинлашнинг умумий тартиби ва асосий қоидалари..	123
Пенсия тайинлашда ўртacha ойлик иш хақини хисоблаб чиқиш тартиби.....	128
Пенсияларни хисоблаб чиқариш .....	133
Пенсияларни тўлаш .....	136
Харбий хизматчиларга пенсия тайинлаш ва тўлаш .....	143
<b>IX БОБ. ИЖТИМОИЙ ТАЪМИНОТ ХУҶУҚИДА НАФАҚАЛАР .....</b> 151	
Нафақалар тушунчаси, уларнинг умумий таснифи ва ижтимоий таъминот хуҷуқида тутган ўрни.....	151
Давлат ижтимоий сугуртаси бўйича нафақалар, тайинлаш ва тўлаш .....	153
Бюджет хисобидан тўланадиган ижтимоий нафақалар ва уларнинг турлари.....	172
Фуқароларга бериладиган бошқа турдаги нафақалар .....	182

Х БОБ. ФУҚАРОЛАРГА КЎРСАТИЛАДИГАН БОШҚА ИЖТИ-	
МОИЙ ЁРДАМЛАР ВА ИМТИЁЗЛАР .....	190
Ахолига кўрсатиладиган ижтимоий ёрдам тушунчаси, зарурлиги ва уларнинг таснифи .....	190
Ёлғиз қариялар, ёлғиз ногиронлар ва ота – она парваришидан маж – рум бўлган болаларни давлат таъминотига олинишнинг моҳияти .....	192
Пенсионер ва ногиронларни санаторий ва курортларда даволаш .....	194
Ногиронларга протез – ортопедия буюмлари, ҳаракатланиш воситалари бериш .....	194
Мактаб ёшидаги болали оиласларга моддий ва бошқа ёрдамлар кўрсатиш .....	195
Фуқароларнинг айrim тоифаларига бериладиган ижтимоий – иктисодий имтиёзлар .....	196
 XI БОБ. ХАЙРИ – ЭХСОН ВА МУРУВВАТ ЁРДАМИ ИЖТИМОИЙ ТАЪМИНОТНИ АМАЛГА ОШИРИШ МАНБАИ СИФАТИДА .....	208
Мурувват ва хайри – эхсон ёрдами хамда унинг умумий хуқуқий тавсифи .....	208
Хайри – эхсон, мурувват ёрдами кўрсатишни хуқуқий жихатдан тартибга солиниши тушунчаси ва вазифалари .....	211
 XII БОБ. ИЖТИМОИЙ ТАЪМИНОТ СОҲАСИДАГИ ҚОНУНЧИЛИККА РИОЯ ЭТИШ ЮЗАСИДАН НАЗОРАТ ВА ЖАВОБГАРЛИК МАСАЛАЛАРИ .....	217
Ижтимоий таъминот соҳасидаги қонунчилликка риоя этишини назорат қилиш тушунчаси, назорат шакллари ва усуслари .....	217
Ижтимоий таъминотта оид муносабатларда жавобгарлик масалалари .....	220

**Й. ТУРСУНОВ, З. ШОИМХОНОВ**

## **ИЖТИМОЙ ТАЪМИНОТ ХУҚУҚИ**

*Ўзбекистон Республикаси Олий ва ўрта маҳсус  
таълим вазирлиги томонидан ўқув юртлари учун  
дарслик сифатида тавсия этилган*

Муҳаррир: М.Боллиева.

Техник муҳаррир: М. Мирзалиев.

Компьютерда саҳифаловчи: А.Боймаматов.

Босишга рухсат этилди: 09.05.03.

Ҳажми: 15 б.т. Адади: 500. Буюртма: № 158.

ТДЮИ кичик босмахонасида босилди.

Тошкент шаҳар, Сайилгоҳ 35.



Йўлдош Турсунов (1947—йилда туғилган). Тошкент Давлат юридик Институти «Хўжалик ва меҳнат хуқуқи» кафедрасида ишлайди. Ҳуқуқ масалаларига оид бир қатор дарслик—лар, қўлланмалар, китоб ва рисолалар муаллифи. «Меҳнат ҳуқуқи», «Ижтимоий таъминот ҳуқуқи», «Молия ҳуқуқи», каби ҳуқуқ соҳаларида Ўзбекистонда биринчи марта дарсликлар нашр этдирган ва уларнинг муаллифи. Бир қатор ўқув қўлланмалари, қонунчиликга шархлар устида ижодий фаолият олиб бормоқда.

Шоимхонов Зоҳиджон (1966 — йилда турғилган). Ҳуқуқшунос, Ўзбекистон Республикаси Меҳнат ва Аҳолини ижтимоий муҳофаза қилиш вазирлигига қарашли Тошкент ижтимоий таъминот юридик клиникасида ёшларга самарали таълим ва тарбия бериб келмоқда. Ўзбекистон Республикасининг органларида амалий фаолият билан шуғулланган. Ҳозирги пайтда ижтимоий таъминот ҳуқуқини ривожлантириш муаммолари устида иш олиб бормоқда.